

LITTLETONS

Tenures.

prim. 10

~~And so~~

&


Conferred with diuers true wytten
copies, and purged of sondry cases,
hauing in some places more then y au-
tour wrote, and lesse in other some,

Apud Richardum Tottel.
Cum priuilegio.

1557.



A figure of the diuision of possessions.



Fee simple.

.I.

cap. I.



Enant en fee simple est celui qui ad terres ou tenementes, a tener a luy et a ses heires a touz iours. Et est appel en latin *feodum simplex*: quia *feodum* idem est quod *hereditas*, et *simplex* idem est quod *legitimum* vel *purum*: et sic *feodum simplex* idem est quod *hereditas legitima*, vel *hereditas pura*. Car si home voile purchaser terres ou tenements en fee simple, il couient daver ceux parolx en son purchase, a aver et tener a luy et a ses heires: car ceux parolx (ses heires) sont lestat denheritance. Car si home purchase terres par ceux parolx (a aver et tener a luy a toutz iours) ou par tielx parolx (a aver & tener a luy et a ses assignes a toutz iours) en ceux deux cases il ny ad estat forsque pur terme de vie, pur ceo que il fault ceux parolx, ses heires: les queux parolx tant solement sont lestat denheritance en toutes seoffementes & grantes.

Et si home purchase terres en fee simple, et deue sans issue, chescun qui est son prochein cousin collateral de l'entier sang, de quel plus long degre

A.ii.

que

quid sit

*est estat de inheritance
sme cest parole ses heires*

*but in a. 0. d. 1. 1. 1.
to him for ever
it is in fee simple
x le*

Fee simple.

*the next cosen of the hole
blood shall inherit as
heire*

*the vnckel heire to his
nephew & not the father*

*the father heire to the
vnckel by collaterall descent
& not by lineall ascension*

*they on y^e father's side shall
inherit before the mother's side*

*Want of y^e issue on the father's
side y^e next of y^e mother's side*

que il soit de luy, poit enheriter et
auoir mesme la terre come heir a luy.

Mes si soit pier & fitz, et le pier ad
vn frere qui est vnckle a le fitz, et le fitz
purchace terre en fee simple, et morust
sans issue viuant son pier, luncle aura
terre come heir al fitz, & nemp le pier,
vncoze le pier est plus prochein de
sank: pour ceo q^{est} vn maxime en ley,
que enheritance poet linalinēt descen-
dre mes nemp ascender. Encoz si le fitz
en tiel cas morust sans issue, et son vn-
ckle entra en la terre come heir a le fitz,
sicome il deuoit par la ley, & apres lunc-
cle deue sans issue, viuant le pier, don-
ques le pier aura la terre come heir al
vnckle, et nemp come heir a lō fitz, pour
ceo que il beigne al terre par collateral
descent, et nemp par lineal ascen-
tion.

Et en tiel cas, lou le fitz purchace
terre en fee simple et deue sans issue,
ceux de son sank de parte son pier
enheriterōt come heires a luy deuant
ascun de sank de part sa mere. Mes si
ny ad ascun heir de part son pier, don-
ques la terre descendra a les heires de
part sa mere*. Mes si home pzent feme
enherite de sterres en fee simple, queux
ont issue fitz & deuiōt, & le fitz entra
en les tenementes comē fitz & heir

a sa mere, & puis deue sans issue, les
heires de part la mere doivent inheriter
les tenements, & iamaiz les heires de
part le pier: et sil ny ad aucun heir de
part la mere, donques le seignoz de que
la terre est tenus, aura la terre par es-
chete. En mesme le maner est si tene-
ments descendent a le fitz de part le
pier, et il entre a puis moust sans is-
sue, cel terre descendra as heires de
part le pier, & nemy as heires de part la
mere. Et sil ny ad aucun heir de part le
pier donques le seignoz de qui la terre
est tenus aura la terre par eschete. Et
sic vide diuersitatem, lou le fitz pur-
chaze terres ou tenements en fee sim-
ple, et lou il vient cius a tielx terres ou
tenementz, par descent de part la mere,
ou de part son pier.

Item si soient trois freres, & le mul-
nes frere purchaze terres en fee simple,
et deue sans issue, leigne frere aura la
terre par descent, et nemy le puine.

Et auxi si soient trois freres, & le pu-
ine purchaze terres en fee simple
et deue sans issue, leigne auera la
terre par descent, & nemy le mulnes,
pour ceo que leigne est plus digne de
sank.

Et est ascauoir, que nul aura terre
de fee simple par descent come heir

A.iii.

a aucun

for want of issue after the
land to revert to the lord
the father's part
No descent in herit

the land to revert to the
lord for want of issue

diversite
of the
land

the eldest brother heir by
descent & not the youngest

Fee taile.

*as some
none may inherit by issue
except he be of the hie blood*

*as some may be
the eldest heire to the eldest
brother before the other*

*the eldest heire to the eldest brother
before the other of the blood before
the other brother*

*the eldest heire to the eldest brother
if he be alive & dyed without issue*

*if he be dead & without issue
the eldest heire to the eldest brother*

*if he be dead & without issue
the eldest heire to the eldest brother
if he be dead & without issue
the eldest heire to the eldest brother*

à aucun home sinon que il soit son heir
dentier sank. Car si home ad issue deux
fitz par diuers ventres, et leigne pur-
chace terres en fee simple, et morust
sans issue, le puisne frere naura la terre
mes luncle leigne frere, ou autre son
prochein cousin, ceo aura, pour ceo
que le puisne frere est de demie sank
al cigne frere.

¶ Et si home ad issue fitz et file par
un ventre, et fitz par auter ventre, et
le fitz del p[ri]mer ventre purchace terres
en fee, et morust sans issue, la soer au-
ra la terre par descent, come heir a son
frere, et nemy le puisne frere: pur ceo
que la soer est de lentier sank a son
eigne frere.

¶ Et auxi lou home est seisi de terres
en fee simple, et ad issue fitz et file p[ar] un
ventre, et fitz par auter ventre, et mo-
rust, et leigne fitz entre et morust sans
issue, la file aura les tenements, et ne-
my le puisne fitz; ~~pur ceo~~ le puisne fitz
est heir a le pier, mes nemy a son frere.

Mes si leigne fitz ne entra en la terre
apres la mort son pier, mes morust de-
uant aucun entre fait par luy, dōques le
puisne frere poit entrer, & aura la terre
come heir a sō pier. Mes lou leigne fitz
en le cas auāt dit entra apres la mort sō
pier, et ad ent possession, dōques la soer
aura

aura la terre : quia possessio fratris de feodo simplici facit sorore esse heredem. Mais si sont deux freres per diuers ven- tures, et leigne est seisi de terre en fee, et morust sans issue , et son vncle entra come prochain heir a luy quel auxi morust sans issue, ore le puisne frere poit auer la terre come heir al vncle pur ceo que il est de l'entier sank a luy, coment que il soit de demy sank a son eigne frere.

Et est ascauoir, q̄ cest parol (enheri-
tance) nest pas tant solement entend
lon home ad terres ou tenementes par
descent de heritage, mes auxi chescun
fee simple que home ad par son pur-
chace, puit estre dit enheritāce, par ceo
que ses heires luy pouront enheriter.
Car en briez de droit que home portera
de terre, que fuit de son purchace de-
mesme, le briez dira: Quam clamat esse
ius et hereditatem suam. Et issint sera
dit en diuers autres briez que home ou
feme portera de son purchace demesme,
come il appiert par le registor.

¶ Et de tielz choses des queux home
 poit auer vn manuel occupaciō, possessi
 on, ou rescit, sicome des fres, tenemts,
 rents, et huiusmodi. la home dira en
 count countant, & en ple pledāt, que vn
 tiel suit seisi en sō demesne come de fee.

Fee taile.

Mes de tielx choses qui ne gissent en tiel manuel occupacion. &c. sicome de adueusor desglise, & huiusmodi, la il dira que il fuit seisie come de fee, & romp en son demesne come de fee. Et en latin il est en lun cas, quod talis seistitus fuit. &c. in dominico suo vt de scodo: et en l'auter cas, quod talis seistitus fuit. &c. vt de scodo.

¶ Et nota que home ne puit auer plus is ample ou greinder estate de enheritance que fee simple.

¶ Item purchace est appelle la possession de terres ou tenements que home ad par son fait, ou par son agrement, a quel possession il ne auient par title de descent de nul de ses ancestres ou de ses soursins, mes par son fait demesne.

Fee taile. Cap. 2.

Tenant en fee taile est par force de le statut de Westm. 2. ca. 1. Car deuant le dit estatut toutz enheritances fuerent fee simple: car toutes les dons que sont specifics deins mesme le statut fueront fee simple condicionel al comon ley, come appiert par le reherchal de mesme le statut. Et ore par cel statut tenant en le taile est en deux maners,

*seinte en taile fait par
le poutre mesme
Note bien se
donc 2 par home
alors par le
mors de la
par le poutre
in par le poutre.*

maners, cest ascauoir tenant en taile general, & tenant en taile special.

Tenant en taile general est lou terres ou tenemens sont dones a vn home et a ses heires de son corps engendres. En ceo cas il est dit general taile, pour ceo qui quecunqz feme qui tiel tenant espousa, sil auoit plusors femes, et par chescun de eux il ad issue, vncore chescun de lez issues par possibilite puit enheriter les tenemens par force del don, pour ceo que chescun tiel issuz est de son corps engendre.

En mesme le maner est lou terres ou tenemens sont dones a vn feme, et a les heires de son corps issantes, coment que el auoit diuers barons, vncore lissue que el poit auer par chescun baron, poct enheriter come lissue en le tail par force de tiel don: & pour ceo tielx dons sont appellees general tailles.

Tenant en taile special est lou terres ou tenementes sont dones a vn home, et a sa feme, et a les heires de lour deux corps engendres, en tiel cas nul poit inheriter par force de le don, fors qz ceux que sont engendres parenter eux deux. Et est appelle special taile pour ceo que si le feme deuie, et il pzent auter feme, et ad lissue, lissuz del second feme ne sera ia-

mais

Et si le tenant en taile general a une femme et elle a plusieurs enfans, tous les enfans ont une part de la terre. Et si le tenant en taile special a une femme et elle a plusieurs enfans, seulement l'un d'eux a la terre.

Et si le tenant en taile general a une femme et elle a plusieurs enfans, tous les enfans ont une part de la terre. Et si le tenant en taile special a une femme et elle a plusieurs enfans, seulement l'un d'eux a la terre.

Et si le tenant en taile general a une femme et elle a plusieurs enfans, tous les enfans ont une part de la terre. Et si le tenant en taile special a une femme et elle a plusieurs enfans, seulement l'un d'eux a la terre.

Feetaille.

mais enheritable par force de tiel don,
ne auxi lissue del second baron, si le pri-
mier baron deuie.

¶ En mesme le maner est lou tenemts
sont dones par vn home a vn autre
oue vn feme, que est la file ou cousin al
donour, en frank mariage : le quel don
ad vn enheritance par ceux parolz
(frākmariage) a ceo annexe, comēt que
ne soit expressement dit ou reherce en
le don, cest assauoir que les donees au-
ront les tenements a eux et a lour hei-
res parenter euz deux engendres. Et
ceo est dit especial taile, pur ceo que
lissue del second feme ne poet enheriter.
¶ Et vt supra.

¶ Et nota quod hoc verbum (talliare)
idem est q ad quandā certitudinem po-
nere, vel ad quoddam certum heredita-
mentū limitare. Et pur ceo q est limite
et mis en certain quel issue enheritera
par force de tielx donees, et come lōge-
ment lenheritance endurera, il est ap-
pelle en latin feodum talliatum .i. he-
reditas in quandam certitudinem li-
mitata: Car si tenant en general taile
moult sans issue, le donour, ou ses
heires entreront come en lour reuera-
cion.

¶ En mesme le maner est del tenant en
special taile &c. Car en chescū don en le
taile

nota

tenement

General taile
without issue
shall inherit
the whole

taille, sans plus oustre dire, le reuercio
del sce simple est en le donour. Et les
donecs & lour issue feront al donour
et a ses heires autielx seruices come le
donour fait a son seignoz prochein aluy
paramont, forpris les donecs en frank
mariage: lez queux tiēdzont quitement
de chectun maner de seruice, sinon que
soit pur sealte, tanqz le quart degre soit
passe: et apres ceo que le quart degre
soit passe, lissue en le quint degre, et is-
sint oustē lauters des issues apres luy,
tiendzōt del donour ou ses heires come
ilx teignent oustre, come il est auātdit.

Et les degres en frankmariage seront accomptz en tuel maner. s. de le donoz a les donees en frankmariage le p^rimer degre, pur ceo q^u la feme que est vn des donees couient estre file, soer, ou autre cousin a le donoz : Et de les donees tanqz a lour issue sera accompt le se-
cond degre: et de lour issue tanqz a son issue, le tierce degre: & issint oustre. &c.
Et la cause est pur ceo que apres ches-
cun tuel don les issues queux veignent de les donees apres le quart degre passe, de ambideux parties en tuel forme destre accompt, poient enter eux par la ley de saint esglise entermarier. Et que le donee en frankmariage sera dit le p^rimer degre de les quater degres,
home

Fec taile,

home poet voier en vn plee sur vn brief
de droit de gard. 30. 31. E. 3. lou le plein-
tise counta que son tresaiel fuit seisi de
certaine terre &c. & ceo tenuist dū auter
par seruice de chiualier. &c. quel dona
la terre a vn Raf Holland ouesqz sa
soer en frankmariage. &c.

Quest 2 fre n. 10
¶ Et toutz ceux tailes auantdits sont
specifies en le dit estatut de Westm. 2.
auxi sont diuers autres estates en le
taile, coment que ne sont specifies par
expresse parolx en le dit statute, mes
ilz sont prises par le equite de le dit
statut. Sicome terres sont dones a vn
home, & a ses heires males de sō corps
engendres: en tiel cas son issue male
enheritera, & issue female ne vnques
enheritera pas: vncoze en les autres
tailes auantditz auterment est.

¶ Et mesme le maner est si terres soiēt
dones a vn home & a ses heires fema-
les de son corps engendres, en cel cas
son issue female enheritera par force et
forme de le don, & nemy issue male:
pour ceo que en tielx cases des dons
faites en le taile, queux doient enheri-
ter, & queux nemy, la volonte del do-
nour sera obserue.

¶ En le cas que terres ou tenements
sont dones a vn home & a ses heires
males de son corps issuanes, & il ad
issue

Issue deux fitz, & deue, & leigne fitz en-
tra come heir male, & ad issue file & de-
ue, son frere aura la terre, et nemp la
file, pour ceo que le frere est heir male.
Mes autrement sera en les autres
tailes, queux sont specifies en le dit
statut.

¶ Auxi si terres soient dones a un
home & a les heires males de son corps
engendres, & il ad issue file, quel ad is-
sue fitz et deue, & puis apres le donee
deue, en cest cas le fitz de la file ne
enheritera pas par force de le taile:
pour ceo que quicunqz que sera enhe-
rite par force dun don en le taile fait as
heires males, couient conuier son des-
cent tout par les males: mes en
tel cas le donour poet entrer, pour ceo
que le donee est mort sans issue male
en la ley, entant que issue del file ne
puit couier a luy le descet p heir male.

¶ En mesme le maner est lon tene-
ments sont dones a un home & a la
feme & a les heires males delour deux
corps engendres. &c.

¶ Item si tenements soiēt dones a un
home, & a la feme & a les heirs del corps
del home engendres, en ceo cas le ba-
ron ad estate en le taile general, & la
feme forsqz estate pur term de vie.

¶ Item si terres soient dones a le ba-
ron

the that doth
inherit by a heir
male must touch
the descent
the heirs male
and for want of
issue male the
donour shall enter
for the land in
case without issue
male in the land
for that the heir
of the land shall
sue to touch to
him the descent
of heirs male.

Fee taile.

*How the last time
that an estate
in fee simple
for the life of the
donor is made*

*And it is in the
contrary*

*How the last time
that an estate
in fee simple
for the life of the
donor is made*

ron et a sa feme, & a les heyrz le baron
queux il engendra de corps sa feme,
en ceo cas le baron ad estate en le taile
especial, & la feme forsq pur terme de
vie.

Et si le don soit fait al baron et a sa
feme et a les heires la feme de sō corps
par le baron engendrez, donqz la feme
ad estat en especiall taile, et le baron
forsq pur terme de vie. Mes si terres
sont dones a le baron, & a sa feme, et a
les heires que le baron engendra de
corps la feme, en ceo cas ambideux ont
estat en le taile, pur ceo que cest parol
(heirs) nest linute a lun plus q̄ a lautre.

Item si terre soit done a vn home, et
a ses heires que il engendra de corps
sa feme, en ceo cas le baron ad estat en
special taile, et la feme nad riens.

Item si home ad issue fitz, et deuy, &
terre est done al fitz, & a les heires de
corps son pier engendrez, ceo est bon
taile, et vncore le pier fuit mort al tēp
de le don. Et multz autres estates en le
taile y sont par lequite del dit statut,
que icy ne sont specifies.

Mes si home done terres ou tene-
mentes a vn auter, a auer et tener a
luy & a ses heires males, ou a ses
heires females, il a qui tiel don est
fait ad fee simple, pour ceo que nest
my

ny limite p le don, de quel corps issue
male ou female issira: et issint ne puit
en ascun maner estre pris par lequitie
del dit statut: et pur cco il ad fee simple.

Tenant en taile apzès possibilitie
dissue extient. cap. 3.

Tenant en le taile apzès possibilitie
dissue extient est lou tenementes
sont dones a un home et la feme
en special taile, si lun de eux deuie sans
issue, celui qui suruesquist est tenant
en taile apzès possibilitie dissue extient.
Et silz auoient issue et lun deuie, com-
ment que durant la vie issue celui
qui suruesquist ne sera dit tenant en
taile apzès possibilitie dissue extient, un-
coze si issue deuie sans issue, issint que
ne soit ascun issue en vie qui poit enhe-
riter par force de le taile, donques celui
qui suruesquist de les donees est te-
nant en le taile apzès possibilitie dis-
sue extient.

Item si tenementes sont dones a un
home et a les heires que il engendra de
corps la feme, en cest cas la feme nad-
riens en les tenements, et le baron est
seisi come donee en lespecial taile. Et
en cco cas, si la feme deuie sans issue de son
corps engendre par son baron, donques
le ba-

Curtesie dengleterre!

le baron est tenant en le taile apres
possibilite dissue extient.

¶ Et nota que nul poet estre tenant en
le taile apres possibilite dissue extient,
forsq vn des donees, ou le donee
en lespecial taile: Car le donee en
general taile ne poet estre vnques dit
tenant en taile apres possibilite dissue
extient, pour ceo que tout temps du-
rant sa vie, il poet par possibilite auec
issue, que poet enheriter par force de
mesme le taile: et issint en mesme le ma-
nere lissue que est heir a les donees en
vn especial taile, ne poet estre dit te-
nant en taile apres possibilite dissue ex-
tient, causa qua supra.*

¶ Curtesie dengleterre. Cap. 4.

Tenant par la curtesie dengleterre
est lou home pzent femme seisie en
fee simple, ou en fee taile general,
ou seisie come heir de le taile special et
ad issue par mesme la feme, male ou fe-
male, oyes ou vis, soit lissue apres
mort ou en vie, si la feme deuie, le ba-
ron tiendra la terre durant sa vie
par la ley dengleterre. Et est appelle
tenant par curtesie dengleterre, pur
ceo que ceo n'est vse en nul autre realme
forsq tantsolement en Engleterre.

Et

Et ascuns ont dit, que si ne sera tenant par le curtesie, sinon que lenfant quil ad par sa feme soit ope crie : car par le crie est proue que lenfant fuit nee vis. Ideo quere.

¶ Dower. Cap. 5.

Tenant en dower est lou home est seisi de certain terres ou tenementz en fee simple, tail general ou come heir de le taile special, et prent feme, & deuie, la feme apres le decesse son baron sera endowe de la tierce part de tiels terres et tenementes que fuerent a son baron en aucun temps durant la couverture, a auer & tener a mesme la feme en seueraltie par metes & bondes, pue term de la vie, le quel el auoit issue par son baron ou nemy, & de quel age que la feme soit, issint que el passe lage de neuf ans al temps de le mourant son baron : car il couient que el soit passe lage de neuf ans a temps del mourant son baron, ou autrement el ne sera my endowe.

¶ Et nota que par le common ley la feme naura pur son dower forsque la tierce part des tenementes, que fueront a son baron durant les pousailles. Mes par custome dascun pais el aura la
 B. i. moite

Dower.

moitie : et par custom en ascan ville & burgh el aura lentiertie. Et en toutz tiels cases el sera dit tenant en dower.

Duxi sont deux auters maners de dower, cest ascanoir, dower que est appelle dowerment ad hostium ecclesie, et dower appelle dowerment ex assensu patris.

Dowerment ad hostium ecclesie est loiz homie de plein age seiscie en fee simple, & sera espouse a un feme, quand il vient al huyz del monaster ou delglise desirer espouse, & la apres affiance enter eux fait, il endow la feme de sa entier terre, ou de la moitie, ou dautre meindre parcel, & la ouertment declare le quantitie & la certaintie de sa terre que el aura pour son dower : en ceo cas la feme, apres la mort le baron, poet entre en le dit quantitie de terre, dont le baron luy endowa, sans auter assignement de nulluy.

Dowerment ex assensu patris est loiz le pier est seiscie de tenementz en fee, & soit fitz & heir apparant (quand il est espouse) endowe la feme al huyz de monaster ou del esglise, de parcel des terres ou tenementz son pier, de assent son pier, et assigne la quantitie & les parcelles : En ceo cas, apres la mort le fitz, la feme entrera en mesme le parcel, sans auter assignement de nulluy. Mes il ad este dit en ceo cas, que il couient a la feme daver

un

*dower ad
hostium ecclesie*

*dower ex assensu
patris*

On fait de le pier prouant son assent et
consent de cel endowment. *M. 40. E. 3.*
f. 45.

Et si apres la mort le baron el entre
& agree a aucun tiel dower de les ditz
dowers. *Ad hostium ecclesie. &c.* Don-
ques el est conclude de claim aucun au-
tre dower par la commun ley dascuns
terres ou tenementz queux fueront a
son dit baron. Mes si il voet, el poit
refuser tiel dower, *Ad hostium ecclesie*
&c. & dōques el puit estre endowe solon
le cours del commun ley.

Et nota que nul feme sera endowe
ex assensu patris en le forme auantdit,
mes lou son baron est fitz & heir appa-
rāt a sō pier. Quere en ceux. ii. cases de
dowmēt *ad hostiū ecclesie. &c.* si la feme
al temps de mort de son baron ne passe
lage de. ix. ans, si el aura dower ou non.

Et nota que en toutz cases lou le cer-
taintie appiert queux terres ou tene-
mentz feme aura pour son dower, la
feme poit entrer apres la mort son ba-
ron, sans assignement de nulluy. Mes
lou le certaintie ne appiert, sicome
de estre endowe de la tierce part dauer
en seueraltie, ou del moitie solon le cu-
stom de tener, en seueraltie: en tiels ca-
ses il couiēt que sa dower soit a luy as-
sign apres la mort del barō, par ceo que

B. ii.

non

Dower.

non constat deuant assignement, quel part des terres ou tenementes el aura pur sa dower.

E Mes si soient deux iointenantes de certein terre en fee, & lun alien ceo que a luy affiert a vn auter en fee, qui pzent feme & puis deuie, en ceo cas la feme pur son dower aura le tierce part de la moitie que son baron ad purchase, a tener en commun (come son part amountera) ouesque l'heir son baron, et ouesque l'auter iointenāt qui ne aliena pas, pour ceo que en tiel cas la dower ne puit estre assigne par metes & bondes.

E Et est ascauoir que la feme ne sera ny endowe de terres ou tenementz que son baron tient iointinent ouesque vn auter al temps de son morant: mes lou il tient en commun autrement est, come en le cas prochain auantdit.

E Et est ascauoir que si tenant en le taile endowa sa feme ad hostiū ecclesie, come est auantdit, ceo seruera pour petit ou nient a le feme, pur ceo que apres la mort son baron lissue en le taile poit entrer sur la possession la feme. Et il s'ent poit celui en le reuercion, si ne soit issue en le tail. &c.

E Auxi si home seisie en fee simple esteant deins age endowe sa feme al huyg del monaster ou del esglise, et deuie, et
sa

la feme entre, en ceo cas l'heir le baron
luy puit ouster. Mes autrement est
(come il semble) lou le pier est seisié en
fee, et le fitz deins age endowe la feme
ex assésu patris, le pier donques estant
de plein age.

¶ Auxi il y ad un autre endowment,
qui est appelle dowerment de la plus
belle. Et ceo est come en tiel cas que
home seisié de .xl. acres de terre, & il ti-
ent vint acres de les dites. xl. acres de
terre dun par service de chivaler, & les
autres vint acres de terre dun autre en
socage, et pzent feme, & ont issue fitz, &
mouzst son fitz estant deins lage de
xiii. ans, et le seignour, de qui la terre
est tenu en chivalrie, entre en les. xx.
acres tenus de luy, & eux ad come gar-
dein en chivalrie durant le nonage len-
fant, et la mere de lenfant entre en le-
reimenant, et ceo occupie come gardein
en socage: si en tiel case la feme porte
brief de Dower enuers le gardein en
chivalrie, destre endowe de les tene-
mentes tenus par service de chivaler,
en le court le roy, ou en autre court, le
gardein en chivalrie puit pleder en tiel
cas tout cest matter, et monstrier comēt
la feme est gardein en socage, come de-
uant est dit, et prier que sera aiuge par
le court que la feme luy mesme en-

B.iii.

Dowera

Dower.

Handwritten notes in French:
... la femme ne puit dedire, donques le iugement sera fait, que le gardein en chivalrie tiendra les terres tenus de luy durant le nonage l'enfant quite de la femme. &c.
... la femme puit prendre ses viceins, & en leur presence endower luy mesme par metes & bondes de la plus belle part de les tenementz que el ad come gardein en socage, daver & tener a luy pour term de sa vie : & tiel dower est appelle. Dower de la plus belle. *

Dowera de le plus belle de les tenementz, que el ad come gardein en socage, selon le valur de le tierce part que el claim daver de les tenementz tenus en chivalrie, par son brief de dower. Et si la femme ceo ne puit dedire, donques le iugement sera fait, que le gardein en chivalrie tiendra les terres tenus de luy durant le nonage l'enfant quite de la femme. &c.

¶ Et nota que apres tiel iugement don, la femme puit prendre ses viceins, & en leur presence endower luy mesme par metes & bondes de la plus belle part de les tenementz que el ad come gardein en socage, daver & tener a luy pour term de sa vie : & tiel dower est appelle. Dower de la plus belle. *

¶ Et nota que tiel dowerment ne poit estre, mes lou le iugement est fait en le court le roy, ou en auter court. &c. & ceo est pour saluacion de iestat del garden en chivalrie, durant le nonage l'enfant.

¶ Et issint poies voier cinq maners de dower. s. dower par le comen ley, dower par le custom, dower ad hostium ecclesie, dower ex assensu patris, & dower de la plus belle.

¶ Et memorandum que en chescun cas, lou home prent femme seissie de tiel estat des tenementz, &c. issint que lissue que

que il ad par la feme poit par possibilitie enheriter mesmes les tenementz de tiel estat que la feme ad, come heir al feme, en tiel cas apres la mort la feme il aura mesmes les tenementz par la curtesie dengleterre, & autrement nemp.

Et auxi en chescun cas lou la feme prent baron seisie de tiel estat des tenementz, &c. issint que si par possibilitie il puisset happer que la feme auoit ascun issue par son baron, & que mesme le issue puisset par possibilitie enheriter mesmes les tenementz de tiel estat que le baron ad, come heir a le baron, de tielx tenementz el aura sa dower, & autrement nemp. Car si tenementz sont dones a un home & les heires qui il engendra de corps la feme, en tiel cas la feme nad riens en les tenementz, & le baron ad estat forsque come donee en lespecial taile, vnt quore si le baron deue sans issue, mesme le feme sera endowe de mesmes les tenementz, pour ceo que lissue que el par possibilitie puisset auer par mesme le baron, puisset enheriter mesmes les tenementz. Mes si la feme deuiant viuant son baron, & puis le baron prent autre feme & morist, la second feme ne sera ny endowe en cest cas, causa qua supra.

Tenant a term de vie. Cap. 6.
25.iii. Tenant

Ten. a term de vie.

Tenant pour term de vie est lou
home lessa terres ou tenementz a vn
autre pour term de vie le lessée, ou pour
term de vie dun autre home: en tiel cas
le lessée est tenant a terme de vie. Mes
par commun parlance celui qui tient
pour term de sa vie domesne est appelle
tenant pour term de vie, et cestuy qui
tient pour term dauter vie, est ap-
pelle tenant pour term dauter vie.

Et est ascauoir que il y ad le fessour
et le fessée, le donour et le donee, le les-
sour et le lessée. Le fessour est proper-
ment lou home enfesse vn auter en as-
cuns terres ou tenementes en fee sim-
ple, celui qui fist le fessement est ap-
pelle fessour, et celui a qui le fessement
est fait est appelle fessée. Et le
donour est proprement lou vn home
don certeine terres ou tenementes a
vn auter en le taile, celui qui fist le
don est appelle le donour, et celui
a qui le don est fait, est appelle le
donee. Et le lessour est proprement lou
vn home lessé a vn auter certain terres
ou tenementz pour term de vie, ou pour
terme des ans, ou a tener a volunte,
celuy que fist le leas est appelle lessour,
& celui a qui le leas est fait est appelle
lessée. Et chescun qui ad estate en as-
cuns terres ou tenementz pour term
de sa

De sa vie, ou pour term d'auter vie, est appelle tenant de franktenement, & nul autre de meindre estat poet auer franktenement : mes ceuz de greindre estate ont franktenement: car cestuy en fce simple ad franktenement, & celuy en taile ad franktenement. &c.

Tenant a term dans. ca. 7.

Tenant pur term dans est lou home lessa terres ou tenementz a un autre pur term de certain ans, solō le nōbre des ans q̄ est accorde parentre le lessor & le lessee. Et quād le lessee entre p force del leas, dōquez il est tenant pur term des ans. Et si le lessor en tiel cas reserue a luy un ānuel rēt sur tiel leas, il puit eslier a distreiner pur le rent en les tenementz lesses, ou il poit auer un acciō de det pour les arerages enuers le lessee. Mes en tiel cas il couient que le lessor soit seisie de mesmes les tenementes al temps del leas: car il est bon plee pur le lessee a dire, que le lessor nauoit riens en les tenementz al temps de le leas, si non que le leas soit fait par fait endēte: en quel cas tiel plee dōques ne gist en le bouche le lessee a pleder.

Et est ascauoir, que en leas pur term dans par fait, ou sans fait, il ne besoign
ascun

Ten. a term dans.

ascun liuerie de seisin destre fait al less-
secimes il poit entrer quād il voit, par
force de m le leas. Mes de fesseintz faitz
en pays, ou dones en le taile, ou leas
pur term de vie, & en tielx casez ou frā-
tencint passera, si ceo soit p fait, ou sās
fait, il couiēt auer vn liuerie de seisin. &c
¶ Mes si home lessa terres ou tenemntz
p fait, ou sās fait, a term des ans, le re-
mainder oustre a vn auter pur term de
vie, ou en le taile, ou en fee, dōqs en tiel
cas il couient q le lessour fait vn liuerie
de seisin a l'lessor pur term dans, ou au-
termēt riēs passa a eux en le remainder,
comt q le lessor extra en les tenemntz. Et
si le termour en tiel cas entra deuant as-
cū liuerie de seisin fait a luy, donqs est
le franktenemnt & auxi le reuercion en le
lessour. Mes si il fait liuerie de seisin a
le lessor, dōquez est le frāktencint oue le
fee a eux en le remainder selon le forme
del grant, & le volunte del lessour.
¶ Et si home voile faire fesseint p fait,
ou sās fait, de terres ou tenemntz q il ad
en plusieurs villes en vn countie, le liue-
rie de seisin fait en vn parcel de les te-
nemntz en vn ville en le nosme de toutz
sufist pur toutz les auterz terres & te-
nemntz comprehendus deins mesme
le fesseint en toutz les auters villes
deins mesme le countie. Mes si home
fait

fait vn fait de fessement des terres ou tenementz en diuersz counties, la il couient chescun countie auer vn liuerie de seisin.

¶ Et en ascun cas home aura p le grant dū auter sec simple, sec taile, ou franktenement sans liuerie de seisin. Sicome deux homez sont, & chescū deuz eūt seisie dū quātitie de terre deins vn countie, & lū granta sa terre a l'auter en eschange pur la terre que l'auter ad, & en mesm le maner l'auter granta sa terē a le primer grātour en eschāge pur la terre q le premier grātour ad: en ceo cas chescun poit entrer en l'auter terre issint mysse en eschāge sās ascū liuerie de seisin: & tiel eschāge fait p parolx de tenementz deins m le countie sans escriture est assez bon.

¶ Et si les terres ou tenementz soient en diuers counties, cest ascavoir ceo que lū ad est en vn countie, & ceo que l'auter ad est en auter countie, la il couient de auer vn fait endente desir fait entre eux de tiel eschange.

¶ Et nota que en eschange il couient que les estates soyent egalles, que ambideux tieix parties aurōt en lez terres issint eschanges. Car si lun voit & grāt que l'auter auroit la terre en le taile, pur le terre q il auroit del grant de l'auter en sec simple, comient que l'auter soit agree a cel, cest eschāge est voyde pour
ccs

Ten. a term dans.

ceo que les estates ne sont my egales.
¶ En mesme maner est lou est grante
& agree enter eux, que lun aura en lun
terre fee taile, & lauter en lauter terre
forsqz a term de vie : ou si lun aura
en lun terre fee taile general, & lauter
en lauter terre fee taile special. &c. Il
sint toutz ditz il couiēt que en eschange
les estates dambideux parties soient
egales, c'est a scauoir, si lū ad fee simple
en lun terre, que lauter aura tiel estat
en lauter terre : & si lun ad fee taile en
lun terre, il couient que lauter aura
semblable estat en lauter terre : & sic de
alus statibus. Mes nest mye riens a
charger del egal value des terres. Car
comēt que la terre lun vault mult plus
que la terre de lauter, ce o nest riens a
purpos, issint que les estates par les-
change faitz soient egales. Et issint en
eschange sont deux grantz : car chescun
partie graunt sa terre a lauter en es-
change. &c. & en chescū de lour graūtes
mention sera fait de leschange.

¶ Item si home lessa terre a vn auter
pour term dans, coment que le lessour
morust deuant que le lessor entre en les
tenementz, vncore il doit entrer en mesme
les tenementz apres la mort le lessor,
pur ceo que le lessor par force de le leas
ad droit maintenant d'auer les tenementz
selon

Selon la forme de le leas . Mes si home
 fait vn fait de fessement a vn auter , &
 vn letter dattur ne a vn home a deli-
 uer a luy seisin par force de mesme le
 fait, vncoze si liuerie de seisin ne soit
 fait en la vie celui qui fesoit le fait, ceo
 ne vauld riens, pour ceo que l'auter nad
 pas ascun droit d'auer les tenementz so-
 lon le purport de le dit fait deuant le li-
 uerie de seisin. Et si nul liuerie soit fait
 donques apres la mort celui qui fist le
 fait, le droit de tieix tenementz est main-
 tenant en son heir , ou en ascun auter .
 ¶ Item si tenementz soient lesses a vn
 home pour term de demy an, ou pur le
 quarter dun an. &c. en tiel cas si le lessce
 fait wast , le lessour aura enuers luy
 brief de wast, & le brief dira: Quod te-
 net ad terminum annorum . Mes il au-
 ra vn special declaracion sur le veritie
 de son matter , & le count nabatera le
 brief, pur ceo que il ne poit auer nul au-
 ter brief sur le matter .

Tenant a volunte. cap. 8.

Tenant a volunte est lou terres ou
 tenementz sont lesses par vn home a
 vn auter, a auer & tener a luy a la
 volunte le lessour, p force de quel leas le
 lessce est en possessio: en tiel cas le lessce
 est

Ten, a volonte,

est appelle tenant a volonte, pour ceo que il nad ascū certain ne sure estat, car le lessour luy puit ouster a quel temps que il luy plerroit, vncore si le lessée enblea la terre, & le lessour apres lenbleer, & deuant que les blees sont matures, luy ousta, vncore le lessée aura les blees, & aura frank entre, egresse, & regresse a seier & de carier les blees, pur ce que il ne sauoit a quel temps le lessor doloit entrer sur luy. Autermt est si tenant pour term dans qui conuist le fine de son term enblea sa terre, & le term est fine deuant que les blees sōt matures, en ceo cas le lessour, ou celuy en la reuercion aura les blees, pour ceo que le termour conuist le certaine de sō term, & quand son term seroit finie.

¶ Et si vn mese soit lessé a vn home a tencer a volūte, p force de q̄l le lessée entre en le mese, deins q̄l mese il porta ses vtēiles de meson, & puis le lessour luy ousta, vncore il aura frank entre egresse & regresse en mesme le mese p resonable tēps, de carier ses biens & vtēiles. Si comez home seisie dū mese en fee simple, fee taile, ou pur term de vie, le q̄l ad certain biens deins mesme le mese, & fait ses executors & deuic, quicūqz apres sa mort ad le mese, vncore les executors auront frāk entre, egresse, & regresse, de carier

carier hors de mesme le mese les biens
leur testatour par resonable temps.

¶ Item si vn home fait vn fait de fesse-
mēt a vn auter de certain terre, & deli-
uer a luy le fait, mes nemy liuerie de
seisin, en ceo cas celui a qui le fait est
fait poit entrer en la terre, & tener & oc-
cupier a la volūte celui qui fist le fait,
pour ce que il est proue par les parols
del fait que il est la volūte que l'auter
aura la terre: mes celui qui fist le fait
luy poit ouster quand luy plaist.

¶ Item, si vn mese soit lessē a tener a
volūte, le lessē nest pas tenu a suslei-
ner ou reparellier les mesons, sicome te-
nant a term dans est tenu. Mes si le
lessē a volūte fait voluntary wast, si-
come en abatement des mesons, ou en
couper des arbres, il est dit que le lessor
aura de ceo enuers luy acciō de trespas
sicome ieo baile a vn home mes bēbis
a composter la terre, ou mes boeſſes a
arer la terre, & il occist mes auers, ieo
puis bien auer vn accion de trespas
enuers luy, nient obstant le baillement.

¶ Nota si le lessor sur tiel leas a vo-
lūte reserue a luy vn annuel rent, il
poit distreiner pour le rent arere, ou au-
er de ceo vn acciō de det a son elecciō.

*L'incertitude que l'on
peut avoir sur la
question de la possession*

¶ Tenant a volūte selon le
custom. Cap. 9.

Ten. a vol. solō. cust. &c.

TEnāt par copie de court rolle est
sicome home est seisie dun maner,
deins quel maner il y ad vn custom
qui ad este vse de tēps dont memoire ne
court, que certain tenantz deins mesme
le maner ont vse dauer terres & tene-
mentz, a tener a eux & a lour heires en
fee simple, ou en fee taile, ou a term de
vie. &c. a volunte la seignour, selon le
custom de mesme le maner.

Et tiel tenant ne poit aliener la terre
par fait. Car donques le seignour poit
entrer, come en chose forfait a luy. Mes
sil voit aliener sa terre a vn auter, il co-
vient selonc ascun custom de surrendre
les tenementz en ascun court. &c. en le
main le seignour, al vse celui qui aura
lestat, en tiel forme, ou a tiel effect. Ad
hanc curiam venit. A. de. B. & sursum
reddidit in eadem curia vnum mesua-
gium &c. in manus domini, ad vsuū. C
de D. & heredum suorum, vel heredum
de corpore suo exeuntium, vel pro ter-
mino vite sue. &c. Et super hoc venit
predictus C. de. D. & cepit de domino
in eadem curia mesuagium predictum
&c. habendum & tenendum sibi & here-
dibus suis, vel sibi & heredibus de cor-
pore suo exeuntibus, vel sibi ad termi-
num vite. &c. ad voluntatem domini se-
cundum consuetudinem manerii, faci-
endo

endo et reddendo inde redditus serui-
cia et consuetudines inde prius debita
et consueta. &c. Et dat domino pro fi-
ne. &c. Et fecit domino fidelitatem.

¶ Et tielx tenants sont appellez te-
nants par copie de court rolle, pour
ceo que ils nount auter euidence con-
cernant leur tenementz forsque les co-
pies des rolles du court.

¶ Et tielx tenants ne enplederont, ne
seront enpledes de leur tenementz par
brief de roy: mes s'ils voillent enpleder
autres pour leur tenementz, ils au-
ront un plaint fait en le court le seig-
neur en tiel forme, ou a tiel effect. *M.*
de B. queritur versus. C. de D. de pla-
cito terre, videlicet de vno mesuagio
xl. acris terre, quatuor acris prati. &c.
cū pertinentis, & facit protestationem
sequi querelam istam in natura brevis
domini regis assise mortis antecessoris
ad communem legem, vel brevis domi-
ni regis assise noue disseine ad commu-
nem legem, aut in natura brevis de
forma donationis in discedere ad com-
muncem legem, ou en nature dascun au-
ter brief. &c. Plegui de prosequendo. f.
G. &c.

¶ Et coment que ascuns tielx tenants
ont enheritance selon le custom del ma-
ner, vncore ils nont estat forsque a vo-
lunte

Ten. per le vierge.

lunte le seignoz solon le cours del cōmon ley. Car il est dit, si le seignoz eue eusta, ils nont autre remedy fors qz de saer a lour seignoz par petition: car s'ils auront autre remedic, ils ne seront dit tenants a volonte le seignoz solon le custom del maner: mes le seignoz ne voet estreindre le custom qui est reasonable en tiels cases. *

E Auxi sont autres tenants qui sōt appellez tenants par la vierge, et tiels tenants sont en tiel nature come tenants par le copie de court rolle. Mes la cause pour qui ils sont appellez tenants par la vierge est pour ceo que quād ils voilent surreder leur tenemēts en le main leur seignoz al vse dsi autre, ils auerōt un petit vierge par le custom en leur main: le quel ils baileront al seneschal ou al bailif solō le custom et vse del maner: et celui qui aura la terre, prendra mesme la terre en le court: et son pris sera entre en le rolle, et le seneschal ou le bailif solon le custom deliura a celui qui prent la terre mesme le vierge, ou un autre vierge en nosme del seisin: et pour cel cause ils sont appellez tenants par la vierge: mes ils nont autre euidence, sinon par copie de court rolle.

Et auxi en diuers seignozies et maners il y ad tiel custom, si tiel tenāt qui
teign

seign par custom voloit aliener ses terres ou tenementz, il puit surrender ses tenementz a le bailif, ou a le reue, ou a deux prudes homes del seignorie, al vse celuy qui aura la terre, daueu en fee simple, fee taile, ou pour term de vie. &c. Et tout ceo ils presenteront al prochain court, et donques celuy qui aura la terre par copie de court rolle, aura mesm la terre selon l'entet del surrendre.

¶ Et issint est ascauoir, que en diuers seignories et diuers maners sont plusieurs diuers customs en tiels cases, quant a prendre tenementz, & quant a pleder, & quant as autres choses & customs a faire: & tout ceo qui nest pas encontre resō poit biē estre admitte & allow.

¶ Et tiels tenants qui teignent selon le custom dun seignorie ou d'un maner, coment quils ont estate denheritance selon le custom del seignorie ou maner, vncore pour ceo que ils nōt ascū frank-tenement par le cours del comen ley ils sont appellees tenants par bas tenure.

¶ Et diuers diuersities y sōt parenter tenāt a volūte que est euis par leas son lessor par le cours del comē ley, & tenāt selon le custom del maner en la forme auātdit. Car tenant a volūte selon le custome puit auer estat denheritance (come est auātdit) all vo-

Ten, per le vierge.

lunte le seignoz selon le custom & vlsage
del maner. Mes si home ad terres ou
tenementz, queux ne sont deins tiel ma-
ner ou seignozie, ou tiel custom ad este
vse en le forme avantdit, et voille leffer
tielx terres ou tenementz a vn autre, a
auct et tener a luy et ses heires a le vo-
lunte le lessour, ceux parolx a les heires
de le lessce sont voides. Car en cest cas
si le lessce deuie, et son heire entre, le
lessour aura bon accion de trespas, en-
uers luy : mes nemy issint enuers l'heir
le tenant par le custom en ascun cas. &c.
pour ceo que le custom de le maner en
ascun cas luy puit aider de barrer son
seignour en accion de trespas. &c.

E Item lun tenant par le custom en as-
cun lieux doit repareller et sustener ses
mesons, et l'auter tenant a volunte ne-
my.

E Item lun tenant par le custom fera
fealtie, & l'auter nemy. Et plusours au-
ters diuersities sont parenter eux. &c.

Homage. Cap. i.



Homage est le plus honozable
seruice, & plus humble seruice
de reuerce, que franktenant
puit fair a son seignour. Car
quand

*Homage id est ex
Hominum
ligentur to with
by alluigraunt
Homagium
ad by fere.*

quand le tenant fera homage a son seignoz il sera disceint, & son teste discouer, & son seignoz seera, & le tenāt genulera deuant luy sur ambideux genues, et tiendra ses mains extendus & iointes ensemble entre les mains le seignoz, et issint dira : J'eo deueign vostre home de ceo iour enauant de vie, & de membre, et de terrene honoz, & a vous sera foial & loial, & foy vous portera des tenementz qui ieo claim de tener de vous, salue la foy que ie doy a nostre seignoz le roy: et donques le seignoz issint seant luy baisera.

¶ Mes si vn abbe, ou vn prior, ou vn autre home de religion fera homage a son seignoz, il ne dira: J'eo deueign vostre home. &c. pour ce qui il ad luy professe pour estre tant solement le home de dieu, mes il dira issint : J'eo vous face homage, et a vous sera foial & loial, et foy vous portera des tenementz que ieo teign de vous, salue la foy que ie doy a nostre seignoz le roy.

¶ Item si feme seule fera homage a son seignoz, el ne dira: J'eo deueign vostre feme, pour ceo qui n'est conuenient que feme dira que el deuiendra feme a aucun home forsq a son baron quand el est espouse mes el dira: J'eo face a vous homage, et a vous sera foyal et loyal, et

C. iii.

foy

Fealtie.

foy vous portera destenementz que les
teign de vous: salue la foy que ico doy
a nostre seignour le roy.

¶ Item home puit voier en vn bon no-
ta. 9. 15. C. 3. lou vn home et sa feme
fierent homage & fealtie en le comen
bank, quel est escript en tiel forme: *Nota*
qui John Leukener, & Elisabeth sa
feme fierent Homage a W. Thorp, en
cest maner, l'un & l'autre tiendront ioint-
mēt leur mains entre les mains. W. C.
& le barō dit en cest forme: Nous vous
felsons homage, & foy vous porterens
pour les tenementz que nous teignons
de A. vostre conusour, que vous ad
grante noz seruice en B. & C. & les au-
tres villes. &c. encontre toutz gents:
salue la foy que nous deuons a nostre
seignoz le roy, & a ses heires, & a
noz autres seignozs: et l'un & l'autre luy
baseront. Et puis ils fieront fealtie, et
l'un & l'autre tiendront leur mains sur
vn liure, & le baron dit les parolx, et
ambideux baseront le liure.

¶ *Nota* si vn home ad seueral tenācies
queux il tiēt de seuerals seignozs s. ches-
cū tenancie par homage, dōques quā il
fait homage a vn de ses seignozs, il di-
ra en la fine de son homage fait, salue la
foy que ico doy a nostre seignoz le roy, &
a mes autres seignozs.

Nota

Nota que nul fera homage, mes tuel
qui ad estat en fee simple, ou en fee taile
en son droit demesne, ou en droit dū au-
tre. Car il est vn maxime en ley, que il
qui ad estat forsqz pour term de vie, ne
fera homage, ne prēdra homage. Car si
feme ad terres ou tenemētz en fee siple,
ou en fee tail, queux el tiēt de sō seignoz
per homage, & prēt barō & ont issue, dō-
ques le baron en la vie la feme fera ho-
mage pour ceo que il ad tite dauer les
tenemētz par le curtesie dengleterre, sil
suruequilt la feme, & auxi il tiēt en droit
de la feme. * Mais si la feme deuie de-
uāt homage fait par le barō en la vie la
feme, et le barō soy tiēt cūc come tenāt
par le curtesie donques il ne fera ho-
mage a sō seignoz, pour ceo quil adon-
ques nad. estat forsqz pour term de vie.
¶ Puis sera dit de homage en le te-
nure par homage aunceltrēl.

Fealtie. Cap. 2.

Fealtie idē est quod fidelitas en la-
tin. Et quād franktenāt fera fealtie
a sō seignoz, il tiēdra sa main dexter sur
vn liure, et dira issint: Ceo oyes vous
mō seignoz, que ico a vous sera loyal et
loyal, et foy vous portera des tenemētz
qui ico claim a tener de vous, et que loi-
almēt vous fera les customes et serui-
ses que faire vous doy as termes

¶.iii.

assignes

Fealtie.

assignes, sicome moy ayde dieu et ses
saints: & basera le liur. Mes il ne genu-
lera quand il fait fealtie, ne fera tiel
humble reuerence, come auant est dit en
homage.

Et grand diuersitie y ad parentre fe-
sance de fealtie et de homage: car ho-
mage ne puit estre fait fors a seignoz
mesm, mes le seneschal de court le seig-
noz ou baillif puit prendre fealtie pour
le seignoz.

Item tenant a terme de vie fera fe-
altie, et vncoze il ne fera homage. Et
diuers autres diuersities y sont paren-
ter homage et fealtie.

Item home poet voier .15. E. 3. co-
ment home et sa feme firent homage &
fealtie en commun bank: quel est escript
deuant tenant en tenure de homage.

Plus sera dit de fealtie en le tenure
en socage, & en le tenure en frank al-
moign, & en le tenure par homage a un-
cestrel.

Escuage. Cap. 3.

Escuage est appelle en latin Scu-
tagium. i. seruicium scuti. Et tiel
tenant qui tient sa terre par escuage, ti-
ent par seruice de chivaler. Et auxi il
est communement dit, qui ascun tient
par vn fee de seruice de chivaler, et as-
cun

ten par le moitie dun fee de seruiſſe de
chivaler. &c Et il eſt dit qui quand le
roy face voiage roial en Eſcoce pour
ſubduer les Scottes, donques il
qui tient par vn fee de ſeruiſſe de chiva-
ler couient eſtre oue le roy par .xl. iours
bien & couenablement araye pour le
guerre. Et celuy qui tient ſa terre par
le moitie dun fee de chevaler couient
eſtre oue le roy par .xx. iours. Et il qui
tient ſa terre par le quart part dun fee
de chevaler, couient eſtre oue le roy par
dix iours: & iſſint qui plus plus, & qui
meins moins.

¶ Mes il appiert par les piers & argu-
mentz faitz en vn bon plee ſur brieſ de
detinue de vn eſcript obligatorie port p
vn. H. Gray. C. 7. E. 3. que ne beſoign
a celuy qui tient par eſcuage de aler
oue le roy luy meſme, ſil voile trouer
vn autre parſon able pour luy, couena-
blement araye pour le guerre, de aler
oue le roy. Et ceo ſemble eſtre bon rai-
ſon: car poit eſtre qui celuy que tient
par tielx ſeruiſſes eſt languissant, iſſint
qui il ne poit aler, ne chivaucher. Et
auxi vn abbe, ou autre home de religi-
on, ou feme ſoule qui tient par tielx ſer-
uiſſes, ne doit en tiel cas aler en proper
parſon. Et ſir W. Herle ad vnquez chief
Juſtice de comen bank, diſoit en tiel
plee

Escuage.

plee, que escuage ne sera grante mes
lou le roy alast luy mesme en son pro-
per parson. Et fust demurē en iudge-
ment en mesme le plee le quel les .xl.
iours seront accompts de le pmiere
iour del monstre de hoste le roy fait
par les summones & par commande-
ment le roy, ou de le iour que le roy pri-
mes entra en Escoce. Ideo quere de
hoc.

Et apzès tiel viage royal en Escoce
il est communement dit, que par auc-
toritie de parlement l'escuage sera
assesse & mise en certain .s. certain
summe d'argent, quant chescun que ti-
ent par entier fee de service de chivaler
quil ne fait par luy mesme, ne par un
auter pour luy, ouc le roy, paiera a
son seignour de qui il tient la terre par
escuage. Sicome mittomus que il
fuit ordeign par auctoritie de la par-
lament que chescun que tient par entier
fee de service de chivaler, que ne fuit
ouc le roy, paiera a son seignour .xl s.
donques celui qui tient par moitie dun
fee de chivaler ne paiera a son seignour
fors .xx. s. & celui que tient par la
quart part de fee de chivaler ne paie-
ra fors .x. s. & sic qui plus plus, & qui
meins moins.

Et aucuns seignent par le custumz,
que

que si lescuage courge par auctoritie de parlement a ascun summe de money, ils ne paieront forsque le moitie de ceo: & ascuns teignent, quilz ne paieront forsque le quart part de ceo. Mes pour ceo que lescuage quilz paieront est non certain pour ceo que nest certain coment le parlement assellera lescuage, eux teignent par service de chivaler. Mes autrement est de lescuage certain, de qui sera parle en le tenure par socage.

¶ Et si home parle generalment descuage il sera entendus par le comon parlance descuage non certain qui est service de chivaler. Et tiele escuage trait a luy homage, & homage trait a luy fealite: car fealite est incident a chescun maner de service, forsque a le tenure en frank almoign, come sera dit apres en le tenure de frank almoign. Et issint il qui tiēt par escuage tient par homage, fealite, & escuage.

¶ Et est ascavoir que quant escuage est tielement asselle par auctoritie de parlement, chescun seignour de qui la terre est tenus par escuage, aura lescuage issint asselle par parliament, pour ceo que il est entendus par la ley, que au commencement tiele tene-
mentz fuerōt dones par les seignours a
les

Handwritten notes:
 ... to offer
 ... to move
 ... to the manor of ...
 ... to the manor of ...
 ... to the manor of ...

Escuage.

les tenants de tener par tielx seruices a
defender lour seignors, auxibien come
le roy, et mettre en quiet lour seig-
nors & le roy de les Scottes auãditz.
Et pour ceo que tielx tenementz deu-
endront primes des seignours, il est re-
son qui ilz auront lescuage de lour te-
nantz. Et lez seignourz en tiel cas pur-
ront distreiner pour lescuage issint as-
selle, ou ilz en aucun cases purront auer
brief le roy direct aux viscountz de
mesmes les counties. &c. de leuer tiel
escuage pour eux, sicomme appiert par le
register. Mes de tielx tenantz queux
teignent par escuage de roy, queux ne
fueront oue le roy en Escocce, le roy
mesme aura lescuage.

Item en tiel cas auantdit lou le roy
face un viage royal en Escocce, & lescu-
age est asselle par parlement, si le seig-
nour distreign son tenant qui tient de
luy par seruice dentier fee de chivaler
pour lescuage issint asselle. &c. & le tenãt
plede, & voit auerrier quil fuit oue l'roy
en Escocce &c. par .xl. iours, & le seignour
voit auerrier le contray, il est dit que
il sera tris par le certificacion del mar-
shal de l'hoste le roy en escript south son
seale, qui sera mise a les Justices.

Service de chivaler. Cap. 4.
Tenure

Tenure par homage, fealtie, & es-
cuage, est a tener par seruice de
chivaler, & treit a luy gard, mari-
age, & relief. Car quant tiel tenant mo-
rust, & son heir male estant deins lage
de .xxi. ans. le seignoz aura la terre te-
nus de luy tanqz al age del heir de .xxi.
ans. le quel est appelle plein age, pour
ceo que tiel heir par entendement de ley
nest pas able de faire tiel seruice de chi-
ualer deuant lage de .xxi. ans. Et auxi
si tiel heir ne soit marie al temps de
mort de tiel ancesster, donques le seig-
noz aura le gard, & le mariage de luy.
Mes si tiel tenant deue, son heir fe-
male estant dage de .xiii. ans ou de
plus, donques le seignoz naura my le
gard de terre, ne de corps, pour ceo que
feme de tiel age poit auer baron able
de faire seruice de chivaler. Mes si tiel
heir female soit deins lage de .xiii. ans,
& nient marie al temps de la mort son
ancesster, donques le seignoz aura le
gard de la terre tenus de luy tanqz al
age de tiel heir female de .xvi. ans, pour
ceo que il est donc par lestatut de Welk.
1. ca. 22. que par .ii. ans proschein ensu-
antz les ditz .xiii. ans, le seignoz poit
tender couenable mariage sans dispe-
ragement a tiel heir female. Et si le
seignoz deins les ditz .ii. ans ne luy
tend

Seruite de chiualer.

tend tiel mariage. &c. donques el al furs
des ditz. ii. ans, poit entrer & ouster son
seignoz. Mes si tiel heir female soit ma-
rie deins lage de. xiiii. ans en la vie son
ancester, & son ancester deuie, il estant
deins lage de. xiiii. ans, le seignoz nau-
ra forsqz le gard de la terre, iusques al
fine de. xiiii. ans d'age de tiel heir female
& donques son baron & luy poient en-
trer en la terre & ouster le seignoz : car
ceo est hors de cas de le dit estatut, en-
tant que le seignoz ne poit tendre ma-
riage a luy qui est marie. &c. Car deuât
le dit estatut de west. i. tiel issue female,
qui fuit deins lage de. xiiii. ans al tēps
de mort son ancester, & puis qui el a-
uoit complis lage de. xiiii. ans sans as-
cun tender de mariage par le seignour
a luy, tiel heir female donques puiroit
entrer en la terre, & oustre le seignoz,
sicome appiert par le rehersal & paroles
de le dit statut, issint que le dit statut
fuit fait en tiel caz tout pour l'auantage
des seignourz, come il semble. Mes vn-
core ceo toutz foitz est entendue par les
parolx de mesme le statut, que le seig-
noz naura les deux ans apres les. xiiii.
ans, come est auantdit. Mes loutis
el heir female soit deins lage de. xiiii.
ans, nient marie al temps de mort son
ancester.

Nota

Nota que le plein age de male & female selon le comen parlance est dit lage de .xxi. ans. Et lage de discrecion est dit lage de .xiii. ans : car a tiel age lenfant qui est marie deins tiel age a un feme, poit agreer a tiel mariage, ou dis-agreer.

Et si le gardein en chivalrie maria un foitz le gard deins lage de .xiii. ans, a un feme, & puis sil al age de .xiii. ans, disagre a le mariage, il est dit par ascuns, que lenfant nest pas tenu par la ley destre auterfoitz marie par son gardein. pour ceo que le gardein auoit un foitz le mariage de luy, & pour ceo il fuit hors de son gard, quant al gard de son corps. Et quant il auoit un foitz le mariage de luy, & un foitz fuit hors de son gard, il naura plus auant le mariage de luy.

En mesme le maner est si le gardeyn luy maria, & la feme deuie, estant lenfant deins lage de .xiii. ans, ou .xxi. ans.

Et que tiel enfant poit disagreer a tiel mariage, quand il vient al age de .xiii. ans, il est proue par les paroles del statut de Hertton capi. 6. que il sint dit: De dominis qui marita-uerint illos quos habent in custodia sua villanis, vel aliis, sicut burgensibus
vbi

Seruice de chiualer.

Ubi disperagentur, si talis heres fuerit infra. xii. annos, et talis etatis quod matrimonio consentite non possit, tunc si parentes illius conquerantur, dominus amittat custodiam illam usque ad etatem heredis, & omne commodum quod inde receptum fuerit, conuertatur ad commodum heredis infra etatem existentis, secundum dispositionem parentum, propter deducum ei impositum. Si autem fuerit. xiiii. annorum, & ultra, quod consentire possit, & tali matrimonio consenserit, nulla sequatur pena. Et issint il est prouepar mesme lestatut que nul disperagement est, mes lou cestuy qui est en gard est marie deins lage de. xiiii. ans.

Nota que il soloit estre question comment ceux parolx seront entendes. Si parentes conquerantur &c. Et il semble que ilz seront entendus, si parentes conquerantur. i. si parentes inter eos lamentantur, ou est a tant a dire que si les cosins de tiel enfant ont cause de faire lamentacion ou complaint entre eux pour le honte fait a leur cosin issint disparge, quel est en maner un honte a eux, donques puit le prochain cosin, a qui lheritage ne puit discender, entrer & ouster le gardein en chiualerie. Et sil ne voile, un autre cosin del enfant ceo puit

puit faire, & les issues & profits pzedre
al vse del enfant, & de ceo render ac-
compt al enfant quand il vient a son
plein age, ou autrement lenfant deins
age puit entre luy mesme, & oustre le
gardein &c. Sed quere de hoc.

¶ Item multz autres diuers dispe-
ragements y sont, qui ne sont specifiés
en mesme lestatut, come si le heir qui
est en gard est marie a vn qui nad forsqz
vn pec, ou forsqz vn main, ou qui est de-
foyme, decrepite, ou aient horrible dis-
case, ou grand continuel infirmité, & (si
soit heir male) si soit mary a feme qui est
passe lage denfater. Et multz auts ca-
ses de disperagemets sont. Sed de illis
quere, car il est bon maner dappender.

¶ Et des heires males qui sont deins
lage. xxi. ans apres la mort lour âcestre
ment maries. en tiel cas le seignoz au-
ra le mariage de tiel heir, et aura tempz
& space de tender a luy conuenable ma-
riage sans disperagement deins mesme
le tempz de. xxi. anz. Et est ascauoir que
l heir en tiel cas poit eslier sil voit estre
marie ou non. Mes si le seignoz qui est
appelle gardein en chivalrie a tiel heir
tend couenable mariage deins lage de
xxi. ans, sans disperagemet, & l heir ceo
refusa, & ne soy marie deins le dit age,
donques le gardein aura la value del

D. i.

ma-

Un mariage m...

Service de chivaler.

in mariage de tiel heir male: Mes si tiel heir luy mesme maria deinz l'age de .xxi. anz encōtre la volūte le gardein en chivalrie donqs le gardein aura le double value del mariage par force de lestatut de Herton quantbit, come en mesme lestatut est comprisē puis a pleur.

¶ Item diuers tenantes teignant de lour seignors par service de chivaler, et vncore ilz ne teignent par escuage, ne paieront escuage, come ceux qui teignent de lour seignors par castel gard, cōtascavoir a garder vn toure del castel lour seignoz, ou vn huis, ou vn autre lieu del castel par reasonable garnishment, quand lour seignors oyont que enemies boillent venir ou sont venus en Engleterre. Et en plusors autres cases home poet tenir par service de chivaler, & vncore il ne tient par escuage ne paiera escuage, sicome sera dit en le tenure par grand sergeantie. Mes en toutz cases ou home tient par service de chivaler, tiel service treit al seignoz gard, & mariage.

¶ Et si vn tenant, qui tient de sō seignoz par service de entier fee de chivaler, morust, son heir donqs estant de plein age. s. de .xxi. anz, dōques le seignoz aura. C. s. pur relief: & del heir celui qui tient par le moite dun fee de chivaler

*tenure de chivaler
par service de chivaler
ou mariage*

et fine

chivaler. l. s. & de celui qui tient par le quart part de fee de chevaler. xxv. s. & de celui qui plus plus, & qui moins moins.

¶ Item home poit tener sa terre de son seignoz par le service de deux fees de chevaler: & dōques l'heir estant de plein age al temps de mort son ancestre paiera a son seignoz. x. li. pour relief.

¶ Nota si soit aiel, mere, & fitz: & la mere morust viuant le pier de le fitz, & puis laiel qui tient sa terre par service de chevaler morust seisi, & la terre descendist al fitz la mere, come heir al aiel, qui est deins age: en cest cas le seignoz aura le gard de la terre, mes nemp le gard del corps del heir pour ceo qui nul sera en gard de son corps a aucun seignoz viuant son pier pour ceo q̄ le pier durāt sa vie aura le mariage de son heir apparant, et nemp le seignoz. Autrement est, si le pier est mort, viuant la mere, lou la terre tenus en chivalrie descendist al fitz de part son pier &c. *

¶ Nota il y ad gardein en droit en chivalrie, & gardein en fait en chivalrie. Gardein en droit en chivalrie est lou le seignour par cause de son seignourie est seisi de gard de terre & del heir vt supra. Gardein en fait en chivalrie est lou en quel cas le seignoz apres son seiso, grante par fait, ou sans fait, le gard del terre

D. ii.

ou

Socage.

ou del heir ou dābideux a vn autre, par
force de quel graunt le grauntee est en
possession, donques est le grant le ap-
pelle, gardein en fait.

¶ Socage. Cap. 5.

Tenure en socage est lou le tenant
tient de son seignoz son tene ment
par certain seruice pour toutz ma-
ners de seruices, issint que les seruices
ne sont pas seruices de chiualler, si-
cōme lou home tient sa terre de son
seignoz par fealtie et par certain rent
pur toutz maners des seruices, ou lou
home tient par homage, fealtie, et cer-
tain rent pour toutz maners de serui-
ces, ou lou il par homage & fealtie pour
toutz maners de seruices: car homage
par soy ne fait pas seruice de chiualler.
¶ Item home puit tener de son seig-
nour par fealtie tantum: & tiel tenure
est tenure en socage. Car chescū tenure
que n'est pas tenure en chiualler est
tenure en socage.

¶ Et il est dit, que la cause pur qui tiel
tenure est dit, et ad le nosme de tenure
en socage est ceo, quia socagium idem
est quod seruitium socce, et soca idem est
quod caruca. s. vn soke ou vn caruc. Et
en auncient temps deuant la luitaciō
de

*Oratio 10. in fin
in hoc mundo
Socage in fine tenent
Socage in fine tenent
Socage in fine tenent*

De temps de memorie grand part de
les tenants, qui tiendront de leur seig-
nours par socage, deuoient venger oue
leur sokes, chescun de les ditz tenants
par certain iours par an, pour arer &
semer les demeins le seigneur, et pour
ceo qui tielx ouerages fuerent fait pour
le viuer & sustenance de leur seignors,
ilz fueront quites enuers leur seignors
de toutz maners de seruiçes. &c. Et
pour ceo que tielx seruiçes fuerôt faitz
oue leur sokes, tiel tenure fuit appelle
tenure en socage. Et puis apres tielx
seruiçes fueront chāges en deniers par
consent des tenants, & par desir des
seignors. s. en un annuel rent &c. Mes
vncore le nosme de socage demourt. Et
en diuers lieux les tenants vncore font
tielx seruiçes oue leur sokes a leur seig-
nours, issint que toutz maners de te-
nures qui ne sont pas tenures par ser-
uice de chivaler, sont appellees tenures
en socage.

120

Item si home tient de son seigneur
par escuage certain. & en tiel forme
quant lescuage courge & est assesse par
parlement a greindre somme ou meins-
dre somme, que le tenant paiera a son
seigneur forsq demy marc. pour escuage
& nient plus ne meins a quel grand
somme, ou a quel petit somme que les-

14/10/12/

2/10

14/10/12/ et nient

Socage.

en ceo cas purces
que la somme quil
paiera pur lescuage
est en certeyn ~~denant~~
devant qui aucun
escuage est assesse

enage cource, & tiel tenure est tenure
en socage, & nemy service de chival-
rie. Mes lou la somme qui le tenant
paiera pour lescuage est non certain. ^{u/}
lou il poct estre que le somme q le te- ^{ey/ sal.}
nant paiera pour escuage a son seignoz ^{ue/}
poct estre a un foitz le greindre, & a au- ^{e/}
tre foitz le meindre, selon ceo que est ^{ques/}
assesse. &c. donques tiel tenure est tenure ^{n/}
par service de chivaler. ^{es/}

^{m/}
^{ey/ n/} chatell

^{un/}
^{ey/} chatell
^{e/}

^{121/} Et si home tient la terre pour pater
certeyn rent a son seignoz pur ~~castel~~ gar-
der, tiel tenure est tenure en socage.
Mes lou le tenant doit par luy mesme,
ou par un autre, faire ~~castel~~ garde tiel te-
nure est tenure par service de chivaler.

^{ey/}

^{122/} Item en toutes cases lou le tenant
tient del seignour a paier a luy aucun
certeyn rent, cel rent est appelle rent
service.

^{u/}

^{123/} Item en tielx tenures en socage, si le
tenant ad issue, & deute, son issue estant ^{e/}
deins l'age de .xiii. ans, donques le pro-
chein amy del heir, a qui l'heritage ne
poct descendre a luy la garde de la terre
& del heir iusques al age del heir de .xiii.
ans: & tiel gardeyn est appelle gardeyn
en socage. Car si la terre descendist al
heir de part le pere, donques la mere,
ou autre prochain cousin de part la
mere, a luy la garde. Et si terre descen-
dist

^{ve/}
^{ques/}

^{s/}
^{ve/}

dist al heire de part la mere, donq le
 pere, ou le prochain amy de part le pere
 aura la garde de tielx terres ou tene-
 ments. Et quand l'heir vient al age de
 xiiii. ans complete, il poet entrer & ou-
 rre le garden en socage, et occuper la
 terre luy mesme si boet. Et tiel gardein
 en socage ne prendra ascuns issues ou
 profitz de tielx terres ou tenements a
 son vse demesne, mes tantsolement al
 vse & profit del heir; & de ceo il vendra
 accompt al heir quand pleast al heir a-
 pres ceo qui l'heir accomplis l'age de
 xiiii. ans. Mes tiel gardein sur son ac-
 compt aura allowance de toutz les re-
 sonable costz & expences en toutz cho-
 ses. &c. * Et si tiel gardein maria l'heir
 deins. xiiii. ans, il accomptera al heir
 ou a ses executours, de value del mari-
 age, coment qui il ne pult riens pour le
 value del mariage, pour ceo quil sera
 rette sa folz demesne, qui il luy voloit
 marier sans prendre le value del mari-
 age, sinon que il luy maria a tiel mari-
 age que est tant en value come le mari-
 age del heir. &c.

124 *¶* Et se li ascun autre home, qui n'est pas
 prochain amy occupe les terres ou te-
 nements del heir, come garden en socage,
 il sera cōpelle de rendre accōpt al heir,
 auxi biē sicome il fuisset prochain amy;

Socage.

Car il n'est pas plee pour luy en brief
dacompt, a dire quil il n'est prochein
amy. &c. mes il respondra, le quel il ad
occupie les terres ou tenements come
gardein en socage, ou nemy. Sed quere
si apres ceo que l'heir ad complis lage
de. xliii. ans, & le garden en socage con-
tinuelment occupia la terre tanqz l'heir
vient al plein age. s. de xxi. ans, si l'heir
a son plein age aura accion dacompt
enuers le gardein del temps que il oc-
cupia apres les ditz. xliii. ans come en-
uers gardein en socage ou enuers luy
come son bailif.

Item si garden en chivalrie face ses
executours & deuie, l'heir estant deins
age. &c. les executours aueront le gard
durant le nonage. &c. Mes si gardein en
socage face ses executours & deuie, l'heir
estant deins lage de. xliii. ans, ses exe-
cutours nauront pas le gard: mes un
auter prochein amy, a qui l'heritage ne
poet ny descendre, aura le gard. &c. Et
la cause de diuersite est pour ceo que
gardein en chivalrie ad le gard a son
propze vse, et gardein en socage nad le
gard a son vse, mes al vse del heir.
Et en cas lou le gardein en socage de-
uie deuant aucun accompt fait par luy
al heir, de ceo le heir est sans remedie
pur ceo que nul brief dacompt gist en-
uers

vers les executoirs, si non par le roy
solement.

Item le seignoz, de qui la terre est
tenus en socage, apres la mort son te-
nant aura relief en tiel forme. Si le
tenant tient par fealtie & certain rent
a paier annuellement. &c. si les termes
de paiement sont a paier par deux
termes del an, ou par quatre termes
del an, le seignoz aura del heir son te-
nant tant come le rent amounta qui il
paia par an: Si come le tenant tient de
son seignoz par fealtie et .x. s. de rent
payable a certain termes del an, donqs
l'heir paiera al seignoz .x. s. pour relief,
oultre les .x. s. que il paiera pour le rē.

* Et en tiel cas apres la mort le tenāt,
tiel relief est due al seignoz maintenāt,
de quel age que l'heir soit, pour ceo qui
tiel seignour ne poit auer le gard du
corps ne de terre le heir. Et le seignoz
en tiel cas ne doit attendre a le paier
de son relief, solon les termes, & iours
de paiment de le rent, mes il doit auer
son relief maintenant. Et pour ceo il
poet encontinent distreiner apres le
mort son tenant, pur relief.

En mesme le maner est lou le tenant
tient de son seignoz par fealtie & vn li.
de peper, ou de comin, & le tenāt morust
le seignour aura pour relief vn li. de
comin

Socage.

comin, ou vn. li. d. pepper, oultre le co-
mon rent, en mesme le maner est lou te-
nât tient a paier par an certain num-
bre de chapons, ou de galines, ou vn
paire de gantes, ou certain busselx de
frument, & huiusmodi.

¶ Mes en ascun cas le seignour doit
demurrer a distreiner pour son relief,
iusques a certain temps. Sicomme le te-
nant tient de son seignour par vn rose,
ou par vn bussel de roses, a paier al
feast de natiuitie de saint Iohn Bap-
tist: si tiel tenant deuie en puar, donqz
le seignour ne poit distreigner pour s^{on}
relief, tanqz al temps que les roses par
le cours del an poient auer leur creller.
ec. & sic de similibus.

¶ Item si ascun voil demander, pour
qui home poet tener de son seignour
par fealtie tantsolement pour toutes
maners des seruices, en tant que quâd
le tenant fera fealtie il iurera a son
seignour qui il fera a son seignoz toutz
maners des seruices dues, & quand il
ad fait fealte, en tiel case nul auter ser-
uice est due. A ceo il poet estre dit que
lou vn tenât tiêt la terre de s^{on} seignoz
il couient qui il doit faire a son seignoz
ascun seruice: car si le tenant ne ses
heirs deuient faire nul maner de ser-
uice al seignour ne a les heirs donqz
par

par long temps continue il seroit hors de memoire & de remembrance le quel la terre fuit tenu de le seignour ou de ses heirs ou nemy: & donques plus tost & plus rediment boillont homes dire que la terre nest pas tenu del seignour ou de ses heirs, que autrement: & sur ceo le seignour perdra son eschete de la terre, ou par cas auter forsfaiture ou profit que il poit auer de la terre. Ilunt il est reason que le seignour & ses heirs ont ascun seruice fait a eux, pour prouuer & testifier que la terre est tenu de eux. Et pour ceo que fealtie est incident a toutz maners tenures, forspis le tenure en frankalmoigne, sicome sera dit en le tenure de frankalmoigne, et pour ceo que le seignour ne voloit al commencer del tenure auer ascun auter seruice forsqz fealtie: il est reason que home poet tener de son seignour par fealtie tantselement, & quand il ad fait son fealtie, il ad fait toutz ses seruices.

Item si vn home lessa a vn auter pour terme de vie certain terres ou tenementes sans parler de ascun rent rendre a le lessour, vncore il sera fealtie a le lessour pour ceo quil tient de luy. Auxi si vn leas soit fait a vn home pour terme de anz, il est dit que le lessor

Frankalmoigne.

Leſſee fera fealtie a le leſſoz, pour ceo
quil tient de luy, & ceo eſt prouue biē par
les parolx de brief de waſt, quand le
leſſoz ad cauſe de porter brief de waſt
enuers luy, le quel brief dira, q̄ le leſſee
tient les tenements de le leſſoz pour
term dās: iſſint le brief proua vn tenure
entre eux. Mes ceſtuy qui eſt tenant a
volunte ſolon le cours del comen ley ne
fera fealtie, pour ceo que il nad aſcun
ſure eſtat. Mes autrement eſt de tenāt
a la volunte ſolon le cuſtome del maner
pour ceo quil eſt obligē pour faire feal-
te a ſon ſeignoz pour deux cauſes: lun
eſt par cauſe del cuſtome, & lautre eſt
pour ceo quil priſt ſō eſtat en tiel forme
pour faire a ſon ſeignoz fealtie.

¶ Frankalmoigne. Cap. 6.

Tenant en frankalmoigne eſt lou
vn abbe, ou prioz, ou vn autre
home de religion ou de ſaint es-
gliſe tient de ſon ſeignoz en frankal-
moigne que eſt a dire en latin in libe-
ram elemoſinam. Et tiel tenure com-
mence ad priues en ancien temps en
tiel forme. Quand vn home en ancien
temps fuit ſeiſi de certain terres ou te-
nements en ſon demesne come de fee, &
de meſme les terres ou tenementes en
feſſa

feffa vn abbe & son couent ou vn pri-
er. &c. a auer & tener a eux & a leur
successeurs a toutz iours, en pure & per-
petuel almoigne, ou en frankalmoigne
ou par tielx parolx a tener de le grantor
ou de le fessor & de ses heirs en frankal-
moigne en tielx cases les tenements
sont tenus en frankalmoign.

Et mesme le maner est lou terres ou
tenements fueront grants en auncient
temps a vn deane & chapiter & a leur
successeurs, ou a vn person dun esglise, &
a ses successors, ou a ascun auter home
de seint esglise & a ses successors en frāk
almoigne, si il auoit capacite d'apren-
dre tielx grants ou fessments. &c.

Et tielx qui teignent en frankal-
moigne sont obliges de droit deuant
dieu de faire orisons, priers, messes, &
autres diuine seruices pur les almes
de leur grantors ou fessours, et pour
les almes de leur heirs queux sōt mortz
& pour le prosperitie & bon vie & bon
salut de leur heirs que sont en vie. Et
pour ceo ilz ne feront a nul temps as-
cun fealtie a leur seignoz, pour ceo que
tel diuine seruice est melior pour eux
deuant dieu que ascun fesance de feal-
tie : & auxi pour ceo que ceux parolx
(frankalmoigne) exclude le seignoz da-
uer ascun terrein ou tempozal seruice,
mes

Frankalmoigne.

mes datter tantsolement diuine & spiri-
tuel seruice destre fait par luy. &c.

Et si tielz qui teignōt lour tenemēts
en frankalmoigne ne voilont ou failōt
de faire tiel diuine seruice (come est dit)
le seignoz ne poet eux distreigner pour
cel non fescance, &c. pour ceo quil nelt
mis en certain quels seruices ils doient
faire: mes le seignoz de ceo poet com-
plainer a lour ordinarie ou vilitoz, luy
prianant qui il voilleit mettre punishe-
ment & correccion de ceo, & auxi de pro-
uider qui tiel negligence ne soit plus
auant fait. &c. Et loydinarie ou vilitoz
de droit ceo doit faire. &c.

Mes si vn abbe ou priour, tient de
son seignour par certain diuine seruice
en certain destre fait, si come a chanter
vn messe chescun vendredie en le se-
main pur les almes vt supra, ou chescū
an a tiel iour a chaunter *M*placebo & di-
rige &c. ou de trouer vn chaplein de
chaunter messe &c. ou de distributer en
almoigne a. *C.* pour .xs. homes. *C.* deni-
ers a tiel iour: en tiel cas si tiel diuine
seruice ne soit fait, le seignoz puit dis-
traigne. &c. pour ceo que le diuine ser-
uice est mise en certain par lour tenure
quel le abbe ou priour deuoit faire. Et
en tiel cas le seignoz aura sealtie. &c.
come il seble, Et tiel tenure nelt pas dit
tenure

tenure en frankalmoigne, eings est dit
tenure par diuine seruice: car en tenure
en frankalmoigne nul mencion est fait
d'ascun maner de seruice, car nul poit
tener en frankalmoigne, si soit expresse
ascun maner de certain seruice que il
doit faire. &c.

Etem si soit demaund, si tenant en
frankmariage fera fealtie a le donour
ou a ses heirs deuant le quart degre
passe. &c. il semble que cy. Car il n'est
pas semble quant a cel entent a tenant
en frankalmoigne, pour ceo que tenant
en frankalmoigne fera par cause de sa
tenure diuine seruice pour son seig-
nour, come deuant est dit, & ceo il est
charge a faire par la ley de saint esglise,
& pour ceo il est excuse & dischARGE de
fealtie: Mes tenant en frankmariage
ne fera pour son tenure tiel seruice,
& sil ne fera fealtie donques il ne
fera a son seignour ascun maner de
seruice, ne spiritual ne tempo-
ral, le quel seroit enconuenient & en-
conterreason, que homie sera tenant
de feat denheritance a vn auter & vn-
coze le seignour aura nul maner ser-
uice de luy, & issint il semble que il fera
fealtie a son seignour deuant le quart
degre passe. Et quand il ad fait fealtie,
il ad fait toutes ses seruitices,

Et

Frankalmoigne.

Et si vn abbe tient de son seignoz en frankalmoigne, & labbe & le couent south lour comon seale alien mesme le tenement a vn seculer home en fee simple, en ceo cas le seculer home fera fealtie a le seignoz, pour ceo que il ne poit tener de son seignoz en frankalmoigne. Car si le seignoz ne doit auer de luy fealtie, donqz il aura nul maner de seruiçe: qui seroit inconuenient, lou il est seignour, & le tenement est tenuz de luy.

Item si home graunta a cel iour a vn abbe ou a vn priour terres ou tenemētz en frankalmoigne, ceux parolx (frankalmoigne) sont voides, pur ceo q̄ il est ordein par lestatut q̄ est appelle, Quia emptores terrarū, quel estatut fuit fait An. 13 E. 1. que nul poit alier ne grāter terres ou tenements en fee simple de tener de luy mesme, issint si home seisi de certain tenemētz queux il tiēt de sō seignoz par seruiçe de chiualler, & a cel iour il. &c. granta par licēce mesme les tenemētz a vn abbe &c. en frākalmoign, labbe tiendra immediat mesmes les tenements par seruiçe de chiualler de mesme le seignoz de que son grantor tenoit, & ne tiendra iny son grantour, par cause de mesme lestatut, issint que nul poit tener en frankalmoigne
sinon

finon qui soit par tittle de p̄scripcion,
ou par force de grant fait a ascun de ses
predecessors deuāt que mesme lestatut
fuit fait. Mes le roy poet doner terres
ou tenements en fee simple a tener en
frākalmoigne, ou par auters seruices:
car il est hors de cax del estatut.

Et nota que nul poet tener terres
ou tenements en frankalmoigne, fors-
pris del grantor ou de ses heires. Et
pour ceo il est dit, que si soit seignoz,
mesne & tenant, & le tenant est vn abbe
qui tiēt de son mesne en frankalmoign,
si le mesne deuie sans heir, donqz le
mesnaltie deuiendra par eschete al dit
seignour paramont, & labbe adonques
tient de luy immediate par fealtie tan-
tum, & fera a luy fealtie, pour ceo quil
nepuit tener de luy en frākalmoign. &c.

Et nota que la ou tiel home de reli-
gion tient ses tenements de son seig-
nour en frankalmoigne, son seignoz est
tenus par la ley de luy acquiter de ches-
cun maner de seruice qui ascun seig-
noz, paramont de luy voet auer ou
demaunder de mesmes les tenements:
& sil ne luy acquita pas, mes suffra luy
destre distraine &c. Dōques il aura en-
uers son seignoz vn b̄rief demesne, & re-
couera enuers luy ses damages & les
colles de son suite. &c.

E. i.

Homage

Homage ancestrel.

¶ Homage ancestrel. Cap. 7.

Tener par homage ancestrel est
lou vn tenant tient sa terre de son
seignoz par homage, et mesme le
tenant et ses ancestres, qui heire il est,
ont tenus mesme le terre del dit seignoz
et de ses ancestres qui heir le seignoz est
de temps dont memorie ne court par
homage, & ont fait a eux homage. Et
ceo est appelle homage ancestrel par
cause de continuance qui ad este par ti-
tle de prescription en le tenancie en le
sank le tenant: et auxi en le seignorie en
le sank le seignoz. Et tiel seruice de ho-
mage ancestrel treit a luy garrantie,
cesta scauoir que le seignoz qui est en vie
& ad receue le homage de tiel tenant,
doit garranter son tenant, quand il est
enplede de la terre tenus de luy par
homage ancestrel.

¶ Et auxi tiel seruice par homage an-
cestrel treit a luy acquitail. s. que le
seignoz doit acquiter le tenant enuers
toutz autres seignozs paramont luy de
chescun maner de seruice.

¶ Et il est dit, que si tiel tenāt soit en-
plede par vn precipe quod reddat. &c.
et il bouche a garrante son seignoz, qui
vient eins par proces et demanda del
tenant que il ad de luy lier a garranter,
et

et il monstre coment il et ses ancestres qui heir il est, ont tenuz sa terre del vouche, & de ses ancestres de temps dont memorie ne court. Et si le seignour qui est vouche ne auoit receue pas homage del tenant ne dascun de ses ancestres, le seignour (s'il voet) poit disclamer en le seignorie, et issint oustre le tenant de son garrantie. Mes si le seignour qui est vouche ad receue homage de le tenant, ou dascun de ses ancestres donques il ne disclamera, nies il est obligé par la ley de garranter le tenant, & donques si le tenant parde sa terre en defaut del vouche, il recouera en value enuers le vouche de terres & tenementz que le vouche auoet al temps de le voucher, ou vnques puis.

¶ Et est ascauoir que en chescun cas ou le seignour poet disclamer en son seignorie par la ley, & de ceo voet disclamer, en court de record, son seignorie est extient, & le tenant tiendra del seignour prochain paramont le seignour que issint disclame. Mes si vn abbe, ou priour soit vouche par force de homage ancestrel. &c. coment que il ne vnques prist homage. &c. vncoze il ne poit disclamer en tiel cas, ne en nul autre cas, de aucun ou deuester chose de fee qui sa este vestu en meason.

¶ Et, ii.

¶ Item

Homage ancestrel.

¶ Item si home qui tient sa terre par homage ancestrel, alien a vn auter en fee, le alienee fera homage a son seignoz mes il ne tient de son seignoz par homage ancestrel, pour ceo que le tenancie ne fuit continue en le sank de les ancesters lalienee, ne lalienee naura iamaiz garantie de la terre de son seignoz, pour ceo que le continuance del tenancie en le tenant & en son sank par lalienacion est discontinue. Et sic vide que si le tenant qui tient sa terre par homage ancestrel de son seignoz, aliena en fee, coment que il reprist estat de lalienee arrere en fee, il tient la terre par homage, mes nemy par homage ancestrel.

¶ Item il est dit, que si home tient sa terre de son seignoz par homage & fealtie, & il ad fait homage & fealtie a son seignoz, & le seignoz ad issue fitz & deue et le seignozie descendist a le fitz, en ceo cas le tenant qui fist homage al pier ne fera homage al fitz, pour ceo que quand vn tenant ad fait vn foitz homage a son seignoz, il est excuse pour term de sa vie de faire homage a ascun auter heir del seignoz: mes vncoze il fera fealtie al fitz & heir le seignoz, coment que il fist fealtie a son pier.

¶ Item si le seignoz apres le homage
a

a luy fait par son tenant granta le seruice de son tenant par fait a vn autre en fee, & le tenant atturna. &c. Donques le tenant ne sera my compelle de faire homage : mes il fera fealtie, coment que il fist fealtie deuant a le grantour. Car fealtie est incident a chescun attournement del tenant, quand le seignorie est grant. Mes si ascun home soit seisie dun maner, & vn autre home tient de luy la terre come del maner auantdit par homage, le quel tenant ad fait homage a son seignoz qui est seisie del maner, si apres vn estrange port *Recipe quod reddat* enuers le seignoz del maner, & recouera le maner enuers luy, et suist execution : en cest cas le tenant fera auter soitz homage a celuy qui recouera le maner, coment quil fit homage deuant, pour ceo que lestat celuy qui receiuit le primer homage est defete par le recouere, & ne girra en la bouche le tenant a fauxer ou defeter le recouere, qui fuit enuers son seignoz. Et sic vide diuersitatem en ceo cas lou home vient a le seignorie par recouere, & lou il vient par discent ou par grant al seignorie.

¶ Item si vn tenant qui doit par la tenure faire a son seignoz homage, vient a son seignoz & dit a luy : *Exzico doy a vous*

E.iii.

vous

Homage ancestrel.

Bons faire homage pour les teneimentz que ieo teign de vous, et ieo sue icy prest a vous faire homage pour mesme les teneimentz, pour qui ieo vous prie que oze ceo voilles receiuer de moy: Et si le seignoz adonques refusa de ceo receiuer, donques apres tiel refusel le seignoz ne poit distreiner le tenant pour le homage aderer deuant qui le seignoz requiroit le tenant de faire a luy homage, & le tenant a ceo faire refusa.

¶ Item home poit tener sa terre par homage ancestrel, & par escuage, ou par autre seruice de chivalrie, auxibien si come il poit tener sa terre par homage ancestrel en socage.

¶ Grand sergeantie. Cap. 8.

Tener par grand sergeantie est lou vn home tient ses terres ou teneimentz de nostre seignoz le roy par le seruice que il doit en son propre person faire al roy, come de porter le baner de nostre seignoz le roy, ou sa launce, ou de amesner son hoost, ou destre son marshal, ou de porter son espee deuant luy a son coronement, ou destre son sewer a son coronement, ou son caruer, ou son butler, ou destre vn de ses chamberlains de le receit de son eschequer,

ou

ou de faire autre tielx seruices. &c. Et la cause qui tiel seruice est appelle grād seriantie, est pur ceo quil est plus grād et plus digne seruice que est le seruice en le tenure descuage: Car celui qui tient par escuage n'est pas limite par la tenure de faire aucun plus especial seruice que aucun autre qui tient par escuage doit faire: Mes celui qui tient par grand seriantie doit faire vn especial seruice al roy, que il qui tient par escuage ne doit faire.

¶ Item si tenant qui tient par escuage morust, sō heir esteāt de plein age, sil tenoit par vn fce de chivaler, l'heir ne paiera forloz. C. s. pour relief, come est ordeign par le statute de Magna Carta. Cap. 2. Mes si celui qui tient de roy par grande seriantie morust, son heir esteant de plein age, l'heir paiera al roy pour relief le value de les terres ou tenementz par an (oultre les charges et reprises) queux il tient de roy par grād seriantie. Et est ascauoir qui seriantia en latin, idem est quod seruicium, et sic magna seriantia, idem est quod magnū seruicium.

¶ Item ceux qui teignent par escuage doivent faire leur seruice hors du reialm, mes ceux qui teignent par grand seriantie pour le greindre partie doivent

E. iii.

faire

Grand sergeantie.

4
7
faire leur seruices deins le roialme.
¶ Item il est dit, que en marches de
Scotland ascuns teignent de roy par
cornage, cest ascauoir pour ventiler un
corne pour garner homes de pais, quād
ils oient que les Scottes, ou auters
enemies veignent ou voillent entrer en
Engleterre quel seruice est grand ser-
teantie. Mes si ascun tenant tient d'as-
cun autre seignoz qui de roy par tiel
seruice de cornage, ceo nest pas grande
seriantie, mes est seruice de chivaler.
Et treit a luy gard & mariage. Car nul
poet tener par grand sergeantie, si non
de roy tant solement.

¶ Item home poit voier. Anno. ii. h. 4.
qui Tokain adonques chief baron des-
chequer vient en le comen bank, por-
tant ouesqz luy la copie dun record, in
hec verba. Talis tenet tantā terrā de
domino rege per seriantiam, ad inueni-
endum vnum hominem ad guerram,
vbicunqz infra quatuor maria. &c. et il
demaunda sil fuit grand seriantie, ou
petit seriantie: & Hank adonques disoit
qui il fuit grand seriantie, pour ceo
quil ad seruice a faire par corps dun
home: et sil ne purra trouver nul home
a faire le seruice pour luy, il mesme
doit faire: quod alii Iusticiarii con-
fesserunt (Tokayn) Donque doit
le

le tenant en ceo cas paier relief al value del terre par an. Ad quod non fuit responsum.

Et nota que tontz qui teignent de roy par grand sergeantie, teignent de roy par seruice de chiualeier, & le roy de ceo aura gard mariage & relief: mes le roy naura de eux escuage, sils ne teignent de luy par escuage.

Petit sergeantie. Cap. 9.

Tener par petit sergeantie est lon home tient sa terre de nostre seignoz le roy, de render al roy annuellement vn arke, ou vn espee, ou vn dagger, ou vn cotel, ou vn launce, ou vn paire de gantes de fer, ou vn paire de spores dore, ou vn sete, ou diuers setes, ou de render autres tielx petitiz choses touchantz le guerre. Et tiel seruice nest forsqz socage en effect, pour ceo qui tiel tenant par son tenure ne doit aler ne fair aucun chose en son proper person, touch le guerre, mes de render & paier annuellement certain choses al roy, sicome home doit paier vn rent.

Et nota que home ne poet tener par grand sergeantie ne par petit sergeantie, sinon du roy. &c.

Tenure

Burgage.

Tenure en burgage. Ca. 10.

Tenure en burgage est lou ancien burgh est, de qui le roy est seignoz, & ceux qui ont tenementz deins le burgh teignent de roy leur tenementz, qui cheun tenant par son tenement doit paier al roy vn certain rent par an. &c. Et tiel tenure nest forsqz tenure en forsqz cage.

Et meisme le maner est lou vn autre seignoz espiritual ou temporal est seignour de tiel burgh, & les tenants des tenementz en tiel burghs teignent de leur seignoz a paier chescun de eux vn annuel rent.

Et est appelle tenure en burgage pour ceo qui les tenementz deins le burgh sont tenus del seignoz del burgh par certain rent. &c. Et est ascauoie que les anciē villes appellees burghes sont les plus anciens villes qui sont deins Engleterre : car ceux villes qui ore sont cities, ou counties, en ancien temps fuerent burghes, & appellees burghes: car de tiels anciens villes appelle burghes, veignent les burgesses al parliament, quand le roy ad summon son parliament.

Item pour le greindre partie tiels burghes ont diuers customes & vsages qui

qui nont pas auter villes. Car ascuns burghes ont tiel custome, qui si home ad issue plusours fitz & mozuist, le puisir fitz enheritera toutz les tenementz qui fueront a s^e pier deins mesme le burgh, com heir a son pier, par force de custom. Et tiel custome est appelle burgh englishe.

¶ Item en afcuns burghes par le cu-
stome feme aura pour sa dower toutz
lez tenemētz qui fueront a son barō. &c.

E Item en aucuns burghes par le cu-
stome homie poit deuise par son testa-
ment ses terres & tenementz quil ad en
fee simple deins mesme le burgh al tēps
de son morant: & par force de tiel deuise
celuy a qui tiel deuise est fait, apres la
mort le deuiseor poit entrer en les tene-
mentz issint a luy deuises, a auer & te-
ner a luy selon la forme & effect del de-
uise, sans aucun liuerie de seisin destre
fait a luy. &c.

¶ Nota coment qui home ne poist grā-
ter ne doner ses tencementz a sa femme du-
rant le couerture, pour ceo qui sa femme
& luy ne sont forsq; un parlsō en ley, or-
coze par tiel custome il poist deuise par
testament ses tenement; a sa femme, a a-
uer & teneva luy en fez simple, ou en
fez tayle, pour terme de vie, ou pour
term dez ans, pur ceo que tiel deuise ne
prient.

Burgage.

prent effect forsqz apres la mort le deuissor: car toutz deuisses ne preignent effect forsqz apres la mort le deuissour. Et si home fait a diuers tēps diuers testaments & diuers deuisses. &c. vncore le darrein deuise & volunte fait par luy estoiera, & lauters sont voides.

¶ Item par tiel custome home poit deuissier par son testamēt, que ses executores poient aliener & vender ses tenementz que il ad en fee simple pour certain somme de money a distribuer pour son alme. En cest cas coment que le deuissour deuie scisie de les tenementz, & les tenementz descendent a son heir, vncore les executores apres la mort leur testator poient vender les tenementz issint a eux deuisses, & ouster le heir, & ent faire feffement, alienacion, & estat p fait ou sans fait, a eux a queux le bēd est fait. Et issint poies voier icy vn cas ou home poet faire loyal estat, & vncore il nauoit riens en les tenementz al temps del estat fait. Et la cause est pur ceo que la custome, & vsage ad este tiel quia consuetudo ex certa causa rationali vsitata priuat comunem legem.

¶ Et nota que nul custome est allowable, mesqz tiel custome qui ad este vse par title de prescription, s, de temps dont

dont memoire ne court . Mes diuers
opinions ont este de temps dõt memo-
rie. &c. & de title de prescription, qui est
tout en vn ley. Car ascuns ont dit , que
temps de memoire sera dit de temps de
limitacion en briez de droit. s. de temps
le roy R. le. i. puis le conquest, come est
done par lestatut de Westm. i. pour ceo
qui le briez de droit est le plus haute
briez en sa nature qui poit estre: & par
tiel briez home puit recouer son droit
de la possessiõ son ancesster de plus an-
cien temps qui home purroit par ascun
briez par la ley. &c. Et entant quil est
don par le dit estatut , que en briez de
droit nul soit oye a demander de le sei-
son son ancesster de plus longe temps
que de temps le roy R. auantdit: issint
ceo est proue que continuance de pos-
session, ou auters customs & vsages
bles, puis le dit temps est le title de
prescription. &c. & hoc certum est . Et
auters ont dit , que bien & veritie est
que seisin & continuance puis le dit li-
mitacion , est vn title de prescription,
come est auantdit , & par cause auant-
dit. Mes ilz ont dit, que il y ad auxi vn
auter title de prescription, qui fuit a la
comen ley deuant ascun estatut de limi-
tacion de briez &c. & ceo fust lou vn cu-
stome, ou vn vsage, ou auter chose ad
este

Burgage,

este vse de temps dont memoire des homes ne court a le contrarie. Et ils ont dit, que il est proue par le pleder l'ou home voit pleder un title de prescription de custome, il dira que tiel custome ad este vse de temps cuius contrarii memoria hominum non existit, & ceo est au tant a dire quand tiel mater est plede, que nul home adonques en vie ne ad oie aucun proue a le contrarie ne auoit aucun conissance a le contrarie. Et en tant que tiel title de prescription fuit a le comen ley, & nient oultre par aucun estatut, ergo il demourt come il fuit a le comen ley, & le plus tost en tant que la dit limitation de brief de droit est de ce long temps passe: ideo de hoc querere. Et plusieurs autres customes & usages ont tiels anciens burghes. Item chescun burgh est un ville, meisme nemye conuerso. Plus sera dit de customes en le tenure en villenage.

Villenage.

Cap. ii.

Tenure en villenage est plus proprement quand un villedain tient de son seigneur a qui il est villedain, certain terres ou tenementz selon le custome del maner, ou autrement a la volonte son seigneur & de faire a son seigneur

roz villein seruire, come de porter & de carier le fume le seignoz hors del cite ou del maner son seignoz iusques a la terre son seignoz, en gisant ceo sur la terre, & huiusmodi. Et ascuns frank homes teignent leur tenementz selon le custome de certain maners par tiels seruiçes. Et leur tenure auxi est appellee tenure en villenage, & vncore ilz ne sont pas villeins. Car nul terre tenu en villenage, ou villein terre, ne aucun custome surdant de la terre, ne vnques fera frank home villein: Mes vn villein puit faire frank terre destre villein terre a son seignour. Sicomme leu vn villein purchase terre en fee simple, ou en fee taile, le seignour del villein poit entrer en la terre, & ouster le villein & ses heirs a toutz iours, et puis le seignour (sil voilleit) poit lesser mesme la terre a le villein a tener en villenage.*

Item qui chescun villein, en il est villein par title de prescription, cest ascavoir q̄ luy & ses ancestres ont este villeins de tēps dōt memoire ne court ou il est villein par sō confessiō demesme en court de record. Mes si frank home ad diuers issues, & puis il confesse luy destre villein a vn auter en court de record: vncore lez issues q̄ il aura deuāt le confession

Villénage,

confession sont franks, mes les issues que il aura apzès le confession seront villeins.

Etem si le villein purchase terre, & alien la terre a vn auter deuant que le seignoz entre, donques le seignoz ne poit entrer: car il sera aiuge son folz, que il nentra pas quand la terre fuit en le main le villein. Et issint est des biens si le villein achate biens, & eux vende ou donc a vn auter deuant q le seignoz sefist ses biens, donques le seignoz ne poit eux seisir. Mes si le seignoz deuant aucun tiel vend ou done vient deins la ville, lou tielx biens sont, & la ouertmēt entre les viceins euz clama les siens, & sefist parcel des biens en nom de seisin de toutz les biens. &c. ces est dit bon seisure en ley, & le occupaciō que le villein ad apzès tiel clame en les biens sera pris en ley en le droit le seignour.

Mes si le roy ad vn villein qui purchase terre & aliena deuant que le roy entra, vncore le roy poet entrer en qui meins que la terre deuiendra. Ou si le villein achata biens, & eux vendist deuant que le roy sefist les biens, vncore le roy poit seisir lez biens en qui mains que les biens sont: Quia nullum tempus occurrit regi.

Etem si home lesse certain terre a vn auter

auter pour term de vie, faisant le reuercion a luy, & vn villein purchace de le lessour le reuercion: en cest cas il seble que le seignoz del villeyn puit mayntenant venir a la terre, et claymer le reuercion come le seignoz le dit villein, et per cel claim, le reuercion est maintenant en luy: Car en auter forme, il ne poit venir a le reuercion. Car il ne poit entrer sur le tenant a terme de vie: Et sil doit demurrer tanz apres la mort le tenant a terme de vie, donques per cas il viendra trop tard. Car peraventure le villein voile graunter ou alier la reuercion a vn auter, en le vie le tenant a terme de vie &c.

En mesme le maner est lou vn villein purchace vn auouson dun esglise plein dun incumbent, le seignoz del villein poit venir al dit esglise, et clamer le dit auouson: et per cel claim l'auouson est en luy. Car sil doit attēdre tanz apres la mort l'incumbent, et adonques a presenter son clerk a le dit esglise, donques en le mesme temps le villein poit alier l'auouson, & issint oustre le seignour de son presentment.

Atem il ad villein regardant, & villein en gros. Villein regardant est, si come home est seisie dun maner, a qui vn villein est regardant, & celui qui est

f. i.

seisie

Villenage.

Seisie del dit maner, ou ceux qui estat il ad en mesme le maner, ont este seisiés de le dit villein, & de ses ancessers come villeins & nefs regardantz a mesme le maner de temps dont memoire ne court. Et villein en gros est lou vn home seisie dun maner, a qui vn villein est regardant et il grante mesme le villein par son fait a vn auter, deng il est est villein en gros, & nemy regardant.

¶ Item si vn home & ses ancessers que heir il est, ont este seisiés dun villein, et de ses ancessers come des villeins en gros de temps dont memoire ne court, tielx sont villeins en gros.

¶ Et hic nota que tielx choses qui ne poient estre grants ne aliens sans fait ou fine, home qui voile auoir tielx choses par prescription, ne poit auterment prescriber, forsqs en luy & en ces ancessers qui heir il est, & nemy par ceux parloir, en luy & en ceux qui estat il ad pour ceo que il ne poit auoir lour estat sans fait ou auter escripture, le quel couient destre monstre a le court, si il voile auoir aucun auantage de ceo. Et pour ceo que le grant & alienacion dun villein ne gult sans fait ou auter escripture, home ne poit prescriber en vn villein en gros sans monstrance descripture, sinon en mesme

mesme qui clame le villein et en ses ancestors qui heir il est. Mes de tielx choses qui sont regardants ou appendants a un maner, ou a auters terres & tenementz, home poit prescriber que il et eux qui estat il ad, queux fueront seisis de le maner ou de tielx terres et tenementz. &c. ont este seisis de tielx choses come regardants ou appendants a le maner, ou a tielx terres & tenementz de temps dont memoire. &c. Et la cause est pour ceo que tiel maner, ou terres et tenementz poient passer par alienacion sans fait. &c.

¶ Et est ascauoir que nul chose est nosme regardant a un maner. &c. forsqz villein: mes certain auters choses, come auowson, et common de pasture. &c. sont nosmes appendants al maner ou al terres & tenementz. &c.

¶ Item si home voile en court de record soy conuistre destre villein, qui ne fuit villein adenant, tiel est villein en gros.

¶ Item home qui est villein est appelle villein ou ~~villein~~; & feme qui est villein est appelle niese. Sicomme home qui est vt-lage est dit vt-lage, & feme qui est vt-lage est dit waiue.

¶ Item si un villein pzent frank feme a feme, et ad issue enter eux, lissues seront

Villénage.

seront vilains. Mes si nief pzent franks
home a baron, lour issue sera frank.

¶ Item qui nul bastard puit ester vil-
lein, sinon que il voile soy conuistre estre
villein en court de record : car il est en
ley, quasi nullius filius, pour ceo
quil ne poet enheriter a nuluy.

¶ Item chescun villein est able & frank
de suer toutz maners accions enuers
chescun persō, forspis enuers son seig-
nour a qui il est villein. Et vncoze cer-
tein accions il poet auer enuers sō seig-
nour. Car il poet auer enuers son seig-
nour vn accio dappelle de mort son pier
ou dauter de ses ancesters qui heir il
est.

¶ Auxi vn nefe, qui est rauy par son
seignour poit auer vn appelle de rape
enuers luy.

¶ Auxi si vn villein soit fait executer a
vn auter, & le seignour del villein fuit
endet a le testatour en vn certain sūme
dargent qui nest mye paie : en ceo cas
le villein come executour de le testatour
aura accion de det enuers son seignour,
pour ceo que il ne recouera le det a son
vse demesne, mes al vse le testatour.

¶ Item le seignour ne poet pprendre
hors del possession de tiel villein qui est
executour les biens le mort : & sil face, le
villein come executour aura accion de
trespas

trespas demesmes les biens issint prises
 enuers son seignour, & recouera dama-
 ges al vsz le testatour. Mes en toutes
 tielx cases il couient que le seignour qui
 est defendant en tielx accions face pro-
 testaciō que le pleintif est sō villedin, ou
 autrement le villedin sera enfranchise,
 coment que le matter soit troue pour le
 seignour & encōtre le villedin, come est dit.
E Item si vn villedin fust vn accion de
 trespas, ou vn auter accion enuers son
 seignour en vn cōstie, & le seignour dit que
 il ne sera respondus, pour ceo que il est
 son villedin regardant a son maner en
 autre countie, & le pleintif dit que il est
 frank, & de frank estate, & nemy villedin
 ceo sera trie en le countie ou le pleintif
 auoit conceue son accion, & nemy en le
 cōstie ou le maner est, & ceo est en fauorē
 libertatis, & pour cel cause vn estatut
 fuit fait. In. 9. R. 2. ca. 2. le tenure de
 quel ensuit en tiel forme. Item par la
 ou plusieurs villedins & niefs sibien des
 grandes seignours come des auters
 gentz sibien es spirituels come temporels
 senfrent deins cities, villes, & lieus en-
 franchises, come en la cite de Londres,
 & auters semblables, & seynont diuers
 lutes vers leur seignours a cause de
 leur faire francs par le repons de leur
 seignours: accorde est & assentus, que
 f.iii les

Villénage.

les seignours, ne auters ne soïēt my for-
barres de leur villains par cause de leur
respons en ley. Par force de quel esta-
tut si ascun villein boillet fuer ascun
maner de accion a son vñe demesne en
ascun countie ou il est fort a trier en-
uers son seignour, le seignour poet es-
lier de pleder que le pleintif est son vil-
lein, ou de faire protestacion que il est
son villein, & de pleder son auter mater
en barre. Et si ils sont a issue, & l'issue
soit troue pour le seignour, donques le
villein est villein come il fuit deuant
par force demesne lestatut. Mes si le
l'issue soit troue pour le villein, donques
le villein est frank, pour ceo que le seig-
nour ne prist al commencement pour
son pñe que le villein fuit son vil-
lein, mes ceo prist par protestacion
&c.

¶ Item le seignour ne poit mayhemer
son villein. Car si il mayhemat son vil-
lein, il sera de ceo condite a le suit le roy,
& si il soit de ceo attaint, il sera pour ceo
vn greuous fine et ransom al roy. Mes
il semble que villein naura pas par le
ley vn appelle de mayhem enuers son
seignour. Car en appelle de mayhem
home recouera forses damages, et si le
villein en ceo cas recouera damages
enuers son seigneur, & ent auoit execu-
cion

cion le seignour poit prendre ceo que le
villein auoit en execution de le
villein, & issint le recouere voide.
¶ c.

¶ Item si vn villein soit demandant
en accion real, ou pleintif en accion per-
sonal enuers son seignour, si le seignour
voile pleder en disabilitie de son person,
il ne poit faire pleine defence, mes il de-
fendra forsqz tort & force, & demandera
iugement sil sera respondus, & monstre-
ra son mater maintenant, coment il est
son villein, & demandera iugement sil
sera respondu.

¶ Item. vi. maners de homes y sont,
contre queur, silz suont accions, iuge-
ment poit estre demande silz seront
respondus. ¶ c. vn est lon le villein suit
acion enuers son seignour, come en le
cas auantdit.

¶ Le. ii. est lon home est vtlage sur ac-
cion de det ou trespas, ou sur autre ac-
cion, ou enditement, le tenant ou de-
fendant poit monstrier tout le matter de
record, et lutlagarie, et demander iuge-
ment sil sera respondu, pour ceo que il
est hors de la ley, de suer ascun accion
durant le temps que il soit vtlage.

¶ Le. iii. est vn alien qui est nee
hors de la ligeance nostre seignour le
roy, si tiel alien voile suer vn accion
¶.iiii. real

Villénage.

real ou personal, le tenant ou defendant
poit dire que il fuit nee en tiel pais, qui
est hors de la ligeance le roy, & deman-
der iugement si il sera respondu.

¶ Le. iiii. est vn home qui par iuge-
ment done enuers luy sur vn briez de
Præmunire facias. &c. est hors de pro-
teccion le roy : si il fuast aucun accien, &
le tenant ou le defendant monstra tout
le recorde enuers luy, il poit demander
iugement sil sera respondu. Car la ley
le roy & les briez le roy sont les choses
par queux home est protect et ayde : et
issint durant le temps que home en tiel
cas est hors de la proteccion le roy, il est
hors de estre aide ou protect par la
ley le roy, ou par briez le roy.

¶ Le. v. est vn home que est entre et
professe en religion. Si tiel fuit vn ac-
ciō, le tenant ou defendāt puit mōstrer
que tiel est entre en religion en tiel lieu
en lorder de saint Benet, & la est moign
professe ou en lorder des friers prechoys
ou mineys, & la est frier professe : & issint
des autres ordres de religion. &c. & de-
mandera iugement si sera respondu. Et
la cause est pour ceo que quand vn home
entra en religion, & est professe, il
est mort en ley, & son fuz ou autre
cofin maintenant luy enheritera auxi-
bien si come il fuit mort en fait.

Et

Et quand il entra en religion il poit faire son testament, & ses executors, les queux executors auront vn accion de Deu, due a luy deuant lentre en religion. Ou autre accion que executors poient auer, sicome il fuit mort en fait. Et sil ne fait ses executors quand il entra en religion, donques lordinarie poit committer ladministraction de ses biens a auters homes, sicome il fuit mort en fait.

¶ Le .vi. est lou vn home est excommunge par la ley de saint esglise, & il fuit vn accion real ou parsonal: le tenant ou defendant poit pleder que celui qui fuit est excommunge. Et de ceo couient monstre letters de leuelz south son seale, testimoignantz lexcommungement: & demandera iugement, sil sera respandu. &c. Mais en cest cas si le demandant ou plaintiff ceo ne puit dedire, le brief nabatera mymes le iugement sera, que le tenant ou defendant alera quite sans iour: pur ceo que quand le demandant ou plaintiff ad purchace ses letters de absolucion, & ceux sont monstres a le court, il poit auer vn resommōs ou reattachement sur son original, selon la nature de son brief. Mais en les auters. v. cases le brief abaterra &c. si la matter monstre ne poit estre dedit.

Villénage:

Dedit.

Item si vn villein est fait vn chapelain seculer, vncors son seignour poit luy seist come son villein, & seisir ses biens. &c. Mes il semble si le villein entre en religiō, & est professe, que le seignour ne poit luy prendre ne seisir, pour ceo qui il est mort en ley, nient plus qui si vn frank home prent vn nief a la feme, le seignour ne poit prendre ne seisir la feme de le baron. Mes son remedy est dauer vn accion enuers le baron pour ceo que il prist la nief a feme sans son licence & volonte. &c. Et issint poit le seignour auer accion, enuers le soueraign del meason qui prist & admittast son villein destre professe en mesme le meason sans licence et la volonte le seignour: & recouera ses damages a le value de le villein. Car celui qui est professe moign sera vn moign, & come vn moign sera pris pour term de sa vie naturel, sinon qui il soit darraigne par la ley de saint esglise. Et il est tenu par son religion, de garder son cloister. &c. Et si le seignour luy puilloit prendre hors de la meason, donques il ne viuerait come vn mort parson, ne selon son religion, le quel seroit inconuenient.

En mesme le maner est, si soit gar-

dein

Leu en chivalrie de corps & de terre
 Un enfant deins age, si l'enfant,
 quand il vient al age de .xiii. ans, en-
 tra en religion, & est professe, le gar-
 dein nad autre remedy (quant a le
 gard de le corps) fors qz brief de ransh-
 ment de gard cruers le souerain de
 le meason. Et si ascun estant de plein
 age qui est cösin & heir del enfant en-
 tre en le terre, le gardein nad ascun re-
 medy quant al gard de la terre, pour
 ceo que lentre del heir l'enfant est con-
 geable en tiel cas.

Item en multz diuers cases le seig-
 nour poit faire manumission & enfran-
 chisement a son vellein. Manumis-
 sion est proprement, quand le seig-
 nour fait vn fait a son vellein de luy
 enfranchiser, per hoc verbum (ma-
 numittere,) quod idem est quod extra
 manum, vel extra potestatem alteri-
 us ponere. Et pour ceo que par ti-
 el fait le vellein est mys hors de la
 main & de le poiar son seignour, il
 est appelle manumission. Et issint
 chescun maner franchisement fait a
 vn vellein poit estre dit manumissi-
 on.

Auxi si le seignour fait a son vil-
 lein vn obligation de certain somme
 d'argent, ou granta a luy par sō fait vn
 annuite

*En maners d'enfran-
 chisement.
 enfranchisement p. fait.*

Villénage.

annuitie, on lessa a luy par sō fait terres ou tenemētz pour term des ans, le vil-
lein est enfranchise.

¶ Auxi si le seignour fait vn fessement a son villein dascuns terres ou tene-
mentz par fait, ou sans fait, en fee sim-
ple, fee taile, ou pour term de vie, & a
luy liuerie seisin, ceo est vn enfranchis-
ment.

¶ Mes si le seignoz fait a luy vn leas
des terres ou tenementz a tener a vo-
lunte le seignoz par fait, ou sans fait,
ceo nest aucun enfranchisement, pour
ceo qui il nad aucun maner certain-
ne suertie de son estat, mes le seignour
luy poit ouster quant il voilleit.

enfranchisem^t p^r ley.

¶ Auxi si le seignoz fust enuers son
vilain vn p^recipe quod reddat, sil re-
couera, ou soit nonsue apres appa-
rance, ceo est vn manumission, pour ceo
qui il puilloit loyablement entrer en la
terre sans tiel suit. En mesme le maner
est sil fust enuers son vilain vn acci-
on de det, ou dacompt, ou couenant,
ou de trespassie, ou de huiusmodi, ceo
est vn enfranchisement, pour ceo que
il puilloit emprisoner le vilain, & pren-
dre ses biens sans tiel suite. Mes si le
seignour fust son vilain par appelle
de felony, ou il fust endite de ceo de-
uant, ceo ne enfranchisera pas le vil-
lain,

lein, coment que le matter de lappelle soit troue encontre le seignour, pour ceo que le seignour ne puisse le vil-
lein destre pender sans tiel suite. Mes si le villein ne fuit endite de mesme le felony deuant lappelle suy enuers luy, & est acquite de cest felony, issint que il recouera damages enuers son seignour pour le faux appelle, donques le villein est enfranchise par la cause de le iugement de damages pour luy destre done entiers son seignour. Et plusours autres cases & matters y sont, par queux un villein poet estre enfranchise enuers son seignour. &c.

Item si le seignour dun maner voile prescriber, que il ad este custome deins son maner de temps dont memoire ne court, que chescun tenant deins mesme le maner qui maria sa file a ascun home sans licence de la seignour del maner, fera fine, & ont fait fine al seignour del maner pour le temps estant, cest prescripcion est boide. Car nul doit faire tielx fines, forsque tant solemēt villeins. Car chescun frank home poit frankment marier sa file a qui plect a luy & a sa file. Et pour ceo que cest prescripcion est encontre reason, tiel prescripcion est boide.

Mes en le countie de Kent, un terre
et

Villénage.

et tenementz tenus en Gavelkynde, la ou par le custome & vse, de temps dont memoire ne court, les fitz males doivent ouelment enheriter, ceo custome est allowable, pour ceo qui il estoit oue aucun reason, pour ceo qui chescun fitz est auxi grand gentil home come leisne fitz est, & par case, a plus grand honour & valour cressera. Et sil n'avoit rien par son ancesters, par aventure il ne puisse tielment cresser. &c.

Item lou par custome appelle burgh english en aucun burgh, le fitz puisne enheritera toutz les tenementz. &c. cest custome estoit auxi oue aucun certain reason, pour ces que le fitz puisne (sil faut pier & mere) par cause de son iuventute poet le plus meins de toutz les freres luy mesme ayder. &c.

Mes si home voile prescriber, qui si aucuns auers fuerēt sur les demesnes de son maner, la damage fclāt, le seigneur del maner pour le temps estant ad vse eux distreigner & le distresse retenir, tanqz fine fuit fait a luy pour le damage a sa volonte, cest prescripcio est void, pour ceo que il est encontre reason, si tolt soit fait a un home, que il de ceo sera son iudge demesne. Car par tiel voy sil auoit damage forsqz al valur dunt

dun maile, il püssoit assesser & auer par
 ceo. Et si quel seroit encontre tout rea-
 son. Et issint tiel prescription, ou ascun
 auter prescription vse (si ceo soit encō-
 tre tout reason) ceo ne doit estre al-
 lowe deuant iuges. Quia malus vsus
 abolendus est.

Rentes. Cap. 12.

Trois maners de rentz y sont, cest
 ascunoir rent seruice, rent charge,
 & rent secke. Rent seruice est lon
 le tenant tient sa terre de son seignour
 par fealtie & par certain rent, ou par
 homage fealtie & certain rent, ou par
 auters seruices & certain rent, & si rent
 seruice soit a ascun iour (qui doit estre
 paie) aderere : le seignour poet dis-
 treigner pour ceo de comen droit. Et
 si home voilloit doner terres ou tene-
 mentz a un auter en taile, rendant a
 luy certain rent par an, il de comē droit
 poet distreigner pur le rent aderere, co-
 ment que tiel don fuit fait, sanz fait, pur
 ceo que tiel rent est rent seruice. En
 mesme le maner est, si leas soit fait a un
 home pour terme de vie ou dauter vie,
 rendāt al lessor certain rēt, ou pur term
 dez anz, rēdant certain rēt. Mes en tiel
 cas ou home sur tiel done ou leas voile
 reseruer

Rentes.

reseruer a luy rent seruiçe , il eussent
qui la reuercion de les terres & tene-
mentz soit en le donour ou lessour,
car si home voille faire fessement en fee
ou voille doner terres en taile, le re-
maunder oustre en fee simple sans fait,
reservant a luy certain rent, tiel reser-
uacion est boide, pour ceo qui nul re-
uercion remaine en le donour, & tiel
tenant tient sa terre immediate de le
seignour de qui son donour tenoit. &c.
Et ceo est par force de lestatut de quia
emptores terrarum: car deuant le dit
estatut, si home fesoit vn fessement en
fee simple par fait ou sans fait, rendant
a luy & a ses heirs certain rent, ceo
fust rent seruiçe, & pour ceo il puis-
soit distreigner de comen droit, & si
fuit nul reservacion dascun rent ne
dascun seruiçe, vncore le fessce te-
nuist del lessour par autiel seruiçe,
que le lessour tenuist oustre de son
seignour prochain paramount. Mes
si home par fait endente a cel iour
fait tiel donc en le taile, le remain-
dre oustre en fee ou leas a term de
vie, le remaindre oustre en fee ou vn
fessement en fee, & par mesme len-
denture il reserve a luy, & a ses heirs
vn certaine rent, et que si le rent
soit aderere, qui bien liroit a luy et
a ses

a ses heires a distreigner. &c. tiel rent est rent charge, pur ceo que tielx terres ou tenements sont charges de tiel distres par force de le scripture tant seulement, et nemy de comen droit. Et si tiel home sur tiel fait endent reserua a luy & a ses heires certain rent sanz aucun tiel clause mise en le fait, qui il puit distreigner donques tiel rent est rent seck, pour ceo que il ne poet venir de auer le rent, il est sans remedy, come serra dit apres : Auxi si home seise de certain terre granta par vn fait polle, ou par endenture vn annuel rent issant hors de mesme la terre a vn autre en fee ou en fee taile, ou pour terme de vie. &c. ouelsqz clause de distres. &c. donques ceo est rent charge. Et si le grant soit sanz clause de distres donques il est rent seck. Et nota que rent seck idem est quod redditus siccus, pour ceo qui nul distres est incident a ceo.

Item si home graunta par son fait vne rent charge a vn autre, & le rent arere, le grantee poet eslier sil voet sur vn briez de annuite de ceo enuers le grauntoz, ou distreigner pour le rent arere, & le distres reteigne tanqz il soit de ceo paie, mes il ne poet faire ne auer ambideux enseble. &c. Car sil recouera par briez d'annuite, donques la terre est

Rentes.

discharge de le distres. &c. Et sil ne fust
bziel de annuitie. mes distrein pour les
arrages, & le tenant fust son replegi-
are & dōques le grantee auowa le pris
de le distres en la terre en court de re-
cord, donques est la terre charge, & la
person del grantoz discharge de accion
de annuitie.

Etem si home voille qui vn autre
aueroit vn rent charge issant hors de sa
terre, mes il ne voille que sa person soit
charge en ascun maner par bziel dan-
nuitie: donques il poct auer tiel clause
en la fin de son fait. *Provisio semper, qd
presens scriptum, nec aliquid in eo spe-
cificatum non aliquo modo se extendat
ad onerandum personam meam per
breve vel accionem de annuitate, sed
tantummodo ad onerandum terras et
tenementa mea de annuali redditu
predicto. &c.* donques la terre est
charge, & la person del grauntoz dis-
charge.

Etem si home fait tiel fait en tiel
maner que si. *A. de. B.* ne soit annuel-
ment paie al scast de noel pour terme
de sa vie de *xx. s.* de loial money que
adonques bien litroit a mesme cestuy.
A. de. B. a distreigner pour ceo en le
maner de. *ff. &c.* ceo est bon rent charge
pur ceo q le maner est charge oue le ret
par

par voy de distres, & vncore la perloit de celui qui fait tiel fait est discharge en tiel cas d'acion d'annuitie, pour ceo que il ne graunta par son fait aucun annuitie a le dit. A. de. B. mes graunta tantsolement, que il poit distreiner par tiel annuitie. &c.

Item si home ad un rent charge a luy & a ses heirs issant hors de certain terre, sil purchase aucun parcel de la terre a luy & a ses heirs, tout le rent charge est extinct & l'annuitie auri pour ceo que rent charge ne poit par tiel maner estre apporcione. Mes si home qui ad rent seruiçe purchase parcel de la terre, dont le rent est issant, ceo n'extiendra tout, mes pour le parcel, car rent seruiçe en tiel cas poit estre apporcion selon le balue de la terre. Mes si un tient la terre de son seignoz par le seruiçe de redant a son seignoz annuellement a tiel fealt vn chival, ou vn espeon doz, ou vn clouc gilofer, & huiusmodi: si en tiel cas le seignoz purchase parcel de la terre, tiel seruiçe est ale, pour ceo que tiel seruiçe ne poit estre seuer ne apporcion. Mes si home tient la terre d'un autre par homage fealtie & escuage, & par certain rent, si le seignoz purchase parcel de la terre. &c. en tiel cas le rent sera apporcion, come est

Rentes.

auantdit, mes vncoze en cest cas le homage & fealtie demurront entier a le seignour, car le seignour aura le homage & fealtie de son tenant pour le remainder de les terres & tenementes tenus de luy, come il auoit a deuant, pour ceo que tielx seruices ne sont pas annuel seruice, & ne poient estre apporcionne, mes lescuage poet & sera apporcionne solonc lasserance & rate de la terre. &c.

¶ Item si home ad vn rent charge, & son pier purchase parcel de les tenementes charges en fee, & morust, & cel parcel descende a son fitz, qui ad le rent charge, oze cel rent charge sera apporcionne solonq; le value de la terre, come est auantdit de rent seruice, pour ceo que tiel porcion de la terre purchase par le pier, ne vient au fitz par son fait demesne mes par discent & par cours de ley.

¶ Item si soit seignour & tenant, & le tenant tient de son seignour par fealtie & certain rent & le seignour granta le rent par so fait a vn autre. &c. reseruant a luy le fealtie, & le tenant atturra al grant de le rent, oze tiel rent est rent seck a le grante, pour ceo que les tenements ne sont tenus del grante de le rent, mes sont tenus del seignour que reserua

reserua a luy le ~~se~~ fealtie. En mesme le maner est lou home tient sa terre par homage fealtie & certain rent, si le seignour granta le rent, sauant a luy le homage, tiel rent apres tiel grant est rent seck. Mes la ou terres sont tenus par homage fealtie & certain rent, si le seignour voet graunter par son fait le homage de son tenāt a vn auter sauant a luy le remenant de les seruices, & le tenant atturna a luy selonqz le forme del graunt, en cest cas le tenant tiendra sa terre del graunte, & le seignour qui grantast le homage naura forsqz le rent come rent seck, & ne vnques distreignera pour le rent, pour ceo que homage ne fealtie ne escuage ne poit estre dit seck, car nul tiel seruice poit estre dit seck. Car celui qui ad ou doit auer homage ou fealtie ou escuage de sa terre poit par comen droit distreigner pour ceo sil soit aderere, car homage fealtie & escuage sont seruices, par queux terres ou tenementes sont tenus. &c. et sont tielx que en nul maner poient estre prises forsqz come seruices. &c. Mes autrement est de rent qui ~~est~~ fuit vn foitz rent seruice, pour ceo que quāt il est seure par le graunt le seignour de les auters seruices, il ne poit estre dit rent seruice, pour ceo que il ne ad a

Rentes.

ceco fealtie que est incident a chescun maner de rent seruiçe, & pour ceo il est dit rent seck.

Et Item si home lesse a vn autre terres pour terme de vie, reseruant a luy certain rent, sil grant le rent a vn autre par son fait, sauant a luy le reuercion de la terre issint lesse. &c. tiel rent nest forsq rent seck, pour ceo que le grantee nad riens en le reuercion del terre. &c.

Mes sil graunt le reuercion del terre a vn autre pour terme de vie, & le tenant atturna. &c. donques ad le grantee le rent come rent seruiçe, pour ceo que il ad le reuercion pour terme de vie. Et issint est a entendre, que si home dona terres ou tenements en le tail, rendant a luy & a ses heirs certain rent, ou lesa terre pour terme de vie, rendāt certain rent, sil graunta le reuercion a vn autre &c. & le tenant atturna, tout le rent & seruiçe passe par cest parol (reuercion) pour ceo que tiel rent & seruiçe en tiel cas sont incidentz a le reuercion, et passent par le graunt de le reuercion. Mes coment que il graunta le rent a vn autre, le reuercion ne passa nuy par tiel grant &c. *

Et Item si soit seignour mesne & tenāt, & le tenant tient del mesne par seruiçe de. v. s. & le mesne tient oultre par seruiçe

ance de .xii. d. si le seignour paramont
 purchase le tenancy en fee, donques le
 service de le mesnaltie est extinct pour
 ceo que quand le seignour paramont
 ad le tenancy, il tient de son seignour
 prochein paramont luy, & sil doit tener
 ceo de celuy que fait mesme, donques il
 tiendra vn mesme tenancy immediate
 de diuers seignours par diuers services,
 qui seroit inconuenient: & la ley voit
 plus tost suffire vn mischief, que vn in-
 conueniencie, & pour ceo le seignourie
 del mesnaltie est extinct. Mes tantant
 que le tenant tenuist del mesme par .v.
 s. & le mesme tenuist forsq par .xii. d.
 issint que il auoit plus en auantage par
 iiii. s. que il paieist a son seignour, il aura
 les ditz .iiii. s. come rent seck annuel-
 met de le seignour qui purchase le tenancy
Etem si home qui ad rent seck est
 vnfoitz seisi dascun parcel de le rent, &
 apres le tenant ne voit paier le rent
 aderere, ceo est son remedy: il couiēt da-
 ler par luy, ou par auters, a les terres
 ou tenements, dont le rent est issant, &
 la demaunder les arerages del rent, &
 si le tenant denia ceo de paier, cest de-
 nier est vn disseisin de le rent. Auxi si le
 tenant ne soit adonq prest a paier, ceo
 est vn denier qui est vn disseisin del rent.
 Auxi si le tenant ne nul autre home soit

G.iii.

demur-

Rentes.

demurrant sur les terres ou les tenements pour paier le rent, quand il demand les arerages, ceo est vn denier en ley, & vn disseisin en fait: & de tielx disseisins il poit auer assise de nouel disseisin enuers le tenant, & recouera le seisin de le rent, et les arerages, & ses damages, & les costages de son briez & de son ple. &c. Et si apres tiel recouere & execution en, le rent soit autrefoitz luy denie, donques il aura vn redisseisin, & recouera ses double damages. &c.

¶ Et memorand que cest nosme, assisa, est nomen equiuocum, car ascun foites est pris pour vn iury, car le commencement, le record de assise de nouel disseisin issint commencera. Assisa venit recognitura &c. quod idem est quod iurata venit recognitura. Et la cause est, pour ceo que par le briez de assise il est commaund a le vicon, quod faceret. xii. liberos & legales homines de visneto. &c. videre tenementū illud, & nomina illorum imbreuiare. & quod summoneat eos per bonos summonitores quod sint coram iustic. &c. parati inde facere recognitionē. &c. Et pour ceo que par tiel original vn panel par force de mesme le briez deuoit estre retourn &c. il est dit en le commencement del record en le assise, assisa venit recognitura. &c. Auxi
en

en brief de droit il est communement dit,
 que le tenant luy doit mettre en dieu &
 en grand assise. &c. Auxi il y ad un brief
 en le registre, qui est appelle brief de
 Magna assisa eligenda. Assint est ceo
 bien prouue que cest noisme assisa aliquā-
 do ponitur pro iurata. Et ascun soit il
 est pris pour tout le brief d'assise: & so-
 lon cel entent il est plus proprement &
 plus communement pris sicome assise de
 nouel disseisin est pris pur tout le brief
 de assise de nouel disseisin. Et en mesme
 le man assise de comē de pasture est pris
 pour tout le brief d'assise de comē de pas-
 ture: & assise de mordācestre est pris pur
 tout le brief d'assise de mordācestre: et
 assise de darrein presentment, est pris
 pour tout le brief d'assise de darrein pre-
 sentment. Mes il semble que la cause,
 pour qui tielx briefs al commencement
 fuerent appellees assises, fuit pour ceo,
 que par chescun tiel brief il est com-
 maunde al viscont, quod summoneat
 xii. le quel est a tant adire, quil doit
 summoner un iurie. Et ascun soit assise
 est pris pour un ordinance. s. pour met-
 tre certain choses en certain rule & dis-
 posicion, sicome ordinance qui est entre
 les auncien estatutes, qui est appelle
 assisa panis & cervisie.

Item si soit seignour & tenant & le
 seig-

Rentes,

Seignoz graunta le rent son tenant par son fait a vn autre, sauāt a luy les seruices, & le tenant atturna, ceo est vn rent seck come est dit adenant: mes si le rent luy soit denie al prochein iour de paiment, il ny ad ascun remedy, pour ceo que il ne auoit de ceo ascun possession. Mes si le tenant quand il atturna al graunt, ou apres, voile doner al grantee vn denier, ou vn mail. &c. en nosme de seisin de le rent, donques si apres a le prochein iour de paiment le rent luy soit denie, il aura assise de nouel disseisin. Et issint est lon home grant par son fait vn annuel rent issant hors de la terre a vn autre, &c. si le grantour adonques ou apres payast al gratee vn denier, ou vn mail en nosme de seisin de le rent, donques si apres al prochein iour de paiment le rent soit denie, le grantee poit auer assise, ou autrement nemy. &c.

Item de rent seck home poit auer assise de mortdancestor, ou bzief de Auel, ou de Cosinage, & toutes autres maners d'accions real, sicome le cas gist, si come il poit auer d'ascun autre rent.

Item trois sont causes de disseisin de rent seruice. s. rescous, repleuin, & Enclofer. Rescous est, quand le seignoz
en

en la terre tenus de luy distraigne pour son rent arere, si le distres de luy soit rescous, ou si le seignour vient sur la terre, & voile distreigner, & le tenant ou autre home ne luy voile sufferer &c. Repleuin est quand le seignour ad distreine & repleuin soit fait de le distres par briez ou par pleint. Encloser est, si les terres ou les tencementes sont issint encloses, que le seignour ne poit bener deins les terres ou tencementes pour distreigner. Et la cause pour que tiex choses issint faitz sont disseisin al seignoz, est pur ceo que par tiex choses le seignoz est disturbe de le meane par quel il doit auoir & bener a s^{on} rent cestascavoir de le distres.

¶ Et. iiii. sont causes de disseisin de rēt charge. s. Rescous, Repleuin, Encloser & Denier: car Denier est vn disseisin de rent charge, come est auantdit de rent seck.

¶ Et deux sont causes de disseisin de rent seck, cestascavoir Denier & Enclosure.

¶ Et il semble que il y ad vn autre cause de disseisin de toutz les trois seruices auantditz cestascavoir si le seignoz soit en allant a la terre tenus de luy pur distreiner pur le rent arere, & le tenant ceo oyant luy encontre,
et

Rentes,

et luy forstalla la voy ouefqz force et armes, ou luy menassa en tiel forme que il ne osast venir a la terre pour distreiner pour son rent arere, pour doubte de mort ou mutilacion de ses membres, ceo est vn disseisin, pur ceo que le seigneur est disturbe de le mean, par quel il doit venir a son rent. Et issint est si par tiel forstalllement ou manasse, celui qui ad vn rent charge ou rent seck est forstalle, ou ne osast venir a la terre a demaunder le rent arere,

PARCENERS

CAP. I.



Darceners sont en deux maners, cestascavoir parcnens selonq le cours de comen ley, & parcnens selonq le custome. Parcnens selonq le cours de comen ley sont lou home ou feme seisi de certain terres ou tenemētz en fee simple, ou en taile, nad issue forsq files, & deue, & lez tenemētz descendent a les files, & les files entrent en les terres ou tenements issint descēdus a euz donques els sont appellees parcnens, & quant que files eles sont sōt forsq vn heir a lour ācestre. Et els sont appellees parcnens, pour ceo que par le briez qui est appelle de particione faciēda la ley euz voet coherter, que particiō sera fait enter euz. Et si sont deux files, as queux les terres descendent donques eles sont appellees deux parcnens: Et si sont trois files, donques els sont appellees trois parcnens: Et si quater files, quater parcnens, & issint outre.

Auxi si home seisi de tenements en fee simple, ou en fee taile, deue sans issue de son corps engendze & les tenements

Parceners.

ments descendent a les soers, eles sōt parceners come est auantdit. Et en mesme le maner lou il nad pas soers, mes les tenements descendent a les aintes, eles sont parceners. &c. Or si home nad forsqz vne file, ele ne poet estre dit parcener, mes ele appelle file & heir. &c.

Et est ascaoir que particion entre parceners poet estre fait en diuers maners : Un est quand eles agreont de faire particion, & font particion de les tenements sicome si soient deux parceners, a diuider enter eux les tenements en deux parties, chescun part par soy en feueraltie, & de egal value. Et si sont trois parceners, a diuider les tenements en trois parties par soy en feueraltie. &c.

Un autre particion est a eslier par agrement entre eux certain de lour amis, de faire particion des terres ou tenements en le forme auantdit. Et en tielx cases apres tiel particion leisme file prumierment esliera vn des parties issint diuides, que ele voet auer pour sa part, & donques la seconde file prochain apres luy, autre part: & donques le tierce soer autre part: donques le iiii. autre part. &c. si issint soit que soient plusieurs soers &c. si ne soit que soit autrement

trement agreee entre eux. Car si poert
estre agre entre eux, que vn aura tiels
tenements & vn autre tiels tenements
&c. sans aucun tiel pzmier eleccion. &c.
Et la part que leisne soer ad est appellee
en latin *Enitia pars*. Mes si les parces-
ners agreont, que leisne soer fera par-
ticion de les tenementes en le forme
anãrdit, & si ceo ele fait, donqs il est dit,
que leisne soer eslicra plus darrein pur
la part, & apres chescun de sez soers. &c.
¶ Un autre particion ou allottement
est sicome soient quater parcerers, &
apres la particion de les terres fait,
chescun part del terre soit par soy sole-
ment, escript en vn petit escrouet & soit
couert tout en cere en le maner dun pe-
tit pile, issint que nul poert voier les cro-
uet, & donques soient les .iiii. piles de
cere mys en vn bonet a garder en les
mains dun indifferent home, & donques
leisne file pzimierement mettera sa main
en le bonet quel pzendra vn pile del
cere ouesqz les crouet dens mesme le pile
pour son part, & donques le second soer
mettra sa main en le bonet, & pzendra vn
aut le .iii. soer le .iii. pile, & le .iiii. soer le
.iiii. pile. &c. Et en ceo cas couiẽt chescũ
de eux luy tenir a sa chance & allotemẽt.
¶ Atẽ vn autre particion y ad, sicome
sont quater parcerers, & eles ne voillẽt
agreer

Parceners.

Agreer a particion destre fait entre eux,
donques lun poet auer briez de Parti-
cione facienda, enuers les auters trois
ou deux de eux poient auer briez de
Particione facienda, enuers les au-
ters deux, ou trois de eux poient auer
briez de Particione facienda, enuers
la quart, a leur election. Et quād iuge-
ment sera done sur tiel briez, le iuge-
ment sera tiel, qui particion sera fait
enter les parties, et que le viscont en
sa proper person allera a les terres et
tenementz. &c. & que il par le serement
de. xii. loyalx homes de son bailif. &c. fe-
ra particion enter les parties, et qui
lun part de mesme les terres et tene-
mentz soit assigne al plaintiff ou a lun
des plaintifs, et vn autre part a vn
auter parcener. &c. nient fessant
mencion en le iugement de leisme
soer plus qui del puisne. Et de
la particion que le viscont aura issint
fait, il fera notice as iustices. &c. south
son seale et les seales de les. xii. &c. Et
issint en ceo cas par voier, que leisme
soer nauera ny la pzmier eleccion:
mes le viscont luy assignera la part que
ele auera. &c. Et poet estre que le vis-
cont voet assigner pzmierment vn part
a le plus puisne. &c. & darreinment al
eisme. &c.

Et

Et nota que particion par agrement
parenter parceners poet estre fait par
la ley enter eux auxibien par parol sans
fait come par fait.

Item si deux meses descendent a
deux parceners, & lun mese vault par
an.xx.s. & l'auter foizs.x.s.par an: en
cest cas particion poet estre fait entre
eux en tiel forme: cestascavoir, qui vn
parcener aura lun mese, & qui l'autre
parcener aura l'autre mese, & celui qui
aura la mese qui est de value de.xx.s.,
& ses heires, paieront vn annuel rent
de.v.s. issant hors de mesme le mese, a
l'auter parcener & a ses heires a toutes
iours, pour ceo que chescun deux au-
roit oweite en value. Et tiel parti-
cion fait par parol est asses bõ & mesme
le parcener qui aura le rent & ses
heires purront distreigner de commen-
droit pour le rent en le dit mese de le
value de.xx.s. si le rent de.v.s. soit ade-
rere en ascũ temps en quicunq; mains
que mesme le mese deuiendra, comient
qui ne fuit vnques ascun escripture de
ceo fait entre eux de tiel rent.

En mesme le maner est de toutz ma-
ners de terres & tenementz. &c. lou tiel
rent est reserue a vn ou a diuers parce-
ners sur tiel particion. &c. Mes tiel rent
n'est pas rent seruice mes est rent charge

H. i.

de

Parceners:

de commen droit estre & reservee pour
egalite de particion.

C Et nota que nulles sont appellees
parceners par le commen ley, mesqz fe-
melles, ou les heires de femelles que
veignent a terres & tenementz par dis-
cent. Car si soers purchase terres ou
tenementz, de ceo eles sont appel-
les iointenantes, & nemye parce-
ners.

C Item si deux parceners de terre en
fee simple font particion enter eux, & la
part de vn vaut plus que la part de
lautre, si eles fuerunt al temps de la
particion: de plein age. s. de . xxi . ans,
donques le particion toutz ditz demur-
ra, & ne sera vnques defete. Mes si les
tenementz (dont eles font particion)
soient a eux en fee tail, & le partie, que
lun ad, est mellicur en annuel value,
que est la part de lautre, coment que
eles sont concludes durant leur vies &
defeter la particion, vncore si la parce-
ner qui ad le meinder part en value ad
issue & deuie, issue poet disagreer a la
particion & entre & occuper en commen
lautre part que fait allotte a son aunt,
& issint lautre poet entrer et occupi-
er en commen lautre part allotte a sa
soer. &c. sicome nul particion vlt este
fait,

C Item

EItem si deux parceners de tenementz en fee preigne barons, & eles et lour barons font particion entre eux, si la part lun est meindze en annuel value que le part lautre, durant les vies lour barons la particion estoiera en sa force. Mes coment que il estoiera durant les vies les barons, vncore apres la mort le baron, celui feme qui ad le meindze part poet entrer en la part sa soer come est auantdit, & defetera la particion. Mes si la particion fait par enter les barons fuit tiel que chescun part al temps dallottement fait fuit del egal annuel value, * donques el ne poet apres estre defete en tiels cas.

EItem si deux parceners sont, et le puisne esteat deins lage de .xxi. ans, particion est fait enter eux, issint que la purpart qui est allotte al puisne, est de maindre value que la purpartie lautre, en cest cas le puisne durant le temps de son nonage & auxi quand el vient a son plein age .s. de .xxi. ans, poet entrer en la purpartie a sa soer allotte, & defetera la particion. Mes bien soy gard tiel par-cener, quand ele vient a son plein age, que el ne preigne a son vsc demesne toutz les profits des terres ou tenementz qui a luy facrent allottes.

Parceners:

Car adonques el soy agree a la particion a tiel age, en quel cas la particion estoera & demurra en sa force. Mes parauenture les profites de le moitie el poit prendre, relinquant les profits de l'auter moitie a sa soer. Et est ascauoir q̄ quand il est dit que males ou femals sont de plein age, ceo sera entendu de age de .xxi. ans. Car si deuant tiel age aucun fait ou fessément, grant, releas, confirmacion, obligacion, ou autre escripture soit fait par aucun de eux. &c. ou si aucun deins tiel age soit bailif ou receiueur a aucun home. &c. tout serue pour nient, & poit estre auoide. Duxi home deuant le dit age ne sera mye iure en vn equest. &c.

Item si terres ou tenementz soient dones a vn home en le taile, quel ad tant des terres en fee simple, et ad issue deux files & deuie, & les deux files font particion enter eux, issint qui la terre en fee simple est allotte a le file puisne en allowance des terres & tenementz tails allottes a le file eisme, si apzès tiel particion fait, la puisne file alienast sa terre en fee simple a vn autre en fee, & ad issue fitz ou file & deuie, l'issue poet bien entrer en les tenementz tails, et curteigner & occuper en purpartie ouesq̄ son aunt. Et ceo est pour deux causes.

An

¶ Un est, pour ce que l'issue ne poet auer aucun remede de la terre aliene par la mere, pour ceo que le terre fuit a luy en fee simple: & pour tant que ele est vn de les heires en taile, & nad mye aucun recompence de ceo qui a luy affiert de les tenementz tailes, il est resõ qui ele eit la purpartie de les tenementz tailes, et nomement quand tiel particion ne fait aucun discontinuance. * ¶ Un autre cause est pour ceo qui il sera arrette la folz de eisme soer qui el voiloit suffrer ou agreer a tiel particiõ, ou ele puißoit auer si el voiloit, le moitie de la terre en fee simple & le moitie les tenementes en le taile, pour la purpartie, et issint estre sure sans damage.

¶ Auxi si home seisie en fee de vn carue de terre par iust title, disseisist vn enfant deins age dun autre carue, et ad issue deux files, & moziust seisie dambideux carues, lenfant adonques estcant deins age, & les files entrent & fount purpartie, issint qui lun carue est allotte al purpartie lun come par cas al puisne en allowãce dautre carue qui est allotte a le purpartie de lautre, si puis lenfant entre en le carue dont il fuit disseisie sur le possession le parcener qui ad mesme le carue, donques mesme le parcener poit entrer en lautre carue qui la soer

Parceners.

ad, & tener en parcenarie ouesqz luy.
Mes si le puisne aliena mesme le carue
a vn autre en fec simple deuant lentre
lenfant, & puis lenfant entre sur le pos-
sion laliene, donques el ne poet entrer
en lautre carue, pour ceo qui par son a-
lienacion el ad luy tout oustrement dis-
misse dauer ascun part de les tenementz
come parceners. Mes si le puisne de-
uant lentre lenfant, fait de ceo vn leas
pour term dans, ou pour term de vie,
ou en fee taile, saluât le reuercion a luy,
& puis lenfât entre, la paraenture au-
trement est, pour ceo que el ne soy dis-
misse de tout ceo que fuit en luy, mes
ad reserve a luy le reuercion et le
fec. &c.

¶ Item si soient trois ou quatre par-
ceners. &c. qui sont particion entre eux,
si le part dun parcener soit desete par
tiel loial entre, el poet entrer et occu-
pier lautres terres ouesqz toutz les au-
ters parceners, & eux compel de faire
nouel particion de lauters terres enter
eux. &c.

¶ Item si sont deux parceners, et lun
prent baron, et le baron & la feme ont
issue enter eux, et la feme deuie, et le ba-
ron soy tient eings en le moitie come te-
nant par le curtesie, en ceo cas le par-
cener qui suruesquist, et le tenant par
le

le curtesie bien poient faire particion enter eux. &c. Et si le tenant par le curtesie ne voiet agreer a le particion destre fait, donques le parcener qui suruesquist poit auer enuers le tenant par le curtesie briez de Particione facienda. &c. et luy compeller de faire particion. Mes si le tenant par le curtesie voile auer particion enter eux destre fait, et le parcener qui suruesquist ne voit ceo auer, donques le tenant par le curtesie naura ascun remede pour auer particion. &c. Car il ne poit auer briez de Particione facienda, pour ceo que il nest parcener: car tel briez gist pour parceners tant solement. Et ilint poies voier que briez de Particione facienda gist enuers tenant par le curtesie, & vicoze il mesme ne poit auer tel briez.

¶ Parceners par le custome sont lon home seisie en fee simple, ou en fee tale de terres outenements qui sont de tenure appelle Gauekynde deins le countie de Kent, et ad issue diuers fites et deuie, tielz terres ou tenementz descenderont a toutz les fitz par le custome, et ouelment inheriteront et ferront particion enter eux par le custome, sicome femelles ferront, et brieze de Particione
H.iii. facienda

Parceners.

facienda gist en ceo cas, sicome enter femelx: mes il couient en la declaracion de faire mencion de le custome. Auxiel custome est en auters lieux dengleterre. Et auxiel custome est en Northgales. &c.

Item il y ad auter particion quel est d'auter nature & d'auter forme que aucuns des particions auantditz sont, sicome home seisie de certeyne terres en fee simple ad issue deux files, & leisne est marie & le pier dona parcel de ses terres a le baron oue sa file en frank mariage, & moxist seisie de le remenant, le quel remenant est de plus greindre value par an qui sont le terres dones en frank mariage. En cel cas le baron, ne la feme aura riens pour lour purpate de le dit remenant sinon que ils voille mettre lour terres dones en frank mariage en Hocheipot, ouesqz le remenant de la terre ouesqz sa soer. Et si issint ils ne voillēt faire, donques le puisne poit tener et occuper mesme le remenant, et pprendre a luy les profits tantsolement. Et il semble que cest parol (Hotchpot) est en Englishe, a pudding: car en tiel pudding nest communement mys vn chose tant solement mes vn chose ouesqz auters choses ensemble. Et pour ceo il couient en tiel cas

eas de mettre les terres donees en frank
mariage ouesqz les autres terres en
Hotchepot, si le baron & sa femme voil-
lent auer aucun part en les autres
terres. Et cest term (Hotchepot) nest
forsqz vn term similitudinarie, et est a
tant adire, cest ascauoir de mettre les
terres donees en frank mariage et les
autres terres en fee simple ensemble: et
ceo est a tiel entent, de conastre le va-
lue de toutz les terres .s. de les terres
donees en frank mariage, & de le reme-
nant qui ne fuerent donees: et don-
ques particion sera fait en le forme qui
ensuit. Sicomme mittomus que home
soit seisie de .xxx. acres de terre en fee
simple, chescun acre del value de .xii.
d. par an, et que il ad issue deux files,
et lun est couert de baron, et le
pier dona .x. acres de les .xxx. acres a le
baron oue sa file en frank mariage, &
morust seisie de le remenant, donques
l'auter soer entra en le remenant .s. en
les .xx. acres, & euz occupiera a son vse
demesne, sinon que le baron & sa femme
voile mitter les .x. acres donees en frank
mariage, oue lez .xx. acres en Hotchepot,
cest ascauoir ensemble: & donques quãd
le value de chescun acre est conus, cest
ascauoir que chescun acre vault par an
& est assesse ou enter euz agreee q̄ chescun
acre

Parceners.

acre vault par an. xii. d. donques le par-
ticion sera fait en tiel forme, cest asca-
voir le baron & sa feme aueront oustre
les. x. acres, donec a eux en frank maria-
ge. v. acres en feueraltie de les. xx. a-
cres, & l'auter soer auera le remenant. s.
xv. acres de les. xx. acres pour sa pur-
partic: issint que accomptant les. x. acres
que le baron & sa feme ont par le don
en frank mariage, & les autres. v. acres
de les. xx. acres, le baron & sa feme ont
a tant en annuel value que l'auter soer
ad. Et issint toutz foitz sur tiel parti-
cion, les terres donec en frank mariage
demeurent a les donec & a leur heirs
selon la forme de le done. Car si l'auter
parcener auroit riens de ceo qui est
done en frank mariage, de ceo ensue-
roit inconuenience & chose encontre re-
sō * q̄ la ley ne voit souffre. Et la cause
pour qui les terres donec en frank ma-
riage seront mis en Hotchepot, est ceo:
quand home done terres ou tenementz
en frank mariage oue sa fille, ou oue au-
ter cosin. il est entendus par la ley, que
tiel don fait par tiel parol (frank mari-
age) est un auancement & pour auances-
ment de sa fille, ou de son autre cosin, &
nosmement quand le donour & ses heirs
n'auront ascun rent ne seruice de eux,
sinon que soit feaitie, tanq̄ le quart de
gree

gree soit passe. &c. Et pour tiel cause la ley est, que el aura riens de les auters terres ou tenementz descendus a l'auter parccener. &c. sinon que el voile mettre les terres dones en frank mariage en Hotchepot, come est dit. Et si el ne voile mettre les terres dones en frank mariage en Hotchepot, donques el naura riens del reimenant, pour ceo que sera entendu par le ley que el est suffisamment auance, a quel auancement el soy agrees, & luy tient content.

¶ Mesme la ley est parenter les heirs de les dones en frank mariage, a les auters parcceners &c. si lez donez en frank mariage deuont deuant leur ancelter, ou deuant tiel partition, &c. quant a mettre en Hotchepot. &c.

¶ Et nota que dones en frank mariage fueront par le comen ley deuant le statut de Weistm secont, & tout temps puis ad elle vse & continue. &c.

¶ Item tiel mettre en Hotchepot. &c. est lou terres ou tenementz fueront dones en frank mariage descendus de l'auters que les donours en frank mariage tant solemene, car si les terres descenderont a les files par le pier le donour, ou par le meer le donces, ou par le frere le donour, ou auter ancelter

Parceners.

& nemy par le donour. &c. la autrement est: car en tiel cas ele, a qui tiel done en frank mariage est fait, aura sa part, si come nul tiel done en frank mariage vlt elle fait, pour ceo que ele ne fuit auāce par eux. &c. eins par vn auter &c.

¶ Item si home sessi de. xxx. acres de terre chescun acre de quel annuel value eyant issue deux files come est auantdit, dona. xv. acres de ceo a le baron oue sa file en frank mariage, & moztust seisie de les auters. xv. acres, en cest cas lauter soer aura les. xv. acres descendus a luy sole: & le baron & sa femme ne mettront en tiel cas. xv. acres a eux dones en frank mariage, en Hotchpot: pour ceo que les tenementz dones en frank mariage sont de auxi graund & de bon annuel value, sicome les auters terres descendus. &c. Car si les terres dones en frank mariage sont de egal annuel value, que le remenant sont, ou de pluis value, en vain & a nul entent tielx tenementz dones en frank mariage sera mys en Hotchepot. &c. pour ceo que el ne poet riens auer de les auters terres descendus. &c. car si ele auroit ascun parcel de les tenementz descendus, donques ele aura plus de annuel value que sa soer &c. q̄ la ley ne voet. &c. Et sicome il est
parle

parle en les cases auantditz de deux
files ou de deux parceners, en mesme le
maner est en semblable cas, lou sont
plusours soers ou plusours parceners
solon ceo que le cas & le matter est. &c.

CEt est ascauoir, que terres ou tene-
mentz dones en frank mariage ne sera
mis en Hotchepot, forsque oue terres
descendus en fee simple, car de terre des-
cendus en fee taile particion sera fait,
sicome nul tiel done en frank mariage
vlt este fait.

Item nulz terres serōt mis en Hoch-
pot oue auters, sinon terres qui fuerōt
dones en frank mariage tant solement.
Car si ascun feme ad ascuns auters
terres ou tenementz par ascun auter
don en le taile, el ne vnquez mettera tiel
terre issint done en Hochepot, mes el
aura la purpartie de le remenant des-
cendus. &c. s. a tant que lauter parcener
aura de mesme le remenant.

Item vn auter particion poit estre
fait entre parceners, qui variait de les
particions auantditz: sicome y sont trois
parceners, & le puisne voit auer parti-
cion, & les auters deux ne boillont, mes
boillent tencer en parcenerie ceo que a
eux affiert sans particion: en cest cas si
vn part soit alotte en seueraltie al pu-
isne soer, solon ceo que il doit auer don-
ques

Iointenants.

ques les autres poient tener le reme-
nant en parcenerie, & occuper en comē
sanz particion, si elz voillent: & tiel par-
ticion est assetz bon. Et si apres leisme,
ou le mulnes parcener voile faire par-
ticion entre eux de ceo que els teignent,
els poient ceo bien faire quand a eux
pleast. Mes lou particion sera fait par
force de brief de Particion facienda, la
auterment est: car la couient que chescū
parcener aura sa part en seueraltie. &c.
¶ Plus sera dit des pceners en le cha-
piter de iointenantz, & auxi en le chapi-
ter de tenantz en comen. &c.

Iointenants. Cap. 3.

Iointenantz sont sicome home seissie de
certaine terres ou teneementz. &c. ent
enfesse deux, trois, quatre, ou plusors,
a auer & tener a eux & a leur heirs, ou a
auer & tener a eux pour term de leur
vies, ou a term d'auter vie, par force de
quel seissement ou leas ilz sont seissies,
tielz sont iointenantz.

¶ Item si deux ou troys. &c. disseisont
vn autre d'aucun terres ou teneementz a
leur vse demesne, donques les dissei-
sours sont iointenantz. Mes silz dis-
seisont vn autre al vse d'un de eux,
donques ils ne sont iointenantz: mes
celay

celuy a qui vse le disseisin est fait est
sole tenant, & les autres nont riens en
le tenancie, mes sont appellees coadiu-
tors a le disseisin. &c.

Et nota que disseisin est proprement
lou vn home enter en ascuns terres ou
tenementz lou son entre nest pas con-
geable, & ousta celui qui ad frankte-
nement. &c.

Et est ascauoir, q la nature de ioin-
tenancie est, que celui qui suruesquist
aura solement l'entier tenancie, selon
tiel estat que il ad, si le iointure soit
continue. &c. Sicome trois iointe-
nantz sont en fee simple, & lun ad is-
sue, & deuie, vncore ceux qui surues-
quont auront les tenementz entier, et
l'issue naura riens. Et si le second ioin-
tenant ad issue & deuie, vncore le
tierce qui suruesquist aura les tene-
mentz entier, & euz aura a luy & a ses
heirs a toutz iours. Mes autrement
est de parceners. Car si trois parceners
sont, & deuant aucun particion fait,
lun ad issue & deuie, ceo que a luy asiert
descendra a son issue. Et si tiel parcener
morust sans issue, donques ceo que a
luy asiert descendra a ses coheirs: is-
sint qui ils auront ceo par discent, & ne-
my par suruiuour come iointenantz
auront. &c.

Et

Iointenants,

Et come le suruiueur tient lieu en-
ter iointenantz en mesme le maner il ti-
ent lieu enter eux queux ont ioint estat
ou possession ouc auter de chatel real ou
parsonel. Sicome si lees de terres ou
tenementz soit fait a plusours pur term
des ans, celui qui suruesquist de lez les-
sees aura les tenemētz a luy entier du-
rant le term par force de mesme le leas.
Et si vn chiual, ou vn auter chatel par-
sonel, soit done a plusours, celui qui
suruesquist aura le chiual solement.

En mesme le maner est des dettes &
ducties &c. car si vn obligaciō soit fait
a plusours pour vn det, celui qui sur-
uesquist aura tout le det ou dutie. Et
issint est dauterz couenātz & cōtractz. &c

Item ascuns iointenauntz poient
estre qui poient auer ioint estat, & estre
iointenantz pour term de leur vies, et
vncore ilz ont seueral inheritances. Si-
come terres soient dones a deux homez
& a les heirs de leur deux corps en-
gendres, en cest cas les donees ont
ioint estat pur term de leur deux vies:
& vncore ilz ont seueralx enheritance,
car si lun des donees ad issue, & deuie,
l'auter que suruesquist aura tout par le
suruiueur pour term de sa vie: & si celui
qui suruesquist auxi ad issue & deuie,
donques le issue del vn aura lū moitie,
& l'issue

& lissue del auter aura l'auter moitié de la terre: & eux tiendront la terre entre eux en commun, & ne sont pas iointenantz, mes sont tenantz en commun. Et la cause pour que tielx donees en tiel case ont ioint estat pour term de leur vies, est pour ceo que au commencement les terres fuerent donees a eux deux, les queux paroles sans plus dire font ioint estat a eux pour term de leur vies. Car si home voit lesser terre a un autre par fait, ou sans fait, nient fesant mencion quel estat il auroit, & de ceo fait liuerie de seisin, en ceo cas le lesses ad estat pour term de sa vie. Et issint en tant que les terres fuerent donees a eux, ils ont ioint estat pour term de leur vies. Et la cause pour qui ils auront seueralx enheritances est ceo, entât qui ils ne poient auer par nul possibilitie un heir enter eux engēdre, sicome home & feme poient auer. &c. donques la ley voet que leur estat & leur enheritance soit tiel come reaso voet, solonc la forme & effect des paroles del done, & ceo est a les heirs qui lun engendra de son corps par aucun de ses femmes, & a les heirs que lautre engendra de son corps par aucun de ses femmes. &c. Issint il couient par necessitie de reason qui ils auront seueralx enheritances. Et en tiel cas si

Iointenants,

issue dun des donees apres la mort des
donees deuie, issint qui il nad ascun is-
sue en vie de son corps engendre, don-
ques le donour ou son heire poet en-
trer en le moite come en son reuercion.
¶ Et coment que l'auter des donees ad
issue en vie &c. Et la cause est en tant
que les enheritances sont seueral. &c.
le reuercion de eux en ley est seueral
&c. & le suruiuour del issue del autre ne
tiendra pas lieu dauer lentierte.

¶ Et sicome est dit de males, en mesme
le maner est lou terre est don a deux se-
males, & a les heires de lour deux corps
engendres.

¶ Item si terres soient dones a deux,
& a les heires de lun de eux, ceo est bon
iointure: & lun ad franktenement, et
l'auter ad fee simple. Et si celui qui ad
le fee deuie, celui qui ad le franktene-
ment aura lentierte par le suruiuour pour
terme de sa vie. Et mesme le maner est
lou tenements sont dones a deux et a
les heires del corps dun de eux engen-
dres, lun ad franktenement, & l'autre ad
fee taile. &c.

¶ Item si deux iointenances sont des-
tate en fee simple, & lun grant vn rent
charge par son fait a vn autre hors de
ceo qui a luy assiert en cest cas durant
le vie le grauntour, le rent charge est
effectuel:

effectuel: Mes apres son decesse le grā de le rent charge est voide, quānt a charger la terre: car celui qui ad la terre par le suruiuour tiendra tout la terre discharge. Et la cause est pour ceo que celui qui suruesquist clama & ad la terre par le suruiuour, & nemp ad ne poet de ceo clamer rien par descent de sō companion. &c. Mes autrement est de parceners: car si soient deux parceners des tenemens en fee simple, & deuant aucun partition fait, lun charge ceo qui a luy affiert par fait dun rent charge. &c. & puis morust sans issue par qui ceo qui a luy affiert descendra lautre parcener, & en cest cas lautre parcener tiendra la terre charge. &c. pour ceo que il viendra cel moitie par descent come heir. &c.

¶ Item si sont deux iointenāts dez terres en fee simple deins un burgh, lō les terres & tenemens sont deuifables par testament, et si lun de les dits deux iointenants deuifa ceo qui a luy affiert par son testament &c. & morust, cest deuife est voide. Et la cause est, pour ceo que nul deuife poet prendre effect, mes apres la mort le deuifour: et par sa mort tout la terre maintenant deuient par la ley a son companion qui suruesquist, par le suruiuour,

Iointenants.

le quel il ne clame ne ad riens en la terre par my le deuifoz mes en son droit demefne par le furiuoz, folon le cours del ley. &c. & pour cel cause tiel deuife eft boide. Mes autrement est de par- ceners seifies des tenimets deuifables en tiel cas de deuife. &c. causa qua fu- pza.

Etem il est communement dit, que chescun iointenant est seifi de la terre que il tient iointement par my & par tout, & ceo est au tāt adire que il est seifi par chescun parcel & par tout. &c. & ceo est boire: car en chescun parcel, & par chescun parcel, & par toutz les terres & tenementz, il est iointment seifie ouesqz son companion.

Etem si deux iointenantes sont seif- lies de certain terres en fee simple, & lū leffa ceo qui a luy affiert a un estrange pour term de .xl. ans, & deuie deuant le terme comence, ou deins le term, en cest cas apres son decesse de lessee poct en- ter & occuper la moitie a luy lesse du- rant le terme. &c. coment qui le lessee n'auoit unques possession de ceo en la vie le lessour, par force de mesme le leas &c. Et le diuersite parenter le cas de grant de rent charge auantdit, & cest cas est ceo: car en grant de rent charge par iointenant, &c. les tenementes de-
mure

emergent toutz foitz come ilz fuerent
adeuant, sans ceo que aucun ad aucun
droit d'auer aucun parcel de les tene-
ments forsqz eux mesmes: & les tene-
ments sont en tiel plite come ilz fue-
ront deuant le charge &c. Mes ou leas
est fait par vn iointenant a vn autre
pour terme des anz. &c. maintenant par
force de le leas, le lessee ad droit en
mesme la terre, cestascavoir de tout ceo
qui a son lessour affiert, & d'auer ceo par
force de mesme le leas durant son term
Et ceo est la diuersite. &c.

¶ Item iointenants filz voient, poiēt
faire particion enter eux, & la particion
est assety bonmes de ceo faire ilz ne se-
rōt compelles par la ley. Mes filz voil-
lent faire particion de leur propre
volunte & agrement, le particion es-
toiera en la force.

¶ Item si vn ioint estat soit fait de
terre a le baron & a la feme & a vn tierce
person, en cest cas le baron & la feme
nont en ley en leur droit forsqz le moi-
tie. &c. & le tierce person ad au tant
come le baron & la feme ont. s. l'autre
moitie. &c. Et la cause est, pour ceo que
le baron & la femme ne sont forsqz vn
person en ley, & sont en semblable cas
sicome estat soit fait a deux iointenāts
ou lun ad par force de iointure lun

Tenēt en comen.

moitié en ley, et lautre, lautre moitié.
¶ En mesme le maner est lou estat est
fait a le baron et sa feme et as autres
deux homes: en tiel cas le baron et sa
feme nont forsqz la tierce partie, et les
autres deux homes lez deux parties &c.
causa qua supra.

¶ Plus sera dit de mater tou-
chant iointenancie, en le chapitre de
tenantes en cominen, et tenant par
elegit, et tenant par le statut mar-
chant.

Tenantes en cominen.

Cap. 3.

Tenantes en cominen sont ceuz,
qui ont terres ou tenementes
en fee simple, fee taile, ou pur
terme de vie. &c. les queux ont tielx
terres ou tenementes par seueral ti-
tles, et nemp par ioint title, et nul de
eux scauoit de ceo son seueral: mes ils
doient par la ley occuper tielx terres
ou tenementes en cominen, & pro-
induisloz, a prendre les profits en
cominen. Et pour ceo que ils auen-
dront a tielx terres ou tenementes
par seueral titles, & nemp par vn ioint
title, et lour occupation & possession se-
ra par la ley parenter eux en cominen,
ils

ils sont appellez tenantes en commun. **S**icome vn home enfeffa deux iointe-
nantes en fee, et lun de eux alien ceo
qui a luy affiert a vn autre en fee, oze
laliennee & l'autre iointenant sont te-
nantes en commun, pour ceo que ils
sont eings en tielx tenementes par seue-
ral titles, car laliennee vient eings en la
moitie par le fessement dun des ioin-
tenants, et l'autre iointenant ad lau-
tre moitie par force de le premier
fessement fait a luy & a son compari-
on. &c. et issint ilz sont eings par seue-
ral titles, cest ascauoir par seueral fesse-
mentes &c.

Et est ascauoir que quand il est dit
en ascun liuerie que home est seisi en fee
sans plus dire, il sera entendu en fee
simple: car il ne sera entendu par tiel
parol (en fee) que home est seisi en fee
taile, sinon que soit mis a ceo tiel ad-
dicion se taile &c.

Item si trois iointenantes sont,
& vn de eux alien ceo qui a luy affiert
a vn autre home en fee: en cest cas la-
liennee est tenant en commun ouesque
les autres deux iointenantes: mes
vncore les autres deux iointenantes
sont seises des deux parties iointe-
ment qui remaine, et de ceux deux

A.iii.

para

Teñt en comen.

parties le suruiuour entre eux deux tiēt lieu. &c.

AItem si soient deux iointenantes en fee, & lun dona ceo qui a luy affiert a vn autre en le taile, & lautre done ceo qui a luy affiert a vn autre en le taile, les donees sont tenautes en comen. &c.

Mes si terres sont dones a deux homes, & a les heires de leur deux corps cagendres, les donees ont ioint estat pour terme de leur vies: et si chescun de eux ad issue, & deue, leur issues tiendront en comen. &c.

Mes si terres sont dones a deux abbes sicome al abbe de Westminster, & al abbe de saint Alban, a auer & tener a eux & a leur successors, en cest cas ilz ont maintenant al commencement estate en comen. & nemy ioint estat. Et la cause est pour ceo que chescun abbe, ou autre seueraigne de maison de religion, deuant que il soit fait abbe ou seueraigne. &c. il soit forsqz come mort person en ley, & quand il est fait abbe, il est come vn home personable en ley tantselement a purchaser & auer terres ou tenementes ou auters choses al vse de sa maison, & nemy a son propre vse, come autre seculer home poet, & pour ceo al commencement de
leur

leur purchase ils sont tenants en comē:
 & si lun de eux deuie, labbe qui suruef-
 quist naura my tout par le suruinour,
 mes le successeur de labbe qui mozist,
 tiendra le moitie en comen ouc labbe
 qui suruefquist. &c.

¶ Item si terres soiēt dones a vn abbe
 & a vn secular home, a auer & tener
 a eux. s. al abbe & a ses successeurs, &
 al secular home a luy & a ses heirs, dō-
 ques ils ont estat en comen, causa qua
 supra.

¶ Item si terres soient dones a deux, a
 auer & tener. s. lun moitie a lun & ses
 heirs, & lautre moitie a lautre & a ses
 heirs, ils sont tenants en comen.

¶ Item si home seisie de certain terre
 enfeffa vn auter de le moitie de mesme
 la terre, sans ascun parlance dassigne-
 ment ou limitation de mesme la moitie
 en seueraltie al tēps del seffement, don-
 ques le seffee & le seffour tiendront leur
 parties de la terre en comen.

¶ Et est ascauoir que en mesme le
 maner come est auantdit de tenants en
 comen de terres ou tenements en fee
 simple, ou en fee taile, en mesme le ma-
 ner poit estre dit de tenants a term de
 vie. Sicome deux iointenants sont en
 fee, & lun leffe a vn home ceo que a luy
 asfiert pour term de vie, & lautre ioin-
 tenant

Ten.en comen.

tenant lessa ceo que a luy affiert a un
auter pour term de vie &c. les deux less-
sees sont tenants en comen pour leur
vies. &c.

¶ Item si home lessa terres a deux homes
pour term de leur vies, & lun graunta
tout son estat de ceo que a luy affiert a
un auter, donques l'auter tenant a term
de vie, & celui a qui le graunt est fait,
sont tenants en comen durant le temps
que ambideux lesses sont en vie.

¶ Et memorandum que en toutz au-
ters tielx cases, coment que ne sont
seu expressement moues ou specifies, si
sont en semblable reason, sont en sem-
blable ley.

¶ Item si deux iointenantz en les sôt,
& lun lessa ceo que a luy affiert a un au-
ter pour term de sa vie, le tenant a term
de vie, durant sa vie, & l'auter iointenant
qui ne lessa pas, sont tenants en comen.
Et sur ceo cas un question poit surder,
sicome en tiel cas n'ittonus que le less-
sours ad issue & deue, viuant l'auter
iointenant son companion, & viuant le
tenant a term de vie, le question poert
estre tiel. Si le reuercion de la moitie
que le lessours auoit, descendra al issue le
lessours, ou que l'auter iointenant aura
cel reuercion par le suruiueur. A scuns
ont dit en cest cas que l'auter iointenant
aura

aura cel reuercion par le furniaour, & leur reason est tel. s. que quād lez iointenants fueront iointment seisis en fee simple &c. coment que lun de eux fist estat de ceo que a luy affiert pour term de vie, & coment que il ad seuer le frāktenement de ceo que a luy affiert par le leas, vncoze il nad seuer le fee simple: mes le fee simple demourt a eux iointment come il fait adenaunt. Et issint semble a eux, que lauter iointenant qui suruesquist, aura le reuercion par le furniaour. &c. Et auters ont dit le contraire, & ceo est leur reason. s. que quand lun des iointenants lessa ceo que a luy affiert a vn auter pour term de sa vie, par tel leas le franktenement est seuer de le iointure, & par mesme le reason le reuercion qui est dependaunt sur mesme le franktenement, est seuer de le iointure. Nuxi si le lessour eust reserve a luy vn annuel rent sur le leas, le lessour solement auroit le rent. &c. le quel est vn proue que le reuercion est solement en luy, & que lauter nad riens en cel reuercion. &c. Nuxi si le tenaunt a terme de vie fait emplede &c. & fist defaut apres defaut, dōques le lessour seroit de ceo solement rescu a defender son droit, & son companion en cest cas en null manere seroit

Ten en comen.

seroit rescu, le quel proue le reuercion
de la moitie destre tant solement en le
lessour. Et sic per consequens, si le les-
sour moust viuant le lessee pour termi
de vie, le reuercion descendra al heir del
lessour, & nemy deuiendra a l'auter ioin-
tenant pour le suruiuour. Ideo quere.
Mes en cest cas si celui iointenaunt
qui ad le franktenemēt ad issue & deuie,
viuant le lessour & lessee, dōques il sem-
ble que mesme issue aura cest moitie en
demesne & en fee par discent, pour ceo
que vn frāktenemēt ne poit par nature
de iointure estre annexe a vn reuercion
ec. & il est en certain, que celui qui ne
lessa fuit seisie de la moitie en son de-
mesne come de fee, & nul aura aucun
iointure en son franktenemēt, ergo ceo
descendra a son issue ec. Sed quere.

¶ Mes si issint soit que la ley en cest cas
est tiel, que si le lessour deuie viuant le
lessee, & viuant l'auter iointenāt qui ad
le franktenement de l'auter moitie, que
le reuercion descendra al issue del les-
sour, donques est le iointure & title que
aucun de eux poit auer par le surui-
uour, & le droit de le iointure, aniente
& tout outermient desete a touz iours.
En mesme le maner est si celui iointe-
nant qui ad le franktenement deuie,
viuant le lessour & le lessee, si la ley
soit

soit tiel que son franktenement & fee
que il ad en le moitie, descenda son is-
sue, donques le iointure sera defete a
toutz iours.

Et si trois iointenants sont, & l'un
releffa par son fait a un de ses compa-
nions tout le droit que il auoit en la
terre, donques ad celui a qui le releas
est fait le tierce partie de les terres, p
force de le dit releas, & il & son cōpanion
teign les autres deux parties en ioin-
ture. Et quant al tierce partie, qui il ad
par force de releas il tiēt cel tierce par-
tie oue luy meisme & son companion en
comen.

Et est ascauoir que ascū foitz fait de
releas prendra effect, & viera pur met-
ter l'estat de celui qui fist le releas, a
celuy a qui le releas est fait: sicome en le
cas auantdit, & auxi sicome ioint estat
soit fait a le baron & a la feme, & a la
tierce pson, & la tierce parson releffa tout
son droit qui il ad a le baron, donques ad
le baron la moitie qui le tierce auoit, &
la feme de ceo nad riens. Et si en tiel cas
le tierce releffa a le feme, nient nosmāt
le baron en le releas, dōques ad la feme
le moitie qui la tierce auoit &c. & le baron
nad riens de ceo forsq en droit la feme,
pur ceo que en tiel cas le releas viera
de faire estat a celui a qui le releas est
fait

Ten, en comen.

fait de tout ceo qui affiert a celui qui fait le releas. &c.

Et en aucun cas vn releas verra de mettre tout le droit que il qui fait le releas, ad a celui a qui le releas est fait. Sicome home seisié de certains tenements est disseisié par deux disseisors, si le disseisié par son fait releffa tout son droit. &c. a vn des disseisors, donques celui a qui le releas est fait, aura & tiendra toutz les tenemens a luy sollement & oustera son companion de chescun occupation de ceo. Et la cause est, pur ceo que les deux disseisors fueront einsi en les tenements par tort par eux fait encontre la ley, & quand vn de eux happe le releas de celui qui ad droit d'entrer. &c. cest droit en tiel case vesta en celui a qui le releas est fait, & est en tiel plite, sicome il qui auoit droit auoit entre, & luy enseffa &c. Et la cause est pur ceo que il qui auoit adueant estat par tort s. par disseisin. &c. ad ore par le releas vn estat droiturel.

Et en aucun cas vn releas verra par voy dextierement, & en tiel cas tiel releas aidera le iointenant a qui releas ne fuit fait, auxibien come luy a qui releas fait fait, sicome si vn home soit disseisié & le disseisor fait fessément a deux homes en fee, si le disseisié releffa par son fait a
vn

Vn de les feffees, dōques cel releas vze-
ra a ambideux les feffees, pour ceo que
les feffees ont estat p la ley. s. par feffe-
ment, & nemy par tort fait a nully. &c.

¶ En mesme le maner est, si le disseisor
fait vn leas a vn home pour term de sa
vie, le remainder oustre a vn auter en
fee, si le disseisie releffa a le tenāt a term
de vie tout son droit. &c. cel releas
vzera auxibien a ccluy en le remainder
come a le tenant a term de vie. Et la
cause est pour ceo que le tenant a term
de vie vient a son estat par cours de
ley, & pour ceo cel releas vzera & pzent
effect par voy dextientisement de droit
de celuy qui releffa &c. Et par cel releas
le tenant a term de vie, nad plus ample
ne greinder estat que il auoit deuant le
releas fait a luy: & le droit celuy qui re-
leffa est tout oustrement extient. Et en-
tant que cest releas ne poit enlarget
lestat de le tenant a term de vie, il est
reason que cel releas vzera a ccluy en le
remainder. &c.

¶ Plus sera dit de releffes en le chapi-
ter de releffes.

¶ Item si soient deux parceners, & luns
alien ceo que a luy affiert a vn auter,
donques lautre parcenier & lalienee sont
tenants en comen.

¶ Item que tenants en comen porrent
estre

Ten, en comen.

estre par title de prescription: sicome lū
& ses ancesters, ou ceux qui estat il ad en
vn moitie, ont tenus en comen mesme
le moitie oue l'auter tenant qui ad l'au-
ter moitie, & oue ses ancesters, ou oue
ceux qui estat il ad pro indiuiso, de tēps
dont memoire ne court. &c. Et diuers
autres maners poient faire & causer
homes destre tenants en comen, qui ne
sont icy expressez. &c.

Item en ascun cas tenants en comen
doient auer de leur possession seueralx
accions, & en ascun cas ils ioindront en
vn accion. Car si sont deux tenants en
comen, & ilz sont disseisies, ils doivent au-
er deux assises, & nemy vn assise: car
chescun de eux couient auer vn assise de
son moitie &c. Et la cause est pour ceo
que tenants en comen fueront seisies
&c. par seueralx titles. Mes autrement
est de iointenants: car si soient vint ioin-
tenants, & ilz sont disseisies, ils au-
ront en toutz leur nosmes forsq vn as-
sise, pour ceo que ils nont forsqe vn
ioint title. &c.

Item si soient trois iointenants, et
vn relese a vn de ses companions, tout
le droit que il ad. &c. & puis les autres
deux sont disseisies de l'entiertie, &c. en
cest cas les deux autres auront seue-
ralx assises &c. en cest forme, s. ils aurōt
en

en leur ambideux nosmes vn assise de
les deux parties. &c. pour ceo que les
deux parties ilz teignent iointement al
temps de le disseisin. Et quāt a le tierce
partie celui a qui le releas fuit fait,
couient auer de ceo vn assise en son
nosme demesne, pour ceo que il (quant
a mesme le tierce part) est de ceo tenant
en comen. &c. pour ceo que il vient a cel
tierce partie par force del releas, et ne-
my tantsolement par force del ioin-
ture.

Item quant a suer des accions qui
touchent en le realtie, y sont diuersitiez
parenter parceners, qui sont eus par
diuers discentes, & tenants en comen.
Car si home seisi de certain terre en fee
ad issue deux files, & mozt, & les files
entrent &c. & chescun de eux ad issue vn
fitz, & deuieront sans particion fait en-
ter eux, par qui lun moitie descend a le
fitz dun parcener, & lautre moitie des-
cendist al fitz dauter parcener, et ilz
entrent & occupiont en comen, & sont
disseisies: en cest cas ilz auront en leur
deux nosmes vn assise, & ne my deux as-
sises. Et la cause est que coment que ilz
veignent eus par diuers discentes &c.
vncore ilz sont parceners, et brief de
Particione facienda gist enter eux. Et
ils ne sont parceners eyant regard ou
h. i. respect

Ten.en comen.

respect tantsolement a le seisin & possession de lour miers, mes ils sont parceners plus eiant respect a lestete qui descendist de lour apel a lour miers: car ils ne poiēt estre parceners, si lour miers ne fuerent parceners adeuant &c. Et issint a tiel respect & consideration. s. quant a le premier discent qui fuit a lour miers, ils ont vn title en pcenery le quel fait euz pceners. Et auxi ils ne sont forsqz come vn heir a lour comun auncestre .s. a lour apel de qui la terre descendist a lour miers. Et pour ceuz causes deuant particion enter euz. &c. ils auront vn assise, comient que ils veignent eins par seueralx discentes &c.

¶ Item si sont deux tenants en comon de certain terre en fee & ils doneront cel terre a vn home en le taile, ou lesseront a vn home pour term de vie, rendant a euz annuellement vn certain rent & vn liure de pepper, & vn esperuer ou vn chival, & ils sont seises de cest service, & puis tout le rent est aderere, et ils distreigneront pour ceo, & le tenant a euz fait rescous: en cest cas quant a le rent et liure de pepper ils auront deux assises, et quant a lesperuer, ou le chival forsqz vn assise. Et la cause pur qui ilz auront deux assises quant a le rent
et

et liure de pepper est ceo en tant que
ils fueront tenants en comen seueralx
titles, & quand ils fieront vn don en le
taile, ou leas pour terme de vie, sauant
a eux le reuercion, & rendant a eux cer-
tain rent &c. tiel reseruacion est inci-
dent a leur reuercion: & pour ceo que
leur reuercion est en comē, & par seue-
ral titles, sicome leur possession fuist
deuāt, le rent & autres choses qui poi-
ent estre seueres, & fueront a eux re-
serues sur le don, ou sur le les, queux
sont incidents par la ley a leur reuer-
cion, tielx choses issint reserues fuerōt
de la nature del reuercion: & entant que
le reuerciō est a eux en comen par seue-
ral titles, il coiēt que le rent & le liure
de pepper queux poient estre seueres,
soit a eux en comē & par seueralx titles,
& de ceo ilz auront deux assises, & chescū
de eux en son assise fera son pleint de le
moitie de le rent & de le moitie del liure
de pepper mes de lesperuer ou de le
chival qui le poient estre seueres, ils
auront forsqz vn assise: car home ne
poet faire vn pleint en assise de le moi-
te dun esperuer ne de le moitie dun chi-
ual. &c. En mesme le maner est dautres
rentes & dautres seruices qui tenant
en comen ont en grosse par diuers ti-
tles. &c.

Item

Ten.en comen.

Item quant a accions parsonelx, tenants en comen auront tielx accions parsonelx iointment en toutz leur nommes: sicome de trespas, ou de offence que touche leur tenements en comen sicome de briser leur measons de enfreinder de leur choses, de pasture degaster, & defouler des herbes, de couper leur boyz, de pischer en leur piscarie, & huiusmodi: En cest cas tenantes en comen aueront vn accion iointment & recoueront iointment leur dam pour ceo qui laccion est en le personalite, et neiny en le realite. &c.

Item si deux tenants en comen font vn leas de leur tenements a vn autre pour terme des ans, rendant a eux certain rent annuellement durant le term, si le rent soit aderer. &c. les tenants en common auront vn accion de det enuers le lessce, & neiny diuers accions, pour ceo que laccion est en le personalite. *

Item tenantes en comen poient bien faire particion entre eux silz voilent coment qui ilz ne seront compelles de faire particion par la ley: mes silz font entre eux particion par leur agrement & consent, tiel particion est asses come est auidge en le lunc dastises, &c.

Item

Item sicome y sont tenants en com-
men de terres & tenemens &c. come est
auantdit, en mesme le maner y sont de
chateux realx & personelx: sicome si leas
soit fait de certain terres a deux homes
pour terme de .xx. ans, & quand ilz sont
de ceo possessiōs, lun de lez lessces grāt
ceo qui a luy affiert durant le terme a
vn autre, donques mesme celuy a qui le
grant est fait & lautre tiendront & oc-
cupieront en comen.

Item si deux ont iointment le garde
de corps & de terre dun enfant deins
age, & lun de eux graunt a vn autre ceo
qui a luy affiert de mesme le gard, don-
ques le grauntee & lautre qui ne gran-
ta pas auront & tiendront ceo en com-
men. &c.

En mesme le maner est de chateux p-
sonelx. Sicome deux ont iointment par
don ou par achate vn chiuall ou boef. &c.
& lun graunt ceo qui a luy affiert de
mesme le chiuall ou boef a vn autre,
donques le grauntee et lautre qui ne
graunta pas, auront & possederont
tielx chateux parsonelx en comen. Et
en tielx cases ou diuers persons ont
chateux realx, ou personelx en comen
et par diuers titles, si lun de eux me-
rust, les autres qui suruesquont nau-
ront ceo par le suruiuour, mes les exc-

Ten.en comen.

curtors celui qui morust tiendront & occuperont ceo ouesqz eux qui suruesquont. sicome iour testatoz fist ou deuoit en la vie &c. pour ceo que lour titres & droitez en ceo fuerent seuerals &c.

Item en le cas auantdit sicome deux ont estat en comon pur term dans, &c. lun occupa tout, & mist lautre hors de possession & occupacion &c. donques celui qui est mis hors de occupaciō aura enuers lautre briez de Eiectione firme de la moitie. &c.

En mesme le maner est lou deux teignent le gard des terres ou tenements durant le nonage dun enfāt, si lun ousta lautre de son possession, il qui est ouste aura briez de gettement de gard de le moitie. &c. pour ceo que ceux choses sont chateux realx, & poient estre apporcionees & seueres &c. Mes nul action de trespas. s. Quare clausum fuit fregit & herbam suam. &c. conculcauit ex consumpsit. &c. et huiusmodi acciones. &c. lun ne poet auer enuers lautre pour ceo que chesceun de eux poet entrer & occuper en comen. &c. par my & par toutes les terres & tenements queux ils teignent en comen. Mes si deux sont possessions de chateix parsonelx en comen par diuers titles, sicome

come dun chiual, ou boef, ou vache. &c. si lun prent ceo tout a luy hors de possession dautre, lautre nad nul autre remedy, mes de prendre ceo de luy qui ad fait a luy le tort pour occuper en comen. &c. quand il poet voier son temps &c. En mesme le maner est de chateix realx qui ne poient estre seueres: sicome en le cas auantdit que deux sont possessiones dun gard de corps dun enfant deins age, si lun prent lenfant hors de possession dautre, lautre nad aucun remedy par aucun accion par la ley, mes de prendre lenfant hors de le possession dautre quand il voet son temps.

Item quand vn home voile monstrer vn seissement fait a luy, ou vn don en le taile, ou vn leas pour terme de vie dascun terres ou tenementes, la il dira: Par force de quel seissement, don, ou leas, il fuit seisi. &c. Mes lou vn voile pleder vn leas ou graunt fait a luy de chatel real, ou perionel, la il dira, Par force de quel il fuit possesse. &c.

Plus sera dit de tenantes en comon en le chapitre de releassies, & tenant par elegit confirmacions.

Estate sur condicion. Cap. 4.

L. iiii. Estates

Estate sur condic.

Estates qui homes ont en terres ou tenements sur condicion sont de deux maners. s. ou ilz ont estat ou sur condicion en fait, ou sur condicion en ley. &c. Sur condicion en fait est sicome vn home par fait endente enfeffa a vn autre en fee simple, reseruant a luy & a ses heires annuellement certaine rent payable a vn fest ou a diuers festes par an, sur condicion que si le rent soit aderer. &c. bien lyst al fessor & a ses heirs en mesmes les terres ou tenements d'entrer. &c. Ou si terre soit alien a vn home en fee, rendant a luy certain rent &c. & si happa que le rent soit aderer par vn semaine apres aucun iour de paiement de ceo, ou par vn mois apres ascū iour de paiement de ceo ou par vn dimie an. &c. que donqs bien lirroit a le fessor & a ses heirs d'entrer. &c. En ceux cases si le rent ne soit paie a tiel tēp, ou deuant tiel temps limit & specifie deins le condicion compris en l'indenture, donques poct le fessor ou ses heires entrer en tiels terres ou tenements, et eux en son premier estat auer et tener, et de ceo oustre le fesse tout net. Et est appelle estat sur condicion pur ceo que l'estate le fessée est defesible si la condicion ne soit perforce. &c.

En mesme le maner est si terres sont

sont données en le taile, ou lesses a term
de vie, ou des ans, sur condicion. &c.
Mes lou fessement est fait de certaine
terres, reseruant certain rent. &c. sur
tiel condicion, que si le rent soit aderere
bien liroit al fessour & a ses heirs den-
trer, & la terre tener tanqz ils soient sa-
tisfies ou paies de le rent aderere. &c.
En cest cas si le rent soit aderere, & le
fessour ou ses heirs entre, le fessée nest
pas exclude de ceo tout net, mes le fes-
four aura & tiendra la terre, & prendra
ent les profits tanqz il soit satisfie de
le rent aderere: & quand il est satisfie,
dōques poet le fessée reentrer en mesme
la terre & ceo tener come il tenoit ade-
uant. Car en tiel cas le fessour aura la
terre forsqz en maner come pour vn di-
stresse, tanqz il soit satisfie de le rent. &c.
coment qui il prender les profits en le
mesme temps a son vse demesne. &c.

¶ Item diuers paroles enter auters p
sont, queux par vertue de eux mesmes
fount estats sur condicion, vn est le pa-
rol de condicion mesme: Sicomme A. en-
fessa. B. de certain terre, habendum &
tenendum eidem. B. & heredibus suis,
sub condicione quod idem B. & here-
des sui soluant, seu solui faciant pefa-
to. A. & heredibus suis annuatim talem
redditum, &c. en cest cas sās aucun plus
dire,

Estate sur condic.

dire le fesse ad estat sur condicion.

¶ Auxi si les paroles fuerent tielx: pro-
uiso semper quod predict B. soluat seu
solui faciat prefato. A. talem redditum.
ec. ou furent tielx: Ita quod predictus
B. soluat seu solui faciat prefato A. ta-
lem redditum ec. en ceux cases s'as plus
dire le fesse ad estat forsqz sur condici-
on, issint que si il ne parformast le con-
dicion, le fessour & ses heirs poient en-
trer. &c.

¶ Item autres paroles sont en un fait,
queux causont les tenements estre cō-
dicionels. Sicomme sur tiel fessmēt un
rent est reserue al fessour &c. et puis soit
mette en le fait cest parol: Quod si cō-
tingat redditum predictum a retro fore
in parte vel in toto, quod tunc bene li-
cebit a le fessour & a ses heirs d'entrer
&c. ceo est un fait iur condicion.

¶ Mes il est diuersite parenter cest pa-
rol (si contingat.) &c. & les paroles (pro-
chein auantditz.) Car ceux paroles, si
contingat &c. ne bailent riens a tiel cō-
dicion, sinon que il ad ceux paroles
subsequentes, que bien list al fessour
& a ses heirs d'entrer &c. Mes en les
cases auantdits ils ne besoigne par
la ley de mettre tiel clause. s. que le
fessour & ses heirs poient entrer &c. pur
ceo qui ils poient faire ceo par force
des

des paroles auantdits, pour ceo qui
ils empreignot a eux mesmes en ley vn
condicion .s. que le fessour & ses heirs
poient entrer &c. Vncore il est com=
munement vse en tous tiels cases a=
uantdits de mettre tiels clauses en
les faits .s. si le rent soit aderere.&c
que bien liroit a le fessour & a ses heirs
d'entrer .&c. Et ceo est bien fait a
cel entent pour deciarer et expresser
a les laies gentz, qui ne sont apprises
en la ley de le maner & le condicion
de fessement .&c. Sicomme home seisi
de terre, lessa mesme la terre a vn
auter par fait endent pour terme des
ans, rendant a luy certaine rente, il
est vse de mettre en le fait, que si le
rent soit arere al iour de paiment, ou
par vn semaine, ou par vn moys
&c. que adonques bien liroit al les=
sour a distreigner .&c. Vncore le les=
sour poet distreigner de commen droit
pour le rent arere .&c. coment que ti=
els paroles ne vnques fueront mys en
le fait.&c.

¶ Item si fessement soit fait sur tiel
condicion, que si le fessour paya al
fessce a certaine iour .&c. xl. ii. dar=
gent, que donques le fessour poet re=
entrer.&c. en cest cas le fessce est ap=
pelle tenaunt en morgage, qui est
au

Estate sur condic.

ou tant a dire en francoys come mort-
gage, & en latin mortuum vadum. Et
il semble que la cause pour quel est ap-
pelle morgage, est pour ceo que il estoit
en aweroult si le fessour voit paier al
iour limitte tiel somme ou non, & sil ne
paya pas donques la terre qui il mette
en gage sur condicion de payment de le
money est ale de luy a toutz iours, & is-
sint mort a luy sur condicion. &c. & sil
paya le money, donques est le gage
mort quant a le tenant. &c.

¶ Item sicome homie poit faire fesse-
ment en fee en morgage, issint homie po-
et faire done en taile en morgage, & vn
leas pour terme de vie, ou pour term
dez anz en morgage, & toutz tielx tenāz
sont appellez tenants en morgage, so-
lon les estatx qui iis ont en la terre. &c.

¶ Item si fessément soit fait en mor-
gage sur condicion, que le fessour paie-
ra tiel somme a tiel iour &c. come est en-
ter eux par leur fait endente accorde &
limite, coment que le fessour morust de-
uant le iour de paiment &c. vncore si
lheur le fessour paia mesme le summe de
money a mesme le iour a le fessée, ou tē-
da a luy les deniers, & le fessée ceo re-
fusa de receiuer donques poit lheur en-
trer en la terre, & vncore le condicion
est que si le fessour paiera tiel summe a
tiel

tiel iour. &c. nient fasant mencion en le condicion d'ascun payment destre fait p son heir: mes pour ceo que l'heir ad interesse de droit en le condicion. &c. & lentet fuit forsqz que les deniers seront payez al iour assesse &c. & le fessce nad plus damage sil soit paie par l'heir, que sil fuit paie par le pier. &c. Et pour cest cause si l'heir paie les deniers, ou tend les deniers a le iour assesse. &c. & lauter ceo refusa, il poit entrer. &c. Orz si vn estrange de sa fesse demesne, qui nad ascun interesse. &c. voile tender les auantditz deniers al fessce a le iour assesse, le fessce nest pas tenue de ceo rescceuer.

Et memorandum que en tiel cas, lou tiel tender de le money est fait. &c. & le fessce de rescceuer ceo refusa, par qui le fessour ou ses heirs entrent. &c. doques le fessce nad ascun remedy d'auer le money par le comen ley, pour ceo que il sera rette sa folie, que il refusa le money quand vn loyal tender de ceo fuit fait a luy.

Item si fessment soit fait sur tiel condicion que si le fessce paie al fessour a tiel iour enter eux limite xx. li. adonques le fessce aura la terre a luy & a ses heirs, sil faile de paier les deniers a le iour assesse, que adonques bien list a le fessour ou a ses heirs d'entrer &c. & puis
deuant

Estate sur condic.

Deuant le iour assesse le fessce vend la terre a un autre, & de ceo fait fessmēt a luy, en cest cas si le second fessce voile tender la somme de les deniers a le iour assesse a le fessour, & le fessour ceo refusa &c. donques le second fessce ad estat en la terre clerement sans condicion. Et la cause est pour ceo que le second fessce auoit interest en le condicion pour saluacion de son tenancy. Et en cest cas il semble que si le primer fessce apres tiel vend de la terre voile tender le money a le iour assesse. &c. a le fessour, ceo sera assez bon pour saluacion lestat de le second fessce, pour ceo que le primer fessce fuit priue a le condicion, & il sūnt le tender de aucun de eux deux est assez bon &c.

¶ Itē si fessmēt soit fait sur condicion que si le fessour paie certain somme d'argent al fessce, adōques bien liroit al fessour & a ses heirs d'entrer, en cest cas si le fessour deuie deuant le painmēt fait, & l'heir doit tender al fessce les deniers, tiel tender void, pur ceo que le tēps deins quel ceo doit estre fait est passe. Car quād le condiciō est que si le fessour paie les deniers al fessce &c. ceo est tant a dire que si le fessour durant sa vie paie les deniers al fessce &c. & quand le fessour morust dōques le tēps de le tender est passe. Mes autrement

auterment est lou vn iour de payment est limite, & le fessour deuie deuant le iour, donques poit l'heir tender les deniers, come est auantdit, pour ceo que le temps de le tender ne fuit passe par le mort del fessour. Auxi il semble en tiel cas lou le fessour deuie deuant le iour de payment, si les executors de le fessour tēdront les deniers al fessce al iour de payment, cel tender est assetz bon. Et si le fessce ceo refusa, les heirs del fessour poient enērer. &c. Et la cause est pour ceo que les executors representont la parson iour testator &c.

— Et nota que en tous cas de condition de payment de certain somme en grosse touchant terres ou tenements, si l'opal tendre soit vn foitz refuse, celui qui diuisoit tender le money est de ceo assouth & pleinement discharge p tous temps apres.

Item si le fessce en morgage deuēt le iour de payment qui seroit fait a luy, face les executors & deuie, & son heir enter en le terre come il deuoit &c. il semble en cest cas que le fessour doit paier le money al iour assesse as executors, & neiny al heir le fessce pur ceo que le money al cōmencemēt trēchast al fessce en maner come vn dutie, & sera entendu que iestat fuit fait par cause de le promptre

Estate sur condic.

prompter de le money par le fessée, or
par cause d'auter dutie. Et pour ceo le
paimēt ne sera fait al heir, come il sem-
ble. Mes les paroles del condicion poi-
ent estre tiels que le paiment sera fait
al heir, come si le condicion fuit que si le
fessour paie al fessée ou a ses heirs tiel
summe a tiel iour &c. la apres la mort le
fessée, sil morust deuant le iour limite,
le paiment doit estre fait al heir al iour
assesse. &c.

Item sur tiel caz de fessēmēt en mor-
gage question ad este demande, en quel
lieu le fessour est tenu de tender les
deniers a le fessée al iour assesse. &c. Et
ascuns ont dit que sur la terre issint te-
nus en morgage, pour ceo que le con-
dicion est dependant sur la terre. Et
ont dit, que si le fessour soit sur la terre
la prist a paier le money al fessée a le
iour assesse, & le fessée adonques ne soit
pas la adonques le fessour est assouth &
excuse de paiment de le money, pur ceo
que nul default est en luy. Mes il sem-
ble a ascuns que la ley est contrarie, &
que default est en luy. Car il est tenu
de querer le fessée sil soit adonques en
ascun auter lieu deins le roialm de En-
gleterre: come si home soit obligé en un
obligacion de .xx. li. sur condicion en-
doce sur mesme l'obligacion, que sil paie
a celui

et celui a qui l'obligacion est fait a tiel iour. x. li. adōques l'obligacion de. xx. li. perdra sa force & sera tenuis pur nul, en cest cas il couient a celui qui fist l'obligacion de querer celui a qui l'obligacion est fait, si soit deins Engleterre, & al iour assesse de tendre a luy les ditz. x. li. autrement il forfeitera la somme de. xx. li. compris deins obligation &c. Et issint il semble en l'autre cas &c. Et comment que ascuns ont dit, que le condicion est dependant sur la terre, vncore ceo ne proue que le fessance de le condicion desre parforme couient estre fait sur la terre. &c. nient plus que si le condicion fuit que le fessour fera a tiel iour. &c. vn especial corporal seruice al seſſee, mēt nōsinant le lieu ou tiel corporal seruice sera fait en tiel cas le fessour doit faire tiel corporal seruice al iour limite al seſſee en quecunqz lieu dengleterre que le seſſee est, si boet auer auantage de le condicion. &c. Issint semble en l'autre cas. Et il sēble a eux. que il seroit plus proprement dit, que leſſat de la terre est dependant sur la condicion, que a dire que le condicion est dependant sur la terre. &c. Sed quere. &c.

¶ Mes si fessement en fee soit fait, reseruant al fessour vn annuel rent, & pur defaut de paiement vn reentre. &c. en

Estat. sur condic.

cest cas il ne besoigne le tenant a tender le rent quand il est arere, forsque sur la terre, pour ceo que ceo est rent issant hors de la terre, qui est rent seck. Car si le seffour soit seisie vn foitz de cest rent, & puis il vient sur la terre &c. & le rent luy soit denie, il poet auer assise de nouel disseisin. Car coment que il poit entrer par cause de le condicion enfreint. &c. Vncore il poet eslier. s. de relinquisset son entre, ou dauer vn assise &c. Et issint est diuersite quant al tender de le rent qui est issant hors de la terre & del tender dautre sūme en gros qui n'est pas issant hors dascun terre. Et pour ceo il sera bon & sure chose pour celui qui voet faire tiel seffement en mortgage, de mettre vn especial lieu ou les deniers seront payes: & le plus especial que est mys, le meliour est pur le seffour: Sicomc A. en fessa. B. a auer a luy & a ses heirs sur tiel condicion, que si A. paia a B. en le fest de saint Michael l'archangel prochain auener en lesglise cathedral de Poules en Lōdres deins quatre heures prochain deuant le heure de none de mesme le fest a le rode lost del rode de le north doze deins mesme lesglise, ou al tombe de S. Erkenwald, ou al huis de tiel chapel, ou a tiel piller deins m̄ lesglise, que adoncs bien

bien list al auantdit. V. & ses heirs destrer. &c. en tiel cas il ne besoigne de querer le fessce en autre lieu ne destre en autre forsqz en le lieu compz en lendenture, ne destre la plus long tenp; que le tēps specifie en mesme lendenture pur tender ou paier le money a le fessce. &c.

Item en tiel cas lou le lieu de paiment est limite, le fessce nest pas oblige de receiuer le paiment en nul autre lieu forsqz en mesme le lieu issint limite. Mes vncoze si il resceust le paiment en autre lieu, ceo est asses bon, & auxi fort pur le fessor sicome le resceit vlt este en mesme le lieu issint limite. &c.

Item en tiel cas de fessmēt en mortgage, si le fessor paia al fessce vn chival ou hanap d'argent, ou vn anel dor, ou autre tiel chose en plein satisfaction del money, et l'auter ceo receust, ceo est asses bon, & auxi fort sicome il vlt resceu la somme del money, coment que le chival ou l'autre chose ne fuit de vintisine part del value del somme de le money, pur ceo que l'autre auoit ceo accept en plein satisfaccion.

Item si home enfeffa vn autre sur condicion, que il & ses heirs rendront a vn estrange home & a ses heirs vn annuel rent de. xx. s. &c. et si il ou ses heirs failont del

L. ii.

paiment

Estat sur condic.

paiment de ceo, que adonques bien li-
roit al seffour & a ses heirs d'entrer, ceo
est bon condicion: & vncore en cest case
coment que tiel annuel paiment est ap-
pelle en l'enditure vn annuel rent, ceo
nest pas proprement rent. Car si
seroit rent il couient estre rent reuice,
ou rent charge, ou rent seck: & il
nest aucun de eux. Car si lestrange fuit
seisie de ceo, & puis il fuit a luy de-
nie, il naura vnques assise de ceo, pour
ceo que il nest pas issant hors d'as-
cun tencement: & issint lestrange n'ad
aucun remedié si tiel annuel rent soit
aderere en cest cas, mes que le seffour ou
ses heirs poient entrer. &c. & vncore si
le seffour ou les heirs entrent pour de-
faut de payment, donques tiel rent est
ale a toutz iours. Et issint tiel rent nest
forsqz vn peine assesse a le tenant & a ses
heirs, que silz ne voillent paier ceo so-
loncqz la forme del enditure, ils per-
dront leur terre par l'entre del seffour ou
ses heirs pur defect de paiment. Et en
cest cas il semble que le seffour & ses heirs
doient querre lestrange & ses heirs
sils sont deins Engleterre, pour ceo
que nul lieu est limite lou le paiment
sera fait, & pour ceo que tiel rent nest
pas issant hors d'ascun terre. &c.

Et hic nota deux choses. Un est
que

que nul rent qui proprement est dit rent, poit estre reservee sur aucun fessement, don, ou leas, forsqz tantsolement al fessor, ou al donoz, ou a le lessour, ou a lour heires : & en nul maner il poit estre reservee a aucun estrange person. Mes si deux iointenants font vn leas par fait endente, reseruant a vn de eux vn certain annuel rent, ceo est assctz bon a luy a qui le rent est reservee, pour ceo que il est priue a le leas, & nemy estrange a le leas. &c. Le second chose est que nul entre ou reentre, qui est tout vn, poit estre reservee ne don a ascū persō, forsqz tantsolemēt al fessor, ou al donour, ou al lessour, ou a lour heires : & tiel reentre ne poit estre graunte a vn autre person. Car si home lesse terre a vn autre pour terme de vie par endenture, rendant al lessour & a ses heires certain rent, & pour defaut de paiement vn reentre, &c. si apres le lessour par vn fait graunta le reuercion de la terre a vn autre en fee, & le tenant a terme de vie atturna &c. si le rent apres soit adere le grauntee de le reuercion poit distreiner pour le rent, pour ceo que le rent est incident a le reuercion : mes il ne poit entrer en la terre, & oustre le tenant sicome le lessour puilloit, ou ses heires, si le reuercion vlt este continue

Estat. sur condic.

en eux &c. Et en cest cas lentre est tolle
a tout temps. Car legrauntce de le re=
uercion ne poet entre, causa qua supra.
Et le lessour, ne ses heirs, ne poient en=
trer. Car si lessour puissoit entrer dona=
ques il conient que il seroit en son pri=
mier estate. &c. & ceo ne poet estre, pur
ceo qui il ad alien de luy le reuer=
cion.

Item si soit seignoz & tenant, & le te=
nant fait vn tiel leas pour term de vie,
rendant al lessour & a ses heirs tiel an=
nuel rent, & pour defaut de paiement vn
reentre. &c. si apzès le lessour morust
sans heir durant la vie le tenant a term
de vie, par qui le reuercion deuient al
seignour par voy deschete & puis le rēt
de le tenant a term de vie soit aderere,
le seignour poet distraigner le tenant
pur le rent arere mes il ne poet entrer
en la terre par force del condicion. &c.
pur ceo qui il nest pas heir al lessor. &c.

Item si terre soit grante a vn home
pur terme de deux anz, sur tiel condicio
qui sil paieroit al grantoz deinz les vitz
deux anz. xl. marces adonques il auroit
la terre a luy & a ses heirs &c. en cest
cas si le grantee entre par force de le
grant sans ascun liuerie de seisin fait a
luy par le grauntour, & puis il paie al
grauntor lxx. xl. markes deins les deux
anz,

ans, vncore il nad riens en la terre
forsque pour terme de deux ans, pour
ceo qui nul liuerie de seison a luy fuit
fait au commencement. Car sil auroit
franktement & fee en cest cas pour ceo
que il ad parforme le condicion, don-
ques il auroit franktencement par force
del primier graunt, lou nul liuerie de
seisin de ceo fuit fait, qui serroit incon-
uenient &c. Mes si le grantour vlt fait
liuerie de seisin al grauntee par force
de le grant, donques auroit le grauntee
le franktenement & le fee sur mesme le
condicion. &c.

¶ Item si terre soit graunte a un
home pour term de .v. ans sur condici-
on qui sil paie al grauntour deins les
deux primier ans .xl. marcs, que adon-
ques il auroit fee, ou autement forsque
pour term de les .v. ans, & liuerie de
seisin est fait a luy par force de le grāt,
ore il ad fee simple condicional. &c.
Et si en cest cas le grauntee ne paie
my all grauntour les .xl. marcs deins
les primers deux ans, donques im-
mediate apres mesmes les deux ans
passes le fee en le franktenement
est et sera aiudge en le grauntour,
pour ceo que le grauntour ne poet a-
pres les dites deux ans maintenant
entrer sur le grauntee pour ceo que

Estat sur condic.

le grauntee ad vncore title par trois ans d'auer & occuper la terre par force de meisme le graunt. Et issint pour ceo que le condicion de part le grauntee est enfreint, & le grantor ne poet entrer, la ley mettera le fee et le franktenement en le grantor. Car si le grantee en cest case fait wast donques apres lenfreinder de le condicion &c. & apres les deux ans, le grantor aura son brief de wast. Et ceo est bon proue adonques, que le reuercion est en luy. &c. Mes en tielx cases de fessment sur condicion, lou le fessour poet loialment entrer pour le condicion enfreint. &c. la le fessour nad le franktenement deuant son entre. &c.

¶ Item si fessment soit fait sur tiel condicion que le fessce donera la terre al fessour & a la femme del fessour, a auer & tener a eux & a les heires de lour deux corps engendres, & pour defaut de tiel issue le remainder as droit heires le fessour, en ceo cas si le baron deuie viuant la femme deuant aucun estat en le taile fait a eux, donques doit le fessce par la ley faire estat a la femme sy pres la condicion & auxi sy pres l'entent de le condicion que il poit faire, cestascavoir de lesser la terre al feme pour term de vie, sans empche-

pechement de wast, le remainder apres son decesse a les heirs de corps son baron de luy engendres, & pour defect de tiel issue le remainder as droit heirs le baron. Et la cause pour qui le leas sera en cest cas a le feme seule sans empeschement de wast est, pour ceo qui le condition est, que lestat sera fait al baron & a sa feme en taile: & si tiel estat vst este fait en le vie le baron, donques apres la mort le baron el eust ew estat sente en taile, quel estat est sans empeschement de wast: & issint il est reason, que si pres que home poit de faire estat a l'entent de condition &c. que il seroit fait &c. comment que il ne poit auer estat en taile, sicome il pouroit auer si le done en le taile vst este fait a son baron & a luy en le vie son baron. &c.

Item en cest cas si le baron & la feme ont issue, & deuient deuant le don en le taile fait a eux &c. doques le fessée doit faire estat al issue & a ses heirs de corps son pier & sa mere engendres, & pour defect de tiel issue &c. le remainder a les droit heirs le baron &c. Et mesme la ley est en autres cases semblables. Et si tiel fessée ne voet faire tiel estat &c. quand est reasonablement require par eux qui deuient auer estat par force de le condition &c. donques poet le fessour
ou

Estat, sur condic?

ou les heirs entrer.

¶ Item si fessement soit fait sur condic-
cion que le fessée enfeffera plusieurs
homes a auer & tener a eux & a lour
heirs a toutz iourz, & toutz ceux qui de-
uoient auer estat mourront deuant as-
cun estat fait a eux donques doit le
fessée faire estat al heir celuy qui sur-
uesquist de eux, a auer & tener a luy & a
les heirs celuy qui suruesquist.

¶ Item si fessement soit fait sur con-
dicion denfeffer vn auter, ou de do-
ner en talle a vn auter, &c. si le fessée
deuant le parfozmaunce del condici-
on enfeffa vn estrange, ou fait vn
leas pour terme de vie, donques poct
le fessour & ses heirs entrer. &c. pur ceo
qui il ad luy mesme disable de parfoz-
mer le condicion en tant qui il ad fait
estat a vn auter &c.

¶ En mesme le maner est si le fessée, de-
uant le condicion parfozme, lessa mesme
la terre a vn estrange pour termin des
ans, en cest cas le fessour & ses heirs poi-
ent entrer. &c. pour ceo qui le fessée ad
luy disable de faire estat de les tene-
ments accordant a ceo qui estoit en les
tenementes quand estat ent fait fait
a luy. Car sil voit faire estat de les te-
nements accordāt a le condicion. &c. dō-
ques poct le lessée pur termin dantz entrer
& ouster

& ouster mesme celui a qui lestat est fait
 &c. & occuper ceo durant son term.

Et plusours ont dit que si tiel fesse-
 ment soit fait a un home sole sur mesme
 le condicion, & deuant qu'il ad par-
 forme mesme la condicion il prēt feme
 donques le fessour & ses heirs mainten-
 poient entrer, pur ceo qui sil fesoit estat
 accordant a la condicion, & puis morust
 dōques sa feme sera endowe, & poit re-
 couer son dower par brief de dower &c.
 & issint p le prisel del feme les tenemēts
 sont mis en un autre plite, que ne fu-
 rent al temps del fessement sur condici-
 on, pour ceo qui adōques nul tiel feme
 fuit dowable ne seroit dowe p la ley. &c.

En mesme le maner est li le fessce
 charge la terre par son fait d'un rent
 charge deuant le parformance del cō-
 dicion, ou soit oblige en un estatut de
 lestaple, ou estatut marchant: en tielx
 cases le fessour & ses heirs poient en-
 trer. &c. causa qua supra. Car quicunqz
 qui venust a les tenementes par le
 fessement de le fessce, euz couient estre
 liables, & estre mis en execucion p force
 de lestatut marchant, ou de estatut del
 staple, quere. Mes quand le fessour ou
 ses heirs pour les causes auant ditz au-
 ront entre, come ils deuont, come il se-
 ble. &c. donques toutz tielx choses qui
 deuant

Estat sur condic.

deuant tiel entre puissent troubler ou encumber les tenemens issint dones sur condicion &c. quant a mesmes les tenements sont ousterment defetes.

CItem si vn home fait vn fait de fessement a vn auter, & en le fait est nul condicion &c. & quand le fessour a luy voile faire liuerie de seisin par force de mesme le fait, il fait a luy le liuerie de seisin sur certain condicion: en cest cas rien de les tenements passa par le fait, pur ceo que la condicion nelt compris deins le fait, & le fessment est autiel force, sicome nul tiel fait vst este fait.

CItem si fessment soit fait sur tiel condicion que le fessée ne alienera la terre a nully, cest condicion est voide, pour ceo qui quād home est enfesse en terres ou tenements, il ad power de eux aliener a ascun parson par la ley. Car si tiel condicion seroit bon, donques la condicion luy ousteroit de tout le power qui la ley luy dona, le quel seroit encōtre reason: & pour ceo tiel condicion est voide. Mes si le condicion soit tiel, qui le fessée ne alienera a vn tiel, noshant son noshme, ou a ascun de ses heirs, ou des issues de vn tiel. &c. ou huiusmodi, les queux condicions ne tollent tout le power dalienacion del fessée, &c. donques tiel condicion est bon.

CItem

Item si tenements soient dones en le taile sur tiel condicion, que le tenant en le taile ne ses heirs ne alieneront en fee ne en le taile, ne pour term d'auter vie, forsqz pour lour vies demesne. &c. tiel condicion est bon. Et la cause est pour ceo que quand il fist tiel alienacion et discontinuance de le taile, il fait le contraire a l'entent le donour, pour qui le statut de . w. 2. cap. 1. fuit fait par quel estat les estates en le taile sont ordeins. Car il est prouue par les parolx compris en mesme le statut qui fuit l'entent de le fescance de mesme le statut, que la volonte del donoz en tiels cases seroit obserue: & quand le tenant en le taile fait tiel discontinuance, il fait le contraire a ceo &c. Et auxi en estates en le taile dascun tenements quand le reuercion de fee simple, ou remainder de fee simple est en auters parsones, quand tiel discontinuance est fait donques le fee simple en le reuercion ou le fee simple en le remainder est discontinue. Et pour ouster que le tenant en taile ne fera tiel chose encontre le profit de ses issues et bon droit, tiel condicion est bon, come est auantdit. &c.

Item home poit doner terres en taile sur tiel condicion, que si le tenant en le taile, ou ses heirs, alienont en fee, ou en taile

Estat. sur condic.

taile ou pour term dauter vie. &c. & au-
xi que si tous liſſues beignants del te-
nant en le taile ſoient morts ſans iſſue
que adonques bien liroit al donour & a
ſes heirs d'entrer. &c. Et par tiel voy le
droit de le taile puit eſtre ſalue apres
diſcontinuance, al iſſue en le taile ſi aſ-
cun y ſoit, iſſint que par voy d'entre del
donour ou de ſes heirs le taile ne ſera
mie deſete par tiel condicion. Et vncore
ſi le tenant en le taile en ceo cas, ou ſes
heirs, font aſcun diſcontinuance, celui
en le reuerſion ou ſes heirs, apres ceo
que le taile eſt determine, pour deſaute
diſſue. &c. poient entrer en la terre par
force de meſme le condicion, & ne ſerōt
my coherte de ſuer byief de ſor medō en
le reuerter.

¶ Item home ne puit pleder en aſcun
accion, que estat ſuit fait en fee, ou en le
taile, ou pour term de vie, ſur condici-
on, ſil ne voucha vn record de ceo, ou
monſtra vn eſcript ſouthſcale, prouant
meſme la condicion. Car il eſt vn co-
men erudicion, que home par plee ne
deſetera aſcun estat de franktenement
par force d'aſcun tiel condicion, ſinō qui
il monſtra le proue de condicion en eſ-
cript &c. ſinon qui ceo ſoit en aſcuns eſ-
pecial caſes. &c. Mes de chatel real, ſi-
come de leas fait a terme dans, ou de
grantes

grautes de gardes fait par gardeins en chivalrie, & huiusmodi. &c. home poit pleder que tielx leases ou grautes fueront faits sur condicion. &c. sans monstret aucun escript de le condicion. Assint en mesme le maner home puit faire de dones et grautes de chateles parsonels, & de contractes parsonels. &c.

¶ Item coment que home en aucun accion ne poit pleder vn condicion qui toucha & cœrna franktenemēt sans monstret escript de ceo, come est auantdit, vncore home poit estre aide sur tiel condicion par verdit de .xii. homes pris a large en assise de nouel disseisin, ou en aucun auter acciō, lou les iustices voilēt prender le verdit de .xii. iurois a large. Sicome mittomus q̄ home seisie de certain terre en fee, lessa mesme la terre a vn auter pur termin de vie, sans fait, sur condicion de render al lessor vn certain rent, & pur defaut de paimēt vn reentre &c. par force de quel le lessée est seisie come de franktenement, & puis le rent est aderere, par qui le lessour entre en la terre, & puis le lessée arayne vn assise de nouel disseisin de la terre enuers le lessor, le quel plede que il fist nul tort ne nul disseisin, & sur ceo l'assise soit pris en cest cas les recognitours del assise poient

Estat. sur condic.

poient dire & rendre a les iustices leur verdit a large sur tout le matter, come adire que le defendant fuit seisie de la terre en son demesne come de fee, & issint seisie mesme la terre lessa al plaintiff pour term de sa vie, rendant al lessour tiel annuel rent payable a tiel fest &c. sur tiel condicion, que si le rent fuit aderere a aucun tiel fest a qui doit estre paie, donques bien liroit al lessour entrer. &c. par force de quel leas le plaintiff fuit seisie en son demesne come de fraktenement, & qui puis apres le rent fuit aderere a tiel fest. &c. par qui le lessour entre en le terre sur le possellio le lessee, & prieront le discrecion de les Justices, si ceo soit vn disseisin fait al plaintiff, ou nemp: donques pour ceo que appiert a les iustices, que ceo fuit nul disseisin fait al plaintiff, entant que lentre de le lessour fuit congeable sur luy, les Justices doient doner iugement que le plaintiff ne prendra riens par son brief d'assise. Et issint en tiel cas le lessour sera ayde, & vncore nul escripture vnques fuit fait del condicion. Car si bien que les iurours poient auer conuissance de le leas, auxibien ils poient auer conuissance de le condicion qui fuit declare et reherce sur le leas.

En mesme le maner est de feffement
cu

en fee, ou don en le taille sur condicion, coment que nul escripture vnques fuit fait de ceo. Et sicome est dit de verdit a large en assise .&c. en mesme le maner est en brief dentre foundu sur disseisin, & en toutes autres accions, ou les iustices voient prendre le verdit a large par la ou tel verdit a large fait le nature del mater mis en lissue. &c.

Item en tiel cas lou lenquest poit dire lour verdit a large, silz voient prendre sur eux le conusance de la ley sur le mater, ilz poient dire lour verdit generalment, come est mis en lour charge, come en le cas auantdit, ilz poient bien dire que le lessour ne disseisa pas le lessee, silz voient. &c.

Item en mesme le cas si le cas fuit tiel que apres ceo que le lessour auoit entre pour defaut de paiement. &c. le lessee vlt entre sur le lessour & luy disseisist en cest cas si le lessor arraine vn assise enuers le lessee, le lessee luy puit barrer de l assise. Car il poit pleder enuers luy en barre coment le lessour qui est pleintif fist vn leas al defendat pur term de sa vie, sauant le reuercion al pleintif le quel est bon plee en barre, en tant que il conust le reuercion estre al pleintif: en cest cas le pleintif nad matre de luy ayder forsque le condicion
M.i. fait

Estare sur condic.

fait sur le leas : & ceo il ne poit pleder pour ceo que il nad aucun escripture de ceo. Et en tant que il ne poit responder al barre : il fera barre. Et issint en cest cas poies veier que home est disseisne, & vncore il naura assise. Et vncore si le lessee soit plaintif, & le lessour defendant il barrera le lessee par verdit d'assise. &c. Mes en cest cas lou le lessee est defendant si il ne voit plede le dit plee en barre, mes plede nul tort nul disseisin, denques le lessour recouvrera par assise, causa qua supra.

¶ Item pour ceo que tiels condicions sont plus comunement mys & especifiez en faitz endentes, aucun petit chose sera icy dit a roy mon firs de endenture & de fait pol concernans condicions. Et est ascauoir que si l'endenture soit bi-partitie, ou tripartitie, ou quadripartitie, tous les parties de l'endenture ne sont que un fait en ley, & chescun part de l'endenture est de auxi graund force & effect sicome tous les parts ensemble. ¶ Et fessance de endenture est en deux maners. Un est de faire eux en le tierce parlon. Un autre est de faire eux en la primer parlon. La fessance en la tierce parlon est come en tiel forme. Hec indentura facta inter. A. de. D. ex vna parte, & B. de. D. ex altera parte: testatur

tur quod predictus R. de. P. dedit & cō-
cessit & hac presenti carta indentata cō-
firmavit prefato A. de D. talem ter-
ram. &c. habendum & tenendum &c. sub
condicione &c. In cuius rei testimonium
partes predictae sigilla sua presentibus
alternatim apposuerunt. Vel sic. In
cuius rei testimonium vni parti huius
indenture penes prefatum. A. de D.
remanenti predictus R. de. P. sigil-
lum suum apposuit: alteri vero parti
eiusdem indenture penes. R. de. P. re-
manenti, idem A. de D. sigillum suum
apposuit. Data &c. Tiel endenture est
appelle endenture fait en le tierce par-
son, pur ceo que les verbes &c. sont en
la tierce parson. Et tiel forme denden-
tures est de plus sure fefance, pour ceo
qui est plus communement vse. &c.

¶ La fefance dendeture en le primer p-
sō est come en tiel forme. Omnibus chri-
sti fidelibus ad quos presētes litere in-
dērate puenerint A. de B. salutē in do-
mino seipiternam. Sciatis me dedisse,
cōcessisse, & hac presenti carta mea indē-
tata confirmasse C. de D. talē terrā. &c.
Vel sic. Sciant presentes & futuri quod
ego A. de B. dedi, concessi, & hac presen-
ti carta mea indentata cōfirmavi. C. de
B. talem terram: &c. habendum, & te-
nendum. &c. sub condicione sequēti. &c.

A. n.

An

Estate sur condic.

In cuius rei testimonium tam ego predict. A. de B. quam pred. C. de D. his indenturis sigilla nostra alternatim apposuimus. Vel sic. In cuius rei testimonium ego prefatus A. vni parti huius indenture sigillum meum apposui, alteri vero parti eiusdem indenture predictus C. de D. sigillum suum apposuit &c.

Et il semble que tiel endenture qui est fait en le premier person est auxi bon en la ley sicome lendenture fait en le tierce person, quand ambideux parties ont a ceo mys leur seales, car si en lendenture fait en la tierce parson, ou en le premier person, mencion soit fait que le grauntour auoit mys solement son scale & nemy le grauntee, donques est lendenture tantsolement le fait le grauntour. Mes lou mencion est fait que le grauntee ad mys son scale a lendenture &c, donques est lendenture auxi bien le fait le grauntee come le fait le grauntour. Mais il est le fait dambideux: et auxi chescun part de lendenture est le fait dambideux parties en tiel cas.

Item si estate soit fait par endenture a vn home pour terme de sa vie, le remainder a vn autre en fee sur certain condicion &c. & si le tenant a terme de vie auoit mys son scale al partie de lenden-

lindenture, & puis morust, & il qui est en le remainder entre en la terre par force de son remainder. &c. en cest cas il est tenu de parformer toutz les condicions compzis en lindenture, sicome le tenant a terme de vie deuoit faire en sa vie: & vncoze cestuy en le remainder ne vnques enseala aucun part del endenture. Mes la cause est, que entant que il entre & agrea dauer les terres par force del endenture, il est tenu de parformer les condicions deins mesme lindenture sil voile auer la terre &c.

Etem si fessément soit fait par parole sur condicion, & pour ceo que le condicio n'est paz parforme, le fessour entra, & happa le possession de le fait polle si le fessée port vn accion de cel entre enuers le fessour, il ad este question si le fessour poit pleder le condicion par le dit fait polle encontre le fessée. Et ascuns ont dit que non, en tant que il semble a eux que vn fait polle, & le propertie de mesme le fait appartient a celui a qui le fait est fait, et nemy a celui qui fust le fait: & entant que tiel fait ne attient al fessour, il semble a eux que il ne poit pas ceo pleder. Et ausi ont dit le contrarie, & ont monstre diuers causes. Un est si le cas suit tiel, que en accion parenter eux si le fessée plede

M.iii.

mesme

Estate surcondic.

mesme le fait, & monstre ceo al court, en cest cas en tant que le fait est en court, le fessour puit monstre al court, coment en le fait sont diuers condicions destre parformes de le part le fessée. &c. & pour ceo que ils ne fueront parformes, il entre. &c. & a ceo il sera resceu. Par mesme le reason quand le fessour ad le fait en poigne, & ceo monstre a la court, il sera bien resceu de ceo pleder. &c. & nosiement quand le fessour est priuie al fait: car il couient destre priuie al fait quand il fist le fait. &c. Aux: si deux homes sont vn trespas a vn autre, le quel releffa a vn de eux par son fait tous accions parsonels, & nient obstant il fust accion de trespas enuers l'autre, le defendant bien poit monstre que le trespas fust fait par luy & par vn autre son companion, & que le plaignif par son fait, que il monstre auant, releffa a son companion tous accions parsonels, iudgement si accion. &c. Et vncore tiel fait appartient a son companion, & neiny a luy, mes pur ceo que il puit auer auantage par le fait, il voit monstre le fait al court il puit ceo bien pleder &c. Par mesme le reason poet le fessour en l'autre cas, quand il doit auer auantage par le condicion compris deins le fait polle.

Aux:

¶ Auxi si le fessce donast & grauntast le fait poill al fessour, uel graunt sera bon, & donques le fait & le prepartie del fait appartient al fessour. .cc. Et quand le fessour ad le fait en poigne, & ceo plede al court, il sera plus tost entendre que il vient al fait par loial meane que par torciours meane. Et issint a eux semble que le fessour puit bien pleder tiel fait poill qui rempient condicion. .cc. fil ad le fait en poigne. *Idco semper quere de dabus, quia per rationes peruenitur ad legitimam rationem. .cc.*

¶ Estates que homes ont sur condicion en ley sont tiels estates qui ont un condicion par la ley a eux annexe, comment que ne soit specific en escript: Sicomme home graunt per son fait a un autre loifice de parherisshipe de un partie a auer & occuper meisme loifice pour terme de la vie: l'estate que il ad en loifice est sur condicion en ley restascavoir que le parher bien & loialment gardera le partie, & fera ceo que a tiel office appert a faire, ou autrement bien l'iroit al grauntour & a les heires de lay oultre, & de graunter ceo a un autre fil doct. .cc. tiel condicion qui est entendus par la ley estre annexe a aucun chose en auxi fort. Et

§ 25. iii. siccome

Estate sur condic.

sicome le cōdiciō fuisset mis en escript.

En mesme le maner est de grauntés d'offices de seneschal al cōstabularie, bedelarie bailiwick, ou autres offices. &c. Or si tiel office soit grante a un home a auer & occuper par luy ou son depute, donques si l'office soit occupy par luy ou par son depute, sicome il deuoit par la ley estre occupie, ceo suffist pour luy: ou autrement le grauntour & ses heirs poient oustre le grauntee, come est auantdit.

Item estates de terres ou tenemēts purront estre sur condicion en ley, comment que sur l'estate fait ne fuit aucun mencion ou rehearsal fait de le condicion. Sicome mittonius que un leas soit fait a le baron & a la feme, a auer & tener a eux durant le couerture entre eux, en cest cas ils ont, estat pour term de leur deux vies sur condicion en ley, s. si un de eux deue, ou que deuorcion soit fait entre eux, adonques bien liroit al lessour & ses heirs d'entrer. Et que ils ont estat pour term de leur deux vies, probatur sic, chescun home qui ad estat de franktenemēt en aucun terres ou tenements ou il ad estate en fee, ou en fee taile, ou pour terme de sa vie demesne, ou pour term d'autre vie: et par tiel leas ils ont franktenemēt:

mcs

mes ils nont par ceo graunt fee, ne fee
taile, ne pour term dauter vie, ergo ils
ont estat pour term de lour vies : mes
ceo est sur condicion en ley en la forme
auantdit: & en cest cas sils fierent wast
le lessour aura enuers eux brief de wast
supposant par son brief quod tenet ad
terminum vite &c. mes en son count il
declarera coment & en quel maner le
leas fuist fait.

En mesme le maner est si vn abbe fait
vn leas a vn home, a auer & tener a luy
durant le tempz que le lessor est abbe: en
ceo cas le lessor ad estat pour term de
sa vie demesne, mes ceo est sur condicio
en ley. s. que si labbe resigna, ou soit des
pose, bien liroit a son successor detrer. &c

Etem home port voer en le liure das
sises viz. an. 28. E. 3. D. 3. vn plee das
sise en cest forme q ensuit. i. vn assise de
nouel disseisin auterfoitz suit port vers
B. qui pleda al assise, & troue fuit par
verdit qui lancester le plaintif deuila
les tenements a vendre, par le defen
dant qui fuit son executor, & de faire di
stribucion des deniers pour son alme.
Et fuit troue que le maintenant apres
la mort le testatour, vn home luy ten
dist certain somme de deniers pour les
tenements, mes non pas al value, & que
le executor puis auoit tenu les tenements
en

Estare sur condic.

en sa maine demesne par deux ans, al
entent de les vender plus cheir a ascuni
autre: & troue fuit que il auoit tout
temps pris les profits de les tenemētz
a son vsc demesne sans rien faire pour
l'alme le mort &c. Monbray Justice di-
soit. L'executoz en tiel cas est tenu par
la ley a faire le vendre a plus tost qui il
purroit apres la mort son testatour: et
troue est qui il refuse de faire vend, et
issint il auoit un defaut en luy, et issint
par force del deuise il fust tenuz da-
uer nus tous les profits auenantz de
les tenementz al vsc le mort, & troue est
qui il les ad pris a son vsc demesne: &
issint auter defaut en luy. Par qui fuit
adiuge qui le plaintiff recourera. Et
issint appiert par le dit iudgement, que
par force del dit deuise, l'executoz na-
uoit estat ne poiar en les tenementz
forsqz sur condicion en ley.

¶ Et mults autres choses & cases y sōt
destatz sur condicion en la ley, & en ti-
els cases il ne besoigne d'auer monstre
ascun fait rcherlant la condicion pour
ceo qui la ley en luy mesme purport le
condicion &c. Ex paucis dictis intende-
re plurima potes.

¶ Plus sera dit de condicions en le
prochein chapitre, en le chapitre de
teleses, & en le chapitre de di. conti-
nuances.

nuances.

Descents qui tollent en-
tries. Capi.5.

Descents qui tollent entrees sont
en deux maners, cest ascavoir ou
le descent est en fee, ou en fe taile.
Descents en fee qui tollent entrees sont
sicomme home seisi de certaine terres ou
tenemens est par vn autre disseisin, & le
disseisor ad issue, & mort de tel estat
seisi, ore les tenemens descendent al is-
sue del disseisor par cours de la ley come
heir a luy. Et pour ceo que la ley mette
les terres ou tenemens sur issue par
force del descent, issint que issue viene
a les tenemens par cours de la ley, &
nemy par son fait demesne, lentre le dis-
seisin est tolle, & est mis de suer vn brief
dentre sur disseisin enuers le heir le dis-
seisor de recouurer la terre.

Descents en taile qui tollent entrees
sont, sicomme home est disseisin, & le dissei-
sor dona mesme la terre a vn autre en le
taile, et le tenant en le taile ad issue
& mort de tel estat seisi, & issue en-
tre: en cest cas lentre le disseisin est
tolle, & il est mys de suer enuers issue
de le tenant en taile vn brief dentre sur
disseisin.

Et

Descents.

C Et nota que en tielx descentz qui tollent entres, il couient que home morust seisi en son demesne come de fee, ou en son demesne come de fee taile. Car vn murant seisie pour term de vie, ne pour term d'auter vie, ne vnques tollent entre.

Item vn descent de reuercion, ou de remainder, ne vnques tollent entre*isint que en tielx cases que tollēt entriez par force de descentz, il couient que celui qui morust seisi ad fee & franktenement al temps de son morant, ou fee taile & franktenement al temps de son morant, ou autrement tiel descent ne tolle entrie.

Item come est dit de descēts qui descendent al issue de ceux qui mourent seisies &c. mesme la ley est lou ils nont aucun issue, mes les tenements descendent al frere, soer, vncle ou auter* cousin de celui qui morust seisie.

Item si soit seignour & tenant, & le tenant soit disseisie, & le disseisour aliena a vn auter en fee, & lalienee deue sans heir, & le seignour entre come en son eschete: en cest cas le disseisie poet entrer sur le seignour, pour ceo qui le seignour ne vient a la terre par descent mes par voy deschete.

Item si home seisie de certain terre
en

en fee, ou en fee taile, sur condicion de rendre certain rent, ou sur autre condicion, coment que tiel tenant seisi en fee ou en fee taile moztust seisi, vncore si le condicion soit enfreint en lour vies, ou apres lour decesse, ceo ne tollera pas lentre del fessour, ou del donour, ou de lour heirs, pour ceo que le tenancie est chargee oue le condicion, & lestât del tenant est condicional en quecunqz mains que le tenancie vient.

Item si tiel tenant sur condicio soit disseisie, & le disseisour deuie ent seisie, & la terre descendist al heir le disseisour, ore lentre le tenant sur condicion qui fust disseisie est tolle, mes vncore si le condicion soit enfreint, donques poit le fessour ou le donour qui fierent estate sur condicion, ou lour heirs entrer, causa qua supra.

Item si vn disseisour deuie seisie, & son heir entre. &c. le quel endowa la feme le disseisour de la tierce part de les tenements &c. En cest cas quant a cest tierce part que est assigne a la feme en dower, maintenât apres ceo que la feme entre & ad le possession de mesme la tierce part, le disseisie poet loyalmment entrer sur la possessio le feme en mesme la tierce partie. Et la cause est pur ceo que quand la feme ad son dower, el sera
a iuge

Descents.

aunge eins immediate par son baron, et neinp par l'heir: et issint quant a le frāk-tenement de mesme la tierce part, le descent est defete. Et issint poies voier que deuant le d'obment, le disseisne ne poest entrer en aucun part &c. & apres le d'obment il poist entrer sur la femme &c mes vncore il ne poest entrer sur les autres deux parties qui l'heir le disseisour ad par le descent.

¶ Item si un feme soit seisi de terre en fee dont ico ay droit et tute d'entrer, si la feme pzent baron, & ont issue entre eux, & puis la feme deue seisi, & apres le baron deue, & issue entre &c. en cest cas ico poe entrer sur le possesio issue pur ceo qui issue ne viēt a lez tenemēts immediate par descent apres la mort la mere.

¶ Item si un disseisour enfeffa sō pier en fee, & le pier morust de tuel estat seisi par qui les tenements descendent a le disseisour come fitz & heir. &c. en cest cas le disseisi bien poest entrer sur le disseisour, nient obstant le descent, pur ceo que quand al disseisi le disseisour sera aunge eins forsq; come disseisour, nient obstant le descent.

¶ Item si home seisi de certain terre en fee ad issue deux fitz, & morust seisi, et le puisne fitz entra par abatement en la

la terre quel ad issue, & de ceo moztist
seisie, & les tenementes descendont al
issue, & le issue entra en la terre: en cest
cas le fits eisne ou son heir poit entrer
par la ley sur lissue del fits puisne, niēt
contrisicant le descent, pour ceo que
quand le fits puisne abatist en la terre,
apres la mort son pier, deuant aucun en-
trie par le fits eisne fait la ley enten-
dra que il entra en claimant come heir
a son pier, & pur ceo que leisne fits clai-
ma par mesme le title, cestascavoie
come heir a son pier, il & ses heirs poiēt
entrer sur lissue de puisne fits, nient
obstant le descent &c. pour ceo qu'ils
claimount par vn mesme title. Et en
mesme le maner il sera si suerent plu-
sours descentes de vn issue a vn an-
ter issue del puisne fits. Mes en tiel cas
si le pier fuit seisie de certaine terre en
fee, & ad issue deux fits, et deue, et
leisne fits entre, et est seisie &c. & puis
le puisne frere luy disseisist, par quel
disseisin il est seisie en fee, & ad issue, &
de tiel estate moztist seilli, dōques leisne
frere ne poet entrer, mes est mys a
son briez dentre sur disseisin. &c. de re-
courer la terre. Et la cause est pur ceo
qui le puisne frere vient a les tenemētz
per torciours disseisin fait a sō eisne frere
& par cel toz la ley ne poet entendre,
que

Descents.

que il claine come heir a son pier, nient plus qui vn estraunge parson qui eust disseisi leisne frere qui nauoit ascun tittle &c. Et issint poies voier la diuersite, lou le puisne frere entre apres la mort le pier deuant ascun entre fait par leisne frere en tiel cas, & lou leisne frere entre apres la mort son pier & puis est disseisi par le puisne frere lou le puisne frere puis morust seisi.

En mesme le maner est si home seisi de certain terre en fee ad issue deux files & deue, leisne file entre en la terre claimant tout la terre a luy, & ent solement prist les profits, & ad issue, & morust seisi, par que son issue entre, quel issue ad issue & deue seisi, & le second issue entre, & sic vltra: vncoze le puisne file ou son issue, quant a le moitie puit entrer sur quecunqz issue de leisne file, nient obstant tiel descent, pour ceo qui ils claimont par vn mesme tittle &c. mes en tiel cas si ambideux soerz auoient entre apres la mort leur pier, & ent furēt seisi, & puis leisne soer vlt disseisi la puisne soer de ceo qui a luy affiert, & ent fuit seisi en fee, et ad issue, et de tiel estat morust seisi, par que lez tenements descendent al issue de leigne soer, dōques le puisne soer ne ses heirs ne poient entrer &c. causa qua supra &c.

Item

¶ Item si home est seisi de certain terre en fee, & ad issue deux fitz, & leisne fitz est bastard, & le puisne frere est mulier & le pier deue, & le bastard entre enclai- mant come heir a son pier, & occupia la terre tout sa vie sans aucun entre fait sur luy par le mulier, & le bastard ad issue, & morust seisi de tiel estate en fee, & la terre vifcendist a son issue, & son issue entre &c. en cest cas le mulier est sans remedy. Car il ne puit entrer, ne auer aucun accion pour recouer la terre pur ceo que est vn auncient ley en tiel cas vse. &c. Mes il ad este loppinion dascuns, qui ceo sera entendus lou le pier ad vn fitz bastard par vn feme, & puis espousa mesme la feme, & apres lespousels il ad issue par mesme la femme vne fitz, ou vn file mulier, & puis le pier morust. &c. si tiel bastard entre &c. & ad issue & deue seisi &c. donques aura issue de tiel bastard le terre clerement a luy, come auant est dit &c. & nemy aucun autre bastard la mere, qui ne fuit vnq̃s espouse a son pier: & ceo semble bon & reasonable opinion. Car tiel bastard nee deuant lespouselz celebres parenter son pier & sa mere, par la ley de saint esglise est mulier, coment que par la ley del terre il est bastard, & issint il ad vn colour d'entrer come heir a son pier,

¶ i.

pour

Descentes.

pur ceo qui il est par vn ley mulier. &c.
s. par la ley de saint esglise. Mes au-
trement est de bastarde qui nad ascun
maner colour d'entrer come heir, en tant
que il ne poit par nul ley estre dit mu-
lier : car tiel bastarde est dit en la ley,
quasi nullius filius. &c. Mes en le cas
auantdit, lou le bastarde entre apres
la mort le pier, et le mulier luy ousta,
& puis le bastarde disseisist le mulier &
ad issue, & deue seisie, et lissue entre,
donques le mulier poit auer bzief den-
tre sur disseisin enuers lissue del bastarde
& recouera la terre. &c. Et issint poies
voier la diuersite, lou tiel bastarde con-
tinue sa possession tout sa vie sanz inter-
rucion, & lou le mulier entre & inter-
rupt le possession de tiel bastarde. &c.

¶ Item si vn enfant deins age ad tiel
cause d'entrer en ascuns terres ou tene-
ments sur vn autre qui est seisie en fee,
ou en fee taile de mesmes les terres ou
tenementes, si tiel home qui est tielmeut
seisie morust de tiel estat seisi, & les
terres descendent a son issue, durant le
temps que lenfant est deins age, tiel des-
cent ne tollera lentre lenfant, mes que
il puit entrer sur le issue qui est eus
par descent. &c. pur ceo que nul lachesse
sera aiudge en vn enfant deins age en
tiel cas.

¶ Item

Item si le baron & la feme come en droit la feme ont tite & droit d'etre en tenemens que vn autre ad en fee, ou en fee taile, & tiel tenant morust seisi. &c. en tiel cas l'entree le baron est tolle sur l'heir qui est eings par descent. Mes si le baron deuiet, donques la feme bien poit entre sur l'issue qui est eings par descent, pour ceo que l'achesse le baron ne tournera la feme ne ses heirs en preiudice ne en damage en tiel cas, mes que la feme & ses heirs bien poient entrer lou tiel descet est eschue durant le couerture. *.

Item si home, qui est de non sane memoire, qui est adire en latin. Qui non est compos mentis, ad cause d'entrer en aucun tiel tenemens, si tiel descet, vt supra, soit ew en sa vie, durant le temps que il fuit de non sane memoire, & puis deuiet, son heir bien poit entrer sur luy qui est eings par descent. Et en cest cas poies voier vn cas, q l'heir poit entrer & vncore son ancestre qui auoit mesme le tite ne pouoit entrer. Car celui qui fuit hors de sa memoire al temps de tiel descet, sil voile entrer apres tiel descet si accion sur ceo soit sue deuers luy, il n'ad riens pour luy a pleder, ou de luy aidre, mes adire que il fuit de non sane memoire al temps de tiel descet. &c. & ceo ne sera il resceu adire, pur ceo q nul

¶.ii. home

Descentes.

home de plein age sera resceu en asseñ-
ppee per la ley a stultifier et disabler sa
pson demesne, mes l'heir bien poit dis-
abler le person son auncestre pour son
auantage demesne en tiel cas, pour ceo
que nul lachesse poet estre aiuge par la
ley en celui qui ad nul discrecion en tiel
cas. Et si tiel home de non sane memo-
rie fait seffement. &c. il mesme ne poet
entrer, ne auer brief appelle Dum non
fuit compos mentis. &c. causa qua su-
pra. Mes apres sa mort son heir bien
poit entrer, ou auer le dit brief dum non
fuit compos mentis a son eleccion.
Mesme la ley est lou enfant deins age
fait seffement & deuie, son heir poit en-
tre ou auer vn brief de dum fuit infra
etatem. &c.

¶ Item si ieo suis disseisie par vn en-
fant deins age, le quel aliena a vn autre
en fee. & l'alienee deuie seisi, & les tene-
ments descendent a son heir estant en-
fant deins age, mon entre est tolle &c.
Mes si l'enfant deins age entre sur l'heir
qui est eus par descent, come il bien
puit, pour ceo que mesme le descent fuit
durant son nonage, donques ieo bien
puis entrer sur le disseisor, pour ceo qui
par son entre il ad defete & anient le def-
et. En mesme le maner est lou ieo suis
disseisie, & le disseisor fait seffement en
fee

fee sur condicion, & le fessée mortuél de
 tiel estat seise ieo ne pourrois my en-
 trer sur l'heir le fessée, mes si le condicio
 soit enfreint, issint que par cel cause le
 fessoz entre sur l'heir, ore ieo bien puis
 entrer pour ceo que quand le fessoz ou
 ses heirs entrent pour le condicion en-
 freint le descent est oustrement de-
 fecte. &c.

Etem si ieo suis disseisie, & le dissei-
 sour, ad issue, & entre en religion, par
 force de quel les tenements descendent
 a son issue, en cest cas ieo bien puis en-
 trer sur l'issue, & vncore la suit vn des-
 cent. Mes pour ceo que tiel descent vi-
 ent al issue par fait le pier. s. pour ceo
 que il entre en religion. &c. & le descent
 ne vient a luy par fait de dieu. s. par
 mort. &c. mon entre est congeable. Car
 si ieo arraine vn assise de nouel dissei-
 sin enuers mon disseisour, coment que
 il puit entrer en religion, ceo ne abate-
 ra my mon brief, mes mon brief (ceo nō
 obstant) estoiera en sa force, & mon re-
 couerie vers luy sera bō. Et par mesme
 le reason le descent, qui auaigne a son
 issue par sō fait demesne, ne tollera moy
 de mon entre. &c.

Etem si ieo lesse a vn home certain
 terres pour term de xx. ans, & vn autre
 moy disseisist, & ousta le termour, &

Descentes.

Deuie seisie, & les tenements descendēt a son heir, ieo ne purrois entrer, & vn-
coze le lessē pour term dans bien puit
entrer pour ceo que il par son entre ne
oussa l'heir qui est cins par descent, de
le franktenement qui est a luy descen-
dus, mes solement claim d'auer les te-
nements pour term dans le quel n'est
pas expulsēment de le franktenement
del heir qui est cins par descent. Mes
autrement est ou mon tenant a term de
vie est disseisi, causa patet. &c.

¶ Item il est dit, que si home est seisie,
de tenements en fee par occupacion en
temps de guerre, & ent morult seisie en
temps de guerre, & les tenements des-
cendent a son heir tiel discent ne ouste-
ra aucun home de son entre, & de ceo
home peot voer en vn pleē sur vn
brief de apel.

¶ Item que nul morant seisie, lou les
tenementes viendront a vn autre par
succession tollera l'entrie d'aucun parson
&c. come de prelates, abbates, priours,
deanes, ou person desglise, ou d'autres
corps politike &c. coment que ils fue-
ront. xx. morants seisie, & xx. successors
ceo ne tolle iamais aucun home de son
entrie. Plus sera dit de descents en le
prochein chapitre.

¶ Contis

¶ Continual claimc. cap.6.

Continual claimc est par la ou
home ad droit & title d'entrer en
ascuns terres ou tenements, dont
autre est seisié en fee, ou en fee taile, si
cestuy qui ad title d'entrer fait continual
claim a les terres ou tenements deuant
le mourant seisi de celui qui tient les te-
nements donques coment que tiel te-
nant mourust ent seisi, & les terres ou te-
nements descendent a son heir, vncore
poit celui qui auoit fait tiel claimc, ou
son heir, entrer en les terres ou tene-
ments issint descendus par cause de cō-
tinual claim fait, nient contristant le
descent. Et come en cas que home soit
disseisi, & le disseisi fait continual claim
a les tenements en la vie le disseisor,
coment que le disseisor deuie seisié en
fee, & la terre descendiſt a son heir, vn-
core poit le disseisié entrer sur la pos-
session l'heir, nient obstant le descent.

¶ En mesme le maner est si tenant a
terme de vie alien en fee, celui en le re-
uerſion, ou celui en le remainder poit
entrer sur l'alienec. & si tiel alienec de-
uia seisié de tiel estat sauns continual
claimc fait a les tenements deuant le
mourant seisi del alienec, et les tene-
ments par cause del mourant seisi

Continual claime.

del alienee descendent a son heir, donques ne poit celuy en le reuercion, ne celuy en le remainder entrer. Mes si celuy en le reuercion ou celuy en le remainder qui ad cause d'entrer sur l'alienee fait continual claim a les tenemens deuant le mouront seisi del alienee, donques tiel home poct entrer apres la mort l'alienee auxi bien come il pouloit en sa vie.

Item si terre soit lesee a un home pour term de sa vie, le remainder a un autre a term de vie, le remainder a le tierce en fee, si le tenant a terme de vie aliena a un autre en fee, & celuy en le remainder pur term de vie fait continual claime a la terre deuant le mourant seisi d'alienee, & puis l'alienee mourust seisi & puis apres celuy en le remainder pour term de vie mourust deuant aucun entrie fait par luy, en cest cas celuy en le remainder en fee poit entrer sur l'heir l'alienee par cause de continual claime fait par luy qui auoit le remainder pur term de sa vie, pur ceo que tiel droit q'il auroit d'entrer alera & remaindera a celuy en le remainder apres luy, entant que celuy en le remainder en fee ne pouloit pas entrer sur l'alienee en fee durant la vie celuy en le remainder pour term de vie, & pur ceo que il ne pouloit adonques

ques faire continual claim: car nul poet
faire continual claim mes quand il ad
title d'entrer. &c.

Ces est a voier a toy mon fitz, co-
mēt & en quel maner tiel cōtinual claim
sera faite: & a ceo bien appzendre troys
choies sont a entendre. La .i. chose est si
home ad cause d'entrer en ascun terres
ou tenemēts en diuers villes deins vn
mesme countie, sil entre en vn parcel de
les terres ou tenements qui sont en vn
ville en nosme de toutes les terres ou
tenements as queux il ad droit d'entrer
deins toutz les villes de mesme le cō-
tie, par tiel entrie, il aura auxi bon pos-
session & seisin de tous terres & tene-
ments dont il ad title d'entrie, sicome
il auoit entre en fait en chescun parcel:
& ceo semble grand reason. Car si home
voile enfeffer vn auter sans fait de cer-
tain terres ou tenements, que il ad
deins plusors villes en vn cōtie, & il
voile liuerer seisin al fefee de parcel
des tenements deins vn ville en nome
de toutz les terres ou tenements q̄ il ad
en mesme la ville, & en les auters villes
&c. toutz les ditz tenements &c. passent
par force de le dit liuerie de seisin a ce-
luy a qui tiel fefement en tiel maner est
fait: & vncore celuy a qui tiel liuerie de
seisin fuit fait nauoit droit en toutz les
terres

Continual claime,

terres ou tenemētz en toutz les villes,
mez par cause de le liucie de seisin fait
de parcel de les terres ou tenemētz en
vn ville. A multo forciozi il semble bon
reason, que quand home ad title dētre
en les terres ou tenements en diuers
villes deins vn mesme countie deuant
ascun entrie par luy fait, que par lētre
fait par luy en parcel de les terres en
vn ville en le nome de toutz les terres
& tenementes as queux il ad title den-
trer deins mesme le countie ceo best
vn seisin de toutes en luy, & par tiel
entrie il ad possessiō & seisin en fait, si-
come il auoit entre en chescū parcel. &c.
¶ Le deux chose est a entendre, que si
home ad title d'entrer en ascun terres
ou tenementes, sil ne osast entrer en
mesme les terres ou tenements, ne en
ascun parcel de ceo, pour doubte de ba-
terie, ou pur doubte de mahem, ou pour
doubte de mort, sil alast & approche auxi
pres les tenements come il osast pour
tiel doubte, & clain par parol les tene-
ments estre les siens, maintenant par
tiel claim il ad vn possession & seisin en
les tenements, auxi bien come il vāt
entre en fait coment que il n'auoit vn-
ques possession ou seisin de mesme les
terres ou tenements deuant le dit claim.
Et que la ley est tiel, il est bien proue
par

par un plee dun assise en le liuer d'ass.
an. 38. E. 3. W. 32. le tenoz de qui s'esuist
entiel forme. En le countie de Dorc.
deuât les iustices troue fuit par verdit
d'assise que le pleuntif qui auoit droit
par descent de heritage d'auer les tene-
ments mis en pleint, al temps del mo-
rant son auncester fuit demourant en le
ville ou les tenements fueront, & par
parolx claim les tenemets entre ses vi-
cins mes pour dout de mort il n'osa ap-
procher les tenemets, mes port l'assise,
& sur cest mater troue a garde fuit qui
il recoure. &c.

La tierce chose est a intender, deing
quel temps & par quel temps la claim
qui est dit continual claim seruera et
aidera celui qui fist le claim & ses
heirs. Et quant a ceo est ascauoir,
que celui, qui ad tite d'entrie, quand
il voet faire son claim, si il osast ap-
procher la terre, donques il couient
aler a la terre ou a parcel de ceo, et
faire son claim: et sil n'osast appro-
cher la terre pour doubte ou paour de
baterie, ou mayhem, ou mort, don-
ques couient a luy valer & approcher
auxi pres come il osast vers la terre
ou parcel de ceo a faire son claim.
Et si son aduersarie, qui occupia la
terre mozt seisie en fee ou en fee taile,
deing

Continual claime.

deins lan & le iour apres tiel claim, par que lez tenements descendent a son fitz come heir a luy, vncoze poct celui qui fist le claime entrer sur le possession l'heir. &c.

¶ Mes en cest cas apres lan & le iour que tiel claim fuit fait, si le pier donqs morust seisi a demain prochein apres lan & le iour, ou vn autre iour apres &c. donques ne poct celui qui fist le claim entrer: & pour ceo si celui qui fist le claim voct estre sure a tout temps, que son entre ne sera tolle par tiel descent. &c. il couient a luy que deins lan & le iour apres le p^rimer claim fait, de faire vn autre claim en la forme auantdit: & deins lan & le iour apres le secōd claim fait de faire le tierce claim en mesme le maner: & deins lan & le iour de le tierce claim, de faire vn autre claim: & issint oustre, cestascavoir de faire vn claim deins chescun an & iour prochein apres chescun claim fait durant la vie son aduersarie, & donques a quecunqz temps que son aduersarie morust seisi, son entre ne sera tolle par nul tiel descent. Et tiel claim en tiel maner fait est puis communement pris & nosme continual claime de luy qui fist le claime.

¶ Mes vncoze en le cas auantdit, lou
son

son aduersarie morust deins lan & le iour prochain apres le claim, ceo est en ley vn continuel claim, en tant que l'aduersarie deins lan & le iour apres prochain mesme la claim morust. Car il ne besoigne a celuy qui fist son claim de faire aucun autre claim, mes a quel temps que il voet deins mesme lan et le iour.

Et si l'aduersarie soit disseisie deins lan & le iour apres tiel claim, & le disseisour ent morust seisie deins lan et le iour. &c. tiel murrant seisie ne greuer mie celuy qui fist le claim, mes que il poet entrer. &c. Car quecunqz soit qui morust seisi deins lan & le iour prochain apres tiel claim fait, ceo ne greuera mie celuy qui fist le claim, mes qui il poet entrer &c. coment que fueront plusours morant seisies et plusours descentes deins mesme lan & le iour. &c.

Et si home soit disseisi & le disseisor morust seisie deins lan & le iour prochain apres le disseisin fait, par qui les tenements descendent a son heir, en cest cas l'entree le disseisi est tol, car lan & le iour qui auroit le disseisi en tiel cas, ne fera pris de tempz de title d'entre a luy accrue, mes tantsolement de tempz del claim par luy fait en le maner awatdit, & pour cel cause il seroyt bon pur tiel disseisie,

Continual claime.

disseisie pur fair son claim en auxi brie^f temps qui il puisseit, apres le disseisin. &c.

Item si tiel disseisoz occupia la terre par .xl. ans, ou par plusors ans, sans aucuns claim fait par le disseisi. &c. Et le disseisi par petite space deuant le mort del disseisour fait vn claim en la forme auantdit, si issint fortunast que deins lan et le iour apres tiel claim le disseisour morust. &c. l'entrie le disseisi est cōgeable &c. & pur ceo il seroyt bon pour tiel home, qui ne fist claime qui ad bon title d'entrie, quand il oiet que son aduersary gist languissant, de faire son claime. &c.

Item sicome est dit en le cases mises lou home ad title d'entrie par cause dun disseisin. &c. mesme la ley est lou home ad droit d'entrie par cause de aucun autre title. &c.

Item de les ditz precedents poies scauer mon fitz deux choses. Une est lou ne home ad title d'entrie sur vn tenant en le taile sil fist vn tiel claim a la terre donques est lestat taile defete, car tel claim est come entre fait par luy, et est de mesme l'effect en ley, sicome il fust issint sur mesme les tenementes & vnt entre en mesme les tenementes come deuant est dit. Et donques quand tenant

nant en le taile immediate puis tiel claim continua son occupacion en les tenementes, ceo est vn disseisin fait de mesmes les tenementes a celui qui fist tiel claim, & sic par consequens le tenant adonques ad fee simple.

¶ Le second chose est que auxi souvent qui il qui ad droit dentre fait tiel claim & ceo nient contrisstant son aduersarie continua son occupacion auxi souvent laduersary fait tort & disseisin a celui que fist le claim. Et pur cel cause auxi souvent poet celui qui fist mesme le claim pur chescun tiel tort & disseisin fait a luy auer vn briez de trespas, Quare clausum fregit. &c. Et recouera sez damages. &c. Ou il poet auer vn briez sur lestatut le roy R. le secōd fait lan de sō reign c. v. supposāt par son briez que son aduersarie auoit entre en les terres & tenemēts celui qui fist le claim, ou son entre ne fuit paz donc p la ley &c. & par tiel acciō il recouera sez damages. &c. Et si le cas fuit tiel, que laduersarie occupiast les tenementes oue force & armes, ou oue multitude de gentz a tēps de tiel claim &c. & immediate apres mesme le claim, & donques poet celui que fist le claim, pur chescun tiel foitz auer vn briez de forcible entre & recouera sez trebles damages. &c.

¶ Item

Continual claime.

Item il est a voier si le seruant d'un home qui ad tittle dehtre poetz par le commaundement son maister faire continual claim pour son maister ou non. Et il semble que en ascuns cases, il poet ceo faire, car sil par son commaundement vient a ascun parcel de la terre & la fait claim &c. en le nosme son maister, cest claim est assietz bon pour son maister, pour ceo qui il fait tout ceo que son maister couient faire ou deuoit faire en tiel case. &c. Auxi si le maister dit a son seruant, qui il ne osast venir a la terre ne ascun parcel de la terre pur faire son claime. &c. & que il ne osast approcher plus prochain a la terre forsqz a tiel lieu appel Dale, & commaunda son seruant daler a mesme le lieu de Dale, & la feire un claim pour luy. &c. si le seruant issint fait &c. ceo seble auxi bon claime pour son maister, sicomme son maister la fuit en proper parson pour ceo qui le seruant fist tout ceo que son maister osast et deuoit faire par la ley en tiel cas &c. Auxi si home soit languissant, ou si decrepite qui il ne poet par nul maner venir a la terre, ne ascun parcel de icelle, ou si un recluse soit qui ne poet par cause de son order aler hors de la maison. Si tiel maner de person commanda son seruant daler et faire

faire claime pour luy, & tiel seruant ne
osast aler a la terre ne a ascun parcel de
ceo, pour dout de bterie, mahem on
mort &c. & pour cel cause tiel seruaunt
vient auxi pres a la terre come il osast
pour tiel dout, & fait le claime &c. pour
son maister, il semble que tiel claime pur
son maister est assetz fort & bon en ley.
Car autrement son maister seroit en
tresgrād mischief, car il bien poit estre,
qui tiel parson, qui est languissant, de-
crepité, ou recluse ne poit trouver ascun
seruant qui osast aler a la terre, ne ascun
parcel de cel pur faire le claime pur luy
&c. Mes si le maister de tiel seruant soit
de bon sainte & poit & osast bien aler &
les tenemēts ou a parcel de ceo, de faire
son claime &c. si tiel maister commande
son seruant daler a ascun parcel de la
terre a faire claime pour luy, & quād le
seruant est en alant de faire le comā-
dement de son maister, il oye par le voy
tielx choses, qui il ne osast venir a ascun
parcel de la terre pour faire le claime
pour son maister, & pour cel cause il vi-
ent auxi pres la terre come il osast pour
dout de mort, & la fait claime pour son
maister & en le nosme de son maister. &c
il semble qui le dout en le ley en tiel cas
seroit, si tiel claim auailera a sō maister
ou nemy, pour ceo que le seruant ne fist

D.i. tout

Continual claime.

tout ceo que son maister al temps de son
commandement olast faire &c. que re.
Et Item ascuns ont dit, que lou home
est en prison, et est disseisie, et le disseisor
mourut seisie durât le temps que le dis-
seisie est en prison, par qui les tenemēts
descendent al heir del disseisor, ils ont
dit que ceo ne noiera mie le disseisie qui
est en prison, mes que il bien poit en-
trer nient obstant tiel descent, pour ceo
que il ne puisse faire continual claime
quand il fuit en prison. Et auxi si tiel
qui est en prison soit vtlage en accions
de dette ou trespas, ou en appelle de ro-
bery &c. il reuersera tiel vtlagarie en-
uers luy pronounce &c. Auxi si vn re-
couere soit par default vers tiel qui est
en prison, il auoidera le iugement par
brief derrour, pour ceo qui il fuit en
prison al temps de le default fait. &c.
Et pour ceo que tiels matters de re-
cord ne noiera celui qui est en prison,
mes que ils seront reuerses &c. A mul-
to fortiori il semble que vn matter en
fait. s. tiel descent et quand il fuit en
prison ne luy noiera. &c. specialment
pour ceo que il ne puisse aler hors de
prison pour faire continual claime. &c.
En mesme lemaner il semble lou home
est hors du roialme, en seruice le Roy,
pour besoigne de roialme, si tiel home
soit

soit disseisi quand il est en seruice le roy
 et le disseisor mozt seisi &c. le disseisie
 estant en le seruice le roy, que tiel descēt
 ne greueroit le disseisie, mez pur ceo que
 il ne puiroit faire continuel claime il se-
 ble a eux que quand il vient en Engle-
 terre il poit entrer sur l'heir le disseisor
 &c. car tiel home reuersera vn vtlaga-
 rie pronoūce enuers luy durāt le temps
 qui il fuit en le seruice le roy &c. ergo a
 multo fortiori auer ayde & indemnité
 par la ley en lauter cas. &c.

Item auters ont dit, que si ascun soit
 hors du roialme, coment que il ne soit
 en seruice le roy, si tiel home estāt hors
 de le roialme est disseisi de terres ou te-
 nements deins le roialme, & le disseisor
 deuie seisi &c. le disseisi estant hors du
 roialme, il semble a eux que quand le
 disseisi vient deins le roialme, que il
 poit entrer sur l'heir le disseisor & ceo se-
 ble a eux pour deux causes. Un est que
 celui qui est hors du roialme ne puit a-
 uer conuſance del disseisin fait a luy par
 entēdemēt de ley, nient plus que chose
 fait hors du roialm poit estre trie deins
 le roialm par le sermēt de. xii. &c. Et de
 cōpeller tiel home par la ley de faire cō-
 tinual claime, le quel par lētēdemēt de
 ley ne puit auer ascū notice ou conuſance
 de tiel disseisin, ceo sera inconuenient

Continual claime.

& nosmement quand tiel disseisin est fait a luy, quand il est hors du roialm, & auxi le morant seisi fuit quand il fuit hors du roialme. Car en tiel cas il ne poet p nul possibilitie solon common presumpcion faire continual claime. Mes autrement seroit si tiel disseisi fuit deins le roialme al temps de le disseisin, ou al temps del mourant del disseisour.

¶ Un auter matter ils allegeont pour prouer que deuant lestatut fait en le tēp le roy E. 3. An. 14. ca. 16. de son reygne, par quel estatut nonclaime est ouste. & le ley fuit tiel, que si vn fine soit leue de certain terres ou tenements, si ascun que fuist estrange al fine auoit droit d'auer & recouer mesmes les terres ou tenements, sil ne venust & fist son claime a ceo deins lan & le iour prochein apres le fine leue, il sera barre a tous iours, quia dicebatur finis, quia finis finem litibus imponcbat. Et que la ley fuit tiel, il est proue par lestatut de Westm. 2. De donis conditionalibus, lou il est parle que si fine soit leue de les tenements en taile. &c. Quod finis ipso iure sit nullus nec habeant heredes aut illi ad quos spectat reuertio, licet fuerint plene etatis, in Anglia, & extra prisonam necesse apponere clameum suum &c. Assint ceo proue, que si vn estrange home qui auoit droit

droit a les tenements, sil fuit hors du roialme al temps del fine leue . &c. naura damage, comēt que il ne fist sō clame &c. coment que tiel fine fuit matter de recorde. Par greinder reason il semble a eux que vn disseisin et discontinuance qui est matter en fait, ne issint trop greuera celui qui fuit disseisi, quant il fuit hors du roialme al temps de disseisin et auxi al temps que le disseisor morust seisie &c. mes que il bien poit entre nient contristant tiel descent.

Item quere si home soit disseisie, & il arraine vn assise enuers le disseisor, et les recognitors de le assise chāter pour le plaintif, et les Justices d'assise voile estre auises dz leur iugement tanqz al prochain assise &c. Et en le demētiers le disseisor morust seisie &c. si le dit fuit del assise sera prise en ley pur le dit disseisi vn continual clame, entant que nul default fuit en luy &c. Item quere si vn abbe de vn monastery morust, & durāt le temps de vacacion vn home torceusemēt entre en certain parcel de terre del monastery, claimant la terre a luy & a ses heirs, & de tiel estat morust seisie, & la terre descendist a son heir, & puis apres vn est electe & fait abbe de mesme la monastery si mesme labbe poit entrer sur l'heir ou nemy. Et il semble a ascuns

Continual claime.

Que labbe biē poit entrer en ceo cas, pur
ceo que le couent en temps de vacacion
ne fuit ascū parsoñ able de faire cōtinual
clain, car nient plus que ilz sont parso-
nable de suer accion, nient plus ils sont
able de faire continual claime, car le co-
uent n'est fors qz vn mort corps sāt teste
car en tēps de vacacion vn grant fait a
eux ou par eux est voide, & en cest cas
labbe ne poit auer briez dentre sur dis-
seison enuers l'heir, pour ceo que il ne
fuit vnqz disseisie, & si labbe ne puisset
entrer en cest cas, donques il sera mys
a son briez de droit &c. le quel sera trop
dure pour le meason, par qui semble a
eux, que labbe bien poit entrer. &c.

Queraz de dubiis, legem bene discere
(si vis.

Querere dat sapere que sunt legitimi
(ma vere.

¶ Releases.

Cap. 8.

Releases sont en diuers maners,
cest ascavoir releases de tout le
droit que home ad en terres ou
tenemens, & releases de accions par-
sonels & realx & auters choses.

¶ Releases de tout le droit que homes
ont a terre ou tenemēt &c. sont cōmu-
nement

nenēt fait en tiel forme ou de tiel effect.

¶ Pouerint vniuersi per presentes me
A. de. B. remisille, relaxasse, & omnino
de me & heredibus meis quietur cla-
masse. Vel sic. Pro me & heredibus meis
quietur clamasse E. de. D. totum ius ti-
tulum & clameum, que habui, habeo,
vel quouis modo in futurum habere po-
tero, de et in vno mesuagio cum perti-
nentiis in F. & c. Et est a scauoir, que
ceux verbes, remisille & quietu clamasse,
sōt de vn tiel effect, sicome tielx verbes
relaxasse.

¶ Item ceux paroles qui sont commu-
nement mys en tiels faits de releasses
s. que quouis modo futurum habere po-
tero, sōt sicome voides en le ley, car nul
droit passa par vn releas forsq le droit
que le releessor ad al temps de le releas
fait. Car si soit pier & fitz, & le pier soit
disseisie, & le fitz viuant son pier releassa
par sō fait a le disseisor tout le droit que
il ad ou auer puilloit en mesmes les te-
nements sans clause de garrantie & c. &
puis le pier morust & c. le fitz poit loial-
ment entrer sur le possession le disseisor
pour ceo que il nauoit droit en la terre
en la vie son pier mes le droit descēdist
a luy par descent apres le releas fait
par le mort son pier & c.

¶ Item en releasses de tout le droit que
D. iiii. home

Releasses.

home ad en certaine terres &c. il couiēt
a celui, a qui le releas est fait en ascun
cas, qui il ad frāktenemēt en les terres
en fait ou en ley al temps de releas fait
&c. car en chescun cas lou celui a qui le
releas est fait ad franktenement en fait
ou franktenement en ley al tempz de re-
leas &c. dōques le releas est bō. Frank-
tenement en ley est sicome vn home dis-
seisist vn auter, et mozust seisie, par qui
les tenements descendent a son fitz, co-
ment que son fitz ne entra pas en les te-
nements, vncoze il ad vn franktenemēt
en ley, quel par force de descent est iette
sur luy. et pour ceo que vn releas fait
a luy issint estant seisie de franktenemēt
en ley est assez bon, et sil pzent femme
issint estant seisie en ley, coment que il
ne vnques entre pas en fait, et mozust,
sa feme sera endowe.

Item en ascun cas de releasses de tout
le droit comēt que celui a qui le releas
est fait nad riens en le frāktenement en
fait ne en ley, vncoze le releas est asses
bō. Sicome le disseisor lesse la terre que
il ad per disseisin a vn auter pur term de
sa vie, sauāt le reuerçiō a luy, si le dissei-
sor ou son heir releassa al disseisor tout le
droit. &c. cel releas est bon, pour ceo que
celuy a qui le releas est fait auoit en luy
vn reuercion al temps del releas fait.

En

En mesme le maner est sou lecs est fait a vn home pour terme de vie, le remaïnder a vn auter pour terme de au- ter vie, le remaïnder a le tierce, en le taile, le remaïnder a le quarte en fee: si vn estrange qui dzoit ad a la terre relef- sa tout son droit a ascun de eux en le re- maïnder, tiel releas est bon, pour ceo que chescun de eux ad vn remaïnder en fait vestu en luy. Mes si le tenant a terme de vie soit disseisie, & puis celuy, qui ad dzoit (esteant le possession en le disseisour) releasses a vn de eux a qui le remaïnder fuit fait tout son droit, cel relecs est boide, pour ceo que il nauoit vn remaïnder en fait al temps de relces fait forsq tantsolement vn droit del re- maïnder. Et nota que chescun releas fait a celuy qui ad vn reuercion ou vn remaïnder en fait scrucra & aidera celuy qui ad le franktenement auxibien come a celuy a qui le releas fuit fait, si le te- nant auoit le releas en son poigne de pleder. Et en mesme le maner vn releas est fait al tenant pour terme de vie, ou al tenant en le taile, vpera a eux en le re- uercion, ou a ceux en le remaïnder auxi bien come al tenant del franktenemēt, et auront auxi grand auantage de cel, sils ceo poient monstre.

Item si soient seignour & tenant, et
le

Releasses.

le tenant soit disseisie, et le seignour releassa al disseisie tout le droit que il auoit en le seignorie ou en le terre, cel releas est bone, & le seignorie est extient, et ceo est pour cause del priuie qui est parenter le seignour & le disseisie, car si les auers le disseisie soient pris, et de ceux le disseisie suit vn repleuin enuers le seignour, il compellera le seignour d'auower sur luy, car sil auower sur le disseisour, donques sur le matter monstre l'auower abatera, car le disseisie est tenant a luy en droit & en la ley.

Item si terre soit done a vn home en taile reseruāt al donour & a ces heirs vn certain rēt, si le donee soit disseisie, & puis le donour releassa al donee & a ces heirs tout le droit que il auoit en la terre, et puis le donee entre en la terre sur le disseisie en cest cas le rent est ale, pour ceo que le disseisie al temps de releas fait, fuit tenāt en droit & en la ley al donour, & auowera a fine force court de stre fait sur luy par le donour pour le rent adrecer. & c. mes vncore rien del droit de terre. s. de le droit de le reuercion passera par tiel releas, pour ceo que le donee, a que le releas est fait, adonques n'auoit riens en la terre fors q̄ tantollement vn droit, & issint le droit del terre

terre ne püssoit adōques passer al donee par tiel releas.

En mesme le maner est, si leas soit fait a vn pour terme de vie, reseruant al lessour et a ces heires certain rent, si le lessie soit disseisie, & puis le lessour releassa al lessie et a ces heirs tout le droit que il ad en la terre, & apres le lessie enter, coment que en cest cas le rent est extient, vncore rien del droit de le reuercion passera, causa qua supra. Mes si soit veray seignour & veray tenant, & le tenant fait vn fessment en fee, le quel fessie ne vnques deuient tenant al seignour, si le seignour releassa al fessour tout son droit. &c. cest releas est en tout boide pour ceo que le fessour nad nul droit en la terre, & il nest tenāt en droit al seignour: mes tantsolement tenant quant al auowrie faire, & il ne vnques compellera le seignour dauower sur luy, car le seignour auowera sur le fessie fil boille.

Autrement est, lou le veray tenant est disseisie, come en le cas auantdit, car si le veray tenant qui est disseisie teigne del seignour par service de chivalier, et mozt (son heir esteant deins age) le seignour aura et seisera, le garde del lreire, et issint naura il nuy le garde del fessour qui fist le fessment

Releasses.

ment en fee. &c. issint il est grand ditter-
sité entre les deux cases. &c.

C Et si home lessa a un autre son terre
pour terme dans, si le lessour releassa al
lessee tout son droit. &c. Deuant que le
lessee auoit entre en mesme le terre, par
force de mesme le leas, tiel releas est
voide, pour ceo que le lessee n'auoit pos-
session en la terre al temps del releas
fait, mes tantsolement un droit d'auer
mesme la terre par force del mesme le
leas. Mes si le lessee entre en mesme la
terre, et ent eut possession par force de
mesme le leas: donques tiel releas fait
a luy par le lessour, ou par son heire est
sufficient a luy par cause del pruitie,
que par force del leas est parenter
eux. &c.

En mesme le maner est, come il sem-
ble ou leas est fait a un home a tener de
le lessour a sa volonte, par force de quel
leas le lessee eut possession, si le lessour
en cest cas fait un releas al lessee de tout
son droit. &c. cest releas est assez bone
pour le pruitie qui est parêtre eux, quar
en vaine seroit de faire estate par un
liure de seison a un autre, lou il ad pos-
session de mesme les tenementes par le
leas de mesme celui deuât. &c. Mes lon
home de la teste de mesme occupia terres
ou tenementes a la volonte celui qui
ad le

ad le franktenement, & tiel occupiour ne clama riens fors a volunte. &c. si celuy qui ad le franktenement boille releasser tout son droit al occupiour. &c. tiel relees est voide, pour ceo que nul priuite est parenter eux par lees fait al occuper ne par auter maner. &c.

¶ Item si home enfessa auters homes de la terre sur confidence, & al entent de parformer sa darrein volunte, et le fessour occupiast mesme la terre a la volunte de ces fessées, & puis les fessées releassent par leur fait a leur fessour tout leur droit. &c. ceo ad este vn question, si tiel releas soit bon ou non. Et ascuns ont dit que tiel releas est voide, pour ceo que nul priuite fuit parenter les feoffees et leur feoffour, entant que nul lees fuit fait apres tiel fessement par les feoffees al feoffour a tener a leur volunte. Et ascuns ont dit le contraire, et ceo pour deux causes.

¶ Un est, que quant tiel fessement est fait sur confidence a performer la volunte del fessour, il sera entendu par la ley, qui le fessour doit maintenant occuper la terre a la volunte de ses fessées, et issint il est tiel maner de priuite enter eux, sicome home fait vn fessement as auters, et ils incontinent sur le fessement boillent & granter qui leur fessour

Releasses.

four occuper la terre a leur volonte. &c.

¶ Un autre cause ilz allegent, qui si tiel terre vault. xl. s. par an &c. donques tiel fessour sera iure en assise & en auters enquestes, en plees realx, & auxi en plees parsonelx de quel graund summe qui les pleintifex voillent counter. &c. Et ceo est par le comon ley de la terre, ergo ceo est pour vn graund cause & la cause est, qui la ley doet, qui tielx fessours & leur heirs doient occuper. &c. et prendre & enioy toutz maners profits, issues, & reuenues. &c. sicome les tenementes suerent leur melines sans interruption de les fessours, nient obstant tiel fessement, ergo mesme la ley don prinitie parêter tielx fessours & les fessours, sur cōfidence. &c. pour queux causes ils ont dit, qui tielx releasses faites par tielx fessours sur confidence a leur fessour ou a ses heirs. &c. issint occupiāt la terre, sera assetz bon, et cest le meilleur opinion come il semble. &c.

¶ Item releasses solong le matter en fait ascun foitz ont leur effect par force de enlarger lestate celui, a qui le releas est fait. Sicome ieo lessa certain terre a vn home pur term de ans, par force de quel il est en possessiō, & puis ieo releasse a luy tout le droit qui ieo ay en la terre, sans

sans plus parolx mettes en le fait, & deliuer a luy le fait, donques il ad estate forsqz pour terme de sa vie. Et la cause est, pour ceo qui quand le reuercion ou le remainder est en vn home, le quel voille enlarger par son releas lestate le tenant. &c. il naura plus greinder estat mes en tiel maner & forme sicome tiel releasour fuit seisie en fee, & volloit par sō fait faire estat a vn en certain forme, et deliuer a luy seiso par force de mesme le fait, si en tiel fait de fessement ne soit aucun parol denheritance, donques il ad forsqz estate pour terme de vie, et issint il est en tielx releasles faitz par eux en la reuercion ou en le remainder. Car si ieo lessa la terre a vn home pour terme de sa vie, et puis ieo releas a luy tout mon droit, sans plus dire en le releas, son estate n'est mie enlarge. Mes si ieo releas a luy et a ses heires, donques il ad fee simple, et si ieo releas a luy et a ses heires de son corps engendrez, donques il ad fee taile. &c. Et issint il couient despecifier en le fait, quel estate celui a qui le releas est fait aura. ¶ Item aucuns foitz releasles dzera de mitter et besture le droit celui qui fait le releas, a celui a qui le releas est fait. Sicome vn home est disseisic et il releas a son disseisour tout

'Releaffes.'

tout le droit qui il ad, en cest cas le vif-
seifour ad son droit, issint qui lou son
estate fuit aduāt fuit torcious, ore par
tel releas il est fait loial et d'obituel.
Mes hic nota qui quant home est seisie
en fee simple dascuns terres ou tene-
mentes, & vn auter voille releffer a luy
tout le droit qui il ad en mesme les te-
nementz, il ne besoigne de parler a les
heirs, cestuy a qui le releas est fait, pour
ceo qui il auoit fee simple al temps de
releas fait. Car si releas fuit fait a luy
pour vn iour, ou pour vn heire, ceo
ferroit auxi fort a luy en ley, sicome il
vst releffe a luy & ses heires. Car quāt
son droit fuit ale de luy a vn foitz par
son releas sans ascun condicion. &c. a
celuy qui ad fee simple il est ale a toutz
iours. Mes lou home ad vn reuercion
en fee simple, ou vne remainder en fee
simple al tēps de releas fait, la sil voille
releffer al tenant pour terme dans, ou
pour terme de vie, ou al tenant en le
taille, il couient a determiner lestate qui
celuy a qui le releas est fait, aura par
force de mesme le releas, pour ceo que
tuel releas enure pour enlarger lestate
de celuy a qui releas est fait. Mes au-
terment est, lou home ad forsqz droit a
la terre, et nad riens en la reuercion ne
en le remainder en fait. Car si tuel home
releffa

releffa tout son droit a vn qui est tenāt
 de le franktencement, tout son droit est
 ale comēt que nul mencion soit fait de
 les heirs celui a qui le releas est fait.
 Car si ieo leffa terres a vn home pour
 term de sa vie, si ieo puis releffe a luy
 pur enlarger son estat, il couiēt que ieo
 releffa a luy & a ses heirs de son corps
 engendrez, ou a luy & a ses heirs, ou par
 tielx parolx. A auer & tener a luy & a ses
 heirs de sō corps engēdrez, ou a lez heirs
 males de son corps engendrez, ou tielx
 sēblables estates, ou autrement il nad
 plus greinder estat q il auoit adcuant.
 Mes si mon tenant a term de vie, leffa
 mesme la terre ouster a vn auter pour
 term de vie de son lessee, le remainder a
 vn auter en fee, oze si ieo releffa a celui
 a qui mon tenāt leffast pur term de vie,
 ceo sera barre a tous iours, comēt que
 nul mencion soit fait de ses heirs, pur
 ceo qui al temps de releas fait ieo auoy
 nul reuercion, mes tant solement vn
 droit d auer la reuercion, car par tiel
 leas, & le remainder ouster que mon te-
 nant fist, en ceo case mon reuercion suit
 discontinue. & c. & tiel releas vzet a
 celui en le remainder, d auer auantage
 de ceo, au ribien come al tenant a term
 de vie. Car a cel entent le tenant a term
 de vie, & celui en le remainder sont

Id.

sicome

Releasscs.

sicome vn tenant en ley, & sont sicome
vn tenant fuit sole seisie en son demesne
come de fee al temps de tiel releas fait
a luy. &c.

Item si home soit disseisi par deux,
sil releasa a lun de deux, il tiendra sō cō-
panion hors de terre, & par tiel releas, il
aura le sole possession & estat en la terre.
Mes si vn disseisor enfeffa deux de fee,
& le disseisi releasa a lun des fessees, ceo
hiera a ambideux de les fessees, & la
cause de diuersitie entre ceux deux cas
les est asses preignant.

Item si ieo sue disseisi, & mon dissei-
sor est disseisi, si ieo releas a le disseisor
de mon disseisor ieo naura vnques assise
ne entre sur le disseisour, pur ceo que sō
disseisour ad mon droit par mō releas.
&c. Et issint il semble en tiel cas, si soit-
ent .xx. disseisi chescun apres auter, et
ieo releasa a le darrein disseisour, celui
disseisour barrera tous les auters de
leur accions & leur titles. Et la cause
est come il semble, pur ceo qui en mults
cases, quant vn home ad loial title den-
tre, coniet que il nentre pas, il defetera
toutz mesmez titles par son releas &c.
Mes ceo nest my en chescun caz come
sera dit apres.

Ite si mō disseisor leasa les tenementz
dot il moy disseisi a vn auter home pur
term

term de vie, & puis le tenant a term de
vie aliena en fee, & ico releffa al aliene
&c. donques mō disseisor ne puit entrer,
causa qua supra, coment qui a vn foits
alienacion fuit a son disheritance &c.

¶ Item home soit disseisie le quel ad
fits deins age, & morust, & estant le fits
deins age, le disseisor morust seisi, et la
terre descendist a son heir, & vn estrāge
abaf, & puis le fits le disseisi, quāt il vi-
ent a son plein age, releffa tout sō droit
a labatour. En cest cas l'heir le dissei-
sour naura assise de Mortdancelster en-
uers labatoz, mes sera barre pur ceo que
labatoz ad le droit del fits le disseisi per
son releas, & lentre le fits fuit cōgeable
pur ceo qui il fuit deins age al tēps del
descēt &c. Mes si home soit disseisi, & le
disseisor fait seffement sur condicio, cest
ascauoir de rendre a luy certaine rent,
& pour defaut de payment vn reentre,
&c. si le disseisie releffa al seffee sur con-
dicion, vncore ceo namendra lestate le
seffee sur condicion, car nient obstant
ciel releas vncore son estat est sur con-
dicion, sicome il fuist adeuant. Et en
mesme le maner est lou home soit dissei-
sie de certain terre, & le disseisor graunt
vn rēt charge hoz de mesme la terre. & c
comēt qui apres le disseisi releffa al dis-
seisor &c. vncore le rent charge demurt

Releasses.

en sa force. Et la cause en ceur deux cas
les qui home naura auantage par tiel
releas qui sera encontre son proper ac-
ceptan c, & encontre son grant demesne
& coment qui ascuns ont dit qui lou lés-
tre de home est congeable sur vn tenât
sil releassast a mesme le tenant, que ceo
auaileroit a le tenant, sicome il vst en-
tre sur le tenant & puis luy enfeffa. &c.
ceo nest pas voier en chescun cas. Car
en le prumer case de ceur deux auant-
dits cases, si le disseisi vst entre sur le
seffec sur condicion, & puis luy enfeffa,
donques est le condicion tout defete et
auoide. Et issint en le second cas, si le
disseisie entraist & enfeffa c. luy qui grâ-
ta le rent charge, donques est le rent
charge aniente & auopde, mes il nest
pas auoid par ascun tiel releas sans en-
tre fait. &c.

E Item si home soit disseisie par vn
enfant le quel aliena en fee, & lalienee
deuie seisie, & son heire entra, estant
le disseisor deias age, ore est en elec-
cion le disseisor dauer vn briel de Dum
fuit infra etatem, ou briel de droit en-
uers l'heire d' l'alienee, et quel briel de
eux, qui il enuera, il doit recouer par
la ley &c. Et auxi il poet entre en la
terre sauns ascun recouere, et en cest
cas lentre le disseisie est tolle. &c. *Mes*
en

en cest cas si le disseisie releffa son droit
 al heir de laliene, et puis le disseisour
 porta brief de droit enuers l'heir d'ali-
 enee, & il l'oint le mis sur le mere droit,
 &c. le graunde assise doit trouver par la
 ley, qui le tenant ad plus mere droit,
 qui ad le disseisour &c. par ceo qui le te-
 nant ad le droit le disseisi par lō releas,
 le quel est plus auncient & plus mere
 droit. Car par tiel releas tout le droit
 le disseisie passa a le tenant, et est en le
 tenant. Et a ceo aucuns ont dit, qui en
 tiel cas l'ou home que ad droit al terre
 ou tenement, mes son entre neit pas
 congeable, si releffa al tenant tout son
 droit &c. que tiel reicas verra par voye
 dextierement. Quant a ceo il puit
 estre dit, qui cest voier quant a celui, qui
 releffa car par son reicas il ad luy de-
 mise quitement de son droit, quant a l. n.
 par lō, mes vncore le droit qui il auo. &
 bien poet passer a le tenant par son re-
 leas. Car inconuenient seroit qui tiel
 auncient droit seroit extient tout ou-
 stement &c. Car il est communement
 dit, qui droit ne poet pas mouer. Mes
 & leasses que enura par voy dextie-
 rament enuers tous par lōs est, l'ou
 celui a qui le releas est fait, ne poet auer
 ceo qui a luy est releasse. Sicome si soit
 seignour & tenant, & le seignour releffa

Releasses.

Al tenāt tout le droit que il ad en la seig-
nory, ou tout le droit q̄ il ad en la terre
&c. tiel releas va par voy dextingui-
ment enuers toutz parsons, pur ceo que
le tenant ne puit auer seruice par prō-
dre de luy mesme. En mesme le maner
est de releas fait al tenant del terre de
vn rent charge, ou comen de pasture. &c.
pour ceo qui le tenant ne poit auer ceo
qui a luy est releasse. &c. il sint tielx re-
leases vzeront par dextinguiement en
touts voyes.

¶ Item de prouer que le graund assise
doit passer pur le demandant en le cas
auantdit ico ay oie souent sur la lecture
de lestatut de westminster second, qui
commence. In casu quo vir amiserit p
defaltam tenemētum quod fuit ius vx-
oris sue &c. qui a le comen ley deuant
mesme lestatute si leas soit fait a vn
home pur term de vie, le remaindre ou-
stre en fee, & vn estrange par saint acci-
on vst reconer enuers le tenant a term
de vie par default, & puis le tenant mor-
tust, ccluy en le remainder nauoit ascū
remedy deuant lestatute pour ceo qui il
nauoit ascun possessiō del terre. Mes si
celuy en le remainder vst entre sur le te-
nant a term de vie, & luy disseisist et a-
prez le tenāt entre sur luy & aprez le te-
nāt a term de vie par tiel reconer par
par

par defaut & morust, oze celuy en le re-
maindre biē poit auer brief de droit en-
uers celuy qui recouera, pour ceo que le
mis sera ioint solemēt sur le mere droit
&c. vncore en cest cas le seisi de celuy en
le remainder fuit defete par lentre del
tenāt a term de vie. Mes parauenture
ascūz voillōt arguer & dire, que il nau-
ra brief de droit en cest cas, pur ceo que
quād le mis est ioint, il est ioint en riel
maner s. si le tenāt ad plus mere droit
en la terre en le maner come il tient, q. e
le demandāt ad en le maner come il de-
manda, & pur ceo que le seisin del demā-
dant fuit defete par iētre de le tenant a
term de vie &c. Dōz il nad nul droit en
le maner come il demande. A ceo puit
estre dit, que ceux parolx, modo & forma
prouit &c. en multz dez cases sont paroix
de form de pleder, & neiny polx de sub-
stance. Car si home port brief dentre in
casu prouiso del alienaciō fait par tenāt
en dower a son disheritāce, & counta del
alienacion fait en fee, & le tenāt dit que
il ne aliena pas en le maner come le de-
mandāt ad declare, & sur ceo sōt a issue
& troue est par verdit, que le tenāt alie-
nast en taile, ou pur term dauter vie, le
demandāt recouera vncore lalienaciō ne
fuit en le maner come le demandant a-
uoit declare &c. Auxi si soient seignoz &
D.iii, tenant,

Releasses.

tenant, & le tenant tient del seignour
par fealtie sollement & le seignour dis-
treigne le tenant pour rent, & le tes-
nant porta brief de trespass enuers son
seignour de ses auers issint pziles, & le
seignour plede que le tenant tient de
luy par fealtie & certain rent, & pour le
rent atere il vient distreigne &c. & des-
r aunde iudgement de brief port vers
luy Quare vi & armis. &c. & l'auter dit
que il ne tient de luy en le maner come
il suppose, & sur cco sont a issue, & trou-
ue est par verdit, que il tient de luy par
fealtie tantum, en cest cas le brief aba-
tera, & encoze il tient de luy en le maner
come le seignour auoit dit. Car le mat-
ter del lissue est le quel le tenāt tient de
luy ou nemp. car sil tient de luy comēt
que le seignour distreigna le tenāt pur
autres seruitces que ne doit auer, vncore
tiel brief de trespass Quare vi & armis
&c. ne gist enuers le seignour, mes sera
abate. Auxi en brief de trespass de ba-
terie, ou de biens emportes, si le de-
fendant plede de rien coupable, en le
maner come le plaintiff suppose, & troue
est que le defendaunt est coupable en
auter ville, ou a auter iour que le
plaintif suppose, vncore il recouera. Et
issint en plusours autres cases ceux pas-
soles. & en le maner come le demandant
ou

En le pleintif ad suppose ne font aucun matter de substance del issue. Car en brief de droit, lou le mys est ioint sur le mere droit, il est a tant adire, et a tiel effect, cestascavoir le quel ad plus mere droit le tenant ou le demandat al chose en demand.

Item si home soit disseisie, & le disseisor deue seisie. &c. & son sitz & heire est cins par discent, & le disseisie entre sur their le disseisor, le quel entre est vn disseisin. &c. si their port assise ou brief dentre en nature de assise, il recouera. Mes si le heir port brief de droit enuers le disseisie, il sera barre, pur ceo que quand le grande assise est iure, lour serement est sur le mere droit a nemp sur le possession. Car si their le disseisor suit vn assise de nouvel disseisin ou brief dentre en nature d'assise, & recouera vers le disseisie & suit executio, vncore poet le disseisie auer brief dentre en le par enuers luy, de le disseisin fait a luy par son pier, ou il poet auer enuers their brief de droit. Mes si le heire doit recouera enuers le disseisie, en le cas auantdit par brief de droit, dōques tout son droit seroit clerement ale, pour ceo que iugement final seroit done enuers luy, qui seroit enconter reaso, lou le disseisie ad le plus mere droit, &c. Et sa-
chez

Releasses,

ches mon fitz, que en bzief de droit, apres ceo que les quatre chivaliers ont eslies le grand assise donques il nad plus greinder delay que en vn bzief de Formedon, apres ceo que les parties sont a issue. &c. & le myse soit ioint sur bataille, donques il ad maindre delay.

E Item releas de tout le droit. &c. en aucun cas est bone fait a celui qui est suppose tenant en ley, comēt que il nad riens en les tenemētz. Sicomme en Precipe quod reddat si le tenant aliena la terre pendant le bzief, & puis le demandāt releffa a luy tout sō droit &c. cel releas est bon, pour ceo que il est suppose destre tenant par le suit del demandant, & vncore il nad riens en la terre al tēps del releas fait. En mesme le maner est si en Precipe quod reddat, le tenant vouch, & le vouch euter en la garrantie si apres le demandāt releffa al vouch tout son droit, ceo est assētz bone, pour ceo qui le vouch apres ceo qui il auoit entre en la garrantie est tenant en ley al demandant. &c.

E Item quant al releasses daccions reals & parsonels il est issint, que aucuns accions sont mixtz en le realtie et en le parsonaltie, sicomme vn accion de waste sue enuers tenant a term de vie, cest accion

elon est en le realtie, pour ceo qui le lieu
wast sera recouere. Et auxi en le par-
sonaltie, pour ceo que treble damages
seront recoueres pour le tortcious wast
fait par le tenant, et pour ceo en cest ac-
cion vn releas daccions realx est bone
plee en barre, & issint est vn releas daca-
cions parsonelx. En mesme le maner est
en assise de nouel disseisin, pour ceo que
il est mixt en le realtie et en le parsonal-
tie. Mes si vn tiel assise soit arraigne
enuers le disseisor & le tenant, le dissei-
sor bien poet pleder vn releas daccions
parsonalx pour barrer l'assise, mes ne-
my vn releas daccions realx. car nul
pledera releas daccions realx en assise
forsqz le tenant.

E Item en tielx accions realx que co-
mient destre sue enuers le tenant del
franktenement, si le tenant ad vn releas
daccions realx del demandant fait a luy
deuant le brief purchase, & il pleder ceo
il est bon ple pour le demandant adire
que celui qui pleda le plee n'auoit
rien en le franktenement al temps
del releas fait, car adonques il n'auoit
cause d'auer aucun accion real enuers
luy.

E Item en tiel cas on home poit en-
trer en terres ou tenementz, & auxi poit
suer vn accion real de ceo qui est don pla-
ce

Releasses.

Lez enuers le tenant, si en cest cas le demandant releffa al tenant tous maners d'actions realx, vncore ceo ne tollera le demandant de son entre, mes le demandant bien port entrer. nient contrist. Et tel releasses pour ceo que nul chose est releas forsqz l'accion. &c. En meisme le maner est de choses personex, sicome home a tort prent mes biens, si ieo rele a a luy toutz actions personex, vncore ieo puis par la ley prenoer mes biens hors de son possession. Auxy, si ieo ay cause d'auer brief de detinue de mes biens vers un autre, coment que ieo releffa a luy toutz actions personex, vncore ieo puis par la ley prendre mes biens hors de sa possession, pour ceo que nul droit des les biens est releffe a luy, mes solement l'accion. &c.

Item si home soit disseisie, et le disseisor fait fessement a diuers persons a son vse, & le disseisor continuelment prent les profits. &c. & le disseisie releffa a luy toutz actions realx, & puis il suit vers luy brief denire en nature d'assise par & mise de l'estatute, pour ceo que il prent les profits. &c. quere coment le disseisor sera aide par le dit releas. Car sil vuole pleder le releas generalment, dōques le demandant poit dire que il n'auoit riens en le frankement al tēps, del

del releas fait & sil plede le releas specialment, donques il couient conuiler vn disseisin, & donques poit le demandant entrer en la terre & par son conuilsans de le disseisin. &c. Mes parauenture par especial pleder il luy poit barrer l'accion que il fust. &c. comment que le demandant poit entrer.

Etem si home fust appeale de felony del mort son ancestre enuers vn autre, comment que l'appellant releffa al defendant toutz maners d'acions realx & personelx, ceo ne aydera mie le defendant pour ceo que cest appelle n'est pas accion real, entant que l'appellat ne rescouera aucun realie en tiel appelle. Et tiel appeale n'est pas accion personel, entant que le tort fust fait a son ancestre, & nemy a luy. Mes sil releffa a le defendant toutz maners accions, donques il sera bon barre en appelle. Et issint home poit voier que releas de toutes maners d'acions est meillor que releas de accions realx et personelx &c.

Etem en appeale de robbery, si le defendant voile pleder vn releas de l'appellant de toutz accions personelx, ceo semble nul plee. Car accions del appelle, ou l'appelle aura iugement de mort. &c. est plus haut que accion personel est, et n'est pas proprement dit accion

Releasses.

cion parsonel: et pour ceo si le defendāt
voile pleder vn releas del appellant de
barrer luy dappelle, en cest cas il couiēt
dauoir vn releas de toutes maners dappelles
ou toutz maners daccions come
il sēble. &c. Mes en appelle de maphem
vn releas de toutz maners daccions parsonelx
est bon plee en barre, pour ceo
que en tiel action il ne recouera forsqz
damage. &c.

C Item si home soit vtlage en accion
parsonel par proces sur le original, et
port brief derrouer, si celui, a qui suit il
suis vtlage voile pleder enuers luy vn
releas de toutz maners daccions parsonelx,
ceo semble nul plee, car par la dit
accion il ne recouera rien en le parsonalite
forsqz tantsolement de reuerter
lutilagarie: mes vn releas de brief derrouer
est bon plee.

C Item si home recouera det ou damage,
& il releassa al defendāt toutz maners
daccions, vncore il puit loialment
suer execucion par *Capias ad satisfaciendum*,
ou par *Elegit*, ou *Fieri facias*:
car execucion par tiel brief ne poit estre
dit accion, mes si apres lan & iour le
pleintif doet suer vn *Scire facias* a sacher
si le defendāt poit rien dire, pour
quoy le pleintif naura execucion dōques
il semble que tiel releas de toutz accions
sera

fera bon plee en barre, mes ascuns ont
semble contrarie, entant que le briez de
Scire facias est vn briez dexecutio, et
est dauer execucion. &c. Mes vncore en-
tant que sur mesme le briez le defendât
poit pleder diuers maters puis le iuge-
ment rendu, de luy oultre dexecucion,
come vtlagarie. &c. & diuers auters ma-
ters, ceo bien poit estre dit accio. &c. Et
ieo croy que en vn Scire facias hors dū
fine vn releas de toutz maners daccions
est bon plee en barre. Mes lou home re-
couera det ou damages & est accord par-
enter eux, que le pleintif ne suera exe-
cucion, donques il couient que le plein-
tif fait vn releas a luy de toutz maners
dexecucions.

Et Item si vn home releasa a vn autre
toutz maners de demandes, ceo est le
pluis meliour releas a luy a qui le re-
leas est fait que il poit auer, & plus vze-
ra a son auantage. Car par tiel releas de
toutz maners de demandes, toutz ma-
ners daccions realx, parsonelx, & accions
dappelle sont ales & extinctz, & toutes
maners dexecucions sōt ales & extinctz.
Et si heme ad title dētre en ascūz terres
ou tenemētz, p tiel releas sō title est ale.
Et si home ad rēt seruice, ou rēt charge
ou comē de pasture. &c. par tiel releas de
toutz maners de demādes fait al tenātz
de

Releasses.

de la terre, dont le seruice, ou le rent, ou en quelle common est, le seruice issant le rent: et le comen est ale, & extiena. &c.

Item si home releffa a un autre toutz maners de querels, ou toutz controuersies ou debates enter eux. &c. quere a quel matter & a quel effect uelx parolx soy extendont. &c.

Item si home par son fait soit obligé a un autre en certain somme de money, a paier al fest de saint Michel prochain ensuant, si loblige deuant le dit fest releffa al obligor toutz accions il sera barre del ditte a tout temps, & vncore il ne puisset auer accion al temps de releas fait. Mes si home leffa terre a un autre pour terme dun an, rendant a luy al feast de saint Michel prochain ensuant. xl. s. & puis deuant mesme le feast il releffa al lessee toutz accions, vncore apres mesme le fest il aura accion de des pour non payment de les. xl. s. nient obstant le dit releas. Etude causā diuersitatis enter les. ii. cases.

Item lou home vo. le suer brieve de droit, il couient que il counta oel seisin de luy, ou de ses ancesters, & auxi que le seison fuit en temps de mesme le roy, come il counta en son count, car cest un anciē leu vlc, come apiert par le report dun ple en leper de Poringham en tiel forme

forme qui ensuist. John Barre port son
brieu de droit enuers Reynold de As-
sington, & demaunde certains tenemens
&c. ou le mys est ioynt en le bank, & lo-
riginal & le proces fuerent demaundes
deuant iustices errants, ou les parties
biendront, & les. xii. chivalers fieront
leur serement sauns chalenge des par-
ties destre alowes, pour ce quel lelecci-
on fuit fait par assent des parties, oue
les quatre chivalers, & le serement fuit
tel, que ieo veritie dirra &c. le quel. R.
de A. ad plus mere droit, a tencer les te-
nements qui John Barre demanda ver-
luy par son brieu de droit, ou John da-
uer euz sicome il demaunde & pour ri-
en lerray que le verite ne dirray, sicome
moy aide dieu &c. sans dire a leur esciet.
Et tel serement sera fait en attaint &
en bataille & en ley gage, car euz mettôt
chescun chose a fine. Mes John Barre
coûta del seisi dun Kase son ancelter en
temps le roy Henry, & Reynold sur le
mise ioint tédist demy mark pur le tēps
&c. Et sur ceo Herle iustice dit al grand
assise apres ceo qui ils fueront charges
sur le mere droit. Nous gents, Reinold
donast demy mark al roy pur le tēps et
ceo sert q si vous troues q lācelter Jhō
ne fuit pas seisi en le temps que le de-
mādāt ad coûte, vous nest querar plus
M. l. auant

Releasees.

Avant del droit, & par ceo vous nous di-
tes le quel l'acester John Rafe p nousme
fuit seisi en temps le roy Henry come il
ad count ou non. Et si vous trouvez que
il ne fuit seisi en cel temps, vous nen-
queres nient plus. Et si vous trouvez
qui il fuit seisi, dōques enqueres oustre
del droit. Et puis le grand assise revie-
drōt oue leur verdit & disont que Rafe
ne fuit pas seisi en temps le roy H. par
que fuit agarde que Reynold tiendroie
les tenemētz verz luy demandez, a luy &
a ses heirs quites de John Barē & ses
heirs a remenāt, & John en le mercy. &c
Et le cause pur que ico ay monstre icy a
toy mon fitz cest plee, est pour prouver le
matter precedent qui est dit en brief de
droit &c. car il semble par cest plee que est
Reinold n'avoit pas rendu dimy mark
pour enquerer del temps &c. donques le
grand assise duissoit estre charge tant-
solement del mere droit, & nemy del pos-
session &c. Et issint que tous foits en
brief de droit si le possessiō, dont le de-
mandant cōita soit en tēps le roy come
il auoit count, donques le charge del
grand assise sera tantsolemēt sur le mere
droit, coment que le possession fuit en-
contre la ley, come il est dit adeuant en
cest chapitre. &c.

Confirmation. Ca. 8.

Fait de confirmation est commune-
ment en tiel forme ou a tiel effect.

Poucrint vniuersi &c. me A de. B
ratificasse, approbasse, et confirmasse. C
de D. statum & possessionem, quos ha-
beo de & in vno mesuagio &c. cū perti-
nentiis in M. &c. & en aucun cas vn fait
de confirmation est bon & auailable lou
en tiel cas vn fait de releas n'est pas bñ
ne auailable. Sicomie ieo lessa terre a
vn home, pour term de sa vie, le quel
lessa mesme le terre a vn auter pour
term de .xl. ans, par force de quel il est
en possession. Si ieo par mon fait con-
firma lestat del tenant a term dans, et
puis le tenant a term de vie mozt, du-
rant le term des ans, ieo ne puis en-
trer en la terre durant le dit term. Un-
coze si ieo par mon fait de releas auois
relesse al tenant a terme dans en la vie
le tenant a term de vie, cel releas sera
void, pur ceo que adonques ne fuit as-
cun priuie parenter moy & le tenant a
term dans, car releas n'est auailable al
tenant a term dans, mes lou est vn pri-
uie parenter luy & celui qui relestast.
*En mesme le maner est si ieo soy dis-
seisie, et le disseisor fait vn leas a vn
auter pour term dans, si ieo relesta al
termour, ceo est void, mez si ieo cōfirma
lestat le termour, ceo est bon & effectuel.

D. ii.

CItem

Confirmacion.

Item si ieo soy disseisie, & ieo confirma lestat le disseisor, il ad bon & droitu-
rel estat en fee simple, coment que en le
fait de confirmacion nul mecion est fait
de ses heirs, pur ceo qui il auoit fee sim-
ple al temps de confirmacion. Car en
tuel cas si le disseisie confirma lestat le
disseisor, a auer & tener a luy et a ses
heirs de son corps engendrez, ou auer
& tener a luy pour le terme de sa vie,
vncoze le disseisor ad fee simple, et est
seisi en son demesne come de fee, pour
ceo que quand son estat fuit confirme,
donques il auoit fee simple, & tiel fait
ne poet chaunger son estat sans entre
sur luy. &c. En mesme le maner est
si son estat soit confirme pour terme de
vn iour ou pour term dun heure, il ad
bon estat en fee simple, pour ceo que son
estat en fee simple fuit vn foitz confirme
quia confirmare idemest quod firmum
facere &c.

Item si mon disseisor fait vn leas a
term de vie, le remainder oustre en fee,
si ieo releffa al tenant a term de vie, ceo
vzera a celuy en lz remainder. Mes si
ieo confirma lestat de le tenant a terme
de vie, vncoze apres son deceasse ieo pu-
is bien entrer, pour ceo que riens est
confirme forsque lestat le tenant a term
de vie, issint que apres son deceasse, ieo
puis

puis entrer. Mes quand ico releassé tout mon droit al tenant a term de vie, ceo viera a celuy en le remainder ou en la reuercion, pur ceo que tout mō droit est ale par tiel releas. Mes en cest cas si le disseisie confirma lestat & le title ce-
 luy en le remainder sans aucun confir-
 macion fait al tenant a term de vie, le disseisie ne poit entrer sur le tenant a term de vie, pour ceo que le remaindre est dependant sur lestat le tenāt a term de vie, & si son estat seroit defete, le re-
 mainder seroit defete par lentre le dis-
 seisie, & ceo ne sera reason que il par son entre defeteroit le remaindre encontre son confirmacion. &c.

¶ Item si deux sōt disseisours, & le dis-
 seisie releassa a vn deux, il tiendra son cō-
 panion hors de la terre. Mes si le dis-
 seisie confirma lestat de lun, sans plus dire en le fait, ascuns dient que il ne tiendra son companion dehors, mes tiendra iointement oue luy, pur ceo qui riens fuit confirme forsqz son estat que fuit ioint &c. Et pur ceo ascuns ont dit, si deux iointenants sont, & lun confirma lestat lautre, qui il nad forsqz ioint estat sicome il auoit adenant. Mes sil ad ti-
 elx parolx en le fait de confirmacion, a auer & tener a luy & a ses heirs toutz les tenements, dont mencion est fait en

Confirmacion.

Le confirmacion donques il ad estat sole en les teneiments &c. Et pour ceo il est bon & sure chose en chescun confirmacion d'auer ceux parols, a auer & tenir les teneiments &c. en fee, ou en fee taile, ou pur term de vie, ou pur term dans, selon ceo que le cas est ou le matter gist. Car al intent d'ascuns, si home lessa terre a un autre pur term de vie, & puis confirma son estat que il ad en mesme la terre, a auer & tener son estat a luy et a ses heirs cest confirmacion quant a ses heirs est voide, car les heirs ne poient auer son estat que ne fuit forsq pur term de son vie. Mes si l'confirmacion son estat par ceux parols, a auer mesme la terre a luy & a ses heirs cest confirmacion fait fee simple en cest cas a luy en la terre, pur ceo que les parols, a auer & tener &c. va a la terre & nemp al estat qui il ad &c.

Item si ieo lessa certaine terre a un femme sole pour term de sa vie, la quel prent baron & puis ieo confirma lestat le baron & la femme, auer & tener pour term de leur deux viez, en cest cas le baron ne tient iointment ouc la feme, mes tient en droit de la feme pur term de sa vie. Mes cest confirmacion verra a le baron par voy de remainder pour term de sa vie, si suruesquist la feme. Mes si ieo lessa al femme sole terre pour
term

term dans, le quel pzent baron, et puis
seo confirma lestat le baron & la femins
a auer & tener la terre pur term de lour
deux vies, en cest cas ils ont loint estat
en le franktenement de la terre, pur ceo
que la feme nauoit franktenement a
deuant. &c.

¶ Item si mon disseisor granta vn rēt
charge hoirs de la terre, dont il moy dis-
seisist, & ico rehersant le dit grant con-
firme mesme le grant & tout ceo que est
cōpris deins mesme le grant, & puis ico
entre sur le disseisor, quere en cest cas si
la terre soit discharge de le rent ou, ne-
my.

¶ Item si vn parson dū esglise charge
le glebe de son esglise par son fait, & puis
is le patrō & lordinary cōfirmōt mesme
le grāt & tout ceo que est compris deins
mesme le grant, donques le grant estoit
era en la force solō le purport de mesme
le grant. Mes en tiel cas couient que le
patron eyt fee simple en laowson, car
sil nad estat en laowson lorsque pour
term de vie, ou en le taile, donques le
grant ne estoiera forsque durant la vie,
et la vie le parson qui grantait. &c.

¶ Item si home lessa terre pour term de
vie, le quel tenant a term de vie charge
la terre oue vn rent en fee, et celuy
ou le reuercion confirma mesme le
grant.

Confirmacion.

graunt, le charge est assetz bon et effectuel.

Item si soit vn parpetual chanterye, dont lordinary nad rien a medler ne a faire, Quere si le patron del chanterye & le chapleyn de mesme le chanterye poiēt charger le chanterye ouc vn rent charge en parpetuitie.

Ite en ascū caz cest verbe dedi, ou cest verbe concessi, ad mesme leffect en substance, & viera a mesme lentent come cest verbe confirmaui. Sicome ieo sue disseisie dun carue de terre, & ieo factiel fait. Sciant pzesentes &c. quod dedi a le disseisour. &c. vel quod concessi a le disseisour le dit carue. &c. & ieo deliuer tant solement le fait a luy sans aucun liuere de seisin del terre, cest vn bō confirmacion & auxi fort en ley, sicome il auoit en le fait cest verbe confirmaui. &c.

Item si ieo lesse terre a vn home pur term dans, par force de quel il est en possession &c. Et puis ieo face vn fait a luy &c. quod dedi & concessi &c. la dit terre a auer pour terme de sa vie, & deliue-
ra a luy le fait &c. donques maintenant il ad estat en la terre pour terme de sa vie. Et si ieo die en le fait, a auer & tener a luy & a ses heirs de son corps engēdz il ad estat en le taile, & si ieo die
en

en le fait, a auer & tener a luy & a ses heires, il ad estate en fee simple, car ceo viera a luy par force de confirmacion de n'larger son estate.

¶ Item si home soit disseisic, & le disseisour deue seiscic, & son heir est eins par descent, & puis le disseisic & l'heire le disseisour font iointment vn fait a vn auter en fee, & liuere de seison sur ceo est fait, quant al heir le disseisour, qui ensealast le fait, les tenementes passent & vront par mesme le fait par voy de seffement, & quant al disseisic qui ensealast mesme le fait, ceo ne viera sinō par voy de cōfirmaciō. Mes si le disseisic en cest cas port brief d'entre en le par & cui enuers l'aliene del heir le disseisour, quere coment il pledra cel fait enuers le demandant par voy de confirmaciō. &c.

Et saches mon fitz que est vn des plus honozable, laudables, & profitables choses en nostre ley, & d'auer le science de bien pleder en accions realx & parsonelx, & pour ceo ico toy counsaile especialment de mettre ton courage & cure de ceo appzender.

¶ Item si soient seignour & tenant mesqz le seignour confirma lestat que le tenant ad en les tenementes, vncore le seignorie entierment demurt a le seignour, come il fuit adeuant. En mesme
le maner

Confirmacion:

le maner est, si home ad vn rent charge,
hors de certain terre, & il confirma l'estat
que le tenant ad en la terre, vncore de-
murt a le confirmour le rent charge. En
mesme le maner est si vn home ad comē
de pasture en autre terre sil confirma
l'estat de le tenāt de le terre rien depar-
tera de luy de son comen, mes ceo niēt
obstant le comen demourt a luy come
fuit a deuant. Mes si soient seignour
et tenant, le quel tenant tient de son
seignour par le seruice de fealtie & .xx.s.
de rent, si le seignour par son fait con-
firma l'estat le tenant a tenir par .xii.d.
ou par vn denier, ou par vn maille, en
cest cas le tenant est discharge de toutz
les autres seruices, & ne rendra rien a
le seignour fors qz ceo qui est compris de-
ins mesme le confirmacion. Mes si le
seignour voile par fait de confirmaciō,
que le tenant en cest cas doit render a
luy vn esperuer, ou vn rose annuelmēt
a tel selt. &c. cest confirmaciō est voide,
pour ceo que il reseruera a luy vn no-
uel chose qui ne fuit parcel de les
seruices deuant la confirmacion,
& issint le seignour poit bien par
tel confirmacion abzeget les serui-
ces, par queux le tenant tient de luy
mes il ne poit reseruier a luy nouel ser-
uices.

Item

E Item si soit seigneur, mesne, et tenant, & le tenant est un abbe, qui tient del mesne par certain service annuelmēt le quel nad aucun cause d'auer acquitāce enuers son mesne pour porter brief de mesne. &c. en cest cas si le mesne confirma l'estate que labbe ad en la terre, & auer & tener la terre a luy & ses successeurs en frankalmoigne. &c. en cest cas cest confirmation est bon, & adonques labbe tiendra de le mesne en frankalmoigne. Et la cause est, pour ceo que nul nouvel service est reserve, car toutz les services especialment specifies sont extiens, & nul rien est reserve al mesne lors que labbe tient de luy la terre, et ceo fust il deuant la confirmation, car celui qui tient en frankalmoigne ne doit faire aucun corporal service, issint que par tiel confirmation il appiert que le mesne ne reserva a luy aucun nouvel service, mes que les tenementes seront tenus de luy & ceo fust deuant. Et en cest cas labbe aura un brief de mesne, sil soit distreigne en son default, par force de la dit confirmation, lou par cas il ne pouvoit auer tiel brief a deuant. &c.

E Item si leo sue seisse d'un villedin come de villedin en gros, & un autre luy prent
hoy

Confirmacion.

hors de ma possession, enclainant luy
destre son villedin, la ou il nauoit aucun
droit d'auer luy come son villedin, & puis
ieo confirma a luy l'estate que il ad en
mon villedin, cest confirmacion semble
voide, pour ceo que nul poit auer pos-
session de vn home come de villedin en
gros, si non celuy qui ad droit de luy
auer come son villedin en gros. Et issint
entant que celuy a qui le confirmacion
fuit fait, ne fuit seisie de luy come de son
villedin a le temps del confirmacion fait,
tiel confirmacion est voide. Mes en cest
cas si tielx parolx fuerent en le fait. &c.
Sciatis me dedisse & concessisse tali. &c.
talem villanum meum, cest bon, mes ceo
vzera par force & voy de grant, et nemp
par voy de confirmacion. &c.

¶ Item aucun foitz ceux verbes, Dedi
& concessi, vzeront par voy dextientise-
ment del chose done ou graunte, si-
come vn tenant tient de sō seignour par
certein rent, & le seignour granta par sō
fait a le tenant & a ses heires le rent. &c.
ceo vzera al tenant par voy dextien-
tissement, car par cel grant le rent est ex-
tient. &c.

¶ En mesme le maner est lou vn ad
vn rent charge hors de certein terre,
& il granta al tenant de la terre le rent
charge. &c. Et la cause est, pour ceo que
apiert

apiert par les parolx del grant, que la
volunte le donour est que le tenāt aura
le rent. &c. & entant que il ne poit auer
ne perceiuer ascun rent hors de sa terre
demesne, pour ceo le fait sera entendu
& pris pour le plus auantage & auaille
pour le tenant, qui puit estre pris, & ceo
est par voy dextinguishment.

C Item si ieo lessa terre a vn home pour
term dans, & puis ieo confirma sō estat
sans plus parolx mitter en le fait, par
cel il nad plus greinder estat que pour
term dans, sicome il auoit adeuāt. Mes
si ieo relessa a luy mon droit que ieo ay
en le terre, sans plus parolx mettre en
le fait, il ad estat de franktenement. Al-
sint poies entendre mon fitz diuers
grandes diuersitees parenter releasses
& confirmacions.

C Item si ieo esteant deins age lessa
terre a vn auter pour terme de .xx. ans,
et puis il grant le terre a vn auter pour
term de .x. ans, issint que il grant forsq
parcel de son term, en cest cas quand ieo
sui de plein age, si ieo relessa al grantee
de mon lessce. &c. cest releas est voide,
pour ceo que il ny ad ascun priuite pa-
renter luy & moy. &c. Mes si ieo con-
firme son estat, donques cest confirma-
cion est bon. Mes si mon lessce granta
tout son estate a vn auter, donques mon
releas

Confirmacion.

leleas fait al grantee est bone & effectuel.

Item si home granta vn rent charge issant hors de la terre a vn auter, pour terme de sa vie, & puis il confirma son estat en la dit rent, a auer & tener a luy en fee taile, ou en fee simple, cest confirmation est voide quant a enlarger son estat, pour ceo que celui qui confirma n'auoit aucun reuercion en le rent. Mes si home soit seisie en fee de rent seruice, ou de rent charge, et il grant le rent a vn auter pour term de vie, et le tenant atturna, et puis il confirma l'estat de le grantee en fee taile, ou en fee simple, cest confirmation est bon quant a enlarger son estat, selonc les parolx de confirmation, pour ceo que celui qui confirma al temps de confirmation auoit vn reuercion del rent. Mes en le cas auantdit, lou home grant vn rent charge a vn auter pour term de vie, si voile, que le grantee auroit estat en le taile ou en fee, il couient que le fait de grant del rent charge pour term de vie soit sur-render ou cancelle, et donques de faire vn nouel fait d'autiel rent charge, a auer & perceiuer a le grantee en le taile, ou en fee. &c. *Ex paucis plurima concipit ingenia.*

Item

¶ Attournement. Cap. 9.

Attournement est come si soit seigneur & tenant, & le seigneur voille granter par son fait les seruitces de son tenant a un autre pour terme dans, ou pour term de vie, ou en taile, ou en fee, il couient que le tenant attourna al grantee en la vie le grantour, par force & vertue del grant, ou autrement le grant est boide. Et attournement est nul autre en effect forsques quand le tenant ad oye del grant fait par son seigneur, que mesme le tenant agreea par parol a le dit grant, sicome adire a le grantee, ieo moy agreea a le grant fait a vous. &c. ou ieo sui bien content de le grant fait a vous, mes le plus comen attournement est adire, Sir ieo attourna a vous par force del dit grant, ou ieo deuaigne vostre tenant. &c. ou liuerer al grantee un denier, ou un mail, ou un ferding par voy dattournement.

¶ Item si le seigneur grante le seruitce de son tenant a un home, et puis par un fait portant un darrein date, il granta mesme les seruitces a un autre, et le tenant attourna a le. ii. grante, oye le. ii. grante ad le seruitce : & coment que apres le tenant voille attourner a le premier grante, cest clerement boide. &c.

Item

Attournement.

Item si home soit seisie de vn maner, quel maner est parcel en demesne a parcel en seruite, sil voile aliena cel maner a vn auter, il couient que par force del alienacion, que toutz les tenants qui teignent del alienour come de son maner attournent al alienee, ou auterment les seruices demurront continuellement en lalienour, forspz les tenants a volunte car il ne besoigne que tenants a volute, attournent sur tiel alienacion. &c.

Item si soient seignour & tenant, et le tenant lessa la terre a vn auter pour term de vie, ou dona la terre en le taile, saluant le reuercion a luy. &c. si le seignour en tiel cas granta son seignorie a vn auter, il couient que celui en le reuercion attourna al grantee, et nemy le tenant a term de vie ou le tenant en le taile, pour ceo que en cest cas celui en le reuercion est tenant al seignour, et nemy le tenant a term de vie, ne le tenant en le taile.

En mesme le maner est lou sont seignour mesme & tenant, si le seignour voile granter les seruices del mesme, coment que il ne fait aucun mencion en son grant del mesme, vncore il couient que le mesme attourna. &c. et nemy le tenant parauail. &c. pour ceo que le mesme est tenant a luy. &c. Mes auterment est lou certain terre

terre est charge dun rent charge, ou rēf
 seche, car en tiel cas, si celuy qui ad le
 rent charge ceo graunta a vn autre, il
 couient que le tenant del franktenemēt
 attourna al grante, pur ceo que le frā-
 tenement est charge oue le rent &c. & en
 rent charge nul auowrie doit estre fait
 sur aucun person pour le distē pris &c.
 mes il auowera le pris bon, & droiturēl
 come en terres ou tenementes issint
 charges a son distē &c.

¶ Item si soit seignour & tenant, & le
 tenant lessa son tenement a vn autre
 pur terme de vie, le remainder a vn
 autre en fee, & puis le seignoz graunta
 les seruices a vn autre &c. & le tenant
 a term de vie atturna, ceo est assetes
 bon, pur ceo que le tenant a term de vie
 est tenant en cest cas al seignoz. &c. et
 celuy en le remainder ne poit estre dit
 tenant al seignoz, quant a cel entent
 forsqz apres la mort le tenant a term de
 vie, vncoze en cest cas si celuy en le re-
 mainder morust sans heir, le seignour
 aura le remainder par voy deschete,
 pur ceo que coment que le seignour en
 tiel cas couient dauower sur le tenant
 a terme de vie. &c. vncoze tout lenticre
 tenement quant a toutz les estates de
 franktenement, ou de fee simple, ou au-
 trement, &c. en tiel cas sont ensemble

R. i. tenus

Attournement.

tenus de le seignoz. &c.

Item si soient seignoz & tenant, & le tenant lessa les tenementes a vn feme pur terme de vie, le remainder oultre en fee, & la feme prent baron, & puis le seignoz grāta les seruices. &c. a le barō & a ses heirs, en cel cas le seruice est mis en suspence durant la couerture: Mes si la feme deue viuant le baron, le baron & ses heirs auront le rent de ceur en le remainder. &c. & en ceo cas il ne besoigne astun attournement par parol. &c. pur ceo qui le baron qui doit attourn accepta le fait del grant de les seruices. &c. le quel acceptance est vn attournement en la ley. En mesme le maner est si soient seignoz & tenant & le tenant prent feme, & puis le seignour graunta les seruices a la femme & a ses heirs, & le barō accepta le fait, en cest cas apres la mort le baron le feme & ses heirs auront les seruices. &c. car par le acceptance del fait par le baron, ceo est bon attournement. &c. coment qui durant la couerture les seruices sont mys en suspence. &c.

Item si soient seignoz & tenant et le tenant granta les tenemēts a vn home pur terme de sa vie, le remainder a vn autre en fee, si le seignoz graunta les seruices a le tenāt a term de vie en fee, cest

en cest cas le tenāt a term de vie ad fee en les seruices. Mes les seruices sont mys en suspence durant sa vie. Mes ses heirs le tenant a terme de vie auront les seruices apres son decesse. &c. Et en cest cas il ne besoigne attournement, car par lacceptance del fait de celui qui doit atturner &c. ceo est attournement de luy mesme &c. Mes lou le tenāt ad cy graunde & hāwt estate en les tenemets, sicome le seignoz ad en le seignoz, en tiel cas si le seignoz granta les seruices al tenant en fee, ceo viera par voy dextinguishment causa patet.

Item si soient seignoz & tenant, & le tenant fait vn leas a vn home pur term de sa vie, sauant le reuercion a luy, si le seignoz granta le seignorie a le tenant a terme de vie en fee, en cest cas il couient que celui en le reuercion attourna al tenant a terme de vis par force de cel graunte ou autrement le graunte est voide, pour ceo que celui en le reuercion est tenant al seignoz. &c.

Item si soient seignoz et tenant, & le tenant tient del seignoz par .xx. maners des seruices, et le seignoz granta son seignory a vn autre, si le tenant paie en fait ascun parcel dascun de les seruices al grauntee, ceo est bon attournement de & pur toutz les seruices, comēt

R. ii.

qui

Attournement.

qui sentent de le tenant fuist datturne
forsqz de cel parcel, pour ceo que le seig-
nozie est entier, coment qui ilz sont di-
uers maners des seruices qui le tenant
doit faire &c.

Item si soit seignoz & tenant, & le te-
nant tient del seignoz par plusors ma-
ners des seruices, & le seignoz granta
les seruices a vn autre par fine, si le
grauntee sua vn **S**crie facias hors de
mesme le fine pour ascun parcel de les
seruices, & ad iugement de rec. cel iuge-
ment est bon attournement en ley pour
toutz les seruices.

Item si le seignoz dun rent seruice,
granta les seruices a vn autre, & le te-
nant atturna, par vn denier, & puis le
grauntee distreine pur le rent arere, &
le tenant a luy fait rescous, en cest cas
le grauntee naura assise del rent forsqz
briez de rescous, pour ceo qui le don
del denier par le tenant ne fuit forsqz
par voy dattournement &c. mes si le te-
nant auoit done a le grantee le dit de-
nier, come parcel de le rent, ou vn maille
ou vn ferding par voy de seison del rēt
donques ceo est bon attournement, &
auxi est bon seison al graunte del rent,
& donques sur tiel rescous le grauntee
aura assise. &c.

Item si sont plusors iointenantes
qui

qui teignent par certain seruisces, et le seignoz granta a vn autre les seruices, & vn de les iointenantes attourna al grantee ceo est auxi bon, sicome tous bssent atturn, pour ceo qui le seignoz est entier &c.

¶ Item si home lessa tenements a term dans par force de quel leas le lessce est seisi, & puis le lessour par son fait granta le reuercion a autre pur term de vie, ou en taile, ou en fee, il couient en tiel cas qui le tenant a term dans atturna, ou autrement rien passera a tiel graunte par tiel fait. Et si en cest cas le tenant a term dans atturna al graunte donqs maintenant passera le franktenement al grante par tiel attournement sans ascun liuerie de seisin &c. pur ceo qui si ascun liuerie de seisin sera ou besoigne destre fait en cel cas donques le tenant a terme dans seroit al temps de liuerie de seisin ouste de son poss. le quel seroit encontre reason &c.

¶ Item si tenements soient lesses a vn home pour terme de vie, ou done en le taile sauant le reuercion. &c. si celui en le reuercion in tiel case granta le reuercion a vn autre par son fait, il couient qui le tenant de la terre atturna al grante en la vie le grauntour, ou autrement le graunt est voide. En mesme

Attournement.

Le maner est si terre soit lessé en taile, ou lessé a un home pur terme de vie le remainder a un autre en fee, si celui en le remainder voile grater cest rem a un autre. &c. si le tenant de la terre attourn en la vie le grantor dōques le grant de tiel rem est bon, ou autrement nemp.

Item si terre soit lessé a un home pur term dans, le remainder a un autre pur term de vie, reseruant al lessor un certain rent par an, & liuerie de seisin sur ceo est fait al tenant pur term dans, si cestuy en le reuercion en cest cas granta le reuercion a un autre. &c. et le tenant qui est en le rem apres le terme dans soy atturna, ceo est bon attournement & celui a qui cest reuercion est graunt par force de tiel attournement distreignera le tenat a term dans pur le ret due apres tiel attournement, coment que le tenant a terme dans ne vnques attournast a luy. Et la cause est pour ceo qui lou le reuercion est depend sur lestate del franktenement, suffist qui le tenat del franktenement attourna sur tiel grant del reuercion. &c.

Et est ascauoir qui lou un leas a term dans ou a terme de vie, ou dōt en taile, est fait a aucun home, reseruāt a tiel lessor ou donour vne certain rent &c. si tiel lessor ou donour granta sō'reuers

reuercion a vn autre, & le tenant del terre
 atturna, le rent passa al graunte, comēt
 qui en le fait del graunte de reuercion
 nul mencion soit fait de le rent, pur ceo
 qui le rent est incident al reuercion en
 tiel cas, & neiny econuerso. &c. Car si
 home voil granter le rent en tiel cas a
 vne autre, reseruant a luy le reuercion
 de cel terre, comēt q̄ le tenāt atturna a
 le grāte, ceo sera forsq̄ vn rēt secū. &c.
 ¶ Item si home lessa terre a vn autre
 pur term de sa vie, & puis il confirma
 par son fait lestate del tenant a term de
 vie le remaïnder a vn autre en fee, & le
 tenāt a term de vie accepta le fait, dō-
 ques est le remaïnder en fait en celui a
 qui le reñ est don ou limite par melme
 le fait, car per lacceptance del tenant a
 term de vie de le fait ceo est vne agre-
 ment de luy, & issint vn atturnemēt en
 ley. Mes vncore celui en le reñ naura
 ascun acciō de wast ne autre benefite
 par tiel reñ sinon qui il auoit le dit fait
 enpoign par qui le reñ fuit tail ou grāt
 a luy. Et pur ceo qui en tiel cas le tenāt
 a term de vie voile par cas retcign le
 fait a luy, a cel entent qui celui en le re-
 maïnder naurait ascun acciō de wast
 enuers luy, pur ceo qui il ne poet venir
 dauer le fait en sa possessiō, il sera bon
 & sure chose en tiel cas pur celui en le

Attornement.

remaiander, qui vn fait endente soit fait par celui qui voille faire tiel confirmacion & le remaiander oustre &c. & si celui qui fait tiel confirmacion deliuera vn parte del endenture al tenant a terme de vie, & lautre part a celui qui aura le remaiander. Et donques il par monsrance de le part del endenture, poet auer accion de waist enuers le tenant a term de vie, & toutz autres auantages qui celui en le remaiander poet auer en tiel cas. &c.

Item si deux iointen sont, les queux lessont leur terre a vne autre pur term de vie, rendant a eux & a leur heirs certain rent par an, en cest cas si vn des iointenants en le reuercion, releffa a lautre iointenant en mesme le reuercion cest releas est bon, & celui a qui le releas est fait, aura solement le rent del tenant a terme de vie, & aura solemēt vn briez de waist enuers luy, comēt qui il ne vnques attourneroit, par force de tiel releas. &c. Et la cause est pour le pziuitie qui vn soitz fuist parentre le tenant a terme de vie & eux en le reuercion.

En mesme le maner & pur mesme la cause est lou home lessa terre a vn autre pour terme de vie, le remaiander a vn autre pur terme de vie reseruant le reuercion

reuercion al lessour en cest cas si celui en le reuercion releffa a celui en le remainder & a ses heirs tout son droit &c. donques celui en le remainder ad vn fee. &c. & il aura vn briel de wast enuers le tenant a term de vie sans ascun attournement de luy &c.

Item si home lessa terres ou tenements a vn autre pour terme des ans, & puis il ousta son termour, & ont enleffa vn autre en fee, & puis le tenant a terme dans entra sur le fessce, enclaiant son terme. &c. & puis fait wast, en cest cas le fessce aura par la ley vn briel de wast enuers luy et vncoze il n'attournast pas a luy. Et la cause est come ico suppose, pur ceo qui celui qui ad droit d'auer terres ou tenements pour terme dans ou autrement, ne serroit par la ley misconulant de les fesscements qui fuerent faitz de & sur mesmes les terres. &c. & en tant qui par tiel fesscement le tenant a term dans fuit mis hors de son possession & par son entre il causast le reuercion, dist a celui a qui le fesscement fuit fait, ceo est bon attournement quar celui a qui le fesscement fuit fait auoit nul reuercion deuant qui le tenat a terme dans auoit entre sur luy, pour ceo qui il fuit in possession en son demesne come de fee, & par lentre del tenant

Attournement.

nant a term dans il y ad forsqz vn reuercion, quel est par le fait le tenant a a term dans cest cas auoir par son entre &c. Mesme la ley est come il semble lou vn leas est fait pur term de vie, sauant le reuercion al lessour, si le lessor disseisist le lessce, & fait seffement en fee, si le tenant a terme de vie entre & fait wast, le seffce aura brief de wast sans aucun autre attournement, causa qua supra. &c.

¶ Item si leas soit fait pur term de vie le remainder a vne autre en le taile, le remainder oultre a les droits heirs le tenant a term de vie. En cest cas si le tenant a term de vie grāta son remainder en fee a autre par son fait, cel remainder maintenant passa par le fait sans aucun attournement. &c. Car si aucun doit atturne en cest cas, ceo seroit le tenant a term de vie, & en vaine seroit qui il atturneroit sur son graunt demesne. &c.

¶ Item si soit seignoz & tenant, & le tenant tient del seignoz par certain rent & seruiçe de chivaler, si le seignoz grāta les seruices de son tenant par fine, les seruices sont maintenant en le grante par force del fine, mes vncore le seignour ne poet pas distreigner pur aucun parcel de les seruices sans attournement

nement, mes si le tenant denia (son heir deins age) le seignour aura le garde del corps del heir et de ses terres. &c. coment qui il ne vnques attournast, pur ceo qui le seignorie fuit en le grāte main par force del fine. Et auxi en tiel cas si le tenant morust sanz heir, le seignour aura le tenancy par voy deschete.

¶ En mesme le maner est, si home grāta le reuercion de son tenant a term de vie, a vn auter par fine le reuercion passa maintenant al grauntee par force del fine, mes le grauntee iamaiz naura action de wast sanz attournement. &c. mes vncore si le tenant a terme de vie alienast en fee, le grauntee poet entre. &c. pour ceo qui le reuercion fuit en luy par force del fine, & tiel alienacion fuit a son disheritance. Mes en cest cas lou le seignour graunt les seruices de son tenant par fine, si le tenant deuie (son heir esteant de plein age) le grante par le fine naura relief ne vnques distreign pur relief, sinon qui il auoit iattournement del tenant qui morust car de tiel chose qui gist en distress sur qui le brief de Repl est sup. &c. home doit & couient dauoier le pris bon et droituel. &c. & la couient estre attournement del tenant, comēt q le grant de tiel chose

Attornement.

chose soit par fine mes dauc le gard de
les terres ou tenemens issint tenus du-
rant le nonage l'heir, ou de eux auer par
voy deschete, la ne besoign aucun dist^o
&c. mes vn entre en la terre par force de
le droit del seignorie que le grantee ad
par force de fine. &c. sic vide diuersita-
tem. &c.

CItem si soit seignoz mesne & tenant, &
le mesne graunta par fine les seruices
de son tenant a vn autre en fee, & puis
le grantee morust sans heir, ore les ser-
uices del mesnaltie deuiendront & es-
chet al seignoz paramont par voy des-
chete, si apres les seruices del mesnal-
tie s^ot aderere, en cest cas celui qui fuit
seignoz paramont poit distreign^o le te-
nant, nient obstant que le tenant ne vn-
ques atturnast, & le cause est pour ceo
que le mesnaltie fuit en fait en le gr^{ate}
par force de le fine, & le seignoz para-
mont pouoit auower sur le grauntee,
pour ceo que il fuit son tenant en fait,
comet que il ne seroit a ceo compel. &c.
mes si le grauntour en cest cas deuiast
sans heir en la vie le grantee, donques
il seroit compel dauow sur le graunte,
& auxi entant que le seignoz paramont
ne clama le mesnaltie par force del
graunt fait par fine leue par le mesne
mes par vertue de son seignourie para-
mont

enôt. s. par voy deschete il auowera sut
le tenāt pur les seruices que les mesme
auoit. &c. coment que le tenant ne vn-
ques atturra pas.

¶ En mesme le maner est lou le reuer-
cion dun tenant a term de vie soit grāt
par fine a vn autre en fee & le grauntee
apzès mozt sans heir, ou le seignour
ad le reuercion par voy deschete. Et si
apzès le tenant fait wast le seignour au-
ra brief de wast enuers luy nient con-
tristeant que il ne vnques atturra cau-
sa qua supra, mes lou vn home claime
par force del graunte fait par le fine
cestalcauoir come heir, ou come assignē.
&c. la il ne distreigna ne auowera ne
aura accion de wast. &c. sans attourne-
ment.

¶ Item en auncient boroughes & ci-
ties, lou terres & tenementes deins
mesmes les boroughes & cities sont di-
uisables par testament par custome et
vse. &c. si en tiel borough ou citie home
soit seisi de rent seruice, ou de rent
charge, & deuise tiel rent ou seruice a
vn autre par son testament & mozt,
en cest cas celui a qui tiel deuise est fait
poit distreigner le tenāt pur le rent, ou
seruice aderete, coment que le tenant
natturra pas.

¶ En mesme le maner est lou home
leste

Attornement.

lesdits tenemens devisables a un autre pur term de vie, ou pur term dans & devisa le reuercion par son testamēt a un autre en fee, ou en fee taile, & mourust, & puis le tenāt fait wast, celui a qui le devise fuit fait aura brief de wast, coment qui le tenant ne vnques attorna. Et la cause est pur ceo que la volonte le devisour fait par son testament, sera parforme solongz l'entent del devisour : & si l'effect de ceo giroit sur l'attournement del tenant, donques par cas le tenant ne voile vnques attourner & donques le volonte del devisour ne seroit vnques parforme &c. et pur ceo le devisee distreignera &c. ou aura action de wast &c. sans attournement. Car si home devisa tielx tenementes a un autre par son testament, habendum sibi imperpetuum & mourust, & le devisee entre, il ad fee simple, causa qua supra, vncore si fait de feffement vst este fait a luy par le devisour en sa vie de mesmes le tenementes, habendum sibi imperpetuum & luerie de seisin sur ceo fuit fait, il n'auroit estat forzqz pour terme de sa vie.

¶ Item si home seisie dun maner, quel est parcel en demesne & parcel en seruice, & ent soit disseisie, mes les tenants qui teignent del maner ne vnques attournent

tournont a le disseisour, en cest cas co-
 ment que le disseisour morust seisi, & sō
 heir soit eins par descent &c. vncore
 poit le disseisie distreigner pur le rent
 arere, & auct les seruices. &c. mes les
 tenantz viendront al disseisour, & diōt
 nous deueignomus vostre tenāts. &c.
 ou autre attirnement a luy fesoient &c.
 & puis le disseisour morust seisi, donq̄s
 le disseisi ne poet distreigner pur le rēt
 &c. pur ceo que tout le maner discedist
 al heir le disseisour. &c. Mes si vn tient
 de moy par rent seruice, le quel est vn
 seruice en gros & niēt par reson de mon
 maner, et vne autre qui nul droit ad
 clama le rēt & receiue & prent mesme le
 rēt de mon tenāt par coercion de dis-
 tres, ou par autre form, & disseisist moy
 par tiel prēder de rent coment que tiel
 disseisour morust issint seisi en parnāt de
 rent, vncore apres sa mort ieo puissoy
 bien distreiner le tenāt pur le rent qui
 fuit aderere deuant le decesse del dissei-
 sor, & auct apres son decesse. Et la cause
 est pur ceo q̄ tiel disseisour n'est pas mon
 disseisour forsque a ma eleccion et a ma
 volunte. Car coment que il prent le
 rent de mon tenant. &c. vncore ieo pu-
 issoy a toutz foitz distreigner mon te-
 nant pour le rent arere, issint que
 il est a moy forsque sicome ieo voille
 suffire

Attornement.

suffrer le tenant estre par tant de temps
arere pour payer a moy mesme le rent
¶ Car le paiment de mon tenant a un
autre, a qui il ne doit pas paier, nest
pas disseisin a moy, ne ousta moy pas
de mon rent sans ma volute & a eleccion.
¶ Car coment que ieo puissoy auer as-
sise enuers tiel parnour, vncore ceo est
a mon eleccion si ieo voile prendre luy
come mon disseisour ou non. Issint ti-
els descentes de rents en gros ne cus-
teront pas le seignour de distreigner,
mes a chescun temps ils poient bien
distreiner pur le rent arere &c. Et en
cest cas si apres le distresse de luy qui
issint torciousement prist le rent, ieo
graunt par mon fait le seruice a un au-
tre & le tenant atturna, ceo est assetz bon
et les seruices par tiel graunt et attur-
nement maintenant sont en le grantee
&c. Mes autrement est lou le rent est
parcel dun maner & le disseisour mozt
seisi del maner entier, come en le cas
prochein auant est dit &c.

¶ Item si ieo sue seisie dun maner par-
cel en demesne, & parcel en seruice, & ieo
done certain acres de terre parcel del
demesne de mesme le maner a un autre
en le taile, rendant a moy & a mes heirs
un certain rent &c. Si en cest cas ieo
suy disseisie de le maner & toutz les te-
nants

nantes attournont & paient leur rentes
al disseisour, & auxi le dit tenant en le
taile paie le rent par moy reserve al dis-
seisour, & puis le disseisour morust sei-
sie . &c. & son heir entra et est eings par
descent, vncore en cest cas ieo puis bien
distreigner le tenant en le taile et ses
heires pour le rent par moy reserve sur
le done . s. auxi bien pour le rent estcant
aderere deuant le descent al heir le dis-
seisour, & auxi pour le rent qui happa
destre aderere apres mesme le descent
nient obstant tiel morant seisie del dis-
seisour . &c. Et la cause est pour ceo que
quand home dona tenementz en le taile,
sauant le reuercion a luy, & il sur le dit
don reserva a luy vn rent ou auter ser-
uices, tout le rent & les services sont in-
cidents a la reuercion, & quand vn home
ad vn reuercion, il ne pouloit estre ouste
de son reuercion par le fait dun estrange
home, sinon que le tenant soit ouste de
son estat et possession . &c. car si longe-
ment que le tenant en le tail & ses heirs
continuent leur possession par force de
mon done, si longement est le reuercion
en moy & en mes heirs, et en tant que
le rent & les services reserves sur tiel
condicion sont incidentes & dependants
al reuercion, quicunqz qui ad le reuer-
cion aura mesme le rent & services . &c.

S.i.

En

Attornement.

En mesme le maner est lou ieo lessa par cel del demesne del maner a vn autre pour term de vie ou pour term dans, rendant a moy certain rent. &c. coment que ieo sui disseisie del maner. &c. et le disseisour morust seisie. &c. et son heire estant eins par discent, vncore ieo distreignera pur le rent arere vt supra, nient obstant tiel discent. Car quād home ad fait tiel done en taile, ou tiel leas pour term de vie, ou pour term dans del parcel de les demesne de vn maner. &c. lauant le reuercion a tiel donour ou lessour. &c. et puis il soit disseisie de le maner. &c. tiel reuercion apres tiel disseisin est seuer del maner en fait, comēt que ne soit seuer en droit. Et issint poies voier mon fitz diuersitie lou il y ad vn maner parcel en demesne et parcel en seruices, les queux seruices sont parcel de mesme le maner, nient incidents a aucun reuercion. &c. et lou ils sont incidents al reuercion. &c.

Discontinuance. Cap. 10.

Discontinuance est vn ancien p̄rol en la ley, et ad diuers significacions. &c. Des quant a vn content, il ad tiel significacion. s. lou vn home ad alien a vn autre certain terres ou tenementz et morust, & vn autre ad droit

droit d'auer mesmes les terres ou tenementz, mes il ne poit entrer en eux par cause de tiel alienacion. &c. Sicome un abbe seisie de certain terres ou tenementz en fee, & alienast mesmes les terres ou tenementz a un autre en fee, ou en fee taile, ou pour term de vie puis labbe morust, son successeur ne poit entrer en les ditz terres ou tenementz, comēt qui il ad droit de eux auer come en droit de son meason, mes il est mis a son accion de recouerer mesmes les terres ou tenementz, quel est appelle Breue de ingressu sine assensu capituli. &c.

¶ Item si home seisie de terre come en droit de sa feme. &c. ent enfeffa un autre. &c. & morust, la feme ne puit entrer, mes est mis a son accion, que est appelle *cul in vita*. &c.

¶ Item si tenant en le taile de certaine terre ent enfeffa a un autre. &c. et ad issue et morust, son issue ne poet pas entrer en la terre comēt qui il ad title et droit a ceo, mes est mis a son accion qui est appelle *fozmedon en le disceder*. &c.

¶ Item si soit tenant en le taile, le reuercion esteant al doncur. & a ses heirs, si le tenāt fait seffemēt. &c. & morust sans issue, celui en le reuercio ne poit entrer, mes est mis a son accion de *fozmedon en le reuerter*. Et mesme le maner est.

Discontinuance.

Ion tenant en le taile de certain terre dōn
le remainder est a vn auter en le tail ou
a vn auter en fee. Si le tenant en le tail
alienast, en fee ou en fee taile, & puis de-
uiast sans issue, ceux en le remainder ne
poient entrer, mes sont mis a lour brief
de formedon en le remaindre. &c. & pour
ceo que par force de tielx fessementes &
alienacions en les cases auantditz et en
semblables cases, ceux queux ont title
et droit apres la mort de tiel fessour ou
alienour, ne poient pas entrer mes sont
mises a lour accions vt supra, & pour
ceo cause tielx fessements & alienacions
sont appellees discontinuances.

E Item si tenant en le tail soit disseisie
& il releffa par son fait a le disseisour et
a ses heires tout le droit, le que il ad en
mesme les tenementz, ceo n'est pas dis-
continuance pour ceo que rien de droit
passa al disseisour forsque pour terme de
vie del tenāt en le taile qui fist le releas
&c. Mes par fessement del tenant en le
taile fee simple passa par mesme le fesse-
ment par force de liuere de seisin. &c.

Mes par force dun releas rien passera
forsque le droit que il poit loialment et
droiturelment releaser, sans lede ou da-
mages as auters persons queur ent
auront droit apres son decesse. &c. issint
il est grand diuersite parenter vn fesse-
ment

ment dun tenant en le taile, & vn releas
fait par tenant en le tail. Mes il est dit
que si le tenāt en taile en cest cas releffa
a son disseisor, & oblige luy & ses heirs
a garrantie, & morust, & cest garrantie
descendist a son issue, ceo est disconti-
nuance par cause de le garrantie. Mes
si vn home ad issue fitz par la feme, & la
feme morust, & puis il pzent autre feme,
& tenementz sont donec a luy et a la se-
cond feme & a les heirs de lour deux
corps engendrez, & ils ont issue vn au-
tre fitz, & la second feme morust, et puis
le tenant en le taile est disseisic et il re-
lessa al disseisor tout sō droit &c. & oblige
luy & ses heirs a le garrantie. &c. & de-
ma, ceo n'est pas discontinuance al issue
en le taile par le second feme, mes il poit
bien entrer, pour ceo que le garrantie
descendist a son eisme frere qui son pier
auoit par la pziemer feme. &c. En mesme
le maner est iou tenementz sont discon-
tables a le fitz puisne solonc le custome
de burgh englishe, queux sont en tailes.
&c. & le tenant en le taile ad deux fitz et
est disseisic, & il releffe a sō disseisor tout
son droit oue garrantie. &c. & morust, le
puisne fitz poet entre sur le disseisor, nist
obstant le garrantie, pour ceo qui le
garrantie descendist al eisme fitz, car
toutz fitz le garrantie descendera a celui

S.iii.

qui

Discontinuance,

qui est heir par le comen ley.

Item si un abbe soit disseisic, & relef-
sa a le disseisour ouesq; garrantie, ceo n'est
pas discontinuance a son successeur, pur
ceo que riens passa par cel releas forsq; le
droit qui il ad durant le temps qui il est
abbe, & le garrantie est expire par son
priuacion ou par sa mort.

Item si home seisie en droit sa feme
est disseisic, & il relef. &c. oue garran-
tie, ceo n'est pas discontinuance a le feme
si el suruesquist son baron, mes que el
poet entrer. &c. causa patet.

Item si tenant en taile de certain
terre lessa mesme la terre a un autre
pour term des ans par force de quel le
lessee ent eut possession, en que possessi-
on le tenant en tail par son fait relef tout
le droit qui il auoit en mesme la terre a
auer et tener a le lessee et a ses heires a
toutz iours, ceo n'est pas discontinu-
ance, mes apres le decesse le tenant en
taile son issue poit bien entrer, pour ceo
qui par tiel releas riens passa forsq; pour
term de la vie de le tenant en le tail. Et
mesme le maner est, si le tenant en le tail
confirma lestat le lessee pour term des
ans, a auer et tener a luy et a ses heires
ceo n'est pas discontinuance, pour ceo que
riens passa par tiel confirmacion forsq;
lestate que le tenant en le tail auoit pour
term

term de la vie. &c.

Et si tenant en taile apres tiel leas granta le reuercion en fee par son fait a auier et voille que apres le term fine qui mesme la terre remaindroit a le grante et a ses heires a toutz iours et le tenant a term dans atturna, ceo n'est pas discōtinuance. Car tiel choses queux passent en tielx cases de tenant en le taile tant solement par voy de grant, ou par confirmacion ou par releas, rien puit passer pour faire estat a celui a qui tiel grant ou confirmaciō ou releas est fait, forsque ceo que le tenāt en taile poit d'orturcllement faire, et ceo n'est forsque pour term de la vie &c. Car si ieo lesse terre a un home pour term de la vie. &c. & le tenant a term de vie lesse meisme la terre a un autre pour term des ans. &c. et puis mon tenāt a term de vie granta le reuerciō a un autre en fee, et le tenant a terme des ans atturna, en cest cas le grātee nad en ley franktenement forsque estat pur term de vie sō grātoz. &c. & ieo qui suis en le reuerciō de fee siple ne puisse entrer par force de cel grāt del reuerciō fait p mō tenāt a term de vie, pour ceo qui par tiel grāt mon reuercion n'est pas discōtinue, mes tout tēps demurt a moy sicome il fuit adeuāt nient obstant tiel grāt del reuerciō fait al grātee a luy

Quin.

et a

Discontinuanee.

et a ses heires. &c. pour ceo qui riens passa par force de tiel grant forsqz lestate qui le grantour auoit. &c. Et mesme le maner est, si le tenant a term de vie par son fait confirme le estate son lessee pur term des ans, a auer & tener a luy et a ses heires ou releffa a son lessee & a ses heires, vncore le lessee a term dans nad estate forsqz pour term de vie de le tenant a term de vie. &c. Mes autrement est, quand tenant a term de vie fait vn fessément en fee, car par tiel fessément le fee simple passa. Car tenant a terme dans puit faire fessément en fee et par son fessément le fee simple passera & vncore il nauoit al temps del fessémēt fait forsqz estat pour term dans. &c.

Item si tenant en taile granta son terre a vn auter pur term de vie de mesme le tenāt en taile, & liuere a luy seisin. &c. et apres par son fait il releffa a le tenant et a ses heires tout le droit qui il auoit en mesme la terre, en cest cas lestate del tenant de la terre nest pas enlarge par force de tiel releas pour ceo que quand le tenant auoit lestate en la terre pour term de vie de le tenant en le taile, donques il auoit tout le droit que le tenant en le taile pouisoit droiturement granter ou releffer, issint que par tiel releas nul droit passa, en tant que son droit fust

Fuit ale adeuant.

Item si tenant en le taile par son fait graunta a vn auter tout son estat que il auoit en les tenements a luy tayles, a auer & tener tout sō estat a lauter & a sez heirs a toutes iours, & deliuera a luy seisin accordant, en cest cas le tenant, a qui lalienacion fust fait nad auter estate forsque pour terme de vie del tenant en taile, & issint il poit bien estre proue, que le tenant en taile ne poet pas graunter ne aliener ne faire aucun droiturel estat de franktenement a auter parson forsque pour term de sa vie de meisme. & c. Car si ico done terre a vn home en taile sauant le reuerçiō a moy & puis le tenant en le taile enfeffa vn autre en fee, le fessce nad pas droiturel estate en les tenements pour deux causes. Un est pour ceo que par tiel fesscemet ma reuercion est discōtinue, le quel est a tort fait & nemp a droit fait, vn autre cause est si le tenāt en taile morust & son issue fust brief de formedō enuers le fesse, le brief dira & auxi le coût. & c. qui le fesse a tort luy deforce. & c. ergo sil a tort lui deforce. & c. il nad pas droiturel estat.

Item si terre soit leise a vn home pur term de sa vie, le remainder a vn autre en le taile, si celuy en le remainder voil granter son remainder a vn autre
en

Discontinuance.

en fee par son fait, & le tenant a term de vie atturna, ceo nest pas discontinuance de le remainder.

¶ Item si home ad rent seruite ou rent charge en taile, & il granta le dit rent a vn auter en fee, & le tenant atturna, ceo nest pas discontinuance. &c.

¶ Item si home soit tenant en taile de vn auouson en gros, ou dun comen en gros, s'il par son fait voile grater lauouson ou le comen a vn auter en fee, ceo nest pas discontinuance. Car en tielx cases les grauntees nont estat forsqz pour term de vie de le tenant en taile qui fist le grant. &c.

¶ Et nota que de tielx choses qui passent par voy de graunt par fait, fait en pais & sans liure, la tel graunt ne fait pas discontinuance come en les cases quantdites, et en autres cases semblables. & c. & coment que tielx choses s'ot grantz en fee p fine leue en le court le roy. &c. vncore ceo ne fait discontinuance. &c.

¶ Item si le tenant en taile fait leas a term de vie le leuee. &c. en cest cas le tenant en le taile ad fait vn nouel reuercion en fee simple pour ceo qui quant il fist leas p term de vie &c. il discōtinua la reuercion. &c. et il coment qui la reuercion de fee simple soit en ascun parson en

en tiel cas, et il ne poet estre en moy
 qui suy donoz, entant que mon reuer-
 cion est discontinue, ergo il couient qui la
 reuercion de fee soit en le tenant en le
 taile, qui discontinua ma reuercion par
 tiel leas. &c. Et si en cest cas le tenant
 en le taile granta par son fait cest reuer-
 cion en fee a vn autre, & le tenāt a term
 de vie atturna. &c. Et puis le tenant a
 terme de vie morust, viuant le tenant en
 le taile, & le grante de le reuercion en-
 tra. &c. en la vie le tenant en le taile,
 donques ceo est vn discontinuance en
 fee, & si apres le tenāt en le taile morust,
 son issue ne poet entre, mes est mis a sō
 brieve de forme don. Et la cause est pour
 ceo qui cestuy qui auoit le grant de tiel
 reuercion en fee simple auoit le seison &
 execucion de mesmes les terres ou tene-
 mentes dauer a luy et a ses heirs en sō
 demesne come de fee, en la vie le tenant
 en taile. Et ceo par force de grant de
 mesme le tenant en taile. Mes en cest
 cas si tenant en taile qui granta le re-
 uercion. &c. morust, viuant le tenant a
 term de vie, et puis le tenant a terme de
 vie morust, et puis celui a qui le reuer-
 cion fuit graunt entre. &c. donques
 ceo nest pas discontinuance, mes
 qui issue del tenant en le taile,
 poet bien entre sur le grauntee del
 re-

Discontinuance.

reuercion, pour ceo qui le reuercion qui le grantee auoit. &c. ne fuit execute. &c. en le vie le tenant en taile. &c. Et issint il est grande diuersite quant tenant en taile fait vn leas pour term dans, & lou il fait leas pour term de vie car en lun cas il ad reuercion en taile, & en lautre cas il ad vn reuercio en fee. Car si terre soit done a vn home & a ses heirs males de son corps engendres, le quel ad issue deux fitz, & leisme fitz ad issue fille & deuie, & le tenant en taile fait vn leas pur term des ans & deuie, or le reuercion descendist a le fitz puisne, pour ceo qui le reuercio fuit forsqz en le taile, & le fitz puisne est heir male. &c. mes si le tenat vlt fait vn leas pour term de vie. &c. et puis morust, or le reuercion descendist a la fille del eisme fitz pour ceo que le reuercio est en fee simple, & la fille est heir general. &c.

Item si home soit seisi en taile de terres deuissables per testament. &c. & il ceo deuissa a vne autre en fee, et morust, et lautre entre. &c. ceo nest pas discōtinue, pur ceo qui nul discōtinuance fuit fait en la vie del tenant en le taile. &c.

Item si terre soit done en taile sauāt le reuercion al donour, & puis le tenant en taile par son fait enfeffa le donour a auer & tener a luy & a ses heirs a toutz iours

iours, & linera a luy seison accozdant. &c. ceo nest pas discōtinuance, pour ceo qui nul poet discontinuer lestate en le taile, si non qui il discontinuer le reuerciō ce-
 luy qui ad le reuerciō. &c. ou le remain-
 der si ascun ad le remainder, &c. & en tāt
 qui par tiel fessement fait a le donour (le
 reuercion adonques estcant en luy) son
 reuercion ne fuit discōtinue ne alterate
 & c. cest fessement nest pas discontinu-
 ance. &c.

En mesme le maner est lou terres sōt
 dones a vn home en tail, le remainder a
 vn autre en fee, & le tenant en taile en-
 fessa celuy qui est en le remainder, a auer
 & tener a luy & a ses heires, ceo nest pas
 discontinuance, causa qua supra.

Item si vn abbe ad vn reuercion, ou
 rent seruice, ou rent charge, & voile grā-
 ter cel reuercion ou rent seruice ou rent
 charge a vn auter en fee, & le tenant at-
 turna. &c. ceo nest pas discontinuance.

En mesme le maner lou abbe est sei-
 sie dun auouson, ou de tielx choses qui
 passent par voy de grant sans liuere de
 seison. &c.

Item si tenant en le taile lessa sa terre
 a vn auter pour term de vie, et puis
 il granta en fee le reuercion a vn auter,
 & le tenant atturna, & puis le tenant a
 term de vie aliena en fee, & le grante de
 res

Discontinuance.

reuercion entra. &c. en le vie le tenāt en le taile, et puis le tenant en le taile morust, son issue ne poet enre, mes est mis a son bzief de forme don pour ceo que le reuercion en fee simple que le grantour auoit par le graunt del tenant en le taile fuit execute en le vie de mesme le tenant en le taile, & par ceo est vn discōtinuāce. en fee. &c.

¶ Et nota que ascunz font discōtinuances pur term de vie. Scicome tenāt en le taile fait vn leas pur term de vie, sauāt le reuerciō a luy auxi longuemēt que le reuerciō est al tenant en taile, ou a ses heirs, ceo nest discōtinuāce forsqz durāt la vie le tenāt a term de vie &c. Et si tiel tenant en taile dona les tenements a vn autre en taile, sauāt le reuercion, donqz ceo est discōtinuance durant le second taile &c. Mes lou le tenant en taile fait vn leas pur term dans, ou pour term de vie, le remainder a vn autre en fee, & deliuera liuere de seison accordant, ceo est discōtinuāce en fee, pour ceo que le fee simple paia y force de le liuere de seiso. &c. Et est ascauoir q si ascūz tielx discōtinuāces sōt faitz sur cōdiciō &c. et par ceo que les cōdiciōs sont enfrentz &c. ou par autres causes solon le course de la ley tielx estatz sōt defetz donques sōt les discōtinuances defetes, et ne tolent.

lent aucun home par force de eux. &c. de son entre &c. Come si soit aiel, pier & fitz & laiel soit tenant en taile, & est disseisic par le pier qui est sō fitz, & le pier fait vn fessement de ceo sans garrantie & deue, & puis laiel, le fitz bien poit entrer sur le fesse, pur ceo que ceo ne fuit pas discontinuance, entant que le pier ne fuit seisic par force de le taile al temps del fessement &c. Mes fuit seisic en fee par le disseisin fait al apel. &c. Come si le baron soit seisic de certein terre en droit sa feme, & fait fessement en fee sur condicion & deue, si l'heir apres entre sur le fesse pur le condiciō enfreint l'entre la feme est cōgeable sur l'heir, pur ceo que par l'entre del heir le discōtinuāce est defete come est aiuge.

¶ Item si feme enherite que ad vn baron, quel baron est deins age, & il estant deins age, fait vn fessement de les tenementz sa feme en fee, & mozt, il ad este question si la feme poit entre ou nō. &c. Et il sēble a ascū que lētre la feme apres la mozt son baron est congeable en cest cas. Car quāt son barō fesoit tiel fessement. &c. il pouissoit bien entre, nient cōtristeant tiel fessement. &c. durant la couerture, et il ne pouissoit entre en sō droit demesme, meiz en le droit sa feme, ergo tiel droit que il auoit dentre en droit sa feme &c. cest droit dētre demurt a la feme
apres

Discontinuance.

apres son deceſſe. Et il y ad eſte dit, que ſi deux iointenantes eſteants deins age font vn feſſement en fee, & lun des enfans deuiue, & l'auter ſurueſquiſt, entant que les ambideux enfans puiſſont entre iointemēt en leur vies, cel droit acruſt tout a luy qui ſurueſquiſt, & pour ceo celuy qui ſurueſquiſt puit entre en lentierte. &c. Et auxi l'heire le baron qui fiſt le feſſement deins age, ne poit entre &c. pour ceo que nul droit deſcendiſt a tiel heire en le cas auātdit, pour ceo que le baron nauoit vnques riens forſqz en droit de ſa feme. &c. Et auxi quant vn enfant fait vn feſſement eſteant deins age, ceo ne luy greuera & ne ledra, mes q̄ il poet enter bien. &c. ceo ſerroit encōter reaſō, q̄ tiel feſſemēt, fait per celuy qui ne fuit able de fair tiel feſſemēt greuera ou ledra auter de toller eux de leur entre. &c. Et pur ceux cauſes il ſēble a aſcuns que apres la mort de tiel baron iſſint eſteāt deins age al temps de le feſſemēt &c. que ſa feme bien poit entrer. &c.

¶ Item ſi feme enherite pzent baron, et ont iſſue fitz, et le baron moruſt, et el pzent autre baron, et le ſecond baron leſſa la terre que il ad en droit ſa feme a vn auter pour term de ſon vie, & puis la feme moruſt, et puis le tenant a term de vie ſurrendiſt ſon eſtate a le ſeconde baron

baron. &c. quere si le fitz la feme poit entrer en cest cas sur le second baron durât la vie le tenât a term de vie. &c. mes il est clere ley, que apzès la mort le tenant a term de vie, le fitz la feme poit entre, pour ceo que le discontinuance qui fuit tantsolement pour term de vie, est determine. &c. par la mort de mesme le tenant a term de vie.

C Nota que vn estate taile ne poit este discontinue, mes la ou cestuy qui fait le discontinuance fuit vn foitz seisie par force de le taile, sinon que soit par reason de garrantie.

C Item si tenant en taile fait vn leas a vn auter pour terme de vie, & le tenant en taile ad issue & deuie, & le reuercion descendist a son issue, & puis lissue granta le reuercion a luy descendu a vn auter en fee, & le tenant a term de vie atturna, & puis le tenant a term de vie morust et est seisie en fee en la vie del issue. &c. & puis lissue en le taile ad issue fitz & deuie, & celui en le reuercion entre. &c. il semble que ceo n'est pas discontinuance a le fitz, mes que le fitz poit entrer. &c. pour ceo que son pier, a qui le reuercion de fee simple descendist &c. nauoit vnques riens en la terre par force de le taile. &c. Car si home seisie en droit la feme lesta mesme la terre a
A. i.
vn

Discontinuance.

Un auter pour term de vie oze est le reuercion de fee simple a le baron. &c. Et si le baron mozt viuant sa feme et le tenant a term de vie, & le reuercion descendist al heir le baron, si le heir le baron granta le reuercio a un auter en fee & le tenant attorna. &c. et puis le tenant a term de vie mozt, et le grantee del reuercion en cel cas entre, en cest cas ceo nest pas discontinuance a la feme, mes la feme bien poit entrer sur le grantee. &c. pour ceo que le grantour nauoit riens en le droit & le feme al tēps de le grante quant il fist le grant del reuercion. Et issint il semble coment que homes queux sōt inheritables par force de le taile & ils ne fuerent vnques seises par force de mesme le taile, que tiels seffementes ou grantes par eux fait sans clause de garrantie, nest pas discontinuance a lour issues apres lour decesse, mes que lour issues poient bien entrer. &c. coment que ceux queux fierent tiels grantes en lour vies fuerent forbarres d'entrer par lour fait demesne. &c. Et si tenant en taile ad issue. ii. fitz, et leisne disseisist son pier, & ent fait seffement en fee, sans clause de garrantie, et deua sans issue, & puis le pier deua, le puisne fitz poit bien entrer sur le seffement, pour ceo que le seffement son eisme sere ne

ne poit estre discontinuance, pour ceo
que il ne fuit vnques seisie par force de
le taile. Car il semble encontre reason,
que par mater en fait. &c. sans claise de
garrantie, home poit discontinuer vn
taile. &c. qui ne fuit vnques seisie par
force de mesme le taile.

E Nota si soit seignour et tenant, et le
tenant dona ses tenementes a vn autre
en taile, le remainder a vn autre en fee,
et puis le tenant en taile fait vn leas a
vn home pour term de vie. &c. sauant le
reuercion. &c. et puis granta le reuercion
on a vn autre en fee, & le tenant a term
de vie atturna. &c. et puis le grantee del
reuercion morust sans heir, ore mesme le
reuercion deuient al seignour par voye
deschete. Si en cest cas le tenant a term
de vie deuast, & le seignour par force de
son eschete entre en la vie le tenant en
le taile, et puis le tenant en le taile mo-
rust, il semble en ceo cas que ceo nest
pas discontinuance al issue en le taile, ne
a celuy en le remainder, mes que il poit
bien entrer, pour ceo que le seignour est
eins par voy deschete, et nemy par le
tenant en le taile. &c. Mes secus effet si
le reuercion vst este execute en le grantee
en la vie le tenant en le taile, car adon-
ques vst le grantee este eins en les te-
nementz par le tenant en le taile. &c.

E. ii.

Item

Discontinuance.

Un auter pour term de vie oze est le reuercion de fee simple a le baron. &c. Et si le baron morust viuant sa feme et le tenant a term de vie, & le reuercion descendist al heir le baron, si le heir le baron granta le reuercion a un auter en fee & le tenant attorna. &c. et puis le tenant a term de vie morust, et le grantee del reuercion en cel cas entre, en cest cas ceo nest pas discontinuance a la feme, mes la feme bien poit entrer sur le grantee. &c. pour ceo que le grantour nauoit riens en le droit & le feme al tēps de le grante quant il fist le grant del reuercion. Et issint il semble coment que homes queux sōt inheritables par force de le taile & ils ne fuerent vnques seises par force de mesme le taile, que tielz seffementes ou grantes par eux fait sans clause de garrantie, nest pas discontinuance a lour issues apres lour decesse, mes que lour issues poient bien entrer. &c. coment que ceux queux fierent tielz grantes en lour vies fuerent forbarres d'entrer par leur fait demesne. &c. Et si tenant en taile ad issue. ii. fitz, et leisme disseisist son pier, & ent fait seffement en fee, sans clause de garrantie, et deui sans issue, & puis le pier deue, le puisne fitz poit bien entrer sur le seffec, pour ceo que le seffement son eisme frere ne

ne poit estre discontinuance, pour ceo que il ne fuit vnques seisie par force de le taile. Car il semble encontre reason, que par mater en fait. &c. sans claise de garrantie, home poit discontinuer vn taile. &c. qui ne fuit vnques seisie par force de mesme le taile.

E Nota si soit seignour et tenant, et le tenant dona ses tenementes a vn autre en taile, le remainder a vn autre en fee, et puis le tenant en taile fait vn leas a vn home pour term de vie. &c. sauant le reuercion. &c. et puis granta le reuercion a vn autre en fee, & le tenant a term de vie atturna. &c. et puis le grantee del reuercion morust sans heir, ore mesme le reuercion deuient al seignour par voye deschete. Si en cest cas le tenant a term de vie deuast, & le seignour par force de son eschete entre en la vie le tenant en le taile, et puis le tenant en le taile morust, il semble en ceo cas que ceo n'est pas discontinuance al issue en le taile, ne a celuy en le remainder, mes que il poit bien entrer, pour ceo que le seignour est eins par voy deschete, et nemy par le tenant en le taile. &c. Mes secus effet si le reuercion vst este execute en le grantee en la vie le tenant en le taile, car adonques vst le grantee este eins en les tenementz par le tenant en le taile. &c.

E. ii.

E. Item

Discontinuance.

Item si vn person dun esglise ou vn
vicar dun esglise, alien certain terres ou
tenementz parcel de son glebe. &c. a vn
auter en fee, & mozt ou resigne. &c. son
successor poit bien entrer nient contri-
steant tiel alienacion, come est dit en vn
nota .2. B. 4. termino michaelis, quod
sic incipit. Nota quod dictus fuit pro
lege en vn briez daccompt port par vn
maister dun college vers vn chapleine,
que si vn person ou vn vicar grant cer-
tein terre, quel est de droit son esglise a
vn auter, et deuie, ou permute, le suc-
cessour poit entrer. &c. Et ieo croy que
la cause est, pour ceo que le person ou
vicar qui est seisie. &c. come en droit de
son esglise, nad pas droit de fee simple
en les tenements ne le droit de fee sim-
ple de ceo demourt en aucun auter par-
son, & pour cel cause son successeur poit
bien entrer, nient cōtristeāt tiel alienaci-
on. &c. Car vn euesqz poit auer briez de
droit de fee simple demurrant en luy et
en son chapiter. Et vn deane puit auer
briez de droit, pour ceo que le droit de-
mourt en luy. Et vn abbe poit auer
briez de droit, pour ceo que le droit de-
murt en luy, et en son couent. Et vn
maister dun hospital poit auer briez de
droit, pour ceo que le droit demurt en
luy et en ses confreres. &c. et sic de aliis
iii

in casibus consimilibus. Mes vn perso
ou vn vicar ne poit auer briez de droit.
et. Mes le plus haut briez que ils poi-
ent auer est le briez de *Juris vtrum*: le
quel est grand proue que le droit de fee
nest en eux, ne en nul auters. et. mes le
droit de fee simple est en abeiance, & ceo
est adire que il est tant solement en le
remembrance, entendement, & conside-
racion de la ley. et. Car moy semble que
tiel chose en tiel droit, qui est dit en di-
uers liuers estre en abeiance, est au tant
adire en latin. s. talis res vel tale rec-
tum, que vel quod non est in homine ad-
tunc superstito, sed tantummodo est et
consistit in consideratione et intelligen-
tia legis. Et quidam alii dixerunt talem
rem aut tale rectum fore in nubibus.
Mes ico suppose que ils entenderont
pour ceux parolx (in nubibus. et) come
ico ay dit adeuant.

¶ Item si vn person dun esglise deuie,
ore le franktenement del glebe del per-
sonage est en nulluy, durant le temps
que le personage est voidz, mes en abei-
ance. s. en consideration et en le entelli-
gence de la ley, tanq vn auter soit fait
person de meisme lesglise. Et immediat
quand vn auter est fait parson, le frank-
tenement en fait est en luy come succes-
sour.

D.iii.

Item

Discontinuance.

Item afeuns parauenture voilens arguer et dire, que entant que vn person oue lassent del patron et ordinarie, poit granter vn rent charge hoys del glebe del parsonage en fee, & issint charger le glebe del personage parpetuellement, ergo ils ont fee simple, ou deux, ou vn de eux auoit fee simple al meins. A ceo poit estre respondu, que il est vn pinciple en la ley, que de chescun terres il y ad fee simple. &c. en ascun home, ou autrement le fee simple est en abeiance. Et vn autre pinciple est, que chescun terre de fee simple poit estre charge de vn rent charge en fee par vn voy ou par autre. Et quand tiel rent est graunte par le fait le person et le patron et lordinarie. &c. en fee, n'alaura pzeiudice ou pert par force de tiel grant, forsque les grantours en leur vies, & les heirs le patron, & les successours del ordinarie apres leur decesse. Et apres tiel charge si le person deuie, son successour ne poit venir a le dit esglise de estre parson de mesme lesglise par le ley, forsque par presentment del patron, et admiission et institution del ordinarie. Et pur cel cause il couiēt que le successour soy teigne content et agree de ceo qui le patron & lordinarie loialment fesoient adcuant. &c. Mes ceo n'est proue que le fee simple. &c. est en le patron & lordinarie, ou en ascun de

de enx. &c. Mes la cause que tiel grant
de rēt charge est pur ceo que ceux queux
auront enteresse. &c. en la dit esglise. &
le patrō solonc la ley tēporal, et lordina-
rie solonc la ley spiritual, fuerent assē-
tus ou parties a tiel charge. &c. Et ceo
seble estre la bzap cause que tiel glebe
poit estre charge en perpetuitie. &c.

Et si tenant en taile ad issue, et soit
disseisie, & puis il releffa par sō fait tout
son droit a le disseisor, en cest cas nul
droit de taile poet estre en le tenant en
taile, pour ceo qui il auoit releffe tout
son droit. Et nul droit poit estre en lis-
sue en le taile durant le vie son pier. Et
tiel droit del enheritance en le tail nest
pas tout cūstrement expire par force
de tiel releas. &c. ergo il couiēt que tiel
droit demourt en abeiance, vt supra, du-
rant le vie le tenant en taile, que res-
leffa &c. & apres sō deceffe dōques est tiel
droit maintenant en sō issue en fait. &c.
En mesme le maner est lou tenāt en tail
granta tout sō estat a vn auter, en cest
cas le grantee nad estate forsq pour
term de vie del tenant en le taile, & le
reuercion de le tail, nest pas en le tenāt
en tail, pur ceo qui il auoit grāt tout sō
estat & sō droit &c. Et si le tenāt a qui le
grāt fuit fait fist wast le tenāt en le tail
ne vnques aura bzief de wast, pour

E.iii.

ceo

Discontinuance.

ceo qui nul reuercion est en luy. Mes le reuercion et le enheritance de le taile, durant le vie tenant en le taile, est en abeiance, cestascavoir tant solement en le remembrance, consideracion, et intelligence de la ley.

¶ Item si vn euesqz alien terres, qui sont parcell de son eueschie, et deuie, ceo est vn discontinuance a son successeur, pour ceo que il ne poet entrer, mes est mis a son briez de Ingressu sine assensu capituli.

¶ Item si vn dean alien terres queux ad en droit de luy et son chapiter, & morust son succelloz poet entrer. Mes si le dean est soule seisie, come en droit son deanry, donques son alienacion est discontinuance a son successeur come est dit adeuant.

¶ Item parauenture ascuns boillont arguer & dire, que si vn abbe et son couent sont seisies en leur demesne come de fee de certain terres a eux et a leur successeurs. &c. et labbe sans ascnt de son couent alien mesmes les terres a vn autre, & deuie, ceo est vn discontinuance a son successeur. &c. Par mesme le reason ils boillont dire que lou vn dean et chapiter sont seisies de certain terres a eux et a leur succelloz, si le dean aliē mesme la terre, &c. ces seroit vn discontinuance

enuance a son successeur, issint que son
 successeur ne poet entrer. &c. A ceo poit
 estre respõdu, que il y ad grand diuer-
 site parenter les deux cases. Car quand
 vn abbe & le couent sont seisiés, vncore
 silz sont disseisiés, labbe aura assise en
 son nosme demesne, sans nosmer le couët
 &c. Et si ascun voile suer *Precepte quod*
reddat. &c. de mesmes les terres quand
 ilz furent en le main labbe & le couent,
 il couiët que tiel accion real soit sue en-
 uers labbe solement, sans nosmer le co-
 uent, pur ceo que toutes sont mortz per-
 sons en la ley forsqz labbe qui est le so-
 ueraine. &c. Et ceo est pour cause del so-
 ueraintie. Car autrement il seroit forsqz
 come vn de les autres moignes de le co-
 uent. &c. Mes vn deane & le chapiter ne
 sont mortz persõs en la ley. &c. car ches-
 cun de eux poet auer accion par soy en
 diuers cases. Et de tielx terres ou tene-
 mentes qui le Deane & chapiter ont en
 comen. &c. silz soiët disseisiés le dean & le
 chapiter auerõt vn assise, & nemy le dean
 sole. &c. Et si auter voile auer accion
 real de tielx terres ou tenementes en-
 uers le dean. &c. il couiët de suer enuers
 le deane et chapiter, et nemy enuers le
 deane sole. &c. Et issint il appiert grãd
 diuersite parenter les deux cases. &c.

¶ Item si le maister dun hospital dis-
 con-

Remitter.

continue certain terre de son hospital,
son succesor ne poit entrer, mes est mys
a son brief de ingressu sine assensu con-
fratrum & consorzum &c. Et toutes
telles briefes pleinement apperont en
le register. &c.

Item si terre soit lesse a un home pur
term de sa vie, le remainder a un autre
en le taile, sauant la reuercion al lessour
& puis celui en le remainder disseisist le
tenant a term de vie, & fait un feffement
a un autre en fee, & puis morust sans is-
sue, & le tenant a term de vie morust, il
semble en cest cas, que celui en la re-
uercion bien poit entrer sur le feffee, pur
ceo que celui en le remainder qui fist le
feffement ne fuit vnques seisi en le taile
par force de mesme le remainder. &c.

Remitter.

Cap. ii.

Remitter est un ancien term en la
ley, & est lou home ad deux titles
a terres ou tenements. s. un plu-
is ancien title, & un autre title puis
darrayne, & il vient a la terre par le
plus darrayne title, vncoze la ley lui
aiugera einz p force del plus cisme title,
pour ceo qui le plus cisme title est le
plus suer title, & puis digne title. Et
donques quand home est aiuge cins par
force

force de son eisme title, ceo est a luy dit
 vn remitter, pur ceo qui la ley luy mette
 destre eins en la terre par le plus eisme
 & sure title. Sicome tenant en le taile
 discontinua le taile, & puis il disseisist
 son discontinue, & issint mozt seisi, per
 qui les tenemens descendent a son issue
 ou cosin inheritable par force de le taile
 en cest cas ceo est a luy a qui les tene-
 mens descendent, qui ad droit par force
 de le taile, vn remitter a le taile, pur ceo
 que la ley luy mette & auge destre eins
 par force de le taile, qui est son eisme ti-
 tle. Car sil seroit eins p force de le des-
 cent, donques le discontinue pouroit
 auer bzief dentre sur disseisin en le par-
 enuers luy, & recoueroit les tenemens &
 les damages &c. Mes entant que il est
 eins en so remitter par force de le taile,
 le title & le interest le discontinue est
 tout oustrement aniente & defete. &c.

¶ Item si le tenant en taile enfeffa son
 firs en fee, ou son cosin inheritable par
 force de le taile, le quel firs ou cosin al
 temps de seffement est deins age, et
 puis le tenant en le taile deuia, et ce-
 luy a qui le seffement fuit fait est son
 heir, par force de le taile, ceo est vn re-
 mitter al heir en le taile a qui le seffe-
 ment fuit fait. Car coment que durant
 la vie le tenant en le taile qui fist le
 seffement,

Remitter.

seffement, tiel heir serra a iuge eings par
force de le seffement, vncore apzès la
mort le tenant en le tayle, l'heire sera
aiuge eings par force de le tayle, et
nemp par force de le seffement.

Quar coment que tiel heire fuit de
pleyne age a temps de mort de le tenant
en le taile qui fist le seffement, ceo ne
fait ascun mater, si l'heir fuit deins age
al temps del seffement fait a luy. Et si
tiel heire estant deins age al temps
de tiel seffement, vient al pleyne
age, viuant le tenant en le taile qui fist
le seffement, & issint estant de pleine age
il charge par son fait mesme la terre oue
vn comen de pasture, ou oue vn rent
charge, et puis le tenant en le taile mo-
rust, oze il sēble q̄ la terre est dis-
charge del comen & de le rent, pour ceo q̄ l'heire
est eings de auter estat en la terre, que il
fuit al temps de le charge fait, entant q̄
il est en son remitter per force de la taile:
& issint l'estat qui il auoit a le tēps de le
charge est oustrement defete. &c.

C'est vn principal cause pour qui tiel
heir en les cases auāditz, & auters cases
semblables, sera dit en son remitter, est
pur ceo qui il ny ad ascun person enuers
qui il poet suer son briez de Formedon.
Car enuers luy mesme il ne poet suer:
& il ne poet suer enuers nul autre: car
nul

nul autre est tenant del franktenement,
et pour cel cause la ley luy aiuge eins
en son Remitter. s. en tiel plite, sicome il
auoit loialment recouer mesme la terre
enuers vn autre. &c.

Etem si terre soit taile a vn home, & a
la feme, & a les heirs de lour deux corps
engendrez, les queux ont issue file, & la
feme deuie, & le baron pzent autre feme,
& ad issue vn auter file, et discontinua le
taile, & puis il disseisist le discontinuee,
& issint mozust seisie, oze le terre descen-
dera a les deux files. Et en cest cas quāt
al eisne file, qui est enheritable p force
de le taile, ceo nest vn remitter fors q de
le moite. Et quant a l'auter moite, el est
mis a suer son accion de Formedon en-
uers sa soer. Car en cest cas les deux
soers ne sont pas tenants en parcenery,
mes sont tenantes en comen, pour ceo
que ilz sont eins par diuers titles. Car
lun soer est eins en son remitte per force
de le taile quāt a ceo qui a luy affiert, &
l'auter soer est eins quāt a ceo qui a luy
affiert en fec simple, par le discent son
pere. &c. En mesme le maner est si tenāt
en taile en fessa son heir apparant en le
taile, estant heir deins age, et vn autre
iointement en fec, et le tenant en taile
moust, oze heir en taile est en son re-
mitter quant a lun moitie, et quant

Remitter.

a l'auter moitie il est mys a son brief de
formedon. &c.

Item si tenant en taile enfeffa son
heir apparant, l'heir estant de plein age
al temps de fessment, & puis le tenant
en taile moztust ceo nest remitter al heir
pour ceo que il fust sa folie, qui il estât
de plein age voile prendre tiel fesse-
ment. &c. Mes tiel folie ne poit estre a-
iuge en l'heir estant deins age al temps
del fessment &c.

Item si tenant en taile enfeffa un
feme en fec, & moztust & son issue deyns
age prent mesme la feme a feme, ceo est
un remitter al enfant deins age: & la
feme donques nad rien, pour ceo qui le
baron & la feme sont forsque come un
parson en ley. Et en cest cas le baron ne
poet suer brief de formedon, si non que
il voilet suer enuers luy mesme, le quel
seroit inconuenient: & pour cel cause
la ley auigera l'heir en son remitter, pur
ceo que nul folie poet estre aiuge en luy
estant deins age al temps despouseix. &c.
Et si l'heir soit en son remitter par force
de le taile, il ensuit par reason, qui la
feme nad riens. &c. Car en tant que le
baron et la femme sont come un par-
son, la terre ne poet estre seuerie par
moities: & pour cel cause le baron est en
son remitter de l'entier. Mes auter-
ment

ment est si tiel heire fuist de pleine age
al temps de les espouseix : car adon-
ques il heir nad riens forsque en droit
sa feme. &c.

¶ Item si feme seisi de certain terre en
fee pzent baron le quel aliena mesme
la terre a un auter en fee, & laltenec les-
sa mesme la terre al baron & sa feme
pour term de lour deux vies, sauant le
reuercion al lessour et a ses heires, en
cest cas la feme est eins en son remits-
ter, & el est seisie en fait en son de-
mesme come de fee, sicome el fuit ade-
uant, pour ceo qui le repriscl del estate
sera aiuge en ley le fait le baron, & ne-
mple fait la feme, issint nul folie poet
estre aiuge en la feme qui est couert en
tiel cas. Et en cest cas le lessour nad
rien en le reuercion, pur ceo qui la feme
est seisi en fee. &c. Mes en cest cas si le
lessor voile suer accion de wast vers
le baron et sa feme, pour ceo qui le
baron auoit fait wast, le baron ne poet
barrer le lessour pur monitret ceo que le
repriscl del estat fait a luy & a sa feme
fuit un remitter a sa feme, pur ceo qui
le baron est estoppe a dire ceo encontre
son seffement, & son repriscl demesne,
del estate pour terme de vie a luy et
a sa feme. Et uncoze le lessour nad
nul

Remitter.

nul reuercion pour ceo que le fee simple est en la feme. Et issint home poit voier vn mater en cco cas, q̄ hōe sera estoppe par vn mater en fait coment que nul escripture soit fait par fait endente ou autrement. Mes si en laccion de waste le baron fait defaut a le grand distres, & la feme pria destre resceu & soit resceu, el monstra bien tout le matter, & coment el est en son remitter, et el barrera le lessour de son accion. & c. Car en chescun cas lou feme est resceu pur defaut son baron, el pledera et aura mesme lauantage en plee pledant, come el fuisset feme sole. & c. Et coment que lalienee fist le leas al barō & a la feme par fait endēt, vncore ceo est remitter a la feme. Et auxi coment que lalienee rendist mesme la terre al barō et a la feme par fine pur term de lour vies, vncore ceo est vn remitter al feme, pour cco que feme couert qui prent estat par fine, ne sera my examine par les Justices. & c.

¶ Et hic nota que quand ascun chose passera de la feme qui est couert de barō par force dun fine: sicome le baron & la feme fcsont vn conusance de droit a vn auter. & c. ou fcsaient vn grant et rendre a vn auter, ou releassent par fine, a vn auter, & sic de similibus, lou le droit del feme passeroit del feme par force de

De mesme le fine, en toutz tielx cases la feme sera examine deuant que la fine soit accept, pur ceo que tielx fines concluderont tielx femes couerts a toutes iours &c. Mes lou riens est moue en le fine forsqz tant solement que le baron & sa feme preignent estat par force de mesme le fine, ceo ne cōcludera la feme, pur ceo que en tiel cas el iamaiz ne sera mie examine. &c.

Item si tenant in taile discontinua le tail, & ad issue file, & morust, & la file estat de plein age prent baron, & le discontinuee fait vn leas de ceo al baron & a sa feme, pur term de lour vies, ceo est vn remitter al feme, & la feme est eins par force de le taile, causa qua supra. &c.

Item si terre soit done a le baron et a sa feme, a auer & tener a eux & a les heirs de lour deux corps engendres, et puis le barō aliena la terre en fec, & repret estat a luy & a sa feme pur term de lour deux vies, en cest cas il est remitter en fait a le barō & sa feme mauger le baron. Car il ne poet estre vn remitter en ceo cas a la feme, sinon que soit vn remitter a le baron pur ceo que le barō & sa feme sont tout vn mesme person enley comēt que le baron est estoppe de claime. Et pur ceo, ceo est vn remitter

Remitter.

en luy encontre son alienacion & son repusel demefne come est dit aduant.

Item si terre soit done a vn feme en taile, le remainder a vn autre en taile, le remainder a le tierce en taile, le remainder al quart en fee, & la feme pzent baron, & le baron discontinua la terre en fee, par cel discontinuance toutz les remainders sont discontinues. Car si la feme deuiast sans issue, ceux en le remainder nauront aucun remedie, forsq de fuer lour bziefs de formedon en le remainder quand il auient a lour tempz. Mes si apres tiel discontinuance, estat soit fait a le baron & la feme pour term de lour deux vies, ou pour term dauter vie, ou autre estat. &c. pour ceo que ceo est vn remitter al feme, ceo est auxi vn remitter a toutz ceux en le remainder. Car apres ceo que la feme, qui est en son remitter morust sans issue, ceux en le remainder poient entrer. &c. sans aucun accion fuer &c. En mesme le maner est de ceux qui ont la reuercion apres tiel tailes.

Item si home lessa vn mese a vn feme pour terme de sa vie, sauant le reuercion al lessour, & puis vn fust vn feint & faux accion enuers la feme, & recoueraist le mese enuers luy par default, issint

sint que la feme poit auer enuers luy
 vn quod ei deforciat, solong le estatut
 de westm̄ second, oze est le reuercion le
 lessour discontinue, issint que il ne poit
 auer aucun acciō de wast. Mes en cest
 cas si la feme pzent baron, & celui qui
 recoueraist lessa le m̄se al baron & a
 la feme pour term de lour deux vies, la
 feme est eings en son remitter par force
 del p̄mier les. Et si le baron & la feme
 sont wast le p̄mier lessour aura enuers
 eux bzief de wast, pur ceo que entant q̄
 la feme est en son remitter il est remise
 a son reuercion. Mes il semble en cest
 cas si celui qui recoueraist par le faux
 accion voile porter autre bzief de wast
 enuers le baron & la feme, le baron nad
 auter remedy enuers luy mes de faire
 default a la graund distresse. &c. & cau-
 ser le feme desirer rescu, & de pleder
 cel mater enuers le second lessour, et
 monst̄rer coment laccion par que il re-
 coueraist fuit faux et feint en ley &c. is-
 sint la feme poit luy barrer &c.

¶ Item si le baron discontinua la terre
 de la feme, & puis repzent estat a luy &
 a la feme & al tierce person pur term de
 lour viez, ou en sec, ceo nest vn remitter
 a la feme forsq̄ quāt a la moitie, & pur
 lautre moitie el couiēt aprez la mort sō
 baron de suer vn bzief de cui in vita &c.

¶ Ii.

¶ Item

Remitter.

Item si le baron discontinue la terre
sa feme, & ala oultre le mer, & le discon-
tinue lessa mesme la terre al feme pour
term de sa vie & liuera a luy seisin, &
puis le baron reuient & agrea a cel li-
uerie de seisin, ceo est vn remitter a le
feme: & vncoze si la feme fuisset sole
al temps del leas fait a luy, ceo ne se-
roit a luy vn remitter. Mes entant
que el fuit couert baron al temps de
le leas & de le liuerie de seisin fait a
luy, coment que el prist solement le li-
uerie de seisin, ceo fuit vn remitter a
luy, pur ceo que feme couert sera aiuge
sicome enfant deins age en tiel cas &c.
Quere en cest cas si le baron quand il
reuient voile disagreer a le leas & liue-
rie de seisin fait a sa feme en son absēce,
si ceo oustera la feme de son remitter,
ou nemy. &c.

Item si le baron discontinua les te-
nements sa feme, & le discontinue est
disseisin, & puis le disseisor lessa mesmes
les tenements a le baron & a sa feme
pur term de vie, ceo est vn remitter a la
feme. Mes si le baron & sa feme fuerēt
de couin & consent que le disseisin doit
estre fait, donques il nest remitter a la
feme, pour ceo que el est disseiserelle.
Mes si le baron fuit de couin & consent
a le disseisin, & nemy la feme, donques
tiel

Et el leas fait al feme est vn remitter pour ceo que nul defaut fuit en la feme.

Etem si tiel discōtinue fesoit estat de franktenement al baron & a sa feme par fait endente, sur condicion.s.reservant al discōtinue vn certain rent, & pur defaut de paiment vn reentrie, & pour ceo q̄ le rent est aderere le discōtinuee entre donques de cel entrie la feme aura vn assise de nouel disseisin apz la mort son baron enuers le discōtinuee, pour ceo que le condicion fuit tout oustermēt aniente, entant que la feme fuit en son remitter: vncore le baron ouelsqz sa feme ne poient auer assise, pour ceo que le baron est estoppe. &c.

Etē si le baron discōtinua les tenements sa feme, & reprist estat a luy pur term de sa vie, le remainder apz son deceſse a sa feme pour term de sa vie, en cest cas ceo nest vn remitter a la feme durant sa vie le baron, pour ceo que durant la vie le baron, le feme nad riens en le franktenement. Mes si en ceo cas la feme surueſquist le baron, ces est vn remitter al feme, pour ceo que vn franktenement en ley est gette sur luy maugre le soē. Et entant que il ne poet auer accion enuers nul autre person, & enuers luy meſme el ne

Remitter.

poet auer accion, pour ceo el est en soit remitter. Car en cest cas coment que la feme ne entra pas en les tenemens, vncoze vn estrange qui ad cause dauer accion poit suer son accio enuers la feme de mesme les tenemens, pour ceo que el est tenant en ley comēt que el ne soit tenant en fait. Car tenant de franktenement en fait est celui que sil soit disseise de franktenement, il poit auer assise. Orz tenant de franktenement en ley deuant son entre en fait naura mie assise. Et si home soit seisi de certain terre & ad issue fitz, quel prent feme, & le pieu deue seisie, & puis le fitz deue deuant ascun entrie fait par luy en la terre, la feme le fitz sera endowe en la terre: et vncoze il nauoit nul franktenement en fait, meiz il auoit vn fee & franktenement en ley. Et issint nota que Precipe quod reddat puit auxi bien estre maintenus enuers celui qui ad franktenement en ley, sicome enuers celui qui ad le franktenement en fait.

Item si tenant en taile ad issue deux fitz de plein age, et il lesta la terre taile al eisme fitz pour term de sa vie, le remainder al fitz puisne pour term de sa vie, & puis le tenant en taile morust en cest case leisme fitz nest pas en son remitter, pour ceo que il prent estat de son

son pier. Mes si leisne fitz morust sanz
issue de son corps, donques ceo est vn
remitter al puisne frere, pour ceo que il
est heir en le tail, & vn franktenement
en le ley est eschet & gette sur luy par
force de le remainder, & il y ad nul, en-
uers qui il poit suer son accion. En
mesme le maner est, lou home soit dissei-
si, & le disseisour morust seisi, & les te-
nements descendont a son heir, & l'heir
le disseisour fait vn leas a vn home de
mesme les tenementes pour terme de
vie, le remainder a le disseisie pur term
de vie, ou en taile, ou en fee, le tenant
a terme de vie morust, oze ceo est
vn remitter al disseisi. &c. causa qua su-
pra &c.

Nota si tenāt en taile enfeffa son fitz
& vn auter par son fait de la terre taile
en fe, & liucie de seisin est fait a l'autre
accordāt al fait, & le fitz rien conusāt de
ceo ne agrea a le seffemēt, & puis celui
q̄ prist le liucie de seisin deuic, & le fitz
ne occupia la terre, ne pzent ascū profit
del terre durant la vie le pier, & puis le
pier morust, oze ceo est vn remitter al
fitz, pur ceo q̄ le franktenemēt est gette
sur luy par le suruiuoꝝ. Et nul def. fuit
en luy pur ceo qui il ne vnq̄s agrea &c.
en la vie son pier, & il ad nul enuers qui
il poet suer bzief de formedon &c. Car si

¶.iii.

home

Remitter.

home soit seisi de certain terre, & le disseisour fait vn fait de fessment, par quel il enseffa. B. C. et D. & le liuerie de seisin est fait a B. & C. mes D. ne fuit al liuerie de seisin ne vnqs agree a le fessment, ne vnques voile prendre les profits. &c. & puis B. & C. deuierot & D. eux suruesquist & le disseisi porta son brief sur disseisin en le par enuers D. il monstra tout le matter, coment il ne vnques agree a le fessment: & issint il dischargera luy de damage, issint que le demaundant ne recouera ascuns damages enuers luy, coment qui il soit tenant del franktenement del terre. Et vncore lestatut de Gloucestre. cap. 1. boet qui le disseisie recouera damage en brief destre foundue sur disseisin vers celui qui est trouue tenant Et ceo est vn proue en lautre cas, que entant que lissue en le taile auient a le franktenement, & nemy par son fait, ne par son agreement, mes apz la mort son pier, ceo est vn remitter a luy en tant qui il ne poet suer accion de Formedon enuers nul autre person &c.

Item si vn abbe alien la terre de son meason a vn autre en fee, et lalienee par son fait charge la terre oue vn rent charge en fee, & puis lalienee enseffa labbe oue licence, a auer & tener al abbe
et

et a ses successeurs a toutz iours, & puis labbe morust, & vn autre est esliu & fait abbe: en cest cas labbe qui est le successeur & son couent sont en leur remitter, & tiendront la terre discharge, pur ceo qui mesme labbe ne poet auer ascun accion de briez dentre sine assensu capituli de mesme la terre enuers nul autre person. Et mesme le maner est lou vn euesq ou vn deane, ou auters tieux persons alien &c. sans assent &c. & lalience charge la terre. &c. & puis leuesq reprēt estat de mesme la terre par licence a luy & a ses successeurs, & puis leuesq deuie son succesor est en sō remitter come en droit de son esglise, & defetera le charge &c. causa qua supra.

¶ Item si home fust faux accion enuers le tenant en taile, sicomie home boile suer enuers luy vn briez dentre en le post, suppolant par son briez que le tenant en taile nad pas entrie, sino par A. de. B. qui disseisist laiel le demandant, & ceo est faux, & il recouer enuers le tenāt en taile par default, & fust execution, & puis le tenant en taile morust, son issue poet auer vn briez de formedon enuers luy qui recouera: & sil boile pledre le recouerie enuers le tenant en taile, lissue poet dire qui le dit A. de. B. ne disseisist point laiel celui qui

Remitter.

qui recoueraſt en le maner come ſon
brieff ſuppoſa: & iſſint il fauxera le reco-
uerie. Auxi poſito, qui ceo fuiſt voier
qui le dit. A. de. B. diſſeiſiſt laiſel le de-
maundant qui recoueraſt, & qui apres
le diſſeiſin, le demaundant, ou ſon pier,
ou ſon aiel, par vn fait auoit releaſſe al
tenant en taile tout le droit qui il auoit
en la terre. &c. & ceo nient contriſteant
il ſuit vn brieff dentre en le poſt enuers
le tenant en taile, en le maner come eſt
auantdit, & le tenant en taile pleda a
luy, qui le dit A. de. B. ne diſſeiſiſt pas
ſon aiel en le maner come ſon brieff ſup-
poſa, & ſur ceo ſont a iſſue, & liſſue eſt
trouue par le demaundant, par qui il ad
iudgement de recouerie & fuiſt execucio
& puis le tenant en le taile moꝛuſt, ſon
iſſue poet auer vn brieff de forme dō en-
uers celui qui recouera, & ſil boil ple-
der le recouerie par laccion trie enuers
ſon pier qui ſuit tenant en taile, dōques
il poet monſtrer & pleder le releaſſ fait
a ſon pier, & iſſint laccion qui ſuit ſue
feint en ley.

¶ Et il ſemble que feint accion eſt au-
tant a dire en engliſh, a feined accion,
ceſtaſcauoir tel accion qui coment que
les parolx de le brieff ſont voires, vn-
core pour certain cauſes il nad cauſe
ne title par la ley de recouer par meſme
laccion

l'accion. Et faux accion est lou les parolx de briel sont faux. Et en les deux cases auantditz, si le cas fuit tiel que apres tiel recouerie & execucion ent fait le tenant en taile vlt disseisi celui qui recouera & ent morust seisi, par qui la terre descendist a son issue. ceo est vn remitter al issue, & lissue est eins par force de le taile, & pour cel cause ico aie mise les deux cases precedents pur enformer toy mon sitz, que lissue en taile par force dun descent fait a luy apres vn recouerie & execucion fait enuers son auncestre poet estre auxi bien en son remitter sicome il seroit par le descent fait a luy apres vn discontinuance fait par son auncestre de lez terres tailes par fessement en pays, ou autrement. &c.

Item en les cases auantditz, si le case fuit tiel que apres ceo que le demaundat auoit iugement de recouerie enuers le tenant en taile, & mesme le tenant en taile morust deuant ascun accion executio enuers luy par qui les tenemens descendot a son issue, & celui qui recouera suist vn seire fac. hors de le iugement dauer executio de le iugement enuers lissue en taile, lissue pledra le matter come auant est dit, & issint prouera q le dit recouerie fuit faux ou feint en ley & issint luy barrera dauer executio de le iugement

Remitter.

iugement.

¶ Item si tenant en taile discontinu
le taile & morust, & son issue port son
brieff de formedon enuers le disconti-
nue (estant tenant de franktenemēt del
terre) & le discontinue pleda que il nest
tenant mes oustrement disclama de le
tenācy en la terre en cest cas le iugemēt
sera, q̄ le tenant alast sans iour, & apres
tiel iugement lissue en le taile que est
demaundant poct entrer en la terre,
nient contristeant le discontinuance, &
par tiel entre il sera adiuge eins en son
remitter. Et la cause est, pour ceo qui
si ascun home suist Precipe quod red-
dat enuers ascun tenant de franktene-
ment, en quel accion le demaundant ne
recouera damages, & le tenant plebast
nontenure, mes autrement disclama
en le tenancy, le demaundant ne poct
auer son brieff que il est tenant come le
brieff suppose. Et pour cel cause le de-
maundant apres ceo que iugement est
done, que le tenant alast sans iour, poct
entrer en les tenementes demandes, le
quel sera auxi grande auantage a luy
en ley sicome il auoit iugement de re-
couerer enuers le tenant, & par tiel en-
tre il est en son remitter par force del
taile. Mes lou le demaund recouera
damages enuers le tenāt, la il le demā-
dant

dant poet aurer que est tenant come le briez suppose & ceo pour lauauntage del demandant pour recouer ses damages, ou autrement ne recoueroit ils ses damages queux sont ou fueront a luy doñs par la ley.

Item si home soit disseisi & le disseisour deuie son heir esleuant eings par discent, oze lentre de le disseisi est tolle, et si le disseisour porta son briez dentre sur disseisin en le par enuers l'heir, & l'heir disclame en le tenancy. &c. le demandant poit aurer son briez que il est tenat come le briez suppose sil voet pour recouer ses damages, mes vncore sil voet relinquiser le auerremēt &c. il poet loialmēt entrer en la terre par cause del disclame, nient obstant que son entreadeuant fuit tolle, & ceo fuit adiuge deuant mon maister sir W. Danby iades chief iustice de la common bank, & ses compaignons. &c.

Item lou lentre dun home est congeable coment qui il pzent estat a luy quant il est de plein age pour terme de vie, ou en taile ou en fee, ceo est vn remitter a luy, si tiel pzel del estat ne soit par fait endent ou par matter de record qui luy cōcludera ou estoppera. Car si home soit disseisi, & repzent estat de le disseisor sās fait ou par fait poile
ceo

Remittre.

ceo est vn remitter al disseisie. &c.

Item si home lessa terre pour terme de vie a vn autre, le quel aliena a vn autre en fee, & l'alienor fait estat a le lessour ceo est vn remitter al lessour, pur ceo qui son entre fuit congeable &c.

Item si home soit disseisi, & le disseisour lessa la terre al disseisi, par fait parole ou sans fait, pour terme des ans, par quel le disseisie entra, cest entre est vn remitter a le disseisi. Car en tiel cas lou lentre dun home est congeable, et vn leas est fait a luy coment qui il clai-
ma par parolx en pais qui il ad estat par force de tiel leas, ou dit ouertement qui il ne clame riens en la terre sinon par force de tiel leas vncore ceo est vn remitter a luy, car tiel disclame en le pays nest riens a purpose. Mes sil disclame en court de record, qui il nad estate forsqz par force de tiel leas, & nemp autrement, donques il est conclude. &c.

Item si deux iointenantz seisiés de certain tenements en fee, lun estant de plein age, lautre deins age, sont disseisiés, & le disseisour mozt seisi et son issue entra, lun de les iointenants estant adonques deins age, & apzès que il viét al plein age, iheir le disseisour lessa les tenements a mesmes les iointenants
pour

pour terme de lour deux vies, ceo est
 vn remitter (quant al moitie) a celuy
 qui fuit deinz age, pur ceo qui il est sei-
 si de cest moitie qui affiert a luy en ses
 pour ceo qui son entre fuit congeable.
 Mes lautre iointenant nad en lautre
 moitie forsqe estat pur terme de sa vie
 par force de le leas, pour ceo qui son en-
 tre fuit tolle. &c.

Des garranties. Cap. 12.

Il est cōmunement dit que trois gar-
 ranties y sont. s. garrantie lineal, gar-
 rantie collateral, & garrantie qui cō-
 mence par disseisin. Et est ascauoir que
 deuant lestatut de Glouc. toutz gar-
 ranties queux descendent a eux qux sont
 heirs a eux que se soient les garranties
 fuerōt barres a meismes les heirs a de-
 maunder ascuns terres ou tenements
 encountre les garranties, forsqis les
 garranties qui cōmenceont par disseisin,
 car tiel garrantie ne fuit vnques barre
 al heir pour ceo qui le garrantie com-
 mence par tort. s. par disseisin.

Un garrantie qui commence par dissei-
 sin est en tiel forme, sicome lou il est pier
 & fitz, & le fitz purchase terre &c. & lessa
 meisme la terre a son pier pour terme
 dang, & le pier par son fait ent enfeffa
 vu

Garrantie.

Vn auer en fee, & oblige luy & les heires a garrantie & le pier deuie, par que le garrantie descendist al fitz ceo garrantie ne barrera my le fitz, car nient obstant cel garrantie, le fitz poit bien entrer en la terre, ou auer vn assise enuers l'aliene sil voet, pour ceo que le garrantie commence par disseisin, car quand le pier qui nauoit estat forsqz pour terme des ans fist vn fessement en fee ceo fuit vn disseisin al fitz de franktenemēt, que adonques fuist en le fitz. En mesme le maner est, si le fitz lessa a le pier la terre a tener a volunte, & puis le pier fait vn fessement oue garrantie. &c. Et sicome est dit de pier, issint poit entre dit de chescun autre ancestre. &c. En mesme le maner est si tenant par Elegit, tenant par statut marchant, ou tenant par statut de lestaple fait fessement en fee ouesqz garrantie, ceo ne barrera my l'heir qui doit auer la terre pour ceo qui tielx garranties comencement par disseisin.

¶ Item si garden en cheualrie, ou garden en socage fait vn fessement en fee, ou en fee taile, ou pour term de vie, ouesqz garrantie. &c. tielx garranties ne sont pas barres a les heires as queux les terres seront defendus pour ceo que ils commence par disseisin.

¶ Item si le pier et le fitz purchase certain terres

tein terres ou tenementes a auer et
tener a eux iointment. &c. & puis le pier
alien l'entier a vn auter, & oblige luy et
ses heirz a garrantie &c. & puis le pier de-
uie, cel garrantie ne barrera my le fits
de le moitie qui a luy affiert de les dits
terres ou tenements, pur ceo que quant
a cel moitie qui affiert a le fits le garrā-
tie commence par disseisin. &c.

¶ Itē si A. de B. soit seisi dun mese, &
¶ F. de G. qui nul droit ad detrer en mesme
le mese, claimant mesme le mese, a tener
a luy & a ses heires entra en mesme le
mese, mes le dit A. de B. adonques est
continuelment demurrant en mesme le
mese. En cest case le possession de frank-
tenement sera tout temps aiuge en. A.
de B. & nemy en F. de G. pour ceo que
en tiel cas lou deux sont en vn mese, ou
auters tenements, & lun clama par lun
& l'auter par l'auter title, la ley aiuge-
ra celui en possession qui ad droit da-
uer le possession de mesmes les tene-
ments. Mes si en le cas auantdit le
dit. F. de G. fait vn seffement a cer-
taine barretours & extorcioners en le
pays, pour maintenance de eux auer de
mesme le mese, par vn fait de seffement
ou garrantie par force de quel le dit. A.
de B. ne osast pas demurrer en le mese
se en alast hors de le mese cest garrantie

Garrantie.

commence par disseisin, pour ceo que tel
el fessement fuit la cause que le dit A. de
B. relinquaist le possession de mesme le
mesc.

¶ Item si home qui nul droit ad detrec
en auter tenements, entra en mesmes
les tenements & incontinent ent fait vn
fessement as auters par son fait oue
garrantie, & deliuera a eux seisin, cel
garrantie commence par disseisin, pour
ceo que le disseisin & le fessement fue-
rent faits quasi vno tempore. Et que
ceo est ley, popes voier en vn plee. 29.
31. E. 3. en vn brief de formedon en le re-
uerter. &c.

¶ Garrantie lineal est lou home seisie
de terres en fee, fait fessement par son
fait a vn auter, & oblige luy & ses heirs
a garrantie, & ad issue et mozt, et
le garrantie descendist a son issue, ceo
est lineal garrantie. Et la cause pour
que ceo est dit lineal garrantie, nest
pour ceo que le garrantie descendist de
le pier a son heire, mes la cause est pur
ceo que si nul tiel fait oue garrantie fuist
soit fait par le pier, donques le droit de
les tencementes descenderoit al heire,
et l'heire conueiroit le descent de son
pier. &c. Car si soit pier et fits, & le fits
purchase terres en fee, et le pier de ceo
disseisist son fits, & aliena a vn auter en
fee

Fee par son fait, & par mesme le fait ob-
 lige luy & ses heirs a garrantie mesmes
 les tenements &c. & le pier morust, ore
 est le fits barre d'auer les dits tenemets
 car il ne poit par aucun suite ne per au-
 ter meane de la ley auer mesmes les
 terres par cause del dit garrantie, et
 ceo est vn collateral garrantie, et vn-
 coze le garrantie descendist linealment
 de le pier a le fits. Mes pour ceo que
 si nul tiel fait oue garrantie vlt este fait,
 le fits en nul maner puisset conuey-
 er le title que il ad a les tenementes
 de son pier a luy, entant que son pier
 n'auoit aucun estate en droit en les te-
 nementes, pour ceo tiel garrantie est
 appelle collateral garrantie, en tant
 que celui qui fist le garrantie est col-
 lateral a le title de les tenementes, et
 ceo est a tant a dire que cestuy a qui le
 garrantie descendist, ne puisset a luy
 conueyer le title que il ad de les tene-
 ments, par my cestuy qui fist le garran-
 tie en caz que nul tiel garrantie fuit fait.
 ¶ Item si soit aiel, pier & fits, & le aiel
 soit disseisi, en qui possession le pier re-
 leas par son fait oue garrantie. &c. &
 morust, et puis l'ael morust, ore le fits
 est barre d'auer les tenementes, par le
 garrantie del pier. Et ceo est appelle li-
 neal garrantie, pour ceo que si nul tiel
 garran-

Garrantie.

garrantie fuit, le fitz ne pouvoit conueir
er le droit de les tenements a luy, ne
ni oſtrer comment il est heir al apel forsq
par meane del pier.

¶ Item si home ad issue deux fits, & est
disseisiné, & le issue fits releſſa al disseisor
par son fait oue garrantie. &c. & mourut
sans issue, & apres ceo le pier mourut, ceo
est un lineal garrantie al puisne fits,
pur ceo que comēt que le issue fits mourut
en la vie le pier, vncore pur ceo que p
possibilitie il pouvoit estre que il pou-
voit conueir a luy le tittle del terre par
son issue frere, si nul tiel garrantie fuis-
soit. Car il pouvoit estre que apres la
mort le pier, le issue frere entroit en les
tenements & mourut sans issue, & don-
ques le puisne fits conueirera a luy le
tittle le par le issue fits. Mes en tiel cas
si le puisne fits releſſa oue garrantie a
le disseisor & mourut sans issue, ceo est
un collateral garrantie al issue fits, pur
ceo que de tiel terre que fuit al pier,
le issue par nul possibilitie poit conueir
a luy le tittle, par meane de le puisne fits.
¶ Item si tenant en le taile ad issue trois
fits & discontinua le taile en fee, & le
mulnes fits releſſa par son fait al dis-
continue, & oblige luy & ses heires a
garrantie. &c. & puis le tenant en le
taile mourut, et le mulnes fits mourut
sans

Henry

Sans issue, ore leisme fits est barre d'auer aucun recouerie par brief de forme don, pour ceo que le garrantie del mulnes frere est collateral a luy, en tant que il ne poit par nul maner conuier a luy p force del taile aucun discent par le mulnes, & pour ceo cest vn collateral garrantie. Mes en cest cas, si leisme fits deuie sans issue, ore le puisne frere poet bien auer vn brief de forme don en le discenter, & recouera mesme la terre, pour ceo que le garrantie le mulnes est lineal al fitz puisne, pur ceo que il puisse estre que par possibilitie le mulnes puisse estre seisi par force del taile apres la mort sō eisme frere & dōques le puisne frere puisse conuier son tite de descent par le mulnes.

¶ Et en si tenant en taile discontinue la taile & ad issue & deuie, & luncle del issue releffa al discontinue oue garrantie, & & morust sans issue, ceo est collateral garrantie al issue en taile, pour ceo que le garrantie descendist sur lissue, le quel ne poet soy conuier a le taile par meane de son vncle.

¶ Item si tenāt en le taile ad issue deux files & morust, & leisme entra en lencier & ent fait vn fessement en fec oue garrantie. &c. & puis leisme file morust sans issue, en cest cas le puisne file est barre

Garrantie.

quant al vn moitie , & quant al autre moitie el n'est pas barre. Car quant a la moitie qui affiert a le puisne file el est barre, pur ceo que quant a cel part el ne poit conueper le discent par my le meant de son eisme soer, & pur ceo quant a cel moitie, ceo est vn collateral garrantie. Mes quant al autre moitie qui affiert a son eisme soer, le garrantie n'est pas barre a le puisne soer, pur ceo que il poet conueier son discent, quant a cel moitie qui affiert a sō eisme soer par meisme le eisme soer, & issint quant a cest moitie qui affiert al eisme soer, le garrantie est lineal al puisne soer.

Et nota que quant a celui qui demanda fee simple par ascū de ses ancestres, il sera barre par garrantie lineal qui descendist sur luy, sinon que soit restreigne par aucun estatut. Mes il qui demande fee taile par brief de forme don en descendre, ne sera my barre par lineal garrantie, sinon qui il ad assets par discent en fee simple par meisme lancester qui fist le garrantie. Mes collateral garrantie est barre a celui qui demanda fee, & auxia celui qui demanda fee taile sans aucun autre discent de fee simple, sinon en cases queux sōt restreignes par les estatuts, & autres cases pour certain causes, come sera dit en apres.

Item

Etem si terre soit done a vn home & a les heirs de son corps engēdres, le quel pzent feme, & ont issue fits entre eux, et le baron discōtinua le taile en fee, & de= uie, & puis la feme releffa al disconti= nue en fee oue garrantie &c. & morust, & le garrantie descendist a le fits, ceo est collateral garrantie. Mes si tenements soient dones a le baron & a la feme, & a les heirs de lour deux corps engēdres, queux ont issue fits & le baron disconti= nuā le taile, & morust, & puis la feme releffa oue garrantie & morust, cest gar= rantie nelt forsque vn lineal garrantie a le fits. Car le fits ne sera barre en reo cas de suer son brief de forme don, si nō que il ad assels par discent en fee simple par sa mere, pour ceo que lour issue en brief de forme don couient conueyer a luy le droit come heir a son pier & a la mere de lour deux corps engēdres par forme del done, & issint en tiel cas le garrantie de le pier & le garrantie de la mere ne sont forsque lineal garranties al heir &c.

Et nota que en chescun cas ou home demaunde tenementes en fee taile par brief de forme don, si aucun del issue en le taile qui auoit possession, ou qui n= uoit aucun possession fait vn garrantie, &c. si celui qui suist le brief de forme=

Garrantie,

Done puisseit par ascun possibilitie par
mater qui puisseit estre en fait, conuier
a luy par mie celui qui fist le garrantie
par forme del done, ceo est vn lineal
garrantie et nemy collateral.

Item si home ad issue trois fitz, et il
dona terre al eisme fitz, a auer et tener
a luy et a les heires de son corps engen-
dres, & pour defaut de tiel issue, le re-
maindre al mulnes fitz a luy et a les
heires de son corps engendres, et pour
defaut de tiel issue del mulnes le re-
mainder al puisne fitz et a les heires
de son corps engendres, en cest cas si
leisme discontinua le taile en fee, et ob-
lige luy & ses heires a garrantie, & mo-
rust sans issue ceo est vn collateral gar-
rantie al mulnes fitz, et sera barre a de-
mander mesme la terre par force del re-
maindre pur ceo que le remaindre est sō
title, & son eisme frere est collateral a cel
title, qui cōmence par force del remain-
dre. En mesme le maner est si le mulnes
fitz auoit mesme la terre par force del
remaindre, pour ceo que son eisme frere
ne fist ascun discontinuāce, mes morust
sans issue de son corps & puis le mulnes
fait vn discōtinuance oue garrantie. &c.
et morust sans issue, ceo est vn collate-
ral garrantie a le puisne fitz. Et auxi en
cest cas si ascū de les ditz fitz soit discei-
fis,

ſie, & le pier qui fiſt le done. &c. releſſa a le diſſeiſoz tout ſon droit. &c. oue garrantie, ceo eſt vn collateral garrantie a celui fitz ſur qui le garrantie deſcendiſt cauſa qua ſupra.

¶ Et ſic nota que lou home qui eſt collateral a le title, et ceo releſſa oue garrantie. &c. ceo eſt vn collateral garrantie.

¶ Item ſi pier dona terre a ſon eiſne fitz a auer & tener a luy et a les heires males de ſon corps engendres, le remaindre a le ſecond fitz. &c. ſi le iſne fitz alienaſt en fee oueſqz garrantie. &c. & ad iſſue female, & moruſt ſans iſſue male, ceo neſt pas collateral garrantie al ſecond fitz, luy ne iedera de ſon accion de ſormedon en le remaindre pur ceo que le garrantie deſcendiſt al file del eiſne fitz, & nemy al ſecond fitz. Car cheſcun garrantie qui deſcendiſt, deſcendiſt a celui qui eſt heire a luy qui fiſt le garrantie par le comen ley.

¶ Nota ſi terre ſoit done a vn home et a les heires males de ſon corps engendres, & pour defaut de tiel iſſue le remaindre ent a les heires femelx de ſon corps engendres, et puis le done en le taile fait ſeſſement en fee oueſqz garrantie accordant, & ad iſſue fitz et file & moruſt, cel garrantie neſt forſqz lineal garrantie

Garrantie.

garrantie a le fitz a demander par brief de forme don en le discender. Et auxi forsqz lineal a le file, a demander mesme la terre par brief de forme don en le remaindre si son frere deuiait sans issue male, pour ceo que el clame come heire female de le corps son pier engendre. Mes en cest cas si son frere en sa vie relessait al discontinue. &c. oue garrantie. &c. & puis morust sans issue, ceo est vn collateral garrantie a le file, pour ceo que el ne puit conueier a luy le droit que el ad par force de le remaindre par aucun meane de discent par son frere, & pour ceo le frere est collateral a le tite la soer, & pour ceo son garrantie est collateral. &c.

¶ Item ieo ay oy e dire, que en temps le roy Richard le second, il y fuit vn Justice de common banque demourrant en Kent appelle Richyl, qui auoit issue diuers fitz, & son entent fuit, que son eisme fitz aueroit certain terres & tenementz a luy & a les heires de son corps engendres, & pour defect d'issue, le remaindre a le second fitz. &c. & issint a le tierce fitz &c. Et pour ceo que il voile qui nul de les fitz alieneroit ou feroit garrantie pour barrer ou leder les autres, queux seront en le remaindre. &c. il fist faire tel Indenture a tel effect. s. que les terres

terres & tenementz fuerent donees a son
eisme fitz sur tiel condicion qui, si leisme
fitz aliena en fee, ou en fee taile. &c. ou
si aucun de ses fitz alienast. &c. qui adon-
ques leur estat cessera & seroit boide, et
que adonques mesmes les terres & te-
nementz immediat remaindront a le se-
cond fitz, & a les heirs de son corps en-
gendres, & sic ultra, le remaindre as au-
ters de ses fitz, & liuere de seisin fuit
fait accordant.

¶ Mes il semble par reason, qui toutz
tielx remainders en la forme auantdie
sont voides, & de nul value, & ceo pour
trops causes. Un cause est, pour ceo
que chescun remainder qui commence
par un fait, il coulent qui le remainder
soit en luy, a qui le remainder est taile
par force de mesme le fait, quand le li-
uere de seisin est fait a luy qui aura le
franktenement, car en tiel cas le nes-
sance & le esire de le remainder est par
le liuere de seisin a celui qui aura le
franktenement, et tiel remainder ne
fuit al second fitz al temps del liuere
de seisin en le cas auantdit. &c.

Le seconde cause est, si le primer
fitz alienast les tenementz en fee, a-
donques est le franktenement et le fee
simple en lalienec, et en nul autre, et si
le donour auoit aucun reuercion,
par

Garrantie.

par tiel alienacion le reuercion est discontinue, donques coment par ascun reason poet ceo estre que tiel remainder comencera son estre et son nescance immediat apzès tiel alienacion fait a vn estrange, qui ad par mesme lalienacion franktenemēt en fee simple. &c. Et auxi si tiel remainder seroit bonz adonques purroit il entre sur laliene, lou il nauoit ascun maner de droit auant lalienacion, que sera inconuenient.

La tierce cause est, quand la condition est tiel, qui si leisne fitz alienast. &c. que son estat cessera ou seroit boide. &c. donques apzès tiel alienacion. &c. poet le donour entrer par force de tiel condition come il semble, et issint le donour ou ses heires en tiel cas doivent pluis tost auer la terre que le second fitz, qui nauoit ascun droit deuant tiel alienacion, & issint il seble que tielx remaindres en le cas auantdit sont voides.

Item a le comen ley deuant lestatut de Gloucester si tenant par le curtesie vit alien en fee ouesqz garrantie, apzès son decesse ceo fuit vn barre al heire, si come appiert par les parolx de mesme lestatut, mes il est remedie par mesme lestatut, que le garrantie de le tenant par le curtelie ne sera mie barre al heire sinon que il ad assetz par descent par le tenant

tenant par le curtesie, car deuant le dit estatut ceo fuit vn collateral garrantie, al heire pour ceo que il ne pouloit conueier aucun title de descent a les tenementes par le tenāt par le curtesie mes tantsolement par la mere ou autres de ces ancestres, & ceo est le cause pour qui il fuit collateral garrantie. Mes si home enherite pzent feme les queux ont fitz enter eux, & le pier deue, & le fitz entra en la terre, & endowe sa mere, et puis le mere alien ceo que el ad en son dower a vn auter en fee oue garrantie accordant, et puis morust, & le garrantie descendist a le fitz, ore le fitz sera barre a demander mesme la terre par cause de le dit garrantie pour ceo qui tiel collateral garrantie de tenant endower n'est pas remedy par aucun estatut. Mesme la ley est, lou tenant a terme de vie, fait vn alienacion ouesqz garrantie. &c. et morust, & le garrantie descendist a celui qui auoit le reuercion ou le remainder, ilz seront barres par tiel garrantie.

Item en le dit cas si issint fuit que quand le tenant endower alienast, et son heir fuit deins age, et auxi al tēps que le garrantie descēdist sur luy il fuit deins age, en cest cas heir poit apres enter sur l'aliene, nient contrisquant le garrantie

Garrantie.

rantie discēdus. &c. pour ceo que nul lacheſſe ſera ainge en l'heire deins age que il nentra pas ſur l'aliene en la vie le tenāt en dower. Mes ſi l'heir fuit deins age al tēps del alienacion. &c. & puis il deuient al plein age en le vie de le tenāt en dower, & iſſint eſteant de plein age, il nentra pas ſur l'aliene, en la vie de le tenant en dower, & puis le tenāt en dower moruſt. &c. la perauenture l'heir ſera barre par tiel garrātie, pur ceo q̄ il ſera reſte ſa ſolp quil eſteāt de plein age nentra pas en la vie de le tenāt en dower. &c.

Item il eſt parle en le fine de le dit eſtatut de Gloceſter, qui parla de alienacion oueſq̄ garrātie fait par le tenāt par le curtely en ceſt forme. Encemēt en meſme le maner ne ſoit l'heir la ſeme apres la mort le pier, & le mere barre dacion ſil deſcēda l'heritage ou le mariage ſa mere par brief d'entre, que ſō pier aliena en tēps ſa mere, dōt nul fine eſt leue en le court le roy, & iſſint par force de meſme leſtatut, ſi le barō del ſeme aliena l'heritage ou mariage ſa ſeme en ſee oue garrātie. &c. par ſon fait en pais ceo eſt clere ley que ceſt garrātie ne barre mys l'heir ſinō que il ad aſſetz p̄ diſcēt. Mes le dout eſt, ſi le baron alienaſt l'heritage ſa ſeme par fine leue en la court le roy oueſq̄ garrātie. &c. ſi ceo barrera l'heire ſans

Sans ascū discēt en value. Et quāt a ceo
 ico voile icy dire certain reasons que ico
 aye oye dit en cest mater. Ieo ay oyemō
 maister sir R. Newton iadis chict Ju-
 stice de common bank dire vn foitz en
 mesme le bank, que tiel garrantie que le
 barō fait par fine leue en le court le roy
 barrera l heir comēt qui il ad riens par
 discent, pour ceo qui lestatut dit dōt nul
 fine est leue en le court le roy, & issint
 par son opiniō cel garrantie par fine de-
 mourt vncoze vn collateral garrantie,
 sicome il fuit a le comē ley nient remedy
 par le dit estatute, pour ceo que le dit
 estatut, except alienacions par fine oue
 garratie. Et ascūz auters ont dit, & vn-
 coze diōt le cōtrarie, & ico est lour proue
 que come par mesme le chapitre de le
 dit estatut. il est ordeigne, que le garrā-
 tie le tenant par le curtesie ne sera mpe-
 barre al heire, sinon que il ad assietz par
 discent. &c. comēt que le tenant par le
 curtesie leue vn fine de mesmes les te-
 nementz ouesqz garrantie. &c. auxi fort-
 mēt come il poit faire, vncoze cel gar-
 rantie ne barre mie l heir sinon qui il ad
 assietz par discent. &c. & ico croy qui ceo
 est ley, et pour ceo ils dient que seroit
 inconuenient dentendze lestatute en
 tiel fourme, que vn home qui nad
 riens forsque en droit sa feme,
 purroit

Garrantie.

pourroit par fine leue par luy de mesmes
les tenemens quil ad forsque en droit
feme oue garrantie &c. barre l'heir de
mesmes les tenemens sans aucun dis-
cent de fee simple. &c. lou le tenant par
le curtesy ceo ne puit faire. Mes i's ont
dit que lestatute sera entendu selon cel
forme. s. lou lestatut dit, dont nul fine
est leue en court le roy ceo e. a adire, dōt
nul loyal fine est droiturement leue en
le court le roy. Et ceo est dont nul fine
de le barō & la feme soit leue en le court
le roy, car al temps de le fcsans del dit
estatut chescun estat de terres ou tene-
ments que aucun home ou feme auoyt,
qui descenderoit a son heir, fuit fee sim-
ple sans condicion, ou sur certains con-
diciōs en fait, ou en ley, & pour ceo adō-
ques tiel fine poet droiturement estre
leue par le baron & la feme, & les heirs
le baron garranteront &c. tiel garrantie
barrera, l'heir & illint ils dient que cest
l'entendement de lestatut, car si le ba-
ron & la feme fierent vn fessmēt en fee
par fait en payz, sō heir aprez le deccasse
le baron & la feme aura brief dentre sur
Cui in vita. &c. nient obstant le garran-
tie de le baron, donques si nul tiel ex-
ception fuit fait en lestatut de le fine
leue &c. donques l'heir aueroit le brief
dentre &c. nient obstant le fine leue par
le

le baron & la femme, pour ceo qui les pa-
 rolx de lestatut deuant l'exceptiō de fine
 leue. &c. sont generalx. &c. cest ascauoir
 que l'heire la femme apres la mort le pier
 & la mere ne soit barre d'accion sil de-
 mande l'heritage ou le mariage sa mere
 par briez d'entre, que son pier aliena en
 temps sa mere, & issint coment qui le
 baron & la femme alienent par fine, vn-
 coze ceo est voier que le baron aliena en
 temps sa mere, & issint il seroit en cas de
 lestatut, sinon que tielx parolx fueront
 s. dont nul fine est leue en la court le
 roy, & issint ilz dient que ceo est a entē-
 dre dōt nul fine par le barō & la femme est
 leue en la court le roy, le quel est loial-
 mēt leue en tiel cas, car si les Justices
 ont conusance, que home qui nad riens
 fors qz en droit sa femme, voile leuer vn
 fine en son nosme solemēt, ilz ne voilēt
 ne vnques deuoient prendre tiel fine
 destre leue par le baron solement sans
 la femme &c. Ideo quere de cest mater. &c.
 ¶ Item est ascauoir que en ceux parolx
 ou l'heir demande l'heritage ou le ma-
 riage sa mere, cel parol (ou) est vn dis-
 iunctife, & est a tant a dire, si l'heire de-
 mande l'heritage sa mere. s. les tene-
 mentz que sa mere auoit en fee simple
 par descent ou par purchase, ou si l'heire
 demande le mariage sa mere. s. les te-
 nementz

Garrantie.

nementz que fuerent donez a la mere en
frank mariage.

Item come eil moue en diuers faitz
ceux parolz en latin Ego et heres. mei.
et. warrantizabimus & imperpetuum
defendemus il est auoir quel effect ad
cel parol, defendemus, en tielx faitz, & il
semble qui il nad pas leffect de garran-
tie, ne emprent en luy la cause de gar-
rantie, car si issint seroit que il pzent ef-
fect ou cause de garrantie, dōques il se-
roit mette en ascuns fines leues en la
court le roy, et home ne veit vnques
qui cel parol, defendemus, fuit en ascun
fine, mes tantsolement cest parol, war-
rantizabimus par qui semble, que cest
parol et verbe, warrantizo fait la gar-
rantie, & est la cause de garrantie, & nul
autre verbe en nostre ley.

Item si tenant en taile soit seisie des
terres deuifables par testament selonc
le custome et. & le tenant en taile alien
mesme les tenementz a son frere en fee,
et ad issue & deuie, et puis son frere de-
uisa par son testament mesmes les te-
nementz a vn autre en fee, et oblige luy
et ses heires a garrantie. et. et morust
sans issue, il semble que cest garrantie ne
barrera mie lissue en taile sil voet suer
son brief de forme done, pur ceo que cest
garrantie ne descende mie al issue en la
taile

taille, en tant que le vncle del issue ne
fuit mie obligé a le garrantie en sa vie,
ne qui il ne puisse garranter les tene-
mentz en sa vie, entant que le deuile ne
puisse prendre aucun execution ou ef-
fect forsqz apres son decesse. Et entant
que le vncle en sa vie ne fuit tenu de
garranter, tiel garrantie ne poit descen-
dre de luy al issue en le taille. &c. car nul
chose poit descendre del ancelter a son
heir, sinon que mesme ceo fuit en lance-
ster. Auxi un garrantie ne poit aler so-
sonc la nature des tenementz par le cus-
tome. &c. mes tant solement selonc la
forme del comen ley, car si le tenant en
taille soit seisie des tenementz en burgh
english, lou le custome est que toutz les
tenementz deins mesme le burgh deuoient
descendre a le fitz puisne, et il discō-
tinua le taille oue garrantie. &c. et ad is-
sue deux fitz, et mozt seisie des autres
terres ou tenementz en mesme le burgh
en fee simple a le value ou plus de les
tenementz tailles. &c. vncore le puisne
fitz aura un forme donec de les terres
tailes, et ne sera mie barre par le gar-
rantie son pier, coment que assetz luy
descendist en fee simple de mesme le pier
seloncqz le custome. &c. pour ceo
que le garrantie descendist a son
eisme frere qui est en pleine vie.

Garrantie.

& nemy sur le puisne. En mesme le maner est de collateral garrantie fait de tielx tenementz lou le garrantie descendist sur le eisme fitz. &c. ceo ne barrera mie le puisne fitz. &c. En mesme le maner est de tenementz en le countie de Kent, queux sont appellees Gavelkind, les queux tenementz sont departables enter les freres. &c. solonc la custome. Si ascun tiel garrantie soit fait par son ancestre, tiel garrantie descendra tant solement al heir qui est heir al comen ley. s. al eisme frere solonc la conusance del comen ley, et nemy a toutz les heirs queux sont heirs de tielx tenementz solonc le custome.

Item si tenant en le taile ad issue deux filles par diuers ventres & mozt, & les filles entrent, & un estrange euz disseisist de mesmes les tenementz, & lui deux releffa par son fait a le disseisor tout son droit, & oblige lui & ses heirs a garrantie, & mozt sans issue, en cest cas la soer qui suruesquist poit bien entrer & ouster le disseisor de toutz les tenementz, pour ceo que tiel garrantie nest pas discontinuance ne collateral garrantie a la soer qui suruesquist, pour ceo que ils sont de demy sanke, & lun ne poit este heir a l'auter, solonc le cours del comen ley. Mes autrement est, lou y sont

pfont files del tenant en taile par vn
mesme ventre.

CItem si tenant en le taile lessa les te-
nementz a vn home pour terme de vie,
le remaindre a vn autre en fee, & vn col-
lateral ancestre confirma lestade del te-
nant a term de vie, & oblige luy & ses
heires a garrantie pour term de vie del
tenant a term de vie & mozt, & le te-
nant en le taile ad issue & deuie, oze lis-
sue est barre a demander les tenementz
par brief de *Formedon* durant la vie le
tenant a term de vie, par cause del col-
lateral garrantie descendu sur lissue en
le taile. Mes apres le decesse de le te-
nant a term de vie lissue aura vn brief
de *Formedon*. &c. Et sur ceo ico ay oye
vn reason, que cel cas prouera vn autre
cas. s. si vn home lessa ses terres a vn
auter, a auer & tener a luy & a ses heirs
pour term dauter vie, & le lessor mozt
viuant celui a qui vie &c. & vn estrange
entre en la terre qui lheure le lessor luy
poit ouster. &c. pour ceo que en le cas
prochein auantdit, entât que home poit
obliger luy & ses heires a garrantie al
tenant a terme de vie tantsolement du-
rant la vie le tenant a term de vie, & cel
garrantie descendist, al heire celui qui
fist le garrantie le quel garrantie nest
pas garrantie denheritace, mes tantsole-

Garrantie.

mient pur term dauter vie, par mesme le
raison, lou tenementz sont lesses a vn
home, a auer & tener a luy & ses heires
pour term dauter vie, si le lesse mozt
vivant celuy a qui vie, sō heir aura les
tenementz, viuāt celuy a qui vie. &c. car
ils ont dit, que si home grant vn annui-
tie a vn auter, a auer & perceuer a luy
& a ses heires pour term dauter vie, si le
granteee mozt. &c. apres son mozt, son
heir aura lannuitie durant la vie celuy
a qui vie. &c. quere de ista materia. Mes
lou tiel leas ou grant est fait a vn home
& a ses heirs pur term dās: En cest cas
l'heire le lesse ou le grantee naura vn-
ques apres la mozt le lesse ou le grātee
ce qui est issint lesse ou grante, pur ceo
que est chatel real, chatelx realx par le
comen ley viendra al executours del
grantee ou del lesse, & nemy al heire.

En ascuns cases il poit estre que
coment que vn collateral garrantie soit
fait en fee. &c. vncoze tiel garrantie poit
estre desete & aniente. Sicomme tenant
en taile discontinua le taile en fee, et le
discontinue est disseisic, & le frere del te-
nant en le taile releffa par son fait a le
disseisour tout son droit. &c. oue garrā-
tie en fee, & mozt sans issue, & le tenāt
en le taile ad issue & deuie, ore l'issue est
barre de son accion par force del colla-
teral

teral garrantie descenda sur luy, mes si
 apres ceo le discontinue enter sur le dis-
 seisor, donques poit l'heire en le taile
 auer bien son accion de forme done. &c.
 pour ceo que le garrantie est amente et
 defete, car quand garrantie est fait a un
 home sur estat, que adonques il auoir, si
 l'estat soit defete, le garrantie est defete.
 Sur cel en mesme le maner est, si le dis-
 continue fait fessement en fee, reseruant
 a luy un certain rent, & pour defaut de
 paiement un recetre. &c. & un collateral
 garrantie del ancestre est fait a celui
 fesse, qui ad estat sur condicion. &c. et
 mort sans issue, coment que cel gar-
 rantie descende sur issue en tail, vncore
 si apres le rent soit aderere, & le dis-
 continue entra en la terre, donques au-
 ra issue en taile son recouere par brief
 de forme done, pour ceo que le collateral
 garrantie est defete. Et issint si aucun
 tel collateral garrantie soit plede en-
 uers issue en le taile en son accion de
 forme done, il poit monstrier le mater
 come est auant dit, coment le garrantie
 est defete. &c. & issint il poet bien main-
 tener son accion. &c.

Etem si tenant en taile fait un fesse-
 ment a son vncle, & puis l'uncle fait un
 fessement en fee ouesqz garrantie. &c.
 a un autre & puis le fesse del vncle, en-

Garrantie.

feffa areremain, lūcle enfee, & puis lūcle enfeffa vn estrange en fee sans garrantie, & morust sans issue, & le tenant en taile morust, si lissue en le taile voile porter son brief de Formedone enuers lestrāge qui suit darrein fee & ceo par luncle, lissue ne sera vnques barre par le garrantie qui suit fait par le vncle, al dit primer fee de son vncle, pour ceo que le dit garrantie suit defete & anient, pour ceo que luncle a luy reprist cy grād estat de son primer feece, a qui le garrantie suit fait, sicome mesme le feece auoit de luy. Et la cause pour qui le garrantie est aniet en ceo cas est ceo. s. que si le garrantie estoieroit en sa force, donques luncle garrātera a luy mesme, qui ne poit estre. Mes si le feece fesoit estat al vncle pour term de vie ou en tail, sauant le reuercion. &c. ou que il fait done entaile al vncle, ou vn leas pour terme de vie, le remainder ouster &c. en cest cas le garrantie nest pas tout oustremēt aniente, mes est mis en suspence durant lestat que luncle ad. Car apres ceo que lūcle est mort sans issue. &c. dōques celui en le reuerciō ou celui en re remainder barreroit lissue en taile en son brief de Formedon par le collateral garrantie en tiel cas. &c. Mes autrement est, lou luncle auoit auxi grande estate en la

en la terre de le fessce, a qui le garrantie
fuit fait come le fessce auoit de luy, cau-
sa patet.

Item si luncle apres tiel fessement
fait oue garrantie ou releas fait par
luy oue garrantie soit attainit de felony
ou vtlage de felony, tiel collateral gar-
rantie ne barrera my ne greuera lissue
en le taile, pour ceo que par le attainder
de felony le sanke est corrupt enter
eux. &c.

Item si tenant en taile soit disseisie
& puis fait releas al disseisor oue gar-
rantie en fce, & puis le tenat en taile est
attainit ou vtlage de felony, & ad issue &
mozust, en cest caz lissue en taile poit en-
trer sur le disseisor. Et la cause est, pur
ceo que rien fait discontinuance en ceo
cas forsqz le garrantie & la garrantie ne
poit descendre al issue en taile pour ceo
que le sanke est corrupt parenter celui
qui fist le garrantie & lissue en taile. Car
le garrantie tous foits demurt a le co-
men ley, & la comen ley est, que quand
home est attainit ou vtlage de felony, qz
vtlagary est vn attainder en ley, que le
sanke parenter luy & son firs, & tous
autres queux seront dits ses heires est
corrupt, issint que rien p discet poit dis-
cẽdre a ascũ qui poit estre dit sũ heir par
le comẽ ley. Et la feme de tiel home qui
issint

Garrantie.

issint est atteint de felony, ne sera sa-
mais endowe de les tenements son ba-
ron issint atteint. Et la cause est, pour
ce que homes plus eschuerent de faire
aucun felonies. Mes lissue en taile quant
a les tenements tailes nest pas en tiel
cas barre, pur ce que il est inherite par
force de le statut, & nemy par le courz de
comen ley, & pur ce que tiel attander de so-
pier ou de son ancester en le taile ne luy
oustera de so droit p force de le taile &c.
Item si tenant en taile enfeffa son
uncle, le quel enfeffa un autre en fee
ou garrantie &c. si apres le fessce par
son fait releffa a son uncle tous ma-
ners de garranties, ou tous maners
de couenants reals, ou tous maners de
demandes, par tiel releas le garrantie
est extient. Et si le garrantie en cel cas
soit plede enuers le heire en taile, qui
porta son brief de forme don pour barre
le heire de son accion, si le heire auoit le
dit releas & ceo pledest il defetera le ple
en barre. &c. Et mults autres cases et
matters y snt, par queux home poit de-
feter garrantie &c. Et est a scauoir, que en
mesme le maner come garrantie collate-
ral poit estre defete per matter en fait ou
en ley, en mesme le maner poit lineal
garrantie estre defete. &c. Car si l'heir en
taile porta brief de forme do, & un lineal
garrantie

garrantie de son ancester enheritable per
force de le taile soit plede enuers luy,
que ceo que assets luy descendist de fee
simple, que il ad per mesme l'ancester qui
fist le garrantie, si l'heir qui est deman-
dant poit adnuller & defeter le garran-
tie, ceo suffist a luy. Car le discent des
autres tenemenz de fee simple ne fait ri-
ens pur barrer l'heir sans le garrantie. &c

C Cy ensuit la somme
des Chapiters de cel
present liure.

Que ieo ay fait a toy mon fits
troyz liures.

Le p^rimer liure est de estate
que homes ont en terres & te-
nements, cest ascauoir.

De tenant en fee simple. Ca. 1

De tenant en fee taile. Ca. 2

De tenant en fee taile apres possibilitie
dissue extient. Ca. 3

De tenant par le cartesy Dengleter-
re. Ca. 4

De tenant en dowre. Ca. 5

De tenant a term de vie. Ca. 6

De tenant pour term des ans. Ca. 7

De tenant a volunte par le commun
ley

Tabula.

| | |
|--|-------|
| ley. | Ca. 8 |
| De tenant a volonte par custome del maner. | Ca. 9 |

¶ Le second liure.

| | |
|-------------------------|--------|
| De homage. | Ca. 1 |
| De fealtie. | Ca. 2 |
| De escuage. | Ca. 3 |
| De seruice de chivaler. | Ca. 4 |
| De socage. | Ca. 5 |
| De frank almoign. | Ca. 6 |
| De homage ancestre. | Ca. 7 |
| De grand sergeantie. | Ca. 8 |
| De petit sergeantie. | Ca. 9 |
| De tenure en burgage. | Ca. 10 |
| De tenure en villenage. | Ca. 11 |
| De rents. | Ca. 12 |

¶ Et ceuz deux peties liurez seoyent fait a toy pour le melior entendre certaine chapiters de les anciens liures de tenures.

¶ Le tierce liure.

| | |
|--|-------|
| De parceners. | Ca. 1 |
| De iointenants. | Ca. 2 |
| De tenants en comen. | Ca. 3 |
| De estats de terres & tenementz sur condition. | Ca. 4 |
| De descents qui tollent entrics. | Ca. 5 |
| De continuel claime. | Ca. 6 |
| De | |

Tabulc:

| | |
|---------------------|--------|
| De releasses. | Ca. 7 |
| De confirmacions. | Ca. 8 |
| De attur nements. | Ca. 9 |
| De discontinuances. | Ca. 10 |
| De remitters. | Ca. 11 |
| De garranties. | Ca. 12 |

E saches mon firs que ieo ne voile
 que tu creyes, que tout ceo que ieo
 ay dit en lez ditz liurez soit ley: car
 ieo ne ceo voile enprendre ne presumer
 sur moy. Mes de tielx choses qui ne sôt
 paz ley, enqueres & apprendres de mes
 sages maisters appzises en la ley. Nîet
 meins coment que certainz choses queux
 sont motes & specifics en les ditz
 liurez ne sont pas ley, vncore ti-
 elx choses feront toy plus apte
 & able de entendre & appzender
 les arguments & les reasonz
 del ley. Car par les argu-
 ments et les reasons en
 la ley home plus tost
 auendra a la certein-
 tie & a la conu-
 sance de la
 ley.

Lex plus laudatur, quando ratione probatur.

Imprim
ted at Lōdō in Flete-
strete within Temple
barre, at the sygne of
the hand & starre,
by Richard Tot-
till, the. xxvij.
date of Oc-
tober.

Anno domini. 1557.

*Cum priuilegio ad impres-
sionem solum.*

